

Digitales Brandenburg

hosted by **Universitätsbibliothek Potsdam**

Codex Diplomaticus Brandenburgensis Continuatus.

Sammlung ungedruckter Urkunden zur Brandenburgischen Geschichte.

Raumer, Georg Wilhelm von

Berlin, 1833

Ukrunden welche die Regierung der Churfürsten Albrecht Achilles und Johann Cicero von 1470 bis 1499 betreffen.

urn:nbn:de:kobv:517-vlib-11294

U r k u n d e n

welche die Regierung der Churfürsten Albrecht Achilles und
Johann Cicero von 1470 bis 1499 betreffen.

„Gott half, daß wir eine eheliche Richtigung erlangten
und wollte eher todt sein, denn daß wir eine
schändliche Richtigung aufgenommen hätten.“

(Worte Churfürst's Albrecht Achilles.)

Faint, illegible text at the top of the page, possibly bleed-through from the reverse side.

H E R N O D E R

welche die Regierung der Ebnurischen Provinz Schiller und
Johann Gieronen von 1770 bis 1800 betreffen

Der Herr, der die Welt erschaffen hat,
und nicht nur die Welt, sondern auch
den Menschen, den er erschaffen hat,
hat die Ehre, die er ihm verliehen hat,
zu bewahren.



1953/538

I. 1471. Notiz über die Huldigung Churf. Albrecht Achilles.

Als der durchlauchtig Hochgeborn Fürst und Herr Herr Albrecht Marggrave zu Brandenburg des heiligen Romischen reichs Erzkamrer und kurfürst zu Stettin pomern der Cassuben und wenden Hertzog, Burggrave zu Nuremberg und fürst zu Rugen ic. nach abgang seins bruders Marggrave Fridrichs seliger gedechtnus, am Sontag nach allerheiligen tag, der myndern zall Im Ein und sibzigisten Jare hieher gen Coln In seiner gnaden kurfürstlich Wohnung und besess das Slos daselbst komen ist Haben seinen gnaden personlichen in gegenwertigkeit und beywesen beyder seiner Sone Marggrave Johannsen und Marggrave Fridrichs Burgermeister Ratmanne gewercken und gantzen gemeynde beyder Stette Berlin und Coln, am Mitwochen darnach erbhuldigung gethan. So ist sein gnade mitsamt Marggrave Johannsen darnach umbgeritten und haben allenthalben In seiner gnaden kurfürstenthumen fürstenthumen und landen erbhuldigung genomen und am Donerstag nach Lucie wider hieherkomen Hat sein gnade den Erwidrigen In gott Herrn Fridrichen Bischoven zu Lubus Ludwigen van Eyb und Lorentzen van Schaumberg Hofmeister ic. beschiden und bevolhen, die lehen zu leihen und also verlehenwart zu nemen, Remlichen für ein schock oder ein stuck geltz, ein schock oder stuck, für ein Wispel Roeken gersten Wayhs und alles ander bartens fornes ein schock, für ein wispel haberns ein halb schock, für oberst und nyderst gericht ein schock und für ein kirchenlehen ein schock Nachdem dann ein yder Burger und gebawr der Herrschafft von seinen lehen die er von der Herrschafft hat zu empfahung der lehen, so oft das zu schulden kompt ein Jar nutz zu geben schuldig und pflichtig ist Alsdann solichs in alter loblicher gewonheit herkomen ist Und ist soliche verleihung der lehen gescheen von Weyhenachten bis uf mitsasten Im 72ten und mit einem yden seine lehen angeflagen, wie dann hernach aigentlich geschriben stett und lehenpflicht gescheen In massen hienach volgt

Ich glob und swer dem Irleuchten Hochgeborn fürsten und Herrn Herrn Albrechten Marggraven zu Brandenburg Cursürsten ic. meinem gnedigen Herrn zuvorn us und seiner gnaden menslichen leibs lehenserben getrew gewer und gehorsam zu sein Ir gnaden schaden zu bewaren und fromen zu werben Auch meine lehen nyndert anderst zu vorrechten dann vor seinen gnaden und seiner gnaden lehenmanen und ob ich icht verzwigner lehen west oder nachmals erfur die allweg zu melden und zu offenbarn und alles das zu thun, das ein lehenmann seinem Herrn schuldig und pflichtig ist getreulich und ungeberlich als mir gott helff und die heiligen.

II. 1470. Markgr. Johann nimmt Soldner zu Gartz an.

Wir Johannis ic. Bekennen ic. das wir Kleine merkein myt hundert gesellen, die In unserm Dinst zu Gartz ligen In unserm Dinst und zolt ufgenohmen und entfangen haben, Nehmen sie uf und entphaen sie gegenwertigen myt duffem briff, und sie haben uns one uff sagent ein halb Jar Dinst globt und zu gesagt, In unser Stat Gartz oder wor wir Irer bederven zu sein und zu bliben, dieselb unser Stat Gartz getrewelich zu verwarten, und nach alle Iren vermogende In guten uf sehnde und hute zu halten, das uns und unsern landen nicht schade dorann entstehe, als wir In des zugetrewen und globen, dorvor wir

Im alle woche, und Solichen knechte Achtzehnen Brandenburgische groschen zu gold geben sollen, vor zolt und kost und alle monat Solichen zolt halb abezalen und wann das halbe Jar denn ume Ist, So wollen wir In Iren zolt und was In doran hinderstellig, und noch nicht usgericht ist, geben und bezalen, und wollen In auch vor redlichen und beweysslichen schaden stehn, und ab wir Irrig von des schaden wegen worden So sollen wir des bey unfern Hauptluten zu Gartz bliben, Wann wir obir derselben unfer Dinst knechte nicht lenger haben wollen, So mogen wir In absagen wann uns das lustet, doch sullen wir In achtage zuvor zu sagen, geben zu Newen angermunde am montag nach Bartholomei 1470.

III. 1471. Churf. Albrecht vergleicht sich mit der Markgräfin Katharina wegen ihres Leibgedinges.

Wir Albrecht 1c. Bekennen 1c. als die Hochgebora fürstin unser liebe Schwester frau katherina geborn Hertzogin von Sachsen Marggravin zu Brandenburg 1c. witwe In vergangen Zeyten durch den hochgebornen fürsten unsern lieben Bruder Marggrave Friderichen Seliger und loblicher gedechtnuß Frem Selichen gemaheln Irer Widums verleyppgedingt und nach notturfft verschriben und versorgt worden ist In laut der briefe darüber Sagende, Wir auch solcher Irer verschreybung und versorgnusse nach erpietung auch geneiget und gutwillig gewest sind sie zu solchem Frem leypgeding an alle Insag oder verhinderung komen zu lassen alsdann das die billichkeit wol uff Ir getragen hat, hat aber dieselb unser liebe Schwester wol bedacht und gewegen das sie durch manigerley ursach nemlich Irer krankhait und unvermogenheit halben Irs leybs und von ander mercklicher beweglichkeit wegen verhindert sey das sie der Regierung und aufrichtung Irs leypgedings nicht vorgesteen noch das selb nach Frem nutz und besten nicht außgerichten-moge darumb so haben sich Ir liebe und wir mit gutem freiem und eigem unser beider willen und auß zeyttigem vorrate freuntlich und gutlich von solchs leypgedings wegen mit einander geeinet und vortragen In hernachgeschribener maß und also das die obgenant unser liebe Schwester Ir lebtag bey uns und unsern Sönen In dem Slos zu Coln In solchen gemachen Camern und Stuben als sie izund ist und wonet bleyben und wonen sullen und wollen, darzu Ir drey Camern die vor Irer stoben sein do izund noch Innen wonen fur Ir gesind eingeben werden und bleyben sullen, was auch an solchen gemachen und Camern Davens halb Es wer an venstern oder andern sachen notturftig zu machen sein wurd, das sollen wir unser Sone und Erben pflichtig sein zu machen von dem unsern und sie nicht, wir unser Sone und erben Sollen unser lebtag Irer liebe verpflicht und schuldig sein mit zwentzig personen ongeverlich mit essen und trincken zu versorgen schicken und geben und damit genzlich versehen von dem unsern Nemlich sol man Ir allweg ein fürsteneffen geben wie man unser gemaheln gibt und pfleget zu geben deßgleichen Iren Hofmeister Hofmeisterin Junkfrawen maid knecht und diener wie man der genanten unser gemaheln Hofmeister Hofmeisterin Junkfrawen Maid knechte und diner gibt und pfleget zu geben Irer liebe kellner soll auch einen eigen keller fur Irer liebe gedranck sunderlich haben darzu nyemands den schluffel haben sol noch zu gebieten denn derselb Ir kellner, Witembergisch Ezerwischer und alle ander hier die In der Marck gebrawen werden sol man Irer liebe zu Irer person und Eren genug geben und schicken und ir gesind alles mit tranck halden und geben In massen unser gemaheln gesinde mit getranck gehalten und geben wirdt, fur kostlich getranck und zu Iren Eren sol man Ir verpflichtet sein und alle Jar geben ein Lagel mit Malwasier ein Lagel mit Reinsal und ein Lagel Welschwein, wenn auch die herschafft hie hof holdet und ist, was denn die Herschafft gedrencks sich gebrauchet und trinckt das sol man Ir auch pflichtig sein zu geben zu Irer person wan sie des begert und des nicht versagen, dischtücher Handtücher stabliecht schlechtlichecht von Talck und Talck zum nachtstein Holtz füre Irer Tornitzen alle badegelt fur sie und Ir gesinde die wochen eins, Schw fur

sie und zwelff person zu Ir ieglicher person ye uber vier wochen ein par Schw sollen wir und unser erben auch verpflichtet sein zu geben und aufzurichten und wenn Irer liebe Junckfrawen eine mit Irer liebe und unserm willen beraten wirt Sollen wir Ir zu Hofgab Hundert gulden mitgeben, unser wescherin und die zu Hof weschet sol Ir und der Irn gerete auch waschen In massen bis uff dise Zeit gescheen ist uff unsern und unser Erben und nicht uff Irn lon, auch sol man Ir alzeit einen wagentnecht mit zwey wagenpferden schicken wann sie zu bad faret das sie daran nicht gefawmt wirdt, uber solchs alles wie vor berurt ist Sollen wir und unser Erben der obgenanten unser lieben Schwester zu und fur alle ander Ir notturfft zu geben verpflicht sein und geben alle Jar funffhundert und zehen guldin Reinisch oder sovil münz an groschen oder pfennigen als ein Reinischer guldin zu einer yeden Zeit gelben wirdt, welcher Summ gelz wir sie igund verweist haben uff den Orbeten der hernachbenanten unser Stette und ende, damit Ir lieb uff ein yede Zeit als sulchen orbete Zerlich geballen und außgericht werden Sollen der vorgeannten Irer Summ nach anzal wie obset bezalung gescheen sol Nemlich vierzehen und hundert Schock zu Berlin und Coln Sechs und dreyszig schock uff walspurgis Im Jol zu Oderberg, vier und dreyszig schock zw Bernaw vier und zwentzig schock zw der trewen Britzen, eyndlff schock zu Witenwalde Siben schock zu Rawen funff schock zu Trebin und funff und vierzig schock zu Stendel darvon Ir liebe alle Jar Zerlich und eins yeden Jars besunder der vorgeannten funffhundert und zehen guldin nach anzal wie vorset on allen verzug uff schwb oder yemants ver hinderung außgericht und bezalt werden sollen, uber solch wie vorberurt ist, Sollen wir und unser erben Irer liebe fur Ir leyppeding und auch sunst nichts verpflichtet oder schuldig sein zu geben oder aufzurichten In keinerley weyß on geverde und daruff hat die obgedacht unser liebe Schwester uns und unsern Erben Ir leyppeding mit aller Irer gerechtigkeit so sie daruff und darann gehabt hat und haben mag ubergeben und sich derselben ver zihen, doch gang mit solchem außgeding und underscheide das sie der brief Irs, vermachten leyppedings von unsern brudern seligen und uns Irer liebe verschriben und geben bey Ir behalden und ob In kunftigen do got vor sey alle sach und außrichtung genglichen wie vor berurt ist die Ir und den Irn gescheen sol Ir nicht gehalten wurd, das sich Ir liebe dann an Ir vorschriben und gemacht leyppeding halben moge on unser und unser erben hinderniß so lang bis Ir alles daß außgericht ist worden so wir uns und unser erben kein Ir verschriben haben In massen obgemelt ist, wann auch die Brobstie zu Bernaw todes halben verledigt wirdt, fur wen dann die gemelt unser liebe Schwester biren wirdet dieselben zu leyhen demselben sol die gemelt Bropstey so oft die ledig wirdt durch uns oder unser erben allzeit gelihen werden und sunst keinem andern und das dis alles stet vest und genglich gehalten sol werden haben wir mit gutem wolbedachtem Rat unser Innsigel an disen brief lassen hengen und des zu merer urkund und bekräftigung So haben wir den hochgebornen fursten unsern lieben Sone Hern Johansen Marggraven zw Brandenburg 2c. sein Innsigel auch zu dem unsern hiran lassen hengen das wir iggenanter Marggrave Johans also gescheen bekennen, Geben zu Coln an der Sprew Am Montag Sand Martins des heiligen Bischoffs tag 1471.

Siehe: Band 1. p. 236.

VI. 1471. Churf. Albrecht macht Werner von Schulenburg zum Hauptmann in Gartz.

Wir Albrecht 2c. Bekennen 2c. das wir uff heut dato disß briefes unnsern lieben getrewenn Wernern von der Schollenborgk zu Rate und diener usgenommen und zu unnsern Hauptmann zu Gartz bestellt haben fur unnsere Stat und land doselbst Auch unnsere soldnere gerechsig und fueßknecht Also das er dem allen getrewlich vor sein sol nach allem seinem vermogen Er soll auch vleissige fürsorg und uffwar-

tung thun und haben damit sie versichert, auch unnsr straffen getrewlich geschutzt und geschirmt werden und niemants ungeburnuß verhängen noch selber thun Sie auch In dbeheinen wege besuern Sunder bey loblichem herkommen hallten und pleybenn lassenn Noch Ine nichts abenemen oder rheynerley besweringe zuzyhen anders dann Ob die gereiffigen oder Fuesknecht nicht getrew gehorsam oder vleissig sein wolten des das er Ine besilhet mag er sie darumb straffen an iren leiben und der Burger halben Ob die ettwas verbrechen auch alle ander gebrauch Solle er an unns gelangen lassen Dar Inne unnsr meynunge zu erlernen ungeberlich In allen weg unnsers pestes thun und furnemen nach seiner verstentnus Er soll auch 15 pferd gereiffiger darunter unnsr zolner zu Garz einer sein sol und die andern alle werdlich usgenomen einen knaben den er haben mag one unnsern schaden hallten Es were dann das er an den gereiffigen pferden von veindten oder In unnsrem dinst schaden entpfing oder verderbet, Oder das er oder seine knecht gefangen wurden; Sollen wir Ine die selben schaden nach erkentnus unnsers marschalcks pflichtig sein zu bezalen Auch sie nach geburnus irer fengknus zule digen und was er auch von veindten erubrigt das sol er unns zusten lassen Außerhalb des das an ein perwt gehort nach erkantnus unnsers marschalcks mag er perwt, Er soll auch unns In unnsrem kriegen wider meniglichen hilff und beystandt thun und sunderlichenn unnsrem zolner zu Garz In seinem Ambt getrewe Hilff und Handthabunge thun alles getrewlich und ongeverde Als er unns des dann Handtgebende glubd getan und zu got und den heiligen gesworn hat und wir sollen und wollen auch dem genanten wernherrn uff solch gereiffig und fur seine dinst diß Jar aufrichten und bezaln 5 hundert Rheinisch gulden der wir Im zu diser iegigen CotteMBER Hundert gulden bereyt gegeben haben und die ubrigen 400 gulden bezalen sollen alle CotteMBER Hundert gulden. Gescheen und geben zu Newen Unger mund am Donnerstage nach Conceptionis marie 1471.

V. 1471. Churf. Albrecht nimmt Georg von Bulow auf Gartow in Schutz.

Wir Albrecht zc. Bekennen zc. Als unnsr Räte und lieber getrewer Jorg von Bulaw tor Gar-
tow gesetten uns als seinen landtsfursten gelobet und tosecht heft uns als ander unse man to dinen gehor-
sam getrewe und gewartig to seinde und sic mit demsulven Slote Gartow und aller seiner tobehorunge In
unnsr sunderliche schuttunge und beschirmynige geseth und geven heft, dat wy en myt dem genanten Slote und
aller syner to behorunge In unnsr sunderliche beschuttunge und beschermunge upgenommen und entpfangen hebben
und glick ander die unnsr verteidigen wollen nemen und entphaen in also In unnsr sunderlike beschuttunge und
beschermynge In obgeschribener maß Jegeinwertig mit Craft und macht diß briefs Scholen und willen en myt
deß genanten Slote und aller seiner zugehorunge glick ander die unnsr beschutten beschermen und verdegedingen
na unnsr pesten vermogen Als wy em des als den unnsr pflichtig sint getrewlich on geverde unschедlich yder-
mann an seinen rechten. Geben zu unnsr alten Stat Soltwedel am freitag na elizabeth 1471.

Siehe das Landbnch Karls 4. p. 40.

VI. 1472. Ehepacten der Markgr. Barbara mit Herzog Heinrich von Glogau.

Wir Albrecht von gottes gnaden Marggraue zu Brandenburg kurfurst zc. Bekennen u. s. w. das Wir
angesehen betracht und zu gemüt genomen haben solchen freuntlichen und guten Willen darinn unnsr vorfaren
vater und Bruder Marggrauen zu Brandenburg zc. seligen und loblichen gedechtnus mit des hochgebornen Fur-
sten unnsers lieben Oheims und Sones Herrn Heinrichs Herzogen in Elesten zu grossen Glogaw und Croffen zc.

vorfahren seligen auch mit seiner lieben langzeit gewest und Herkomen, der fusttrappen nachzuolgen wir geneigt
 sind, uns gegen denselben unsern lieben Dheim und Sun Herzog Heinrichen auch dermaß zu halben das wir
 dann widerumb an Im genehigten und guten Willen den er zu uns tregt mercklich empfunden, darumb und uff
 das nun solcher unser beyder guter will bekräftigt und zu vollkommner freundschaft zwischen uns gezogen werde,
 So haben wir uns in dem namen des allmechtigen gottes umb befreiung willen unser beyder land lewt und
 unterthanen, die also pey und aneinander gelegen sind, des uns yder dem andern wol hantreichung thun, dadurch
 wir beyde dieselben Unser land und lewt destpas pey fryd und eynikeit behalten schutzen und schirmen mogen
 mitenander einer freundschaft geehnet und vortragen inmassen hirnach volgett und also, das wir dem obgenanten
 unserm lieben Dheim und Sun Herzog Heinrichen die hochgeborne furstin und liebe tochter frawlein Barbara
 zu dem sacrament der heiligen Ee versprochen zugesagt und gelobt haben, Versprechen geloben und sagen dem-
 selben unserm lieben Dheim und Sun Herzog Heinrichen zu fur uns und unser erben pey unsern furstlichen
 Burden und trewen mit und in kraft dis Brießs das die obgenant unse liebe tochter frawlein Barbara densel-
 ben unsern lieben Dheim und Sun Herzog Heinrichen sopald sie zu iren volkomen Jaren kumen ist zu dem
 sacrament der heiligen ee und einem eelichen mann nemen soll, als sich dann der genant unser Dheim und Sun
 Herzog Heinrich yzund auch widerumb verschriben und verpflichtet hat, in lawt seins Brießs, das er das heilig
 sacrament der Ee mit der genanten unser lieben tochter so sie zu iren volkomen Jaren kumen ist volziehen, Sie
 zu der Ee nemen, dieselben ee nach Cristenlicher Ordnung vor dem angesicht der kirchen erwidiglich volfuren und
 alsdann das sacrament der heiligen Ee mit eelichem peyeinander slaffen volbringen sollen und wollen, Dopey
 ist auch abgeretth das wir dem genanten unserm lieben Dheim und Sun Herzog Heinrichen zu der genanten
 unser lieben tochter frawlein Barbara zu rechtem heyratgut sechstausent guter reinischer gulden geben, Welch
 sechstausent gulden wir oder ob wir nicht weren, das got gnediglich geruch zu verhütten, unsere erben dem
 genanten unserm lieben Dheim und Sun Herzog Heinrichen inn der nechsten Jarsfrist nachdem er wie obgenant
 ist eelich peygeflaffen hat, gülich und onverzichen bezalen und aufrichten und Im dorumb unsern schuldbrief mit
 notturfteiger Versorgnus vor uberschickung unser tochter als sie peyflaffen soll gegen den hernach gemelkten Vor-
 weisung und verzyg briven uberantworten sollen und wollen, Im auch die genanten unser liebe tocht-
 er so sie zu iren volkomen Jaren kumen ist und er sich eelich zulegen will bis in seinen hoff do er
 sollich peylegen furnemen würdet, on seinen schaden schicken mit einer Vertigung Nach unsern eren,
 dogegen und widerumb soll und will der genant unser lieber Dheim und Sun Herzog Heinrich der
 genanten unser lieben tochter frawlein Barbara sechstausent gulden reinischer zu Widerlegung und dorzu
 ein Morgengab nach seinen eren geben und ir die sechstausent gulden heyratgut mitsampt der sechs-
 tausent gulden Widerlegung und der Morgengab, die er ir benennen und geben würdet, nach nottorfft
 versichern und verschreiben uff allen seinen Länden und Lewten, die er yzund hat und pey seinem Le-
 ben uberkomen, Also ob er vor ir mit tod abginge und nicht leiplichen eelichen erben
 mit ir hinter im verließ, das sie sich alsdann nach seinem tode füre sollich heyratstever Widerle-
 gung und Morgengab allem und yglichen seiner Länd lewt Slos Stet furstlichen obrikeit und gerecht-
 keit mit allen nügen Zünften gülten Kennten zu und angehörungen, ganz nichts außgenommen, gebrau-
 chen und dermit thun und lassen soll und mag als mit dem und mit den iren, und so sie alsdanne
 auch mit tod abgangen ist so sollen die sechstausent gulden heymstever mitsampt den sechstausent gulden Wider-
 legung uff ir nechst erben wider gefallen und mit der Morgengab an Silbergeschirre kleynott kleydern und allem
 dem das ir zu Vertigung mit geben ist und auch dorzu ob ir der vorgevant ir eelicher man ichts von kleyno-
 ten geben hat, damit mag und soll die genant unser liebe tochter pey irem leben und an irem tottbett zu thun
 und zu lassen haben, die umb irer sele hail willen oder sunst iren freunden wenn sie will zu verschicken zu ver-
 schaffen oder zu vergeben nach irem Verlusten und was sie des also pey irem leben oder an irem tottbetten
 nicht verschafft oder vergeben hat, Soll auch iren nechsten erben gefallen, Solch yzgenant Versorgnus und ver-

schreibung soll auch der genant unser lieber Dheim und Sun derselben unser tochter vor dem aussuren als sie Im peyzulegen heymgeschick wirdet volfertigt uberantworten lassen und ir nach den Innhalte allspald solchs alle die seinen huldigen geloben und sweren lassen ir also zu gewarten und ob sich herenach durch schickung des allmechtigen gottes begeben das der genant unser lieber Dheim und Sun mit der obgedachten unser lieben tochter kinder uberfomen, darnach vor ir abgeen und sie auch die kinder eyns oder mer nach seinem tod hinter Im verlassen würd So soll doch die obgenant unser liebe tochter pey solcher egedachten irer Versorgnis und verschreibung der Landd nach irem Innhalte ungehindert sitzen und pleiben So lang bis ir von denselben iren kindern oder von der kind wegen die obgenant ire heymstever Widerlegung und Morgengab nach aller notturfft versichert und versorgt worden ist uff Sundern Slossen Steten gutern und zugehorungen, mit namen freienstat Slos Stadt und Lande, Grunenberg Stat und Lande beyde mit allen iren zugehorungen, dovon sie ob zwey tausent gulden jerslicher gewisser Zinnß gultt und nuzung wol habhafft sein, do sie dann auch an den beyden ennden und in ydem ire woung fürstlichß stands und wesens wol gehalten moge und haben soll, Wo aber dieselben Slos, Stet guter und zugehorung ob zweytausent gulden nutz und gelbes nicht ertragen soll ir das mit anderem erstatt und volkumentlich vergenuget werden, pey dem allen die genant unser liebe tochter alsdann auch in lebtag auß iren Beyßiß und gebrauch haben und nach irem tod uff ir nechst erben gefallen soll, Ob auch geschee das gott der allmechtig nach seinem willen stellen woll das die vorgenant unser liebe tochter vor irem eelichen Mann mit tod abging und nicht leipliche erben von ir beyden leiben geboren hinter ir verliesse, So soll der genant unser lieber Dheim und Sun sein lebtag einen peyßiß haben pey den vorgeschriben sechstausent gulden die Im mit unser lieben tochter zu heyratgut geben sein und wann er von tods wegen abgangen ist, So sollen dieselben sechstausent gulden uff unser lieben tochter nechste erben unsers stamens gefallen, Wo sie aber erben hinter ir verließ von ir beyder leib geboren es weren sün oder tochter eyns oder mer, sollen dieselben sechstausent gulden heyratgut uff dieselben erben gefallen und pey In pleiben. Aber umb ir Morgengab Silbergeschirr kleynot cleyder und alles das das ir zu Vertigung mit geben und auch dorzu ob ire der vorgenant ir eelicher Mann nichts von kleynoten geben, das sie auß irer macht wie vorgenant ist nicht verschafft oder vergeben hat, soll demselben irem eelichen Mann on alle Widerrede iren erben und meniglich pleiben, und umb alle und ygliche solche Versorgnis sollen der genannten unser lieben tochter von unserm Dheim und Sun Herzog Heinrich notturfftige Versehen gescheen das sie deßhalb: von meniglich an Irrung und eintrag pleiben. Auch soll auch die obgedacht unser liebe tochter vor irem peyßlassen uff das obgenant ir heyratgut und Vertigung die ir mit gegeben wirdet, verzeihen alles betterlichen mutterlichen und bruderlichen erbes und guts, es wer dann das von dem Haws zu brandenburg unsers Stamens kein menlicher erb vorhanden were, So soll sie erben was ein tochter nach maß unsers herkomens und bruderschaft von pillichkeit erben soll und was sie also erben würde, von derselben Summe soll ir der obgenant ir eelicher mann alsdann auch verweisen nach anzal wie hiervor des obgemelten heyratguts Widerlegung und Morgengab halben angezeigt ist und gescheen soll. In solchem Verzig soll auch der obgenant unser lieber Dheim und Sun Herzog Heinrich verwilligen, der mit seinem und unser tochter seiner gemaheln Insigelln versigelln und uns oder unsern erben den mitsambt den Verweisung brieven gegen den schuldtbrief uberantworten den wir Im umb die sechstausent gulden heyratgellts ubergeben lassen, also das die uebergab solcher brief aller und auch die huldigung der Landd wie vor genant ist eyns mit dem andern zugee alles getrevelich Sunder arglist und genzlich ongeverde, des zu Urkund mit unserm anhangenden Insigell versigellt der geben ist zu Coln an der Spreew am Donnerstag nach sant Kilians des heilligen Bischofs tag 1472.

Siehe v. Lancizolle p. 331. v. Ledebur Archiv 2. 167. An demselben Tage zu Köln stellte Herzog Heinrich einen gleichlautenden Revers aus.

VII. 1472. Huldigung der Crossenschen Landschaft.

Wir huldigen geloben und Ewren der hochgeboren fürstin und frauen frauen Barbaren geboren Marggravin zu Brandenburg ꝛc. und herzogin in Slesien zu Crossen und grossen glogaw unser gnedigen frauen getrewe gewertig gehorsam und hold zu sein, Iren frommen zu werben und Iren schaden zu bewaren, Ir auch mit allen Zinsen Renten Dinsten oberkeiten und herlichkeiten zu gewaren, Ob sie unsern gnedigen heren herzog henrich Iren eelichen gemahel oberlebt und das sie mit tod abginge, eber unser gnediger herre vorgeanter eeliche Werk mit Ire wurckt, unsern gnedigen herrn Marggraven Albrechten van Brandenburg Cursursten ꝛc. und seinen erben zu gewarten biß so lange, das sein gnaden edder erben entrichtet sein alles das man Iren gnaden nach laut der eebribe und verschreibung von widerfals wegen schuldig und pflichtig ist zu entrichten, alles getreulich und ungeverlich, Als uns Gott hilft und die Heiligen.

VIII. 1472. Graf Heinrichs von Stolberg Wernigerode Huldigung.

Wir Heinrich ꝛc. Grave zu Stolberg und here zu Wernigerode bekennen das wir die Grafenschaft zu Wernigerode, die Borgk und Stat daselbst mit dem ganzen Lande mit allen Zugehörungen pfantschaften gerichten, allen Berckwercken Lehenen geistlichen und werltlichen, mit allen gnaden freihaiten herlichkeiten und gerechtigkeiten mit Zachten mit fischereien mit Clostern und dorffern In der Stat und darauß gelegen, Auch sunderlich mit allen geistlichen lehen in die grasschaft Wernigerode gehorende, Als nemlich alle geistlich lehne uff dem Thume zu sandt Silvester daselbst zu der himmelpforten, ein Monchecloster zu Ilseburg, ein monchecloster und Ebtze das Dorff drubeck mit dem Junckfrawencloster darinnen, das Dorff Langelu mit dem hofe deutsch ordens darinnen, das Dorff zu Wasserler mit dem Junckfrawencloster dar Innen und Sekensiede und das Dorff darvor und sußt mit allen und iglichen andern Slossern, Steten, merckten Dorffern und zugehörungen die ikundt zu der genanten Graveschafft gehoren und auch vormals darzu gehort haben nichts nicht darvon außgelossen, In allermaße als die unnsr lieber Vater dem got gnade herre Bothe Grave zu Stolberg und wernigenrode seliger gedechtnus Ingehabt besessen und uff uns Als seinen naturlichen Son gebracht und geerbt hat, von dem Irlauchten hochgeboren fürsten und herrn herrn Albrechten Marggraven zu Brandenburg des heiligen Romischen Reichs Ergkammerer und kurfurst zu Stetin pomern der Cassuben und Wenden herzogen burggraven zu Nuremberg und Furst zu Rugen ꝛc. unserm gnedigen lieben herrn zu rechtem Manlehen empfangen, Siner gnade und seinen Erben und nachkomen Marggraven zu Brandenburg gehuldiget gelobt und mit ufgerackten fingern zu got und den heiligen geschworen haben, getrewe gewartig und gehorsam zu sein, seiner gnade seiner erben und Irer herschaft schaden zu wenden und fromen zu werben, als ein man seinem lehen und erbherrn thun sol, Auch pflichtig und schuldig ist getrewlich und an geverde, und wir obgenanter heinrich Grave zu Stolberg und zu Wernigenrode und unsere menliche liebs lebens erben Sollen und wollen nu hinfurder meher die genanten Graveschafft zu wernigenrode mit dem ganzen Lande, Allen und iglichen gutern darinn und darzu gehorende mit allen geistlichen und werltlichen lehen, Manschaften, Slossen, Steten, merckten, Dorffern und sußt mit allen andern zugehörungen gerichten, gnaden, freyhaiten, herlichkeiten und gerechtigkeiten, Als igt und vormals darzu gehort haben von dem genanten unnsrem gnedigen lieben herrn seinen erben und nachkomen und der Marggraveschafft zu Brandenburg zu rechtem manlehen haben nemen und empfangen, als oft und dicke des not geschyt, In davon halden thun und dinen damit und darvon getrewe wartende und gehorsam sein Irenn frommen zu werben und schaden zu wenden, als ein mann seinem lehen und erbherrn zu thun pflichtig und schuldig ist on arg und geverde. Es sollen auch Slos und Stat Wernigenrode mit allen andern

Elossen Steten und zugehörigen des genannten Lands und der Grafschaft Iernigenrode des obgenannten unsers gnedigen lieben herrn seiner gnaden erben und nachkomen Marggraven zu Brandenburg offnungen sein zu Allen crigen, noten und geschefften legen allermeniglich, nymands außgenommen, An alle geverde. Bezuge sind des die hochgeborenen fursten wolgeborenen, Edeln, wirdigen, Gestrengen, Erbaren und vesten unser gnediger lieben herrn Marggraven zu Brandenburg Ludwig und Jacob gebrudere Graven von Lindow und herrn zu Ruppin, Eitel Fridrich Grave zu Zoller, Jorg Grave zu Helffenstein, Gebhart von Ebbenstein herr zu Munsingen, Er balzer von Sliwen tumprobst zu Lubus und thumherr zu Magdeburg, busse von der Schulenburg, busse von Alvensleve Ritter, Ludwig von Eyb der eltere, Lorenz von Schawenberg, Jacob von Bertensleve, Arndt von Luderis und Ander mer der unnsere genug gelowwirdigen, zu bekentnis haben wir u. s. w. unnsere Ingesigel, geben 1472 am Freytag nach sand Jorgen des heiligen Ritters und meriterers tag.

IX. 1472. Churf. Albrecht legitimirt eine unehliche Tochter Georgs von Arnim.

Wy Albrecht ic. Bekennen ic. dat uns unnsere lieber getreuer Gorges von Arnim Borger In unnsere Stat Stendal heft lathen underrichten von dat he heft eyne dochter Dscke genant die an irer gebort nicht fullenkomen Sundern In uneliken lebende geboren sy und doch umme togent und redelicheit willen So he an er erkennet wol geneyget were, er seins gudes med thu deylen Sy In eelich lebendt thu bestedigen, Betrachtet doch darby So sy von duffer werlt scheyden und versterven, dat sulck gut Als he or geven an die overn hant und gerichte verfallen und em affhendich worde Als denne nicht umbillichin geschege und hefft uns darumb mit flite demudiglich bidden lathen, die genante sine dochter eelich thu maken und die sunderlike gnade thu donde efft sie eelike kinder gewinnen dat die er gut erben und est sie one eelike kinder versterven worde dat ere nagelaten gudere an em und syne erben wedder komen und fallen mochten und wann uns Nu von unnsers Ampts forsurslicker werde und forslicker oberkeit wegen Sulcks thu donde wol geboret Auch als Landes furste wol getemet die unnsere die one ere schult In unwerde und smahunge erer gebort gefallen syn mit sundern gnaden thu entheben So hebben wy des genannten Gorges demodige sitige bede of togent und redelicheit der genannten siner dochter angesehen und die sulve sin dochter eelich gemaket und sie mit der gnade und friheit begiftiget Also dat sie als eelich geboren sint alle der Have und gudes die er de genante er Vater geven hedde edder noch geven worde entphengig sin und wat er also Have und guder von den sulven eren vader gegeben were edder worde, dat sie dat alles und yglichs up ere liffliche eelike kinder efft sie dy gewinnen erben moge efft sie aber nicht liffliche eelike kinder gewunne, dat denne solike ere gudere an den genannten eren vader wedderkomen und fallen mogen Wy maken sie so eelich und dhun er sulke gnade In maten oven geschreven mit Jegenwertiger Crafft und macht diß brives, willen und ordenen dat der genannten Dscken sulke unnsere begnadunge und freyheyt siebde vaste gehalten und van nymande verbroken schal werden an arch und geverde. Coln an der Sprew am freytag na unnsere liven freawen tag Assumptionis 1472.

X. 1472. Churf. Albrecht vereinigt den Abt zu Neuenzelle mit Otto Schenk von Landsberg wegen des Zolles zu Fürstenberg.

Wir Albrecht ic. Bekennen ic. Als denn die Wirdigen und Edeln unnsere Rete, liben andechtige und getreuen, Er Cristoff Abt zu der Rawen tzele und Otto schenk von landsberg Herre zum Tups

Sidow 2c. zwitragt und schelinge mit einander gehat haben, umb den halben Zol zu furstemberg und etlich ander guter, Hufen und gerechtikeit In des genanten Abpts dorffern und eiginthumen, Haben wir sy mit unsen Neten, mit beider part willen und sulbort fruntlich und gutlich entscheiden, Also das derselbe Schenck ott ummb gots, seiner eldern und seiner selen selikeit willen zu einem ewigen Testament vor sich und alle sein erben, dieselben obgenanten guter und alle gerechtikeit, dy er oder sein erben daran gehat haben, oder haben mochten dem genanten gotshus und Abt zu der Rawen Zelle, und allen seinen nachkomen williglich obirgeben und uf gelassen hat, Also das er oder sein erben, den genanten Herr Cristoff und alle sein nachkomen Ebte und das gotshuß zu der Rawen tzele, darumb nymmer betedingen oder anlangen sollen In keinerley weise Also haben Wir umb des genanten Abts und Schencken bete, Auch zuserst umb gots unser und unser vorfarn eldern und nachkomen selen selikeit willen, zu solcher gabe, als ein landes furste und oberlehnherre solcher guter, unser willen und sulbort gegeben Auch confirmirt und bestetigt und dem genanten Abt und seinem gotshuß und nachkomen solche guter vorberurt, zu rechtem ewigen eigentumb voreigent Confirmiren u. s. w., darvor sal der genante Herr Cristoff Abt und Alle seine nachkomen Ebte zu der Rawen hellen die Zwey besgencknus alle Jar ewiglich unser Herschafft, als das von In vor herfomen und gehalten worden ist, an abeganck halden, bestellen und fleißiglich got vor unser aller selen bitten. Geben zu Coln an der Sprew Am Sontage vocem Jocunditatis 1472.

XI. 1472. Vereinbarung der Stadt Brieggen mit dem Kiez daselbst wegen der Fischerei und der Stadtreiter.

Wir Albrecht 2c. Bekennen 2c. Als dann etliche Irrung und schelung gewest ist tusschen unsen lieben getrewen Borgermeistern und Ratmannen unnsrer Stat Brieggen an der Oder von Irer und der ryther wegen an einem und den fytzern daselbst am andern teyle, von etlicher water holte Rore grasen und vischeren wegen wo sich dat denn tusschen In begeben hest, des halven wir sie durch den gestrengen unnsren Rat und liven getrewen Nickel puel Ritter in beywesen peter Borgstorps und Werner puels unnsers vogtes to Custrin, ock unnsrer rede und liven getrewen hebben vereynen und entscheyden laten als des genanten ern Nickels brive darover gegeben klerlichen Innholt und uthwiset, die von worde to worde ludet als hirnach volget, Von wegen des Irlichen Hochgeborenen fursten und Herrn Herrn Albrechte Marggrave 2c. hebbe Ich nickel puel ritter mit hywesen siner gnaden Rede also peter Borgstorps Marschalk und werner puels voydes to Custrin sulke twidragt und schelunge als die Rad to der Brieggen von erer wegen und der Ryther wegen gehat hebben mit den fytzern, von Water holte Rore grasen und vischeren wegen also entscheiden mit beyder Parte willen und vulbort also hirma volget, dat die kyher ore erffwater beholden scholen mit rore gresungen und vischerien wu sie die von older gehatt hebben, die frye water die der Herschop syn die scholen und mogen sie ock vischen, und na oren besten sich gebruken, uthgenohmen die vir frye water als die Bukenitze Passche Rittz und die grote stobberow die der Herschop alleine bliven und nymant vischen sol one sunderliken willen der Herschop, und die garnethoge In den fryen watern Ock die Enden Jacht to siner tyde wo sie die von older gehat hebben, scholen sie auch vortan beholben und dorumbe sie die fryen water alleyne vischen vor einen ydermann ungehindert Scholen sie der Herschop alle Jar up sunte Merken ein thunn gudes Hechts geben, Korholt und gresinge, dat up und by die frye water yß, der schal sich nymant gebruken on der Herschop wille, ouck schall nymant den andern to nahen stellen, so vake dat schege schol hiran der herschop twe punth Pepyrt verfallen syn, ouck schol nymant die frye water to erffwater maken, Wy dat dede, die schal an die Herschop gebroken hebben, ouck mogen die kyher eren watern

volgen, dat up den Winkel geht beth an den graben dar die wyden stan vor ydermanne ungehindert, up gemne syt den wyden scholen sie nicht macht hebben to stellen, ouck scholen die kyger up der Burger Huwen oder wesen dem water nicht forder volgen wente an die graben die dar vor sind, dar die widen upstan, wenn ock dat water vellet, so mogen die Borger der grunt volgen und der gresingen genyten to fute und nicht to kan, doch also dat sie dar nicht to waden do man einen kan furn kan, der Stat schol bliven also hirna volget, von den Stat graben an by dem kyge so die erste pal gesettet yß, vort by dem wende stich hen so die ander pale stan beth an die fule sehe und vort byß an die Capro dat yß an die Schultendorpsche veltmarke Wat Nor graß Holte vischerien ouck enden to erer tyd syn binnen dem affgeteikenden freytze des mag die Rad sich to der Brizen gebreken also ere eygendhom und nicht wider, auch von der ryther wegen dar vele twibracht iß gewesen tusschen den kyhern und der Stat ryther, So dat die koupman an sinem gude vake gefuhmet yß worden Iß besproken und beteyndigt mit beyder part wille, dat die Rad to der Brizen by ryther alleine hebben und bestellen schal na notturfft dat die koupman an hym gude nicht gehindert werde odder gefuhmet, und die kyger darmede nicht to donde scholen hebben, ouck vorder na duffem entscheyt nymant ryten schal Sunder wenn die Rad zur Brizen dartho setten und bewilligen wert, dat sie na notturfft des koupmans bestellen scholen, To orkunt hebbe Ick nickel puel ritter myn Ingesigel laten hengen unden an duffen open brive, die gegeben und geschreven yß 1472 an dem avent unnsere liben frawen wortwohung und wann nun die obgenanten unnsere rete solcke bovengeschriben berichtinge und entscheyt tusschen den obgenanten Partyen von unnsere sunderliken bevelhung gescheffte und geheytes wegen gehandelt und getan hebben, So bewilligen und volbortten wy den obgenanten entscheyt bevesten und bestetigen und confirmiren den von ffurflicker vorreyt wegen als langfurst und Marggrave to Brandenburg kurfurst u. s. w. Actum am montag element. 1472.

XII. 1472. Churf. Albrecht ertheilt der Stadt Garz Zollfreiheit.

Wir Albrecht zc. Erkennen zc. Nachdem uns der Allmechtige got auß seiner milden gute zu der wirde kurfurflichs standt und Wesens erhehet hat, das wir durch sein gottlich gnad mit tegelicher merung und auffung unser landt und leut furgesehen sein und werden, Erkennen wir billich schuldig und pflichtig denselben unsern landen und leuten mit guter regirung nach unnsere hogsten und besten vermogen getruwelich und emsiglich vor zu sein und den Lehnen die uns zu sulchem gutwillige Hilff In der gehorsam mitteiln, das wir die purden der sorgfeligkeit bester leichter tragen mogen, widerumb gnad hilff und furdrung zu erzeigen, die wyle wir aber mercklich erkennen auch statlich empfunden haben den grossen willen den unser liebe getruwen Burgermeister Räte gewercken und burger gemeintlich unser Stat Garz In dem angefelle des furstenthumbß Stettin und pomern zc. darzu sie auch gehören, das uns von gotlichs rechten wegen mit anderm zuset, dar In sie sich vor andern als die gehorsamen gehalten zu uns als Frem rechten erbherrn und landesfursten gethan mit gutwilliger Darlegung irer Leib und guts, das sie bißher getreulich zu unnsere lieben bruder Marggraven fridrichen seliger gedechtnisse und uns mit mercklichem Frem schaden der In darunder auß den Zweileufften und kriegen deshalben entstanden erwachsen ist gesetzt haben, So nemen wir auch billich zu gemute sulch Ir voltat damit sie sich anfangs So gutwillig fleissig und ernstlich beweisen haben und noch hinfurder on Zweivel gern und williglich thun werden und sullen, darumb und das alles angesehen So haben wir In und Iren nachkomen widerumb zu ergeßlichkeit Irer scheden und das sie sich auch hinfurder bestbas und fulkommenlicher zu befrunge und usnemung der Stat Garz und ir selbs mogen enthalten, die gnad gethan und sie gefreiet, Begnaden und freien sie auch hirmit wissintlichen und mit guter vorbetrachtung fur uns und aller unnsere erben und nachkomen In Crafft diß brives Also das sie und alle Ire nachkomen die beerbte und be-

fessene burger In der gemelten unser Stat Garz sein und y zu zeyten beerbte burger auch heußlich
 und heblich In der stat sitzen und wonen werden und nicht psalburger seint nro furbas ewiglich an den hir
 benanten unsern Zollen uff wasser und zu lande mit Iren leiben und aller Irer eygenen habe und gut die
 In und denselben Iren beerbten Burgern semplich odder sunderlich zu steyt das dan ein yder der also an die
 Zolle komet, der Stat zu Garz offin besigilten brive haben und zaigen sol das er also Ir beerbter Burger
 und die habe und das gut das er furet edder durch schicket wissentlich sein eygen sey Sunder einicherley drogen
 odder falscheit ganz allerdingt Zollfrey schiffen farn und wandeln mogen und sollen und sulchs Zoll halben mit
 aller Ir Handlung und Hantirung zu ir selbs behuf nutz und notdurft ganz und gar umbelastiget und umbes
 swert sein und bleiben von uns und unsern erben und nachfomen Auch allen unsern Amptleuten den unsern und
 meniglichs von unsern wegen getrewlich Sunder argelst und on alles geverde und wir gebieten und bevelhen
 auch daruff allen unsern Hauptleuten Amptleuten Boyten Zolnern und sust eynen yden dem unsern, das Ir die
 genanten Burger der obgedachten unser Stat Garz, die ykund und hirnach als obset dasebst beerbte Burger
 sein und die Urfunde und brive von der Stat Garz In obingeschriben maß furbringen und zaigen, an allen und
 yglichen unsern hernach benanten Zollen und Zolsteten, Nemlich zu Brandenburg Berlin Spandow
 postamp Copenick, Newenstat Eberßwald, Trebbin Custrin Oberberg, Pirraden und Lockeniz
 mit Iren leiben habe und guts wie obgerurt ist In Iren henden und hantirung uff wasser und zu lande Zoll
 ffrey und ungehindert und on alle beswernus fursaren, Ine auch als den unsern von unsern wegen furdrung
 gunst und guten willen beweisen und erzeigen wellet, daran tut Uns ein yder sunderlichen wolgefallen und unser
 ernste meynung mit gnaden zu erkennen und vormittelt diser vorgeschriben gnade und gabe Sollen auch alle ire
 privilegia Confirmations gewonheit und gerechtikeit Als sie das dann In Iren besitzungen und gebrauchungen
 durch die wolthat Irer getruwen dienst bey der Herschafft und den landen beweiset herbracht haben und noch
 hinfurder wol thun und verbynnen sullen und mügen bestetiget sein und wir bestetigen auch auß sunderlichen unsern
 gnaden In Crast diß brives den obgenanten von Garz und allen der selben unser Stat Inwonern alle und
 igliche ire privilegia Confirmaciones gut gewonheit und gerechtikeit von weme und wie sie die In laut irer
 brive daruber sagende haben, das In das alles also stet vest und unverbrochenlich gehalten werden sol getrewlich
 und on alles geverde. Datum Coln an der Sprew Am Dienstag nach Judica 1472.

XIII. 1472. Churf. Albrecht belehnt die von Leipziger mit dem Ländchen Bernwalde.

Wir Albrecht ic. Bekennen ic. das fur uns komen sind unser lieben getrewen Casper und Cristof
 fer gebruder die von leyptzke genant zu Bernwalde geseßen und haben uns mit demutigem fleiß
 ersucht und gebeten das wir Ine dise hernachgeschribne stücke und guter die sie von uns und der Marggraves
 schafft zu Brandenburg zu lehen haben gnediglich geruchten zu verleyhen, mit namen das schloß Bern
 walde mit dem ackerwercke darzu gehorende und dem Stetychen darvor gelegen mit den dorffern meynstorff
 Hermerstorff wyperstorff weyssen kossyn mit dem geholze und weyden genant das kessiner luck, My
 now das dorff und die obgenanten dorffer alle mit dienst und gericht obersten und nydersten In felden und In
 dorffern, mit acker geholzen wesen weyden und aller ander nutzparthey und zugehorung so die genanten dorffer
 In Iren vir Meynen von aller herfomen gelegen sint und sie von alter gewonheit gehabt haben und das kirch
 lehen In den dorffern meyenstorff wyperstorff und kossin und sunderlich mit den acker wesen und geholt
 zen die ruwende und gelegen sindt bis an den abstorffer gewerfft, an der Sachsischen greniz gelegen und die
 Holze genant die halbe Myntten horst auch an der Sachsischen greniz gelegen und die Holze ligende bis an
 den blogwegk oder krachbusch an derselben grenze zu Magdburg gelegen und dy kynhorst, ein felt ackers und

gehölze gelegen Am lande zu Sachsen, also sie das genante Sloss mit der obgenanten seiner zugehörung von unserm Rate und lieben getrewen Jorgen von Wallenfels ritter gekaufft haben, des haben wir angesehen solch der genanten Caspers und Cristoffers fleißige bete und getrewe willige dinste die sie und Ir vorfarn unsern vorfarn und uns bisher gethan haben und hinfur wol thun sollen, und In das genante Sloss Bernwalde mit aller und yglicher seiner obgenanten zugehörung zu rechtem Manlehen und gesampter Hant gnediglich recht und redlich vorleihen und leyhen In das gegenwertiglich mit Crafft und macht dis briefs, also dassie und alle Ire menliche leybs lehenserben das nu furbaß mit seiner obgenanten Zugehörung von uns unsern erben und nachfomen der Marggraveschafft zu Brandenburg zu rechtem Manlehen und gesampter Hant haben, und das so ofte das not ist nehmen und empfangen, das getrawlich vordinen uns auch getrewe gehorsam und gewartig darvon sein sollen als Manlehens recht und gewonheit ist Wie sie uns auch deshalben lehenspflicht gethan gelobt und geschworn haben und von besunder gunst und gnad auch getrewer williger dinste wegen die uns und unsern lieben brudern seligen Albrecht von leyptz des genanten Caspers und Cristoffels von leyptz bruder gethan hat haben wir In und allen seinen rechten Menlichen leybs lehens erben an dem genanten Sloss Bernwalde und seiner obgenanten zugehörung eine rechte gesamte hant verlehnen Also ob der genant Casper und Cristoffer oder einer von In one menliche leybs lehens erben abgeen und versterben wurde, das dann der genant Albrecht und seine rechte menliche leybs lehens erben all an dem obgenanten Sloss und aller seiner zugehörung eine Rechte gesampte hant haben sollen als gesampter hant Recht und gewonheit ist und wir verlehnen In hiran alles das was wir In von rechtes wegen verlehnen sollen und mogen, uns unsern erben und nachfomen an unsern und sunst yedermeniglich an seinen rechten unshedlich. Datum Coln an der Sprew am Dinstag nach Jubica 1472.

XIV. 1472. Churf. Albrecht verleiht der Stadt Briegen das Gericht daselbst.

Wir Albrecht ic. Bekennen ic. das wir unsern lieben getrewen Burgermeistern und rathmannen unser Stat Briegen an der ader gelegen, zu rechtem manlehen gnediglich verlehnen haben das gericht daselbst mit disen hernachgeschriben gutern Zerlichen Zinsen und renten Mit namen Sechs groschen von einer yglichen Hufen vor der genanten Stat Briegen uff der veltmarck gelegen doch das die huben bey irn Wirthen bleiben und den nicht abgezogen werden Item den Ruden zins Nemlichen von einer ruden gibt ein yder zur Briegen wonhaftig drey scherff Item ein yglicher Hantwercker daselbst gibt vier pfennig zu venster gelde Item von zweyen garten zwischen beyden thorn von einem yglichem funfzehn groschen Item ein gart pey der alten scheffereyen gibt newn grosch. Item der gart pey dem lize zinsset vierzehn groschen Item die folgarten geben vierzehn groschen Item uff sant Walpurgis tag geben alle vissere In der Stat und uff dem lize ein yglicher drittehalben pfennig zu knyffgelde, Item ein yglich sollter von molden gibt drey scherff, Item die knoekenhawer geben ein halben stein Dalsch uff Martini Item den dritten teil am Stetgelde das dar gefallet zu Witfasten und uff palmen Item von einem yglichen die von uswendig hinein komen und erbe fordern und nemen wirdt zwölff grosch. Item von allen bruchen die darzulvest In unser Stat Briegen gefallen auch den dritten pfennig und sunst mit allen andern seinen zimphen nutzen genießen zugehörungen freihaiten und gerechtikeiten nicht;it davon usgenomen und In aller maß wie das Martin rode Inmehgehabt und genossen hat und das an unsern rate und lieben getrewen Ern Nickeln pful komen ist von dem sie solch gericht Zerlich zins und rente kaufs weiß an sich bracht haben und leihen den genanten Burgermeistern und rathmannen unser Stat Briegen und irn nachfomen solch gericht Zerlich zinnß und rente Also das sie und ire nachfomen das nun hinfur von uns unsern erben und der Marggraveschafft zu Brandenburg zu rechtem manlehen haben und so ofte des not thut empfangen, Uns auch dorvon halten und thun als solcher lehen recht und gewonheit ist, Wir verlehnen

In auch hiran was wir Ine von rechts wegen verleihen sollen und mogen, doch uns und unsern erben an unsern und sunst yderman an seiner gerechtikeit unschendlich und unengolsten on geberde. Geben zu Coln an der Sprew am Mittwoch nach Judica 1472.

Siehe Band 1. p. 188.

XV. 1472. Revenüen des Vogts zu Arneburg. Die Vogtei wurde am Sonnabend vor Nativit. Mariae dem Arndt von Luderitz verschrieben.

Diser nachgeschriben Rente und uppboringe soll sich Arndt von Luderitz als ein vont und ambtman to Arnborg gebreken na Innhalte siner verschreibung:

An korn Roggen gersten und Havern,
 Dile Reckeling giff des Jars 4 schepel gersten
 Cordt maß 4 schepel roggen
 kerstan kalibe 8 schepel roggen
 Hinrick Belitz 6 schepell roggen
 Hermen wilkensche 4 schepel roggen
 Item des ackers tor Borgh sind 3 Hufe und Renten tofamen des Jars 40 schepell roggen
 Item de Bede to Marsan 5 schepel hardes korns und 5 schepell havern
 Item to Hindenborgh 4 wispell havern

Alles zu gelde angeflagen den Roggen und gersten den schefel für 3 ß. und den havern den schepel für 16 pf. angeflagen facit 7 schock 24 groschen 2 pf.

U p b o r u n g a n g e l d

Hindenborgh 9 Hovener und 9 kosseten Giffte yßlic Hovener 1 schock und yßlic kossetener 8 schilling
 facit 11 schock 12 groschen

Baben 7 Hovener geben des Jars 3 schock 18 groschen
 der kosseter darsulvest 7, und ein wuste ist noch ein Jar frie, giffte ißlic 8 schilling
 facit: 1 schock 24 groschen

Hassell, dar sind 9 Hovener die geben tofamen 1 schock 30 groschen
 Lutke Elling dar sind 5 hovener dy geben tofamen 3 schock, die kossetener darsulvest giffte yßlic des Jars 8 ß., facit 36 groschen

Bareko dar sind 2 hovener geben des Jars tofamen 1 schock 11 groschen 2 pf.
 twe kosseten darsulvest geben tofamen 21 groschen

Item dinstgestt dat sich alle Jare to arnborg pleget Intobenemende 26 schock 32 groschen

Item der fere to arnborg sovil der ertragen magh geachtet uff 4 schock

Item die wische over Elbe Sovil die ertragen magh geachtet up 6 schock

Item die vis vischer to Arnborgk und Storkaw giffte yßlicker von einem kane 2 schock negennawghen
 zu gelt angeflagen geachtet up 8 schock

Item to Starkaw des Jars einen kass für 15 groschen angeflagen

U p p b o r u n g e a n h u n e r n

Albrecht Swan giffte des Jars 30 Huner

to Belitz 45 Huner

to Bartkow 36 Huner

Summa der Humer

1 schock 51 Humer, zu geltt angeflagen ein Hun fur 6 pf. facit 1 schock 23 groschen 2 pf.

Summa Summarum alles obgeschriben von getraid geld Wißchen tollten fare Hunern und vischen zusamen geflagen wie obgeschriben, ist 46 schock 31 groschen.

XVI. Um 1472. Markgr. Johann verzeiht dem Thomas Blanckenfelde die Beleidigung des Richters zu Berlin.

Wy Johans zc. Bekennen zc. dat wy unnsen liven getruwen Thomas Blanckenfelde Borger In unnsere Stat Berlin von solicker worth wegen, die sich tusschen unnsen Richter tom Berlin unde em In unde vor gerichte verlopen unde begeven hebben Nemlich dat hie to dem Richter gesecht schal hebben, dat hie unrecht gericht scholde hebben, dar wedder dem Thomas Blanckenfelde gesecht hefft dat hie des nicht geredet hefft, sundern wat hie geredet hefft dat hebbe hie up unnsen gelehts brieff geredet, unde tyhet sich des up der Schepfen getuchnisse, wu dem allen, esst hie wat daran gebraken hebde unde butsellich were worden gen uns unde unnsere Herschap wu denn dat gescheen were, solichs alles von besunder gunst unde gnade wittlich togegeben unde verlaten hebben Seven em solichs alles to uth sunderlickem gnaden unde verlaten en dar mit aller tospracke dessulven halben In unde mit crafft desses brives. Intra octavas Epiphanie s. a.

XVII. 1472. Churf. Albrecht ernennet Jacob von Polen; zum Landvogt in der Neumark.

Wir Albrecht zc. Bekennen zc. das wir uns uff hewt mit unserm Boyt zu Schivelbein Räte und lieben getrewen Jacoben von polentz geeynet und vertragen haben wie hernach geschriben steet und also das wir den genanten Jacoben von polentz zu unserm landvoigt In der newen Marck uber oder uff genommen haben die selben unser land an unser Stat zu Regieren, uns damit gewarten und unser und unnsere Herrschafft nutz frumen und bestes nach seiner hochsten verstantnuß und vermogen getrewlich handeln und furnemen sol Er sol auch niemands In dem obgenanten land seiner landvoigtei beswern oder bedrangen, In zu nutz auch von den gemelten kein schanckung oder gab nemen das der Herrschafft oder den Inen zu schaden kumm Sundern was zu nutz auß solchem gefallen mag das uns und unnsere Herrschafft zu zuwenden. Auch so sol der genant Jacob von polentz In allem dem das uns und unnsere Herrschafft einzunemen zu steet nicht einnemen noch davon außgeben Sunder das unser castner Hofmeister und Zollner den das befolhen wirdet an einem yeden end einnemen lassen, doch außgenommen die Boytey Schivelbein und Dramburg sol er einnemen und uns darvon unnsers teyls rechnung und aufrichtigung thun, was er auch von Verspruchnus pruchen buß und sellen In seiner landvoigtey erferet darauß uns und unnsere Herrschafft nutz entsteen mag, das er dann auch guten fleiß thun und haben sol, dasselb alles sol er mit und In bewiesen eins yeden Castners oder Hofmeisters In des ampt dann solchs wer, betedingen und handeln uns und unnsere Herrschafft zum besten und was darvon gefellet das sol der Castner oder Hofmeister einnemen und berechnen der Herrschafft zu gut Er sol auch die Castner, Hofmeister und zollner zuvoran getrewlich hanthaben und Inen hilfflich und geraten sein damit solchs und was der Herrschafft zu steet und den Castnern Hofmeistern und Zollnern geburet einzunemen zu einer yeden zeit furderlich ein gebracht werde und bei solcher Landvogtey sol der genant Jacob von polentz sein selbsts Kostem verlegung auch

sein wouung und antwesen In unser Stat Arnswald haben, doch ob er ye zu Zeiten In der Boytey zu Schivelbein sein wurd, so soll er seinen Sone an seiner Stat alda haben also das zum minsten allweg Ir einer an iglichem obgeschriben ende sei, doch so sol er selber am meisten In der landboytey hie auffen sein alles ungerlich wie es die notturfft erfordert damit die boytei schivelbein und dramburg nicht desterminder versehen werd nach laut seiner verschreibung, und daruff so sollen und wollen wir Im von solcher landboytey und fur alle obgeschriben sach eins yeden Jars zwey hundert Rheinisch gulden geben und außrichten halb uff Sand Waspurgen und den andern halbt Eyl uff einen yeden Sand Mercks tag, darzu sol Im auch volgen an einem yeden end bei unsern Castnern und Hofmeistern fur seine eigne pferd Rauchfuter von unsern Haiden so sie das gehaben mdgen ungeferlich, Ob auch geschee das der genant Jacob von polenzk an gereiffiger habe gegen den weinden von unsern wegen schaden empfieng solchen schaden sollen und wollen wir Im außrichten wo wir aber mit einander darIm Irrig wurden sol es gescheen nach erkentnuß unser Rette, was auch der genant Jacob von polenzk In solchem Hofverrecken gegen unsern feinden von unsern wegen gewunne das nit an ein bewt gehort sol uns zu steen, doch so sol er kein krieg on unser wissen und volwort anhebben, wo es aber ander mit uns anheben das er nicht fur komen mocht sol er das zu stundan an uns bringen, wo es die Zeit ee er das an uns bringen nit erleiden mocht unsern schaden zu bewaren, das sol er eynlends thun nach seiner besten verstentnuß als ob es sein eigentlich sach wer und doch zu stund an uns oder unsern gewalt gelangen lassen unsern willen zu erlernen wie er sich darIm halten sol und ob er in solchem zu besetzung unser Slosß biß uff unser erkunden was Im besten furnemen, sol gescheen uff unsern kosten. Wo wir In auch In unserm dienst vordern oder schicken, sollen und wollen wir Im außrichtung thun und fur schaden steen als wir andern unsern Reten und dinern In sachenn thon. Der genant Jacob von polenzk sol auch In der genanten Landboytey an unser Stat und von unsern wegen macht haben den Mannen Ire lehen und den frawen Ire leyppgedinge zu verleyhen Sunder außgenommen geistlich lehen gnadlehen und lehen die uff einen leyb stan oder darIm Ir nisse sein, die behalten wir uns selbs zu verleyhen und was darvon zu lehentwar gefellet das sol ein yeder Castner oder Hofmeister In des ampt solch beleyhung geschicht einnemen und uns verrechen, So wir auch den genanten Jacob von polenzk bei solcher landboytey oder er nicht mer dabei bleiben wolt, das sol unser yeder dem andern zuvoran ein Jar auffsagen alles Sunder arglist und on geuerde und des zu Urkund haben wir unser Insigel zu Ruck uff disen briv drucken, der geben ist zu Coln an der Sprew am freitag nach Sand Michaelstag 1472.

In obgeschribener maß hat Jacob von Polenzk wider ein Revers geben mutatis mutandis.

XVIII. 1472. Inventarium des Schlosses Vierraden.

Und als Hanns von Buck das Slosß Vieraden eingenomen hat, haben Ime die von Arnym, das nachgeschriben ubergeantwort, actum am fritage nach des heiligen Newen Jars tag Anno domini 72.

- Item Newn Steinbuchßen
- Item ein farrenbuchß
- Item dreyßehen Hackenbuchß
- Item funf thunnen pfeil
- Item Zehen Armprost die nicht wert sind
- Item ein halb thunnen und ein vierteil pulver
- Item ein morser
- Item ein grot grape In der kuchin

Item ein prew pfanne
 Item drey bodden
 Item ein kessel In backhause
 Item achthalb Wispel rockens

S. Ludwig Reliq. Bd. 9. p. 575.

XIX. 1472. Churf. Albrecht gibt Löcknitz und Penkun an Werner von Schulenburg.

Zu wissen das uff heut Wir Albrecht von gotts gnaden Marggraf zw Brandenburg kurfurst ic. und ich wernher von der Schollenburg uns mit einander geeynet und vertragen haben In massen hernach begriffen ist und also, das ich Wernher ykund von Weihenachten nechstkunftig als mein soldt dorumb ich bissher bestellt gewest pin außgeet, bis uff pfingsten dornach volgend gleichwol mit sechs gereyfigen pferden und knechten zw Gartz sein und pleiben soll, dorumb sollen Wir Marggraf albrecht In uff solch sechs pferd dieselben zeit als vom weihenacht an bis uff pfingsten dornach volgende nach anzal geben als sich uff ein pferd ein Jar dreissig guldin geburet und zw pfingsten soll ich wernher einemen In ambtmansweise das Slos und ambt zw der Loeknitz mit aller zugehorung und den zol doselbst halten als In eemaln die von premtzlaw gehalten haben, desgleichen soll ich Wernher yngenanter auch einemen und In Ambtmansweis Janenhaben das Stettichen penkun, daselbst mit gefallen und volgen sollen die vier huben die uns Marggraf albrechten an der Herschaft zw Stettin mit penkun zugefallen und worden sind Auch die fünf Wispell rockens die uns zw penkun durch abgang des Rosentreters von Stetin ledig gestorben sein und die vier wispell haberns die die von penkun uns Zerlich fur das leger geben, und ich Wernher soll gleichwol haubtmann zw Gartz sein und pleiben und die obgenanten emnd alle versehen und soll alle Jar von pfingsten anzurechen bis wider uff pfingsten mein sollt sein die ganz gewonlich nuzung zu der Loeknitz auch der zol doselbst und die obgenanten stueck zw penkun so uns Marggrave albrechts und unns erben sein und bleiben und dorauff so soll ich obgenanter Wernher von der Schollenburg den obgedachten Steten Slos und Ambten getrewlich und nach allem meinem vermugen vor sein Auch meiner gnedigen Herschaft nuz und bestes furnemen und betrachten und es alles getrewlich handteln pey den pflichten die ich dem obgenanten meinem gnedigen Hern und der Herschaft gethan han und schuldig pin Ich soll und will auch die Inwohner und unterthanen der obgenanten Stet Slos und ambt mit nichte besuern noch auch außershalb meiner gnedigen Herschaft sie anders ymands besuern lassen ungeverlich, und welchem teil unter uns beyden das nicht lenger gefallen will der soll es dem andern vor ein Jar uffsagen, und soll ich Wernher selbst alwegen zw Gartz oder zur Loeknitz mein gewonlich antwesen halten und an welchem emnd ich pin soll ich an dem andern emnd einen erben haben, doch soll ich an allen emnden gewonlich ab und zw reiten alles getrewlich sunder arglist und on geuerde, bis vertrags sind zwue zettell In gleichem laute zwischen unns beyder gemacht dorauff unnsrer yglicher sein Insigell gedruckt und der zettel eine ubernomen hat, Gescheen zw Coln an der Sprew am Montag sandt Lorenzen tag 1472.

XX. 1472. Vereinbarung wegen der geistlichen Gerichtsbarkeit des Bischofs von Verden.

Mein Here van Verden und Sin Richter Sollen In keyner Werkslicken sake over myns gnedigen Hern Marggraven undertan richten Sondern in geistlichen saken Sollen und mogen sy richten So vele und

recht ist, Doch dat myns gnedigen Hern Marggraven undertan butenwendich lands nicht sollen geladen werden, Sulfes heft disse Bisschoppe van Berden, Here Bertolt, meinem gnedigen Hern marggraven Albrechte kurfursten ic. to Soltwedel geredt und gloublich togesaget also to holden, und mit seinen geistlichen Richtern to bestellen, dat idt so sal geholden werden, Actum Soltwedel feria quarta post visitationis Marie 1472.

XXI. 1476. Verordnung wegen der Bürgeraufnahme zu Berlin.

Mein gnediger Herr Marggrave Albrecht kurfurst ic. hat uf heut dinstags sandt Sorgen tag Anno Im 76ten Burgermeister und Camrer New und alt beyder Stette Berlin und Coln besandt und Inen vorgehalten, das sein gnad angelant, das sie etliche verendrung in dem eyde so sie In usnehmung der Burger pflegen zu geben, gethan haben, und es darmit anders halten, denn ir gesworn verschreibung und vertracht der Herschafft geben Inenhalt, doch so mög es villsucht irenthalb uf un Wissenheit gescheen sein, Und wöll sein gnade das sie disen eyde hirnachgeschriben wie vorgesehen geben, und es also halten, das sie einmütiglich angenommen Und dem also zu thon und hinsuro zu halten zugesagt haben In gegenwertigkeit m. heren von Lubus, und ist In daruf des eyds auch ein zetel geantwort und geben worden, als hernachvolget,

Ich glob und swer meinem gnedigen Hern getrew Und geWertig zu sein, seinen schaden zu Wenden und fromen zu werden, und in keiner sach wider sein gnad und die Herschafft wesen, als mir got helff und die heiligen, Ich will dem rath getrew und gewer sein, wenn mich der rath verboth bey tag oder nacht, will ich gerne zum rath komen und ein gehorsam burger sein, bey meinem trewenn und eren.

Item dise nachgeschriben sind diges Jars dorch meinen gnedig Hern Marggraven Albrechten Churfursten und Marggrave Johannsen seinen Son und ir rethe zu Borgermeister und rathmannen der Stett Berlin und Coln gesagt, Actum am Sonabendt nach dem Sontag Quasimodogeniti Anno 76.

Burgermeister zum Berlin. Celestin hynn, Laurentz garnkouffer.

Rathmannen. Michel Heyse. Cristoffel kuntsch. Paul Belendorp. Peter Wolter. Jacob fryberg. Andres Schacht. kerstian Mathias. kerstian Hane. Einwolt Buchholt. Bartholmes Smedeke.

Burgermeister zu Coln. Claus Schult.

Rathmannen. Sweyger. Claus Czabel, Henyngt freig. Hennßlin Roder, Hannß Schonhausen.

XXII. 1476. Churf. Albrecht tritt seine Rechte an Möckern dem Erzstift Magdeburg ab.

Wyr Albrecht von gots gnaden Marggrave zu Brandenburg des heiligen Romischen Reichs Ertzkamerer und Kurfurste Bekennen u. s. w., nachdem als der hochgeboren furste herre Fridrich Marggrave zu Brandenburg unser lieber bruder loblicher gedechtnus unde wir, Slosses unde stat Mokeren halben, mit Inen zugehorungen, mit dem Stifft zu Magdeburg bisher In Inrusse gestanden han In dem das wyr unde unser lieber bruder obgenant seliger, die leben der gedachten Slosse unde stat Mokeren unde Inrer zugehorunge uns zustehen sulde gemeint unde daruff die gemelten Slosß unde Stat den wolgeborenen Johan und Jacoben Graven von Lindow unde herrn zu Ruppin unsern Neten unde lieben getrewen gelihen, unde der erwidigste in gott vater herre Johans Ertzbischoff zu Magdeburg

primas in Germanien ꝛ. unser lieber herre unde vetter seliger unde sein Cappittel dargegen gemeint, das die vorberurten Sloss unde stat Mookern mit Iren zugehorungen Ir unde Ires Erzbischofflichen Stiffts Engenthum sein, unde sie die in redlicher ankunfft unde nutzlicher besizunge gehabt, das wir umb sunderlicher liebe unde fruntschafft, So wir zu dem Erzbischofflichen Stifte zu Magdeburg haben unde das die Egedachten Sloss unde Statt Mookern, mit Iren zugehorungen an der genanten Graven Johan und Jacoben von Lindow handen komen unde von den zukunfftigen herrn des Stiffts zu Magdeburg zu rechtem menlichen lehne gelihen mogen werden, nach lawt einer beteidung des genanten Erzbischoffs Johannes, unde auch Graven Adolffs fursten zu anhalt ꝛ. seligen, der lehen der vil genanten Sloss unde Stat. mookern unde Iren zugehorung, als wir unde unser vorfaren ezliche zeit daran gehabt, mit rechter wissen genzlich abegetreten haben unde treten der abs in crafft dieses brives, Unde weysen In macht dieses selbeten brives, die genanten Graven Johan unde Grava Jacoffen von Lindow, unde Ire lehenserben mit den lehnen Sloss unde Stat Mookern unde Irer zugehorunge, an einen zukunfftigen herrn unde das Stifte zu Magdeburg unde thuen vor uns unser erben unde nakomen Marggraven zu Brandenburg vorzicht In diesem selbten brive alles rechten unde gerechtigkeit, die wir an den vorberurten Slosse unde stat Mookern unde Irer zugehorung gehabt unde in einiger weyse geburen mochten onn Geberde, hirbey unde ober seint gewest unde gegugen die hochgebornen fursten unser lieben Swager unde ohem, herre Johan zu Sachsen, westvalen, Engern unde herre Magnus zu Meklenburg hertzogen, fursten zu Wenden ꝛ. herre Wedego bisschoff zu Havelberg, Woldemar furste zu Anhalt Grave zu Alsschanien, Er Johan Gans von Potlist, Er busse von Alvensleve hauptman in der olden marck, Er Nickel pfull Rytter unde ander mehr gloubwerdigen, zu urkunde u. s. w. Geben zum Welsnack 1476 am Dinstage nach margarete.

XXIII. 1476. Altmärkische Deichordnung.

Wy albrecht von gotts gnaden Marggrave to Brandenburg des heyligen Romischen Rikes erzkemerer to Stettin pomern der Cassuben und Wenden Hertzoge, Burggrave zu Noremberg und Furste to Rugen ꝛ. don kunt alsivem, So denne unsen leven getrewen man und Rede unser siede Schusen und werben, und darumme langt beseten under dem Dyke In der Drencke wanastig uns stittigen hebben vorgebracht und angerichtet, wo etliken de unsen darsulvest ore dyke van Iare tho Iaren In laster ungemaket liggen laten, de de ene doch dicke und vake van man und Steden, Schouweren und Heymryderen tho maken syn gebaden, und doch ein solcks nicht en achten noch gemaket werden, dar denn up dat last unsem lande und unsen leven getruwen darsulvest In der Drencke und untter den bosen dyken beseten ewich verderff, dat godt aff kere, van entstan mocht, Sodanem vartokomende so wol van noden is, hebben wy unser lande best angesehen und dosse na geschreven ordination und geschicknissen ene darup bevestiget und gegeben, dar sich ein yderman In der Drencke beseten, und de dar guber unnder hebben by unsen ungnaden mach weten tho richten, Tho dem ersten weret sake dat de Heymryder der Dyke In der ersten Schowunge yinander baden, de Dyke tho makende also wanliken is, und de In der drudden Schouwynge nicht gemaket weren, und denne nicht en mackede also recht is, So wollen wy und unse gewaldygen Scullen den Jennen beden, und so hebben, dat he scall von stundt wischenheit don, dat unse landt, und de Jenne de under der Drencken beseten sint, van oren argen Dyken nicht beschediget werd; weret sake, dat de sulve neyne borgen vormuchte noch hebben kunde, Scolen unse gewaldigen man und Stede und de under der Drencke sint beseten, also de van Schusen und von werben mechtig wesen also dane guth, also de sulven In der Schouwynge heft, und datt uthdon, und de Dick daraff maken, sunder ymands einsage und widersprake, hebde ock

yemant an sulckem gude to sodan argen dyken belegen, pantschap, Dynsen, Tegeben, lyffgedynge effte ander
 Zuenigen gerechtigeit dem Zennen schalme dorch den unsen oek to seggen, dat he sodan arge dieke angripe und
 make, effte scal von stunt sine rechticheit avergeben alse he daranne hadde. Weret oek sake dat Zemant sodan
 gut mit dem andern In samenden lehne hedde, den schalme toseggen dat he sodan gut angripe unnd syne
 dyke darvan make, by allen gude dat he In der Scouwynge hebbe, hedde oek Zemant Zenigh gude dar quade
 Dyke tho legen und wolde he dat sulven gude myt dem Dyke avergeben und dat up den Dyke steken, de scal
 to dem ersten sodanen synen diek Int loff maken unnd mach denne sodane gut up den diek steken alse dieks
 recht is, mit allem gude dat he In dem gerichte und In der Scouwinge heft, ydt sy tegeben, Dynse, pechts,
 denste, effte gerichte mit aller gerechticheit, neynerleye buten bescheyden und dese sulven schal dat denne den diek
 schouwern titlyken to voren vor der drudden und lasten Scouwynge toseggen, dat he unsen mannen und
 Steden de In der Scouwynge und under Drencke boseten synt, alse dem Rade to Sehusen unde to Wer-
 ben und dem ganze lande, de dartho vorplichtet synth bey towesende, en sulkes wyltyck don, dat se seen und
 horen dat sodans Jo to ga alse dieks recht is und dat up secht mit aller tobohoryngen alse vorscreven is, hedde
 oek ein frawe an cynem gude ore leiffgeding unnd worde dat gut to Swack So dat me de dyke darvon
 nicht holden kunde und dat oek sulkes baven der frawen lyffgedinck nicht so vele rentende, dar men sulcke dycke
 nicht van holden kunde, So scal de frowe von orem lyffgedinge de dyke myt helpen holden, effte sodans nicht
 enschege So scal de gemme de des gudes anwarende is sulke dyke holden, und de maken alse vorscreven is und
 scal dat gut In wehren nemen mit allem rechte, edder he schal den diek Int loff maken, und den sulck gut up
 den diek steken darto myt all dem gude dat he In der Scouwynge hefft, dar dat gut Zan bolegen is, alse
 vorscreven steht, hedden oek etlike unser Manschop Zennige kerken effte geystlicken lene to ligende und heb-
 den se de vorlegen mit sodan gudern under dem dyke belegen edder hedden se menlike lene effte frawen lyffge-
 dinck vorlegen und weme denne sulck gude gelagen were, ydt were geistlick effte werlick, worde denn de Zenne
 versettich effte to Swack, dat he sodan dyke nicht maken kunde noch wolde und were denne oek up der were
 so vele guds nicht to pandende, dar men de dyke mit maken kunde, So scal me den Zennen toseggen de dat
 gut vorlegen heft, dat he solck gut angripe und den diek make, by alsdann gut dat he In der Scouwynge
 hefft, py pene alse vorscreven steht; hedde oek unnsere manne eyn Zennich gude vorlegen, ydt weren menne effte
 frawenn, und storve ene dat gut wedder los, dar quadt diek to weren und wolde denne sodan gut aver geben
 und den diek nicht maken, dat scal se nicht scheen, Man he scal dat angripen und den diek Int loff maken,
 alse vorscreven steht bey allen dem gude dat her under der Scouwynge heft; Weret oek dat unnsere amptude
 und man und Rede uth unsen Steden Sehusen und werben erkennen vor das landes beste, dat men
 etlyke de francke und bese dyke hedden und der nicht woll maken kunde, wolden hulpe don, myt anserende,
 dat denne villichte etlyken enthiegen wer dat meynede tho werende und darto nicht helpen wolden, war denne
 de meyste de le hen volgeden, de In der Scouwynge boseten synt, dar scal dat mynre deel myt In volgen
 und helpen anveren bey unsen gewedde und ungnaden, edder ein sulkes dulden dat de unsen darup von Braken
 settende werden; oek bosede wy alle ore olde gude wanheyde und alle ore diek rechte, alse von older up den
 dyken vor recht gehat und gehalten hebben neynerleye buten boscheyden unde darto ore echte die Scouwinge
 de se alle Jar plegen to holden up de bosceiden und wannlike dage by sodan gewedden und braken alse dat
 von oldes gehat hebben up den dyke baven und benedden, oek wen de heymryder by oren eden up den dyken
 In eyner gebeden Scouwynge riden und de dyke beden to makende, als not und wonlick is und de dyke
 baven und baseren scullen, So scullen unse rede von werben eyne effte twe ores Rades uth werden baven
 unser Stadt Werben so verne alse so dar plegen by to sende manck den heymrideren myt laten ryden, de
 scall effte scullen by oren eeden, de see uns und unnsere Stadt gedan hebben mede beden, baven und baseren
 de dyke alse vorscreven steht, desglyken scullen oek unse Rede uth Sehusen eine effte twe Radmanne benedden
 werben up de dyke senden und laten de myt riden manket den heymridere, de scullen denne oek by oren eeden

de se uns und unser Stadt gethan hebben mit gebeden, haben und bafieren, und war idt den dyken von noden is In maten vorgeseven. Tho orkunde met unserm angehangenden Ingesigel vorsegelt Geven to Tangermunt na Christi geburt 1476 am Sontage praxedis.

Zusätze aus der Zeit Ehurf. Joachims des ersten:

Item uff Jacoby die dyke In loff to fuhren, wer daran sewmig, der solt von iglicher Ruden so nachstellig bleybt unserm gnedigsten Herren gehen schylling verfallen sein und welcher daran sewmig, den soll der Heuptman von stundt pfanden, die pfande In die nechste stat treiben, die verkauffen und sovill darvon nemen damit er die dicke kan lassen In loff bringen.

Es sollen auch die Nechsten, so umb die teich geseffen verpfficht sein umb ein zemlich Ion zu den teichen anzufuhren, damit man sy zum furderlichsten moge In loff bringen.

Desgleichen wer sein werck an den Elff teichen uff Gally nicht gemacht, der soll auch von iglicher Ruden langt unserm gnedigsten herrn 10 schilling verfallen sein, darumb der Heuptman auch pfanden und damit gebarn, wie vor der teich halben vermeldet.

XXIV. 1477. (?) Herzog Heinrich von Mecklenburg stiftet Frieden zwischen Pommern und der Mark.

Wy Hinrick von godes gnaden Hertoge to Mekelmborch furste to Wenden und Grave to Swerin, der lande Rostock und Stargart Herre ic. Bekennen ic. das wy tuschen deme Iruchtigen und Hochgebornen forsten unsern liben Hern und Swager, Herren Albrechten Marggraven to Brandemborch ic, eins, und Hern Erick und Hern Wartzclaff, gebruderen, to Stettin, Pommern, der Cassuben und Wenden Hertogen, und fursten to Rugen, unsern liben Dheimen, des andern deils, fruntlicker beredet und bedegedingt hebben, mit beider deile weten, willen und sulborde Alse hirna folget und alse, dat unsern Herren und Swager marggraven Albrechte, erflicken bliwen schal, wat hie von den upgenannten forstendumen Innehest, Nemlich Rahm, Helm, Schilt, lande, lude, Slote, Stede, Manschap, und die, die em erflicken gehuldiget hebben mit aller tobehorunge und forstlicker overicheit, So scholen die overigen vogenannten furstendumen und lande, die unse ohemen, Hertoge Erick und Hertoge Wartzclaff, yhunt Innehebben, densulven ock bliwen, Nemlich Rahm, Helm, Schilt, lande, lude, Stede, Slote, und manschap, ock mit erer tobehorunge, uthgenomen die, die unsern Hern und Swager vogenannten bliwen scholen; Wan der lehen wegen, Schal die ordenunge tuschen den lehen Hern von Brandemborch, des hiligen Romischen Nikes Ergkamerere, und forsursten, to Stettin, Pommern der Cassuben und Wenden Hertogen, Burggraven to Noremberg und fursten to Rugen, unde den lebensfursten, to Stettin Pommern, der Cassuben und Wenden Hertogen und fursten to Rugen, mit entpfanginge und lyhung yhunt und ock henforder, so vafe dat to schulden kommet, tuschen en und eren erben und erfnamen von beiden deilen gehalten werden und also, Alse unse Allergnedigste Here, die Romische keiser, Unser Hern und Swager, Marggraven Albrecht up sin erflicke gerechtikeit, Ock est sin keiserlike gnade und dat Nise wat gerechtikeit daran hedden, oder gehoben mochten, die lande Stettin, Pommeren Cassuben Wenden und Rugen, gnediglich gelegen und gegeben hefft, Solke vogenante lishunge und land unse Here und Swager erflicken also vom Nise hebben und beholden schal, und to einer iglichen tidt die Marggraven die forsursten sint, med andern eren Regalien entpfangen scholen und Sulke vogenante land Schal die genante unse Here und Swager, Marggrave Albrecht, Alse ein Marggrave to Brandemborch forsurste und lehn-Here, unsern Dheimen, Hertogen Erike und Hertogen

Wartzlaffe gebrudern to lehne lihen mit Hand und mit munde, und en die leyhen alse ein lehn.Here Sinen lehnsfursten lihen schal und Sie die empfangen, Als lehnsfursten, von em, als erem lehen Herrn empfangen scholin, Als ock mit lihung und empfangung in unser gegenwordicheit geschien is, und Sie hebben ock darop also balde Siner live lehenspflicht gebhan als recht is, Umde sich des alles schuldich to finde vorpflichtet alse getruwe lehns fursten und Mane erem lehen Heren, von lehens wegen, und dorch lehenspflicht, to donde schuldich und vorpflicht sint, alles getrewlich und on geverde. Furder hebben wy mer beredet, dat unse Dheimen, Hertoge Erik und Hertoge Wartislaff, dem vorgenanten unsem Heren und Swager, Marggraven Albrechten, Alle ere Stede, Srote, lande, lude und Manschap, erffhuldung dhon scholen laten, und datt ed geschiech utrichten, als wy uns verschreven, und unse Erkannt Huldung dhon laten hebben, und des brieft geven und nemen na lude dersulven brieft, tuschen uns darumb utgegan und Se sulkes volstogen is, Scholen alle gefangen von beiden deilen losgesecht werden, die In dissen kriges loufften oder freden, gefangen sin worden und darup Scholen izunt von stunt, die vorgenanten unse Here Swager und Dheimen, Ock alle die eren, unde alle die der sehde halven, und wat sich darInn begeben und verlopen hefft, gericht, Ock alle schattunge, brantschattunge, dingnisse und ungesallen gelt, Idt sy vorschreven, vorborget, Stede und tidt darumb vorgangen oder nicht, ganz ase sin, Ock die borgen Selbstschuldigere ledich gesecht werden, doch uthgeseiden, wat in dissem freden geschien is dat sulkes wedergekeret werde, Nemlick Sy Imandes Srote, Stede, oder gudere entwendet, dat schal wedder gegeben und wedergekert werden one alle weigerung, Rahme und brandt Scholen gegeneinander fallen one geverde, des to warem orkunde unde merern sekerheit aller vorgerurder dinge, hebben wy alse bewilligede degedingsman von beiden deilin unse Ingesigel witlicken an dissen brief hengen laten, die gegeben is to Prenzlau, Am Sonnabend na unses Heren lichnams dage, na Christi gebort, Wirt einhundert und darna Im seve und Seventigestem Jare. (? muß 1472 sein.)

XXV. 1478. Vertrag mit Herzog Bogislaw von Pommern.

Vertrag mit Herzog bugslaff vor dem thaber im Felde gescheen.

Zu wissen der Hochgeborne Fürst, Herr Buglaff Hertzog zu Stettin u. s. w. hat unns Albrechten vonn gotts gnaden Marggraven zu Brandenburg, Curfürst, zu Stettin u. s. w. gelobt mit trewen an eydes statt, das er unnd alle pommerer, auch alle andre die seinen, die Im Inn sunderheit zu steen diesen krieg aus, den wir mit Hertzog Wartzlaffen haben unnd als lang der weret, nicht wider unns, unnsere Son oder die unnsere sein wollen, umb keinerley sach noch umb nymands willen, Noch auch er oder sy weder Rath, hulff oder beylegung thun sollen, Hertzog Wartzlaffen wider unns, unnsere Son, oder die unnsere und diser kriegsleufft mit unns unnsere Sone und allen den unnsere auch allen den die darum der gewandt und verdacht sind, gantz gericht, gesonet und vertragen sein, und umb die, doran er teyl hat mit Hertzoge Wartzlaff, soll er unns Im schrifftten anzeigen, das wir wissen, welsche In solicher richtung sein wollen oder nicht, der wissen zu verschonen, der genant Hertzog Buglaff, unnd die seinen vorbestimbt, sollen unns Garz mit seiner Zugehorung und In aller der massen, als wir es vor Innen gehabt haben, on alles vorwort wider geben Im diser wochen, unnd so das gescheen ist, So haben wir Im wider gelobt, Bernstein unnd Satzck wider zu geben; solichs ist gescheen am Sontag vor Bartolomei Im gegenwertigkeyt vil Lerot unnd will Hertzog Wartzlaff unns und den unnsere das unnsere wider geben, so soll er auch Im diser richtung sein, Will er nicht so stee er sein abentewr, des sind Zwu ausgeschnitten Zettell Im gleichem laut gemacht, mit beyder unnsere obgenannten Fürsten Insigeln versigelt, der unnsere yder eine ubernommen hat.

XXVI. 1478. Vertrag mit Herzog Bogislaw von Pommern gegen Herzog Wartislaw.

Ein anderer Rezeß derselben Zeit im Felde.

Zu wissen, das zwischen uns von gotts gnaden Albrechten Marggraven zu Brandenburg u. s. w. unnd uns Bugslaffen Hertzogen u. s. w. besprochen ist, ob Hertzog Wartslaff, die Innhabenden land die er hat empstrembden oder andern zu wemden wolt, das wir dem zu widerstand vonn beyden teylen trew hilff unnd beystand thun sollen, wider Hertzoge Warzslaff, desselben Hertzog Warzslaffs helffer unnd beyleger, unnd die seinen unnd wer der sach wider uns verwandt wurd, und verpflichtenn uns des bey unnsen Fürstlichen trewen unnd wirdden zu halten getrewlich und on alles ungeverd, geben Im feld bey dem dorff predensfelt Am Suintag vor Bartolomei 1478.

XXVII. 1478. Der polnische Gesandte stiftet einen Waffenstillstand zwischen der Mark und Pommern.

Ik Johann Sapientzky der koniglichen wird to poln anwaldt ic. Bekenne dat ik twischen dem Iruchteden Hochgebornen Fürsten unnd Herrn Albrechten Marggraven to Brandenburg u. s. w. Eins unnd dem Hochgebornen Fürsten unnd Herrn Wartslaffen und Herrn Buzlaffen to Stettin u. s. w. Hertogen, anders deyls, Of eren lannden und luden, unde alle den, die von beyden deylen darunder verwandt und verdacht sind, enen steden cristenlichen frede antoerkenende von huden dato disses brives beß up Johannis Baptiste schirstkommende warende, mit beyder deyle vorbestimbt wettende willen und volbort, beteydingt hebbe, Mehr is durch my beredet dat man allen gefangen den freden uthbedaghen schall, Edele und gereifige up geloffte, borgern und buren up borgeschap, Of alle etnighe brantschattung, Dingnusse unnd ungeballen gelt, idt sy tid edder frist darumb vergangen edder nicht, de tidt des freden anstande bliuen, Of ydermann Innbeholden, wat he Inn dussen kriegslewfften vonn Steden, Slotten, Markeden, tobehörungen unnd mannschap Ingenomen und Innebestt, ungeerret und unverbindert des andern deyls, unnd schollen beyde teylen hymnen des freden personeliken mit fuller macht Inn geringer temeliker tale orer Rede sil an gelegenen steden verdragen, edder to hope komen, sich dar under stande guttlik mit einander to vereinende Edder billiken fruntliken Rechte to verdragende, Idt scholl of Inn tid des freden vonn keinerley sake wegen en deyl wedder den andern sin, Und des to steder verfestunge und holdunge hebbe Ik obgenannter Hanns Sapientzky, als koniglicher anwalt, myn Ingesigell up disen brive gedruckt und wy Marggrave Albrecht ic. und wy Hertzog Wartslaff und Hertzog Buzlaff ic. Bekennen vor uns unns Erven, of unns land und lude und alle unns hulper, dat solkent mit unnsen wettende, willen und volbort, of unns prelaten, Herrn, Mann und Steden vonn beyden deylen geschien is, Gereden und verspreken an beyden deylen, mit guden waren truwen, an eedes statt, vor uns unns Erven unde de unnsen war, stede, vast und unverborkenlik to holdende wo vorberurt is unnd des to bekenntnis und warer orkund, hebbe wy Marggrave Albrecht ic. unnd wy Hertzog Bugslaff als volmechtiger Anwald unnses veddern Hertog Wartslaffen, de uns besser ding unnd saken to donde macht gheven unnd befoln hefft unnsen ydermann sin Innsigell to des koniglichen anwaldes Ingesigell of don druken an dessen brive de Geven is Inn dem velde vor dem Slotte Iokenitz am mandage vormiddage Suinte nichels avende 1478.

XXVIII. Um 1477. Eigenhändiges Schreiben Churf. Albrecht Achilles.

Uns langet an Man wöll uns zu nichte haben, dann das wir die ding richten sollen, do ist ein großmutiger man, dafur wir uns halten nit gut zu, Dann wir starben als lieb als schentlich gericht und das übel ungerochen, das mit gots hilff loblich gescheen sol. Wer dem also So bedurfften sie unser nit und lieffen uns das gelt behalten. Denn es ist uns hewr übel geratten Wir haben sein nit vil außgeseet. Sie sind gericht wenn sie wollen und friegs allenthalben entlestigt, als hernach volgt: Wenn man den Herrn von Stetin leßt Gartz und Wirraden und leßt die lehenbrief setzen, das Hertzog Erick und Hertzog Wartzlaff fur sich und Ir erben die empfangen haben und das sie bekennen In demselben brief, wenn sie nicht menlich erben verliessen Irs geslechts, das dem kurfursten und kurfurstenthum zu Brandenburg das lanndt heim fiel. Damit bedorfften siß nymer empfaßen und bedörfften uns die lannd kein erbhuldigung thun, So sind sie unnsere lieb Sweger, dienen uns, verpinden sich zu uns und thun was uns lieb ist. Wir teidingen sein nit also, wir starben als mer. Dann seffen wir In einen stock, es wer genug. Der Hern von Meckelburg halben, wenn Ir In Liechen wider gebt Sie empfaßen es gern von uns zu lehen und sind unnsere fruntlich Oheim, dienen uns, verpinden sich zu uns und thun was uns lieb ist. Hertzog Hannsen halben Wann unnsere tochter von Im zu leibezucht nymbt Crossen, das sie allgereyt Innenhat und er ob got will nit gewynnen mag, fur die freyenstat und Gronenberg, denn Crossen wol als vil hat als die freyenstat und Gronenberg, dann das dasselb erbliche stuck sind So ist dises zu Crossen uff zoll gesezt, damit bliben die von Crossen unnsere tochter und die von der freyenstat und Gronenberg, die meyneidig worden sind, Hertzog Hannsen und das man es von Im erben umb 20,000 gulden ablößt, Nemlich 6000 gulden Heimsteuer, 6000 gulden widerlegung und 8000 gulden Morgengab, als es heimlich abgeredt was, So Hertzog Heinrich Son ließ wo wolt er fur Es kom fur welchen konig es wolt, so wer es recht So wir Ine halten wolten als ob er Hertzog Heinrichs Son wer. das doch weder recht oder pillich ist, denn Irer verschreibung nach wer das lanndt ganz unnsere Tochter Ir lebtag und nach Im tod halb unnsere von Hertzog Wentzlawen herrurend. das ist nit gleich, wann wir aber thun wollen, das sie wollen So ist es allwegen wol gericht wie vor stet So ist Hertzog Wentzlawes gerechtigkeit unnsere, wil er die haben, er wurd uns wol schadlos gegen Im haben. Des konigs von Hungern halben Wie sich die bede konig aynen das lasse man Im gefallen. Was wir oder unnsere tochter sollen haben vom konig von Beheim Das nemen wir von Im. Weyßt er uns an Inen Im pfantuldigung zu thun das lassen wir gescheen nach Herkomen der sach durch unnsern lehentrager, So muß er uns und unnsere tochter das besetigen, als ein pfantherr So ist unnsere tochter aber versorgt. Was leydt uns doran, uns ist ein konig als mer als der annder, so es mit Ir beder willen zugeet. Will sich dann der konig zu Beheim zulegen, wol und gut, will er nit so hat er sich selber versetzt als wol als unnsere tochter. Sie mag als wol on ein man sein als er on ein weib. Got fug es alles zum besten.

Wir haben In uns selbs angeflagen, got behut niderlag und merung des friegs, do wigt gewyn und verlußt gegeneinander: das wir müssen haben 1000 pferd zu teglichen frieg. Die kosten ein Jar mit essen trincken futter nagel und eisen, on lon und kleidung 3000 gulden. Do hielt mans hie aussen wol auß, do Innen hoffentlich noch baß. So zelen wir man muß noch 30000 gulden haben uff Herezuge und anders des man notturfft ist. Das trifft ein Jar 60,000 gulden. Haben wir allweg gehort, Wil Hent heben leicht so man getrewlich an die stangen greiff, Wann wir nu an den 60,000 gulden von unnsern gulden und sellen dort Innen geben ein dritteil, von rentten und sellen Hieaussen ein dritteil, prelaten Hern man und Eete dort Innen ein dritteil das trifft die 60,000 gulden So haben wir mit gots hilff guts außkomen biß von sand Johannis tag uber ein Jar ein loblichen erlichen frieg zu furen, In der zeit wirt ob got wil ein guter wadel komen dor Innen sich das holz mit gots Hilff gewynlich unnsern halben handeln leßt. got fug es alles zum besten.

Der Inhalt ergibt wohl, daß der Churf. das Schreiben (welches hier einer gleichzeitigen Copie entnommen ist) selbst aufgesetzt habe. — Wadel ist die zum Holzfallen geeignete Zeit.

XXIX. Um 1478. Verzeichniß der pommerischen Ritterschafft, deren Churf. Albrecht gewiß zu sein glaubte.

Geratssagt, auff den fall ob der mit Hertzog Buggeßlaff an menschlich leibs lehns erben, das got wend, geschee, sich an dyse hirnachgeschriben nach gescheener vereynigung zwischen Brannenburg und Stettin zu halten.

I n p o m e r n :

Jorg Klistow Cannzler, hat Rugenwald Stat und Sloss

Doring Namell, Marschalck, hat Butow das Sloss an der Prussischen Greniz, das pfands vom orden ist, dy genanten beide Stat und Sloss sind gelegen am hinderland zu Pomern, gensit dem Columberg

Peter Klyst, hat Newen Stettin, Sloss und Stat

Item So man Schivelbein mit einem Heubtman stets In guter achtung hat, Zusambt der Newenmark, ist das landt zu pomern alweg darauf bezwungen hievorn Angesehen auch das dy geslecht hirnachgeschriben In Pomern, als nemlich,

Herr Burck mit seinen veddern,

dy Wedlischen zu Uchtenhagen Crempzow Newewedell, dy Gunterbergischen lehen von der Herrschafft haben

Item achtung zu haben, so der fall geschee uff den Graben zu Rawgardten,

dy dewitzen

adam Budewilß hat Bellgart Sloss und Stat von der Herrschafft Innen, ligt In wenden Eckart Manntuffell

Peter Blasnap und sein vettern zu sich zu ziehen dy auch dy andern geslecht und Mannschafften zu sich bringen konnen.

Item nicht zu vergessen, so der fall geschee:

Jorgen Klistow den Cannzler und In sunderheit,

durinck Namell Marschalck zu ersuchen, dy wol furder anzeigung auff dy andern geslecht geben werden, als Putkumer, Zytwitz, Stoyntin, Below ic.

Dy Stat Stargard In sunderheit In gnaden zu sich zu ziehen, und das alt, das sy zu Gartz außgericht, und wider dy Herrschafft gethan nicht zu gedenden

Item so sy aber ubell wolten,

hat Herr Hinrich Burck ein Sloss Satzck genant von der herrschafft zu pfant, anderhalb meyl davon gelegen. Der Meister sant Johans ordens ein Sloss Pansin genant, ein meil wegs darvon gelegen, dy von Wedell ein Sloss Uchtenhagen genant dagegen an der andern seiten ein meil wegs darvon gelegen, an dyser seyten nach Arnßwald haben dy von Wedell fremptzow Innen mit den vier Slossen und dem flosser kolbyt, ist Stargart bestalt, ob sy nicht wolten das sy musten.

D a s l a n d S t e t t i n :

Uckermund und ußdum hat Werner von der Schulemburg yhunt und nach seinem abganc ob der geschee, sind die beide Slosser Hassen von der Schulemburg seinem Vettern verschriben

Item In dysem land achtung zu haben uff dy:

Moltzan, ob glawb auf sy zu setzen sey, bleibt darby, doch Hartwich Moltzan mag man wol glawben.

Berndt sagt es wol gut, ob er es aber also meynt steht In sinen warden, Hat auch kein glawben Im Land weder von Mannen und Steten

dy Heydebreden zur klempenow yh man an sich do findet man glawben Innen

dy lintscheden sagens wol gut sy haben sich aber ye zu Zeiten gen der Herrschafft von Brand-
burg verruckt.

Item dy Stete Im land zu Stettin, als nemlich alten Stettin dy ein sundern glauben zu der
Herrschafft tragen, dy stets In gutem willen zu behalten, und guts zu In zu versehen.

desgleichen dy von Gartz, der alten that nicht entgelten zu lassen dy In getrewlich leytt ist.

Stete Griffenhagen Piritz, Posswalk Gollnow dhamm ist ein pfort damit Stettin bestalt ist.

W o l g a s t :

Hat Claws Swerin Innen, und von demselben Sloß kan man dy andern land, dy zu der See
wollen bezwingen und nemlich auch die Stete

Anckleyrn dy Stat ist ganz versperret zwischen Wolgast und Ufermund,

Sundt, Grißwald, Barth und Grym loß das Sloß und Stetichen ligt auff der grenitz zwi-
schen der Tollens, und dem land zu parth und ist sunderlich ein Schlüssel, dadurch man In das land zu
parth und dy Tollenser davon zwingen kan, und dy geflecht auff der Tollens.

Uff das genante Sloß und Stetiche loß wollen achtung haben, der Erbmarschalk Im land zu Barth,
gnant Degener Bukenhagen, und Herman Bonow, der Herrschafft zu Brandenburg zu gut, so der fall
geschee, ygunt hat es ein Priser Innen, der heist Herr Peter Minckys, do ligt nichts sunderlichs an.

Item ein Sloß und Stat Drybess, gelegen im land zu Barth grenitzt mit Meckelmburg, das hat
Hans Wagnitz Innen, der ursula Steinkellers hat, zu dem achtung zu haben In gut der Herrschafft
zu Brandenburg, der wirt wol ander edelleut an sich zihen, das er dyselben Stat und Sloß zu der Herrschafft
henden bringt.

Tamgarten, das Sloß, Ist Hans Steinkeller dy Zeit seins lebens verschriben und hat das Innen

Wer dy genanten Wir Sloß nemlich Wolgast loß tribess und Tamgardten Innen hat, der hat
das ganz landt zu Barth ynen. Also das dy Meckelburgschen noch nymant frembds zu land daran komen
mag, sunder man muß achtung haben auf die Stete demyn und anklym, dy beyde Stete ligen am wasser
gnant die Pene und sind pforten Inß land zu parth und wolgast.

Item wenn man das landt zu Barth hat, so hat man das furstenthum Rugen. Wann das
landt zu parth ist das recht furstenthum zu Rugen, do ist der Sundt auch Innen belegen.

Item man kan auch auß Wolgast das landt zu Rugen bezwingen zu wasser.

XXX. 1478. Allerhand Rathschläge zum Kriege gegen Pommern und den Herzog Heinrich von Slogau.

Item das man mit den Soldnern teyding uff Egidy zu bezaln ungeverlich 14 tag vor oder nach
und ob man In igund ein gulden oder 1000 gibt muß man lassen gescheen.

Item aufferhalb der Soldner was Hofgesinds zu Croffen ligt, die sollen do bleiben. den sol man
geben als Hofß gewonheit ist

Item mit den von Croffen eins zu werden der auflosung halben das solchs uff ein zimlichs gesetzt
werde, Angesehen das man hew und stro uff den veinden nymbt, So komet auch das new, das es neher zu
bekomen ist, dann igund, Und das man In uff das aldt ettwas gebe und das ubrig auch ansteen, biß uff
Egidy vorberurt, So man dann zu den gereyfigen 140 drabanten darlegt, ist hoffentlich Croffen bewart.

Item mit den von Berlin zu handeln das die sach zu ende lauff, die werden lieber mit der Helfft
schicken In die Sloß zu legen, dann das sie zu velde mit wagen sein solten.

Item zu Neuenangermund 20 pferd und 40 drabanten do komen die 200 drabanten hin von den von Berlin die andern 200 zu roßs fussen und zu wagen die zugen in das Here.

Item so muß man haben zu premtzlaw 80 pferd.

Item der meister, und dasselb landtvolck zu Sternberg die betwarten drossen wie man des eyns würdt.

Item desgleichen Cottbus mit der lantschafft muß man In den loufften gesettigt sein.

Item man muß auch gedencen für die tochter 200 gulden damit sie und Ir gesinde zu essen hett, darzu muß man In ein anhal lewt setzen, das sie zweymal alltag uff jedes mal Siben essen hett für Ir mundt darunder zwey hymes, das annder gesinde 3 essen darunder 2 hymes. Den Junckfrawen vier essen darunder zwey hymes und wie man heldt die Junckfrawen, also heldt man auch die erbern, getrawten wir es wer uff das mal angericht zwischen hie und michaelis uff dem ort.

Item darzu zu hilff wollen wir darleyhen 1000 gulden umb das ander muß man sust verdacht sein uff michaelis zu bezalen, daruber einen zu haben der des alles ein verseher sey, und auch der Stat und Sloss, doch zu bewarung der Stat Sol er Hannsen leß zu hilff haben.

Item, gnediger Herr, ob es geraten würdt das man das smalz doran leget vor dem konig zu einer gutlichen verhorung zu komen Wie die werbung angeit mit dem Zusatz, Wir wolten unnsere selbs nicht sein, Sunder die koniglichen wirde pilsichkeit weysen lassen, auch das man der konigl. wird entdeckt Jorgen vom Steins brief das er die Stete eingenomen hett die unnsere Swester entwelbdt sind, der von der konigl. wird wegen wissen zu verschonen, hat das getan und gedencet das hinfur zu thun. Ist er willig von seiner Swester wegen der konigl. wird zu eren, In getrawen er werde des sein Swester genyessen lassen, doch das an Jenem ort bestellt werde das es kein unnsere Swester uns, den unnsern und den Irn auch also gehalten werde, und ob die konigl. wird begern würdt an beden teilen die gefangen zu betagen, das solchs vervolgt werde uff redlich zeit so lang die vorrede weret.

Item am mittwoch nach petri ad vincula Im 78sten Jar ist Sigmund von Rotenburg von meins alten gnedigen Herrn wegen geschriben, das er zu der erbar Mannschafft dy vor zu Cotbus sey, dy andern forder, das 40 pferd darInne sein, den wol mein gnediger Herr Iglichem uff ein pferd dy wochen geben 10 gulden Reimisch, als sein gnad des mit den geschickten von der Mannschafft einß worden ist. Darzu soll er 60 Trabanten uffnehmen, doch einen nicht mehr den 10 gulden dy wochen geben und sie bestallen biß uff meins gnedigen Herrn uffsagen, damit vermeint sein gnad dy Stat uff dißmal mit fremden lewten wol bestelt sey und das sy Sigmund von Rotenburg gehorsam sein.

Item hetwt dato ist er Hansen von Slieben geschriben, In Drossen zu bleiben, dy erbar Mannschafft darumb durch den lantreiter zu sich verbotten, und gebeten In außrichtung von meins gnedigen Herrn wegen zu thun, das wil Im mein gnediger Herr gutlich bezalen.

Item hetwt mittwoch ist den von franckfurt geschriben umb 30 Trabantt die gen Croffen zu schicken, des sich mein gnediger Herr Ist ganz zu In verlaß, Angesehen das sein gnad Ist außser lands sey und uff dasmal nicht gebessern oder an das außzurichten wiß.

Item Lipen ist bestellt mit Liborius Liebental, der sol haben 16 pferd und will Ime mein gnediger Herr uf ein iglich pferd des tags für futer kost und all ander ufrichtung geben 2 gulden Actum am mittwoch nach ad vincula petri Anno 78 und hat des Linhart Nort ein uffgeschnitten zettel.

Hannsen leß Hauffman zu Croffen ist des tags geschriben wie das der marschalk meins gnedigen Herrn bericht das er zu Croffen 110 Trabanten bestellt hab und darzu 43 pferd Hofgesinds meins gnedigen frauen aldar bleiben, so sey den von franckfurt geschriben noch 30 zu fussen hinauf zu schicken, so sol er darzu noch 28 pferd Hofgesinds meins gnedigen frawen wider uffnehmen als des der marschalk ein zettel hat, den will mein gnediger herr geben und sie halten wie In bisher gegeben ist, und sie gehalten sind, mit den er also 211 person hab, bedunckt mein gnedigen Herrn rethe, das Croffen darmit bestellt sey.

Item Claws kumeyse und Hans Schonbeck sind am Dinstag nach cathedra Petri von Bernstein auß gein Soldin, als Hewbtlewet geschickt und In zu gegeben, das sie mit 60 pferden darInn ligen sollen, deshalben dem lantrider geschriben ist dy Erbar Mannschafft hinein zu verbotten, fuchenfleisch haben sy mit genohmen, Sunst was sy verzeren ist dem Rat geschriben In das aufzurichten, wil In mein gnediger Herr gutliche bezalung thun, außgenohmen futrung sollen sy Im feld bey den feinden haben.

Item Albrecht tyden ist geschriben 10 winspel melhs gein Croffen zu schicken.

Item dem Rat zu franckfurt umb 60 virteil byes die bey Tren burgern aufzubringen, und hinauff gein Croffen zu schicken, wil In mein gnediger Herre das gutlich wider bezalen. Actum am abent lorencien.

XXXI. 1478. Schreiben Churf. Albrechts an die Herzogin Margretha von Pommern.

Liebe Mum, unnsere Rette haben uns bericht eins abschides den iglicher an sein Herren bringen soll, und darauf sind sie eins worden eins tags uff der heiligen dreyer konig tag, der sol besucht werden, denn alles, das zu fruntschafft dint, Sind wir zu geneigt und haben sie uns bericht das sie davon undereinander geredt haben, das gut were, das wir personlich zu hauffen komen, das wer uns das liebste, und so ee wir des unnsere geschest halben gewarten mochten je lieber uns wer Aber nach den wir vil zu thun haben So gefiel uns das man den gefestten tag ließ leyften und furkomen In getrawen, die Rette von beden teiln wurden sich wol vertragen zimlicher pillichkeit, der wurd an uns nicht mangeln, und darumb wo es ewr lieb gefiel, so redt mit unnserm Swager, ewrm gemahel, das er sein Rette mit genugsamem gewalt fertiget desgleichen wolten wir auch thun, uff gleich zimlich redlich wege und ob sich die Rette vereinten oder nicht vereinten, das sie sich nichts desmynder entliche miteinander vertragen dadurch ewr lieb und ewr gemahel unnsere lieber Swager auch wir und unnsere gemahel personlich gen konigß berg komen In acht oder bynnen 14 tagen darnach, dem wolten wir also thun und uns fruntlich mitsambt unnsere gemahel mit ewrm gemahel und euch underreden, das zu lieb und fruntschafft dinet, Sollchs wollet mit ewrm Herren und gemahel reden und darInn fleis ankern, das das geschee, Im selbs und uns, auch unnsere gemahel und euch zu gefallen. Getrawen wir es sol vil fruntschafft geben und guts darauff entsprißen Auch ist es durch uns und ewrm gemahel In gegenwertigkeit ern Bossen von Alvefleven und ern Hinrichen Bork die auch dabey sein sollen Im velde also besprochen, So wollen wir euch unnsere pfeffers mitbringen, Ir wurd anders des neuen Jars nit teilhaftig, dann wo wir euch lieb und fruntschafft sullen erzeigen Sind wir geneigt und des ewr antwort bei dem boten Datum franckfurt am montag nach niclaus dag Anno 78.

An frau Margrethen.

XXXII. 1478. Schreiben Werners von der Schulenburg an Heinrich Bork.

Mein fruntlich binst, zuvor lieber Herr Heinrich, als man uns purgen gemant hat der geltschuld halben, Han ich mein gnedigen Herrn Marggraffen Johannsen hie nicht funden, dann er zeucht notdorft seiner krigsleust nach, Aber ich wil mich furderlich bey sein gnad schicken und uff dem tag zu konigßberg den abschide berichten was ich mit andern porgen erlangt hab, In getrawem meinem gnedigen Herren In Hertzog Buxlaff und uch nicht zu missfallen, dann unnsere gnedigen Herschafft hat uns nye versezt, Sie haben uns des furstlich und woll benomen. die sach ewr bruder, als helffer der von wolde sind die von wedel hie gewesen,

sich beclagt, hab ich mit andern das beste zu gewendet, In Hoffnunge es werd zu tagen bracht und mein gnediger Herr die ding als zwuschen sein mannen hinlegen, dadurch komen ewr bruder auß dem Handell doch musten sie die Hende stülhalten So wirt es dort auch geschaffet. Hab ich Im besten zu gut den Sachen gehandelt, nachdem ewr bruder gefangen sind, dann uch In geburnuß willen zu erzeigen bin ich geneigt und versich mich des wider zu euch und ewr fruntschaft und als Ir mit mir geredt habt unnsere beider knecht halben, gewint uf ewr seiten macht, desgleichen wil ich hie thun damit die sach uf den tag zu konigßberg den knechten auch zu end lauf und bit euch dem auch also zu thun, wenn ich sehe es meiner knecht halben auch gern und last euch mein sach bevolhen sein als Ich mit euch geredt hab. Mein gnediger Herr Marggraff Albrecht schreibt meiner gnedigen frawen der Herzogin seiner Rumen und sendet zu was sich zu fruntschaft zewhet, desgleichen verfügt an Jenem ende auch, das ist fur land und leuth und wir behalten von beden teiln gunst der Herren und der land, damit hab vil guter nacht Datum am mondage nach Nicolaj Anno 78.

Werner von der Schulmburg. Dem gestrengen und tuchtigen ern Hinrichen Bork Ritter meinem besondern guten frund.

XXXIII. 1478. Des pommerschen Raths Heinrich Bork Verhör.

Verhörung des Probsts von Berlin von Ern Heinrich Bork Ritter uf seine Schrifft unserm gn. herrn gethan Dinst. nach Martini 1478.

Item dem Handel nach vor der loeknitz ist iren gnaden allen wissentlich was das ist.

Item das der Marggrave behalt Raden oder die loeknitz igliches mit seiner zugehörungen und das ander, Nemlichen Gartz und was den Herrn von Stetin Im lant zu Stetin und pomern abgewonnen ist wider geben umb Ir fruntlichen bethe und dinst willen, Angesehen das vil guts und fruntschaft allen iren gnaden darvon kome und daruff die Herrn von Stetin dem Marggraven abtretten und widerumb ein geben sollen strasspurg.

Item wen dem also geschee sal alle manschaft Im land zu Stetin pomern 2c. desgleichen die Stete die man darzu brengen mochte ungeferlich dem Marggraven und seinen Erben des Erb huldigung thun also wo Hertzog Wartzlaff oder Hertzog Bugslaff an menlich natürlich Erben verscheiden, das als den die lant Stetin pomern 2c. dem Marggraven und sein Erben hin heym fallen und komen sollen, als Ir Erblich landt und die lant sich zu Jen gnaden als zu irem Erbherrn halten, doch das Ir gnaden widerum prelaten herrn Ritterschafft Man und steten gleich andern iren gnaden erblanden iglichem nach seinem stat ir privilegien freiheit und gerechtigkeit bestetigen und sie darbey sollen bleyben lassen.

Item ob frewlein von In komen und bleiben, die soll der Margraf gleich andern seiner gnaden doch, ter Marggravin zu Brandenburg bestaten und ufrichten.

Item wen der Marggraffe sie bit und ersucht Ine nach zu reythen, soll sein gnade Ine als den aufrichtung thun Wo aber sein gnad uff Ir bete In zu gut zuge das soll er uff sein kost thun.

Item das die Rete uff Dinstag nach andree nechst widerumb zu konigßberg zusamen komen Allda von dem gemelten Handel und was solichs dem marggraffen zu thun gemeint sey Aber was seinen gnaden furder oder ander surgeben wer zu handeln und als den uff einen andern besließ mit Hertzog Bugslaff der bynnen der Zeit mit Hertzog Wartzlaff seinem vettern handeln und abrede thun sol, seines willens und macht zu erlangen daselbst davon entliche abrede zu thun und uff persönlich der Hern zukunfft und uff das erst zu gescheen.

Des haben die Rete dise Zedeln gegen einander yglich teyl eine genohmen Nach Frem laut mit Ir Herschafft zu verhandeln.

XXXIV. 1478. Verabredung zu Königsberg mit den pommerischen Räten.

Vorhandlung der Räte zu Königsberg uff mitwochen nach Andree Im 78sten.

Item das die Herrn von Stettin ic. unnsrem gnedigen Herrn Marggraffen Albrechten und seinen erben Straßburg abtreten und ein geben das unwidersprechlich zu der Margk zu Brandenburg gehört.

Item das sie seinen gnaden und seinen Erben alles das, das In In der nechsten berichtigung zu prentzlaw erblichen behalten ist, Nemlichen Gartz und das sein gnad hzt widerumb erobert und gewonnen hat Wirrade und Locknitz mit aller manschafft oberkeiten lehen zugehorung nutz und gerechtigkeiten wie sein gnad das vormals Ingehabt hatt, uberantworten ein geben und volgen lassen und solich vortracht erbeinung und schit zu premsla mit seinen gnaden gescheen unvorgrifflichen gehalten und hinfurder nach allem Innhalt In gutem glauben und waren trewen verzogen werde.

Item So das alles also geschit sol sein gnad ober alle swere und grosse darlegung seiner eygen person seiner land und lewt merkliche kost, Muhe und erbeit umb Ir fruntschafft willen In abtreten und wider geben alles das, das sein gnad In In disen frighloufften Im landt zu Stettin unnd Pomern abgewonnen und eingehnomen hat und die verrichtung unnd eynung zu premsla halten nach Frem laut.

Item das alle gefangen nach laut des receß In dem uff genohmen beteyttingten und verkaufften Cristlichen fride bis uff Johannis Baptiste nechst betagt, alle agung schätzung und ungefallen gelt ansteen soll und was bis her In dem fride nicht verzogen ist noch verzogen, Auch was bynnen der Zeit von geltschätzung halben gegeben ist widergegeben werde, den es abgeschätzt ist und alles das wider den Friden gescheen das man das fere und Rechtfertige, das an beyden teylen keiner billigkeit Mangel und eines mit dem andern gehe uff das man spur uff beyden teylen das man glauben halten wolle So das die underthan spuren, halten sie In auch und werden land und lewt In Rwe gestellt und bleyben In fride und sol das alles an unnsrem gnedigen Herrn nicht sel sein, besondern des fruntschafft gespurt und vorsicht sich sein gnad widerumb sie werden dem uffgenohmen Friden Also nach laut des receß nachgeen halten und folge thun und keiner fruntschafft noch gutes willens das der vernunft und der billigkeit nach zu Friden und eynung dynen mag an In gebrechen lassen.

Item des sollen die Räte nach laut diser Zedel, an beyden teylen an Ir Herrschafft brengen und uff trium regum nest uff den abent widerumb zu Königsberg zusamen komen und furder von solichem anbringen und uff den sachen vorhandeln.

Abschrift der Zedel, der rede von Stettin ic. oberantwort zu Königsberg nach
Datum wie oben.

Anno 78 uff Hewten Am Mitwochen nach andree ist besprochen zu Königsberg vermittelst der Hern von Stettin Räte, Also ist der Hern Meynung und vorgeben Sollen die Herrn Manne und Stete In den landen darzu helfen und bringen das sie dem Herrn Marggraffen Erb huldigung thun sollen uff solichs alles vor uff gegeben ist, So können die Herrn das nicht thun oder beybringen Sunder die landtessen man und Stett wissen das das die Hern marggraffen, den Stettinischen Herrn darreichen und widergeben quidt und loß Ir grenitz Stette und Sloss die sie In abgewonnen haben des sollen die herrn uff beyden seyten Ir Räte wider haben zu Königsberg uff trium Regum da yderman den seiner Hern meynung wider einbringen.

Item In der selbigen beysprach der Räte ist Ir gut duncken gewesen das der Herr Marggraff bynnen disem tag trium regum zu Hauff queme, mit dem Herrn Hertzog Bugslaff Ir beyder gut duncken bey sich selber besprechen was sie das denn an beyden teylen beylaffen das es darbey bleybt, geschit solich zu Hauffen komen nicht mit den Herrn so bleyb der tag als er gelegt ist.

XXXV. 1478. Verabredung zu Frankfurt mit den pommerischen Räten.

Zettel durch hern Hinrichen Bork bracht gein Franckenfurt.

Item diß is de meninghe de her Hinrick Bork myneme gnedighem herenn Marggraffenn Albrechte, vann mynes gnedighem Herenn Hertogh Buggeßlaffes wegen, vorgeholdenn heft, dar dorch de Heren an beyden Partenn scholdenn vorrichted werden to eneme gruntlikem ende.

Item de fids Hovethflote In denn landenn Stettin, Pomerenn, Barth, unnd Wolgast Nemeligh Ufermunde Butow Rugenwolde Belgarde Lotze unnd Wolgast, up de Sulstenn Slore Schal myn gnedighe Here Hertogh Buggeßlaff edder Sine Manlike erfenn, nene Amptlude setten, Sunder se Scholeenn denn Marggrave to Brandenborgh so hoch lavenn Sweren unnd Slothloven vann en nemenn likerwis also myneme gnedighen herenn Hertogh Buggeßlaffen unnd ist myn gnedighe Here Hertogh Buggeßlaff dodeß halven affginge sunder manlike Ervenn So scholenn de Sulstenn Amptlude de vorbestemeden Slore nemende In Antwerden denn we Marggrave to Brandenborgh is.

Item Min gnedighe Here Marggrave Schal beholdenn Erfflick de Verrade und Iokenitze, mydt erenn tobehoringhenn, unnde weme min gnedighe Here Marggrave vor Amptlude up de Slore Stetteth, de Scholeenn mineme gnedighenn herenn hertogh Buggeßlaffe ock Slothloffenn laven und Sweren unde dath de lant nicht darvann beschedigheth werdenn edder to uprore kamenn.

Item alle erbare manschop de mynem gn. herenn Marggravenn gehuldigeth hebben In dem lande to Stettin Se sinth besloteth Iste unbeSloteth, de Scholeenn mynem gnedighenn Herenn Hertogh Buggeßlaffe ock Swerenn lavenn unnd ere lemm entfanghenn, unnd Eyneme deile so hogh vorpflichtet sin alze deme Anderenn.

Item den Bernstenn Schal myn gnedighe Here Marggrave eneme Indonn unnd de Sulste Schal beidenn Herenn unnd erenn Ervenn gelike hoch vorgewantß sin unnd denn Slothloffenn vann beidenn Herenn entfangenn.

Item denn Satzick Schal myn gnedighe Here Marggrave myneme gnedighe Herenn Hertogh Buggeßlaffe ume Siner vruntlikem Bede und dennste willenn weddergebenn, unde weme hee denn gift der Schall In aler mathe myth losedenn Beydenn Herenn donn Alze de tho Bernstenn.

Item alle Herenn unnde Manschop In beidenn landenn Stettin unnd Pomerenn Scholeenn mydt Sampth erem Herenn vorsegeleenn unnd vorbreven, So dee Herenn dodeßhalven affgingenn unnd nene Manlike lenß ervenn hinder sick lathenn, dath se denne ane middel an de Marke to Brandenborgh ssallenn unnde Scholeenn ock alle vorsevedenn Stucke wome des ens werdt holdenn dar up Schal myn gnedighe Herenn Marggrave denn Sulstenn In beydenn landden by erenn oldenn richtigheidenn Privilegien unnde Herlicheidenn lathenn.

Item dathme de vorrichtinghe unnd eyninghe up dath hardeste make mitd eedenn unnd Brevenn, dath se geholdenn werdt, Schal Stann to Myneme gnedighenn Herenn Marggravenn wo sine gnade de maken wil.

Item dar up Scholeenn Alle gefangenn von beyden zidenn loß sin.

Item Stratzeborgh unnd nigenwedell Schal by der Marke blivenn.

Item Gartze unnd Penckun Schal myn gnedighe Her Hertogh Buggeßlaff beholdenn mydt Alenn orn tobehoringhenn.

Item ist de Stettinischenn Herenn dodeßhalven affgingenn sunder Manlike erben wo vorseitd unnd nene erben hinder sick lethenn Sunder de ffrowkenn, de Schalme utrichtenn unnd beradenn like eynes Marggravenn dochter to Brandenborgh.

Begriff doruff zu franckfurt gemacht:

Item alles das wir hewr gewonen haben Soll uns bleiben dan allein Satzck sollen wir geben unserm Swager Hertzog Bugßlaff gegen seiner gerechtigkeit Beskaw und Storkaw.

Item Vane Sol man eingeben dem Meister wie es der von Slieben vor Innen gehabt hat und das man den nicht mehr parv.

Item Venckun und Straßburg, Sol Venkun gehorn sein Gartz und Straßpurz zw der marck zw Brandenburg als sie dan bede vor gehört haben.

Item die Antwort umb Gartz Soll anstien bleiben bys zw dem tag, wollen wir horn was man uns dagegen thun soll, Auch der lehenschafft Tittels und anders understeen mit einander zu vertragen.

Item von ewiger verstantus der Hern und den landen, der eynen teyl als gleich sey als dem andern, Geseft beden teylen zu verhandelen mit Slos glawben und andern zu versichern.

Doruff sol man zu regen komen sein konigspertz uff Dienstag zu nacht nach Reminiscere.

XXXVI. 1478. Notizen den Krieg mit Pommern betreffend.

Item Her Heinrich Borcken knecht haben die dorffer umb den Satzck am Mittwoch nach misericordias domini auch vor und nach aufgепucht, dorzu haben sein vettern und knecht geholfen die meins gnedigen Heren gefangen sind.

Item die von Stargarten haben der dorffer eyns zu Bernstein gehorend am fritag darnach aufgепucht.

Item die Drabanten die die Stet sein Satzck zu gelegt haben, sind gemeiniglich Davorn und unwerdlich leuth, nemlich Bernwald Arnswald und Soldin domit mein gnediger Herr und das Slos ubel versorgt ist.

Item das Thymmer das der Apt von Margenwald schuren solt lassen zu dem Slos Satzck, ist nicht gescheen und sagt der Abt mein gnediger Here hab Ins verlassen.

Item mein gnediger Here solt In 50 gulden geben haben Ins dinsts gelts In der vasten, bitten sie das noch zu geben.

Item die Klosterfrauen von Net; haben auch Thimerholz zu Satzck gelobt zu schuren das ist auch nicht gescheen.

XXXVII. 1478. Verhandlungen zu Königsberg wegen des pommerschen Krieges.

Furhalten meins Hern Prelaten, Hern, mannen und Steten uff dem tag in konigspertz.

Item Unschedlich der Bericht zum Soldin Auch der bericht zw premtzlaw In allweg und das Straßpurz bey der marck zw Brandenburg bleib, So han ich der Meister gedacht uff mittel der Thundigen frigklewfft das sie gericht sollen sein, das Idem teyl wider wurd an ligenden gutern, Stetten und Slossen das ein teyl dem andern eingenomen oder abgewonen hett und vor disen frigklewfften nit Innen gehabt.

Item der ander wege, das Iderman behielt auferhalben Straßpurz das er Innen oder gewonnen hett und aber dorauß gericht wer, und das Hertzog Buxlaff mit andern Gartz empfieng von meinen Hern dem Marggraven Erblich als sein vatter von meinen Hern Marggrave fridrichen auch von Marggrave Albrechten empfangen hat fur sich und sein Erben.

Item der gefangen halben So meinem Hern dem Marggraven und den seinen all gefangen von meniglich ledig gezelt wurden und wider gekert die fridbruch mit schatzung und andern In disem frid gescheen, das dann sein gnab sein gefangen auch ledig zellet und von meniglich ledig schuff, dy In den frigklewfften gefangen sind und schaffen, ob auch mit schatzung und andern fridbruch gescheen weren, zu widerthun.

XXXVIII. 1479. Friedensverabredung zu Königsberg.

So weten dat up huden Datum desser Zedell tuschen uns Albrechten von godes gnaden des heiligen Romischen Reichs Erztz Camerer unde Cursursten Marggraven to Brandemborch to Stettin pomern ic. Hertogen Borchgraven to Noremberch unde fursten to Rugen an eynem unde uns Bugeslave von godes gnaden Hertogen to Stettin pomern ic. fursten to Rugen und Eraven to Gutzaw ander dells asgeredet und sprocken yß wo hirna volget und Nemlic also dat wy Marggrave Albrecht Cursurste dem genanten unsem Swager Hertog Buggeslaff hic mit geven hebben de aveschriffte der dryer richtinghe, der eynen de macket yß thom Soldin tuschen unsem Bruder, Marggrave fredericke Cursursten zeliger dechtnisse unde unser unde Hertog Ericken und Hertog Wartislave, der andern to premtzlaw mit uns Marggrave Albrechten Cursursten unde aver mit Hertog Ericken unde Hertog Wartislave, der drudden mit uns und Hertog Buggeslave yme velde by der daber gemacket; So hebbe wy Marggrave Albrecht Cursurste bogherst und uns erboden, We geve uns dat unse wedder von den steden unde Sloten, also Id ykunt yß mit erer to und yngehoringe, also wy Id vor In gehat hebben, So wil wy unsem Swager ock wedder geven Sack, Bernsteyn und anders wat wy In dessen frigglewffien Stette und Sloze erobert und vornicht gehabt hebben, mit erer to und yngehoringe. Der gefangen halben So uns unse vanghene leddich werden unde vorbutet wert uns unde den unsen, wat In dem freden uns geschehen yß mit stattinge unde andern, So wil wy de gevanghene ock leddich laten und efft wat von den unsen In diesem frede geschehen were mit schattinge und andern, vorbotten edder vorbottet vorhelfen ungeberlick; dorup yß bespracken eyn dach bynnen der tyd des freden der gesettet yß uppe Sante Johannis dach Baptiste nemlic uppe den Sundach Cantate hirher gegen konigßberg darby beyde fursten personlick komen unde mit uns bringen scholen uth prelaten hern man und Steden mit fuller gewalt erer frunde de Sacken to handelen unde wes not weret dar mit wy gantzlick gericht werden und In gutlick wesent mit einander komen unde uns furder also holden, dat do freden und Zone der Lande denet; wo dat nicht verschloge So erbede wy uns Hertog Buggeslaff In glicker tall beyder fursten rede uppe dem Sulven dage erkennen to laten, wat Jeglick deyl In den sacken billick don edder laten schall, dat dat geschee na des meistenteyls erkantnisse unde oft de rede nicht eyns worden edder eyn merers macken, schall der meister Sante Johannis ordens, der beyden hern verwandt yß, ein overman syn, welckem teyle he to fellet deme schal na gegangen werden, efft eyn teyl nicht sprecken wolde edder etliche uth en, So scholen de de dar spreken ein merers sin, unde wo de sulven ock nicht ein merers mackeden, de meister ein merers macken wo vor des synt twe Zedell gelickes ludes gemacket uth eynander gesueden unde Jeglick deyl eyne aver nahmen, Geven und schreven to konigßberg am Dinstage na Oculi 1479.

XXXIX. 1479. Verzeichniß der Schäden, welche der pommersche Krieg veranlaßt hat.

Dit sind die fredebroke die In meins Herrn lande und vogedie Schivelbein my Cristoffel von polentz Ritter gescheen is Im frede die gemaket worden is vor der Daber:
twe dorper also Clutzin und Dolgenow affgebrant In deme Sulvegen frede, geacht den Schaden up twei hundert gulden, geschien von den pomern.

Eyn dorp affgebrant mit nahmen ventzlawes hagen, gebhon to labetje uth und In von den Borcken mannen also von den Ritzowen und In dem Sulvegen frede ock In eym Sonderlickem frede ick met den borcken hadde, den schaden geacht up funff hundert guldin Rinißch.

In dem andern frede die gemaket worden is vor der lockenitz dar wir noch In Swedt myns Herrn und myn lude genamen an pferdenn vese und gut In den dorpern die verprant worden sind und to Schivelbein to liggen, den schaden geacht up Hundert guldin, der porcken lude gebhan.

Item den schaden den die bornschen und dramburgischen genahmen hebbenn ist vertheykent gegeben worden deme probest vom berlin und werner von der Schullemborch, die ander Schade den die und ander myns Herrn Manne und Stede genohmen hebben und noch nicht vertheykent worden is, Schal vertheykent werden und up den dach to konigspurg verantwort werden.

Item kun Barfut ist ein knecht genant Hanns Schonbeck gegrepen und geschat up zwelff guldin up pfingsten, igt hebbenn gethan Nymes und Henning von schynigen.

Den schaden den die von arnsbald bynen dem freden genahmen hebbenn:

Als unsers gnedigen Herrn landtvogt dorch sinen knecht Byssedales Heringk Burgers to Stargard als tol verfaru gudt to uns bynnen leth In driven und afflegen, hefft de Sulve byssedal mit sulbort der von Stargard unnsere medeburger bynnen Stargard mit rechte an gefallen und vort bauen solick recht gedrunge em to lavende by einer gesencknusse, glick efft he sie Im fellde grepen hadde sich wedder In to stellende, von deswegen wy uns iegen em und den von Stargarde to rechte verbaden hebben, Was wy darInn entgelten scholen als de Saken unsen gnedigen Herrn und siner gnaden tolle andrassen, de wy nicht sweken konnen, wes wy darInn entgelten scholen, des wy von en nicht bekomen konnen Wol wy des Stedes overbadich sin umme des willen wy und unser medeburger von der tid berth nu here und vort an die von Stargard und de Straten und vodinge hebben moten miden und sitten stedes up sulker fare, Ock mach uns keyn Herrn und Landt-frede darInn to Hulpe kamen, wol de saken anhevende des kriegs sint nach unsem dunckende.

Sinen gnaden to irkennend:

In unses gnedigen Herrn apenbar kriege hadden wy mit dem Chomthur von Czuchan mit den vom Satzke, mit kartze von Gunterßberge und allen den von Gunterßberge ober Ine und den eren eynen gutlickem bysfrede up dre dage to vorne up to seggende upgenamen und verscreven, den kartze Sulvest gemaket und darvor gelavet hadde, up sulke frede und laven hadden wy de unsen unses gnedigen herrn vigende to wegelagrende und to verholdende uthgerustiget, de denne kartze mit den sinen unverwart In sulken frede hefft Jamerlickem nedergelecht, to hower gefangen und eyn teyl vermordert, Wo wol dat se sich an em edder den sinen In sulkem frede to bokande und ock nicht upgescreven hefft und hopen darumme he schole de unsen loß und en dat ere wedder geben und de doden versonen.

Sinen gnaden to erkennend:

Item Ezo hadden wy ock etlickem bysfrede mit den von Stargard up twe dage to vorn up to seggende bedegedingt und upgenamen den frede se uns nicht upgesecht edder upgescreven hebben, Ock so wy hopen en den wol to geholden und nicht verbracht hebbenn, Bynnen sulken frede hefft hinrick Luchte Rathmann thu Stargard, wol he den frede Sulvest gebedegedinget hadde mit andern sinen Hulpern uch Stargarde und darwedder In unsen Eigendom Schonfelde affgebrant und up dat uterste beschediget Ock furder ander guder, de mit en sulken befrede getogen wern.

Sinen gnaden to erkennen:

Dit is dat unsem gnedigen Herrn schelt, von siner gnaden undersaten wegein:

In der erste dat die Hovetlude von dem Satzke hebben den von Stargard ere borgere affgeslagen und grepen.

Item so hefft de Hovetmann von Bernstein ock den von Stargard dat ere genomen.

Item so hebben de von Arnßwald ock den Stargardeschen ere borgere affgegrepen und beschattet.

Item so hefft de Hovetman von Bernstein ock genahmen In dem Dorpe tho warßyn und breder-loe so gudt als siff hundert marck.

Item Hanns Mor der greven man von Reppin und Arnt kampfze des bischoppes knecht von Havelberg mit eren Hulpern hebben nahmen den von Treptow druttich perde und ere borger affgegrepen.

Item de Hovetman tho den Raden de hefft genahmen den valkenbergen ere Erve gudt und dorpere So dat se des nicht mogen brucken, also dat affscheiden Is und also anders gude Manne von, worumme Is unses gnedigen Herrn bede, Juwe gnab wille so vorvogen midt deme vorb. vagede dat se mogen by deme eren bliven und sief des brucken.

Item so hefft de von Worthen einen man geschattet In dem frede von Brigenwalde do hee Hovetmann was tho dem Satzke.

Item so hefft valkenberch to Schonremarcke genohmen 7 perde uth dem Hobe tho prilop dat den kartusern gelt und deme sunte Sorgen.

Item so Is gegrepen Syman gunterßberch dat hefft gedan Ladewich Wolff und balthzer bernfelt und Is gescheen do unse gnedige Herr noch nyne weibde hadde.

Item der Bansch kerckgerede hefft myn gnedige Here de Marggrave gedan den von konigßberg dat de armen lude dat mochten wedder frigen.

Item den von Erenberg sint genomen ere glockenn und von osdem Wedele, dat hebbenn gedhan de von fredeberge.

Juwe furstliche gnab wille hir vor dencken dat de vangen mogen loß werdenn und ungeschattet mogen bliven und wes dar In deme frede nomen Is, dat moge wedder to rugfe komen edder na werde vorbot und wat In de kercken hort dat Ich darwedder moge In komen.

Dy von postwalf hebben In gelofft 31 Borgher von premslow dy hebben uthgegeben 202 gulden.

Adam podewels hefft In gelofft acht burger von premslow dy hebben In gegeben 130 gulden.

Hertich molzan hefft In geloffte acht burger von premslow dy hebben under sief uthgegeben 200 gulden.

Henningh lindstede hebben gelavet 7 Borger 213 gulden.

More Lindstede hebben gelavet 11 Borger 412 gulden.

Hans Augustin hefft In geloffte 6 Borger uthgeben 412 gulden.

Alchim swerin, Mauricius Wolbe 30 gulden Hanns stegeman 8 gulden Summa 38 gulden.

Hynrick tesselen 3 Borger uthgeben 23 gulden.

Bertram Mulkernitz und oldereich swerin 9 Borger Summa uthgeben 69 gulden.

Zacharias Hase und kurt Braknitz 14 gulden.

Alchim schele Arnt panyn Summa 13 gulden.

Summa Summarum 1685 gulden.

Item die kulpenegel 33 gulden voringnisse, dy von mylow 10 gulden, dy von Vandelow 24 gulden, dy von Rechelin 25 gulden geven sy acht tag nach sant Michel, dy Birckowischen 33 gulden. Dyt sind die vangen dy geschattet syn In dem vrede und gegrepe:

Item Arnd von Holtzendorp 50 gulden 40 uthgegeben.

Item Eham von Holtzendorpß knecht, den hebben sy noch syttende, willen 30 gulden von em heben die solten sweren to spankow.

Item olde Wichart swerin von spankow und olde wichart von dem Haghen hebben Zabel Brossaw ghegrepen, und uth ghepucht und sin Hussraw.

Item dy von postwalf lawes von Holtzendorffs Hanns und Zabels knecht 10 gulden, of sind hebben die von postwalf bure gegrepen die sie swarlich manen.

Item die schulde von trebenow 50 gulden philpa sunenberg und Hein Iukow Mertin Drebelow Heynik ponat.

Item die swern to spankow die hebben affgrepen 4 knecht und hebben se yn besteket und beschattet

In dem frede de 2 moten em geven gewonlick 30 gulden und 1, 25 gulden und 1, 10 gulden und dat gelt ein teyl uthgeven und vor dat ander dat sie noch sollen uthgeven, dor hebben sie noch vorgrepen und hebben nicht lenger dach wenthe mitfasten, so mochten sie weder In komen und mochten dat gelt sollen werden.

Anno domini 78.

In der Hern guden loven und frede hebben die Borken mit den eren dem olden Henninge von deme born gheschadet an sinen Hofe mit prande und uthpuchten to nachtyden, Also gutt als 300 gulden.

Furt an pacht und dinst hebben sie em geschattet als gutt als 100 gulden.

Furt hebben sie geschad; Claus und deme Jungen Henningk als gutt als 200 gulden, furdan hebben sie geschadt Jachim und Hinrick von Born, Also gutt als 200 gulden.

Furt hebben sie geschad; den Buren tho Ezamzjo Als gutt als 400 und 18 gulden, Furt hebben sie geschad; an andern twen dorperen, die golt; und die Gyno genohmen als gutt als 300 gulden Sie hebben die kercken gepucht, und ein fraw to der gynow to dode geslagen, Dren perrer to Ezamzjo to slagen und to harwen narw dat hie levende blieb, und hebben em und siner wedeme genohmen Als gutt als 10 gulden.

Alle diese schaden sind uns geschien In guden frede und love von den Borken und Bonemelick von Matzke Borken.

Dan die Herre hadde frede gemaket vor der daber, den nemen die Bure vom gartzhagen und von Wangeryn der Borken lude unsen Borgern 4 perde und 2 wagene 25 gulden an geld und ware ein Burger to dode geslagen, 25 gulden Hanneman an perd und gude, 15 gulden Claus frantzin an perde und gude, 3 gulden Hanns luchte an 1 perde, den umbkenhagen mit der Borken knechten fur Dramborch Ranten.

Furder hebben der Stat Dramborch geschad In guden friede mit mordebrandt und mit nachtpuchen An pechten, Mole pechten und dinsten und andere up Boringen Als gutt als 300 gulden In der stat dorpe Clausdorp.

Furder hebben by Borken und die eren In guden frede unsen armen luden geschath In uthpuchen und an Brand de bie nacht slapenden tyden Also gutt Als 600 gulden, ein Bure In der schüne verbranth, frawen und Juncfrawen toslagen, die kerke uthgepuchte, fourthe ketel uthgebraken, pallen von dem Aldar wege genohmen. Alle dise schaden zint uns geschin twischen der beyden landsherrn frede.

Item das ist der schade, den Ich Jachim von wedel genahmen hab von Meins Mans wegen genant Claus gyslaw, der Mir apgefungen geschatt ward von den Stargartischen, Also hoch Als 200 gulden mit dem schaden den er beßhalben genohmen hatt bin Ich Jachim bey meynem gnedigen herren gewest, hat mir sein gnad bevolhen ich das In seiner gnaden Register zegen scholde lasen.

XL. 1479. Herzog Bogislaw von Pommern bekennt sich zu einem Waffenstillstand.

By Bugeslaw von godes gnaden to Stettin ic. Bekennen als eyn frede twischen unser und unsen verwanten up ene und den Hochgeborn Fursten Herren und Herren Albrechten kurfursten, Herrn Johansen und Herren fredrick synen Sones Marggraven to Brandenburg und Burggraven to Nuremberg ic. unsen liven swegern und eren vorgewanten anders teils besprocken und gemaket yß beih up Johannis Baptiste schirst komende na lude der brive dorch eren Johann Sapienzki kon. anwalt von poln by der lockenitz In veld overgeben, dat den sulvigen frede de Hochgeborn Fursten unse leven Sweger Herr Albrecht und Herr Mangnus gebruder Hertogen to Meckelnborg fursten to Wenden ic. und Craven to Swerin der lande Rosstock und Stargarde Herrn twischen den Hochgeborn fursten Herren Marggraven vorbenampt und unser volmechtigen anwalt Andreas frigenstat von beiden teilm mit guden willen und volwort erstreckt gemaket und gesez hebbenn beih up Sunte kyllians dach, den dach all uth beih to neddergang der Sune, dar up Alle ges

vangen von beiden teilt bedaget schullen werden de Edeln und gereiffen up er gelofte und burger und bur uppe horgeschop beß up die vorbestympte tyd uthgange des freden; Is darby asgeredet dat wy von beden teilt personlicken mit macht uth unnsen lantschaft von prelaten Herren Mannen und Steden mit bringen den dach uppe de nabestympte tid besoken schullen, to und von solickem dage ok darup schollen unnsen Iwelicker teyl vor dem andern und sine to gewanten felich und zeter zin ok alle gefangen mitbringen ungeverlich de up dem sulvigen na folgende dage to bedagende beß to uthgange des freden So scholle ok bynnen der tidt beß to uthgange des freden alle teil mit eren vorgewanten Zegen ein ander vredlicke sitten de gefangenen und ander nicht bedren-gen schatten edder bescheddigen Ok alle schattunge brandschattunge dingnus und ungevallen gelt anstande bliven Is 33 tit edder stunde darumme vergangen edder nicht So willen die obgenanten unnsen Ohm von Meckelborg personlicken uppe den sulvigen Sunte Johans dach als de dage Zynn scholen to prentzlowe, dar wy von beden teylen Zegenwerdich zyn erscheinen und sit ankern gutlicken miteinander verdragen und alles dat sitlicken to verhandelnde understan unne fredebroke und andern wo dat verlatten is, dat to gudem dinet twischen den teilt und dat wy und de unnsen dat also getruwelicken holden und den dach besoken willen mit gewalt prelaten Herrn Mannen und Steden wo voran getekent is, dat hebben wy unnsen Ingesigel to Ruzge up dissen Briese vor uns und de unnsen willicken gedruckt de gegeben is to fremen am Sonavent na Ascensionis domini Anno 79.

Gedenckt zu sein mit sambt ewern Sonen uff Dinsdag zu nacht vor Johans Baptiste zu prentzlow ic.
(Den frede erstreckt und verlengt bethe up S. thiliansdach.) Hern Hinrick Borek's Handen ic.

XLI. 1479. Verhandlungen der Landtage zu Berlin.

Zu verhandeln uff dem Herrntag zu Berlin uff Mittwoch nach Letare Im 79ten.

Item Wenn es alles gericht wirt So bedarff man verhandeln uff dem Hern tag wie hernach volget:

Item wie man es In den gerichtten mit den schuldigern halten sol geistlichen und werntlichen und sun-berlich den, die do verdorben sind mit den gulten.

Item wie man die schuld die In disen kriegsloufften gemacht sind bezaln sol und wievil der ist.

Item wie sich die Herschaft halten sol, das sie es vermog und das man die leger saz, das es die ampter ertragen mogen.

Item wirt es nit gericht, So muß man haben aufferhalben der lantleut daselbst umb:

100 pferde zu prentzlaw, 100 pferde zu Schivelbein, 100 pferde zu konigsberg, 100 pferde zu Arnswald, aufferhalben der lantleut da umb die sollen nit In die andern pferd gerechent werden. Summa 400 pferde.

100 pferde zu furstenwald, Drossen und Munchberg, 100 pferd zu franckfort, 100 pferd zu Cottbus, 100 pferd zu Croffen, Summa 400 pferd.

Item 200 pferde In den hernachbenannten Steten und Slossen:

40 pferde zu Trewenbritzen, 40 pferde Mittenwald, 40 pferde zu Belitz, 20 pferde zu Trebin, 20 pferde zu Sarmund, Summa 1000 pferde.

400 pferde am Hof und wo der Hof anderswohin rucket ließ man 100 pferde hie.

Drabant en:

100 zu Wirraden und lockenitz, 100 Drabanten zu Bernstein und Satz.

Item In den klein Stetlein Jenseit der Oder wo es not ist, muß man Drabanten haben nach Zim-lichkeit, die zu verwaren Slahen wir an uff 200.

200 zu Croffen, 50 zu Cottbus, 60 furstenwald und Munchberg, 140 zu Mittenwald,

40 zu Belitz, 50 zu Trewenbritzen, 20 zu Trebbin, 20 zu Sarmundt, 10 postam, 10 koppenick, Summa 1000 Drabanten.

Item den vorbestimmbten reiffigen hewg mit sambt den Hofgesinde mag die Herrschafft nit erzewgen ein Jar mit funffsig tausent gulden, on die drabanten die die Stet haben sollen und was es sußt die landt wirt kosten, Wird es ee gericht So geet sovil ab.

Item geet dan der krieg mit dem konig wider an, So müssen wir doraussen, uff und under dem gebirg uff das mynst auch als vil haben.

Item wirt aber ein krieg gericht und der ander nicht so geet sovil ab als an den andern ort gelegt ist. Darumb ist not zu berichten was man hat oder haben mag und die richtigung dagegen erwegen, was es nutz oder schaden uff Im trag, do ist alleyn Innen gerechent und uberslagen was es die Herrschafft kost, Mag man auch uberslagen was die drabanten die landt kosten.

Item das ist die richtigung mit dem konig (legatur). Die stet wol, wo sie volzogen wirt So wer man des kriegs hynnen und doaussen an dem end vertragen So hat man Hilff wider die Stetinischen Au von Sachsen, Magdeburg durch die Hern von Sachsen und unnsere vermogen hynnen und doaussen Wolt man Im dann recht thun So must man haben einen Hertzuge mit 12,000, 3000 reiffiger pferd, 1000 wagen. Das ist 1000 wagenknecht und 8000 drabanten darunder 2000 gest, 2000 prelaten Herren und ritterschafft, mit speiß, hewg, wagen und allem, und die Stete 4000 drabanten, So mocht man sich schlafen fur Sartz und mit 6600 wagen bleiben darunder 1500 pferd und mocht sußt ziehen auß dem Here auch mit 6000, darunder 1500 mit 400 wagen So konten sie nicht zu hauffen komen und mocht sie warm halten In der Tolens, umb Stetin Im land zu pomern. Wer man zu pomern, ließ man 500 pferd gegen der Tolens oder wo es not wer, leg man anderswo dann zu pomern, ließ man 500 pferde In der markt Jenseit der Oder, damit wer hoffentlich bald ein grüntliche nützliche richtigung zu haben.

Item das dritt Here hett der konig von Dennemarek uff sein eigen kost und zerung.

Item Stieß es sich mit dem konig So muß man die richtigung mit den Stetinischen beßerleidenlicher furhalten. Die wege pro et contra Sol man auch horen lassen.

Item zu handeln von der ungehorsamen Wie das zu surkomen sey, Auch die dinst statlicher zu thun dann bißhere und die leidenlich und gleich machen, einen als dem andern, wo man nicht spat schaden und nachrede zusampt dem verderben der Herrschafft und der landt empfangen wil.

Item das man mit speiß und hewg wagen, anders ansehe dann es hewr gehandelt ist worden.

Item von der rauberey wegen, dann es tarog also nicht, wir verluren all unser fründ durch die rauberey die uns sußt hulffen und sunderlich muß man darein sehen So es frid wurd.

Item horen zu lassen die richtigung mit dem konig und all brief die zwischen unnsere und Hern Jorgen vom Stein ergangen sind der richtigung halben Auch all brief zwischen den Hern von Sachsen, dem Bischof von Magdeburg und unnsere Sone Marggrave Johannsen.

Was man uff dem Herntag Exaudi handdeln sol Anno 79:

Item den recess lassen zu horen, der hie uff dem nechsten Herntag gemacht ist.

Item lassen zu horen den friden Im velde und den abschid zu konigspurg.

Item horen zu lassen schrift und widerschrift, die wir und Hertzog Buxlaf aneinander getan haben.

Item horn zu lassen den abschid zu kremen.

Item den abschid zu franckfort mit dem konig.

Item herrn Jorgen vom Steins freibrief bis uff vili.

Item uff das alles zu fordern rat und antwort nach laut des abschides hie uff dem tag.

Item das sie mitschicken mit vollem gewalt uff denselben tag gein premtzlaw und dy also fertigen, das kein gebrauch an uns sey ob uns gimlich Nichtigung widerfarn mochte.

Item zu ratslagen Wiewol der Friden mit dem Konig besprochen was uff Johannis, und nu gemacht ist das er uff vili außgesetzt, Wie man die Ding bestellen wolte, ob es nit gericht oder der Friden erstreckt wurd uff das kein verkürzung geschee.

In der mittelmarck:

Dy Hewbstete haben ein Rucksprach genohmen uff Sontag Trinitatis uff Ir anzal Antwort zu geben nemlich 500 mann darunder 100 pferde gereißiger sein sollen und wy sie volgen wollen.

Item dy klein Stete sind angeslagen und haben zugesagt all, an Rawu sind nicht hir gewesen, Eundern Premtzlow mit Angermund und Templin haben sich erboten nachdem sie nahent an den ort sind nach Irem hochsten vermogen zu helffen des mein gnediger Herr uff dasmal gefettigt sind.

Item den Erbaru In der mittelmarck ist der dienst gesagt nach Inhalt der verzeichnus und welche von Hern nicht hir gewest sind, soll man durch den landrider pfanden lassen und borgen sie dy pfant, acht tag soll man In borgen und dy vor uns suchen, wo sie sich aber nicht zu acht tagen mit uns vertragen, sollen sie Ir pfandung uff den Mulhof hir antwortten.

Item dy altmerkisch Stete haben ein Rucksprach genohmen dy vorbestimbten anzal nemlich 600 mann ein igliche Hewbstet darunder 100 gereißige pferde, dy ander Stete auch als vil, an Ir frund zu bringen, und haben uff den Herntag kein antwort geben wy wol sy solchs vormals an Ir frunt bracht haben am Herntag vergangen, der verhofnus es sollt uff den tag der uff Cantate gehalten sollt sein zu Konigsberg gericht werden, das aber nicht gescheen ist.

Wy hebben gefordert von den vir Prignitzirischen Steden hundert perb und funffhundert to fute, hebben sy geboten dryhundert und darunder twintig perb gereißiger, willen wy genugig sein an den vir Steden 40 pferd gereißiger dryhundert Wepner to fute utghesloten die wagenknecht und willen noch kommen der nicht myner, wo der Hehrtug ein furganc gewinnet entberen, des hebben sy ein rucksprach genohmen up Trinitatis weder hirher to komen, antwort to geben. Actum am Dinßdag na Eraudi.

Daruff ist mein gnediger Herre anders Rats worden und angesehen Ir willigkeit und hat In Ire anzal gemindert, und gelassen zu 300 Wepner darunder 30 perb sein sollen gereißiger und wagen so vil sie daz zu bedurffen.

Item Iglich stat ein Haußniz, ein Buchsenmeister und ein zimerman, und was sie daz zu notturfftig sind, Item dy von lenntzen sollen bringen 30 Mann wepner darunder 6 pferde.

Siehe v. Ledebur Archiv Bd. 1. p. 254.

XLII. 1479. Verhandlungen des Landtages zu Berlin.

Abschid des Herntags zu Coln an der Sprew am Donersdag Annunciationis marie Im 79ten. (78?)

Item man sol den Steten mitgeben den abschid zu franckfurt verlassen, dabey lassen wirs bleiben dem ist vor nachgegangen von den Mittelmerkischen, von den Altmerkischen zugeschriben und von den prignitzirischen zugesagt und das yderman zu der steten hir sei In osterfontagen von den Altmerkischen und prignitzirischen, wirt es dan gericht das got geb, so wol wir yderman wider bieten die andern mit dem fußvolk wie es verlassen ist, an die steten da sie hin bescheiden sint und der gereißig zeug auch hirher von der Ritterschafft als er angesehen ist.

Item den Stettinischen Handel sol man beruen lassen biß zu dem tag gen Konigsberg da sollen wir hin komen, Prelaten herrn Mann und stet mitbringen mit gewalt da zu handeln nach gestalt der Sach mit thun und lassen.

Item der verbrandten und beschedigten halben sol sich yderman eynigen nach geburnus mit seim armen mann und sich befeisigen damit die lant wider gebawet und nicht wust werden.

Item der gericht halben Geistlich und werntlich, die sollen gen den verbranten bis Jar angestellt werden und gegen andern beschedigten, Auch sunst In diesen frigsleusten zu halten, nach geburnus gesetzt werden als hirnach volgt, Nemlich ein iglicher Bischoff sol ein schidentlichen darzu geben von der geistlichkeit, so wollen wyre auch ein schidentlichen darzu geben ein werntlichen, von des adels und der Frey wegen, Desgleichen und iglicher Bischoff einen und die Stat einen, In iglichem stant sollen die Zwen fleis ankern und nach Zimlichkeit die ding zu setzen wie es mit den gericht das Jar sol gehalten werden und wo sie nicht eins wurden sollen wyre ein obmann sein In unsern landen, Wollen es die frembden bischoff nicht also halten sollen sich unnsere Conservatores Ir mit recht weren, damit doch die unnsere bis Jar das got In besserung wend sich enthalten vermogen.

Item nymands sol die muntz steigern oder der absetzen bey verlifung leibs und guts.

Item man sol ein gebot thun kein getreid auß dem land lassen zu furen weder geistlichen oder werntlichen in diesem Jar.

Item man sol allen vleis ankern das uberall Rauberey gewert und nicht gestat werd und sunderlich durch den Adel bestellen an den ortern, damit sie ander furstenthumb land und leut nicht angreifen oder beschedigen, dann wir und unsere land haben ansals genug und ist nicht not das man uns mehr zu zeucht und unser frund und gefellen verlust die uns sunst gern hulffen, es ist genug versonnuß das uns einer nicht dinet so statlich als er billich tut und pfleg ist und erfordert unser oder der unsern noctorst noch minder, nicht ander abzuwenden oder unns und unsern landen zu widerwillen reizen.

XLIII. 1479. Notiz, was auf dem Landtage zu verhandeln.

Handlung uff dem Herntag tzu Coln an der Spren am donrstag In oktern Im 79ten. Unnsere Ruhmen Sach.

Ein Anuslag.

Item Newberey halben.

Item dy geistlichen und werntlichen gericht gegen den Schuldigern.

Item der tag zu franckfurt.

Item der tag zu konigßberg.

Item dy botschafft an keiser, Behem, Hungern, Dennemarken, Sachsen, aber Sachsen, Brunnswigt, Meckelburgk, Magdburg und ander Bischoff, von dem allen, auch des tags halben der konig ist not herwt zu handeln.

Item von der Drabanten wegen.

Item von Besetzung wegen der Sloss.

Item Mittenwald, Croßen mit Drabanten zu bestellen.

XLIV. 1479. Vertrag mit den Herzogen von Mecklenburg.

Von gotts gnaden Wir Albrecht des heiligen Romischen Reichs Ertzkamerer unnd furst, Johannis, fridrich und Sigemundt sein Sone Marggraven zu Brandenburg ic. Bekennen ic. Als sich die Hochgeborn fursten unnsere liebe Dhem Here Albrecht Here Mangnus und here Baltzar

gebrudere hertzogen zu Meckelnburg u. s. w. gein unns und unnsern erben verpflcht und verschriben haben, unns wider unsern Swager Hertzog Buggeslauffen zu helfen, ob es zu schulden keme und nachdem nu derselb Hertzog Buggeslauff seine furstenthumb und lannd von unns Marggrave Albrechten als kurfursten zu lehn empfangen hat, Als auch sein Vater unnd vetter von unns und unsern vorfaren empfangen haben Also das sich geburt das dieselben lande so sie von dem genanten Hertzog Buggeslauff on menlich leybs Eelich lehns erben verstorben an unns unser erben die kurfursten sind und die Marcke zu Brandenburg fur und fur, als lehns recht ist gefallen und heimkomen So haben wir unns uß angebornner liebe und freuntschafft den genanten unsern ohmen von Meckelnburg zu geben, das wir und unser erben Ine und iren erben sollen werden und volgen lassen das lannd zu Bart, Anckelheim, Gutzkow und Wolgast mit iren zugehorungen und gleichwol soll uns und unsern erben volgen und bleiben Nemlichen das land zu Stettin mit Aller Zugehorung wie das Hertzog kassimir und Hertzog Joachim von Alter gehabt und darzu das land zu pomern, Cassuben, Wenden und Rugen In aller maß wie die Hern von pomern das von Alter gehabt haben und so es zu sellen keme, sollen Wir und unser erben In getrewlich helfen und sie und ir erben uns und unsern erben widerumb auch getrewlich helfen sollen solchs einzubringen und beruwet zu behalten, doch mit der bescheidenheit ob das wer das got lang wende das die gnanten unser ohmen von Meckelnburg on menlich leibs lehns erben abgingen fur und fur, So sollen die obengeschriben land als Wol an unns unser erben die kurfursten sind und die marcke zu Brandenburg gefallen als andere ire lannd und so In die ein wurden, sollen unns dieselben land auch huldigen als andern ire land gethan haben erblich, und des zu warem Urkunde u. s. w. Gescheen und Geben In unser Stadt premtzlow Am midwochen sand Johannis abend des taußfers als es zwuschen unns geteidingt ist worden Nach Christi unsern lieben Hern geburt 1479.

NB. Ist nicht volzogen worden.

XLV. 1479. Friede zu Prenzlau mit den Herzogen von Pommern.

Von gotts gnaden, wir Albrecht und Magnus Gebruder Hertzogen zu Meckelnburg, Fursten zu Wenden, Graven zu Swerin, der lannd Rotstock und Stargarden hern, Bekennen u. s. w. das wir zwischen dem Irlichen Hochgebornnen Fursten herrn Albrechten Marggraven zu Brandenburg, Churfursten, zu Stettin u. s. w. unserm lieben hern und Oheim eins und herrn Buxlaffen zu Stettin, pomern u. s. w. unserm lieben Oheim und Swager des andern teyls Freuntlichen beredt und beteydingt haben, mit beyder teyl guttem willen, wissen und volwort Auch In beywesen beyder teyl prelatten, herrn, mannen unnd Stetten Als hirnachvolgt unnd also: Das unserm herrn und Oheim Marggraven Albrechten Churfursten, unnd seinen erben Erblichen bleyben soll, was er vor Inen gehabt unnd auch was er In diesen kriegslewfften erobert, sich an In ergeben oder gewonnen hat, außserhalb gartz Auch nemlich Nahm, helm, schilt, lannd, lewt, Stede, Sloss, Mannschafft unnd die die In Erblich gehuldigt haben, mit aller zugehorunge und Furstlicher obrickeyt, auch die statt Straßborch, mit aller Irer zugehorung das Erblich zur Marcke zu Brandenburg gehortt, So sollen die ubrigenn vorgnanten Furstenthumb und land, die unser Oheim und Swager Hertzog Buxlaff yhund ynnen hat, mitsambt Gartz demselben unnd seinen mennlichen lehns Erben, auch Erblich bleybenn, Nemlich nahmen, helm, schilt, lannd, lewt, Sloss, Stette unnd mannschafft, auch mit Irer zugehorung, außgenommen die die unsern hern und Oheim vorgenannt bleyben sollen; Vonn der lehen wegen, soll die Ordnung zwischen den lehenn hern vonn Brandenburg des heyligen Romischen Reichs Erzkamerer und Churfursten ic. unnd den lehenns Fursten zu Stettin pomern der Cassuben Wenden den Hertzogen und Fursten zu Rugen, mit empfangung und leyhung yhund und hirnachmals, so vaken das zu

schulden kombt zwischen In und Inren Erben vonn beyden teyln gehalten werden und also als unnsrer aller gnedigster Herr der Romisch kayser unnsren Herrn und Dheim Marggraven Albrechten, auf sein Erblich gerechtigkeit Auch ob sein kayserlich gnade und das Reich wes gerechtigkeit daran hetten oder haben mochten, die lannde Stettin pommern Cassuben weenden und Rugen 2c. gnediglich gelihen unnd gegeben hatt, Solich vorgnamt leyhung und laand unnsrer herr und Dheim Erblichen also vom Reich haben unnd behalten soll, unnd zu einer Igelichen zeyt die Marggraven, die Churfursten sind, mit andern Inren Regalien empfaben sollen und soliche vorgenannte lannd, mit allen Inren Regalien, Herlikeyten unnd Zugehorungen, Soll der vorgenannt unnsrer herr unnd Dheim Marggrave Albrecht Als ein Marggrave zu Brandenburg, Churfurst und lehnherr unnsrem Dheim und Swager Buxlaffen zu lehen leyhen, mit Hand und mit mund und In die lehen, als ein lehen herr seinem lehens Fursten leyhen soll und er die als lehensfurst, von In als seinem lehen herrn empfaben soll, Also auch mit leyhung und empfabung In unnsrer gegenwertigkeit gescheen ist, und der genannte unnsrer Dheim und Swager Herzog Buxlaff hat auch darauff als bald seiner lieb lehens pflicht gethan als Recht ist unnd sich des alles schuldig zu sein verpflichtet, Als ein getrewer lehens Furst unnd Mann seinem lehnherren vonn lehenswegen und durch lehenspflicht zu thun schuldig unnd verpflichtet ist, Alles getrewlich und on geverd, Es soll auch alle schazung, Brandschazung, dingnus und un gefallen gelt, Es sey verschriben, verburt, Stede unnd zeyt darumb vergangen oder nicht, gantz ab sein, Auch die burgen unnd selbschuldigen ledig gesagt werden, doch alle azung und was mann bey den wirten verzert gelihenn oder außbracht hat, soll mann bezalen, was auch In disem friden uberfarung mit schazung unnd andern gescheen ist das soll wider gefert werden, Raub und brand sollen gegeneinander fallen, unnd so solichs voltzogen ist, sollen alle gefangnen vonn beyden teylen, die In disen kriegslewfften oder friden gefangen sind, gegeneinander zu gleich ledich unnd loß gegeben werden, vonn den Herrn und den, den sie gelobt haben, das eins mit dem andern zu gee unnd darauff soll alle sach zwischen den obgemelten unnsren Herrn Dheimen und Swager und allen den, die darunter verwandt und verdacht sind, gericht und gesticht sein unnd soll den die In den Slossen sitzen darzu oder darcin gehorende das Ir ligende gut wider gebenn und welche nicht alda bleyben wollen, den soll mann das Ir guttlich verkhaffen unnd sie zihen lassen, Alles sunder arglist unnd ungeverd unnd des zu einem Ewigen Waren Urkundt gebedchnus und stetter Halbung aller obgeschriben ding, haben wir eegenanten Fursten vonn Meckelmburg, als bewilligt teydings lewt vonn beyden teyln unnsrer Innsigell wissentlich an disen brive henngen lassen, unnd igelichen obgemelten teylen der einen In gleicher laud ubergeben Hirbey und uber sein gewest, Er Johanns Grave zu Lindow herr zu Ruppin, herr Johanns Grave zu hoenstein herr zu Heldrungen, Er Eittellfritz Grave zu Zoller, Er Martinus Abt zur himmelpfortt, Er Bussse Ganns herr zu pottlist, Er Ernnt herr zu Eilemburg, Er Erasumus Bramburg Brobst zum Berlin, Er Jorg vonn Slabernndorff Cumpneur zum Quartzen Er Bosse von Alveß, Iebe, Er Nickel pfull, Er heinrich von Luchow, Er Gorig von Wangenheim Marschalh, Er Wilhelm Adellmann, alle sunff Ritter, Henning, Hanns und Claus von Arnym, Hanns und Weichart vonn Bredow, Curtt und fridrich Slabernndorff, Werner vonn der Schulemburg, Jorge Kulike marschalh, Werner pfull voit zu Meyenangermund, Hanns von Crumensee, Haner vonn Bertensfleven, Gorg von Welberg, Wolff von knoringen, Reinhart vonn Absperg, Burgkart Stiglitz, Albrecht Quast, Gorg vonn Zedlitz, Anthonius und Fridrich von Werttern, Simon von der Groben, Ott, Wolff, Zabell von Holtzendorp, Er Claus han, Er Gorig Grabow Rittere, heinrich unnd Wike Ribe, heinrich han, Curt sperling, Henningke von pentz, Herrnd vonn Bulow, wedige vonn Aldenburg, herr kerstian Flemming Ritter marschalh In pommern, herr Fridrich von Eigskede pfarrer zu postwalk, Hanns kratesyß, Olde ludicke moltzan, Mertein Zitzewitz, Johann von kalen, Matzke und

Brand Borcke, Adam pudewels, Henningk lindstede, Arndt und Achim Swerin, petter plesse, Has vonn Wedell Er Johann Wapersnow Officiall zu poswalk unnd Degener Bugenhagen, Andreas Schunemann Burgermeister von beyder stede wegen Brandenburg, Hanns schult unnd Enndris Werbit Burgermeister zum Berlin und Collen, Tens Winq Burgermeister unnd lorentz Gunther Rathmann zu Franckfurt, Mattheus Kulow und petter Angermund Burgermeister zu premslow, Wilke fug Burgermeister zu Steindall, Claus Brenitz Radtmann zu Soltwedell, vonn beyder Stette wegen, Matthias Darnhe Burgermeister Doctor Zabell Rathmann vom Sund, Hanns Tollner Burgermeister zu Ancklem, petter Varnholt Burgermeister, ludike vonn Grollen, Arndt vonn der Weyd, Rathmann zu Alden Stettin, Rossow Burgermeister unnd Bartolomeus Borgk zu Stargard Rathmann, Mauritz Glinicke Burgermeister zu Rien Brandenburg unnd mer annder Stett globwirdigem Geschien unnd Geben zu premslo am Sonnabend nach Johannis Baptistae 1479.

S. v. Lancizolle p. 592.

XLVI. 1479. Herzog Bogislaw von Pommern Vertrag mit Churf. Albrecht.

Wir Bugslaff van gotts gnaden to Stettin Pommern ic. Hertzog, Furst to Rugen und Grave to Gutzkow, Bekennen ic. unnd verpflichten unns by unnsen Furstlichen werden unnd truwen also hinabsetzet, Dem hochgebornnen Fursten herrn Albrechtenn Marggraven to Brandenburg Churfursten, to Stettin Pommern ic. Hertogen ic. und sinen Erben weder den konig vonn hungern und allermeiglich, wenn Wy des von en ermant werden up ere kost, hulf unnd bystandt don, getruwlichen, an alle widdersprake, Mehr so verpflichten wy unns, In Crafft dits brives siner liven und sinen Erben to overgebende, by schult der dry tausent gulden by unns unse Swager Marggrave Johanns, schuldig is gewesen, darmit he unns schult und alle heyratgutt betalet hest, unnd seggen los In Crafft dits brives, siner liven borgen, sulffgelder edder gewehren, wo dat namen hebben mag, by gutt fur dat gelit siner liven halven gewest sind, Mehr so verpflichten wy unns siner live den brive, den he unns to premtzlow geben hest, der to grepe halven In freden geschien, em den to gevende In monatts frist edder sinen anwalden, Of overgeben wy ime also denn denn also nue In Crafft dits brives alle unse gerechtigkeit, de wy an Beskow und Storkow hebbenn, losinge unnd anders unnd vertihen unns der gennghlichen unnd geben die siner live unnd sinen Erben In Crafft dits brives darmede to donde und to latten na orem gefallen, Verpflichten unns of alle brive unnd gerechtigkeit, die darup luden edder en darto dinen konnen to overgebende unnd solik gerechtigkeit getruwelikenn helpenn Inbringenn, Mehr verpflichten wy unns In monatts frist unns gemahell to verweise unde up Gartz und Uckermund mit allem dem dat wy dar hebbenn oder gehaben mogen, dat sy darvon Zerlicker gulde up to boren hebbe 2400 gulden an gelde unnd werth, wat daran overig wer schall unns werden unnd schallen or dorup die Burger unnd Inwoner huldigen, of die Amptlude huldigen, So offte die gesettet istt emntsettet werden, na lude oer Verweisung also liffgedings Recht is, Of verpflichten wy unns In Crafft dits brives, unns land nymandes huldigen to latten eder overgeben, Sundern mit unnses gnanten hern und Swagers und siner lehens Erben Witten, Willen unnd volbortt, unnd des to orkunde hebben wy unns furstlick Ingesigel u. s. w. Geben to Tanngermund an der Elve 1479 am dage Petri ad vincula.

Wegen Beskow und Storkow siehe, aufer Kanrow, v. Ledeburs Archiv Bd. 3. p. 130. und Bd. 6. p. 171.

XLVII. 1479. Churf. Albrecht bestätigt den Kulow als Richter zu Nauen.

Wir Albrecht zc. Bekennen zc. das wir von bete wegen unser lieben getruwen Celestin kyn und Ludwigen Daphart Inen erlawbt und vergunst, das sie Peter Kulow zu Nauen an Ir stat zu richter daselbst, das sie von uns In lehen, gesetzt haben, gonnen und erlawben Inen das bis uf unser oder Ir widerruffen und haben daruff dem selben peter Kulow solch gericht zu besitzen und uber Hals Handt und alle peynliche sachen wie sich geburt zu richten mit Handt und mit mund geliben und leihen Im solchs bis uf unser oder der vorgenanten widerruffen In und mit Crafft dics Brifs und des zu Urkund haben wir unser Ingesigel zu rugt uf disen brif zc. der geben ist am mitwochen nach Margarethe 1479.

XLVIII. Um 1480. Markgr. Johann privilegirt die Theilnehmer eines Salzwerks zu Sarmund.

Wir Johans zc. Bekennen zc. als der Hochgeboren furst Herr Albrecht Marggrave zu Brandenburg kurfurst zc. unnsere lieber Herr und vater umb besserung und zunehmunge willem dieses kurfurstenthumbs der Marck zu Brandenburg, auch von ehlicher der unnsere beih und anzeigung wegen, dadurch sie und die gemeine Inwoner der marck, nutz und fromen bekomen mochten, vergonnet und zugelassen hat, ein Saltzwerk In unnsere landen, Nemlich bey Sarmund lehnyn und eine meil wegs circelweis darumb zu bawen und auf zu bringen auf vir und sechzig person und dieselben vir und sechzig darauf gefreiet nach Innhalt eins brives In daruber gebenn, solich saltzwerk dorch dieselben ettlich Zeit also gearbeit und gebawet worden und Nu durch verschwinnusse und lassigkeit ehlicher die Ir zu busse nicht zu rechter Zeit gegeben haben In Unwirden und abfall gekomen ist, das wir disen nachgeschriben unnsere lieben getruwen solichen Saltzborn wider anzurichten und zu bawen vergonnet und zu gelassen und mit allen gnaden freihaiten gerechtigkeiten, die unnsere lieber Herr und vater obgenannte nach larwt seins brives daruber geben bestettigt und Confirmirt haben Gonnen und erloben sollichen Saltzborn wideranzurichten, und bestettigen den selbigen hirnageschriben alle freyheit daruber geben und was Saltzwerks recht ist, In Crafft und macht dieses brives, Also das wir unnsere erben und nachkomen von unnsere furstlicher obrigkeit wegen zuvorn auß In solchem Saltzborn zu nemen behalten den Zehenden unde disse nachgeschriben darInn haben sollen, Nemlich Herr Gallus Apt zu Lehnyn ein teil Herr Nickel pful ritter ein teil Herr Wilhelm Marschalek ritter ein teil peter Borgstorff ein teil Werner von der Schulemburg ein teil Claws unde Hans von Arnym ein teil Eurd Slaberndorff mit seinen brudern ein teil, Doctor Sigmund Zerer ein teil Johann vogel zwen teil lawrencius menger ein teil Johannes Bruner ein halb teil Hermanns Copen ein halb teil der Rat zum Berlin ein teil Sigmund auf dem Mülhove ein deyl lawrencius krugerr ein teil, Wilhelm Roder ein teil Johannes Scharpf ein teil, Doctor Stocker zwen teil, Hans Schultze ein teil, Hans Blanckenfeld ein Mertin wins ein deil Andreas Schultze ein teil Thomas Blanckenfeld ein teil Michel Heße ein teil Jacob krull ein teil, Hans Lantzeberg ein teil kerstian Have ein teil, kerstian Mathias ein teil, Hans krewitz ein deil, Casper Mortzan ein teil Corban Marcus ein deil, Jorg Helmbrecht und thomas Schultz ein deil, Hans Roder ein teil, Joachim Reich ein teil, Jorg und Hans Strobant ein teil, peter Brackow ein teil, Hans Brackow ein teil Hinrich Schwim ein teil, Bartelmeus kynßberch ein teil, Andreas Mutzelitz ein teil, Valentin winßen kinder der muter ein teil pawel Ebel ein teil plumperdum ein teil Herr gregorius Schultz ein teyl Hans Engel ein teil Hans lange ein halb teil Vorhardt Marcus ein halb teil, Wille Hans Matheus und Andreas Mutzelitz ein deil Thomas Strobandt ein teil Barntes

finder ein teil, Claws Bosten anderhalb teil Michell Brugge ein teil Jacob winß ein teil Thomas kulepatz ein teil Jorge schulz ein teil Hans Strutz ein halb teil, Mathias solderick dry kufus Sigmund Notenow ein halb teil, Mertin krewitz ein halb teil, Claws Wilke und Sunte Jorgen ein teil Thomas Nykamer ein halb teil Unde auf das solcher Salzbornn, dorch versewinnus und lassigkeit diser vorgeschriben die Ir zu Busse so sie darumb angelant zu rechter zeit nicht geben werden abermals nicht In unwirben und abfal wie vorgesehen ist kome sunder Statlich und furderlich gebawet werde haben wir eine Sazung und Decloracien gethan und thun die auch hiemit Inn Crast dits briefs Also wenn die Baromeister desselben Salzwercs ymandes umb zu Busse zu geben Anlangen und er oder dieselben solche zu Busse In 14 tagen darnach nicht geben wurden, der oder dieselben sollen Irer teil darnach verfallen sein und deshalben zu den Andern gewercken keyne fordrung oder zuspruch haben und sollen solliche verfallen teil der gemeinen gewercken sein, forder darmit zu thun und zu handeln nach Irem gefallen. Coln an der Sprew s. a.

S. v. Ledebur Archiv Bd. 8. p. 291.

XLIX. 1480. Markgr. Johann erlaubt der Stadt Frankfurt auf 14 Jahr einen Zoll zu erheben.

Wir Johans 1c. Bekennen und thun kunt 1c. das wir angesehen und erkant haben getrew willig binst, So uns unnsere lieb getrewem Borgermeister Rathmann und ganze gemeynheit unser Stat franckfort an der Ader, oft und dick, anehmlich und zu danck williclichen gethan haben, Auch hinsuro wol thon mogen und sollen, unnd sonderlichen hir Innen angesehen betracht und zu Herzen genommen Sware Zerung scheden und schagung, so sie In vergangen krigßlofften von unser unnsere Herrschafft und der land wegen von unnsere veynden empfangen und haben genomen, darummen und auch auß sonder gnaden, so wir zu In tragen, Auch das sie Themme und brucken in bewlichem wesen halten, und der gemeyn kauff und scharmann, die unnsere lande und straffen besuchen desterbaß und beqwemlicher daruber zihen und scharn mogen, haben wir Inen gegonnt und erlobt, das sie die nechstkunfftigen virzehen Jar ganz auß nach dato dises brives und nicht lenger einen Zoll, auf uslendische Zentner Wagen und gut nach ymlicher redlichkeit setzen und nehmen, auch als sie vor von alders her, uf den uslendischen farenden scharmann auf ein ydes pferd vir pfennig gehabt, noch darzu von einem iglichen pferde vir pfennig, das sich also ein Merckischen groschen macht, nehmen sollen und mogen Gönnen und erlawben Inen solchen Zoll zu setzen und zu nehmen wie vorberurt die vorgeschriben virzehen Jar ganz auß und nicht lenger und geben Inen des also uf furstlicher obrigkeit volle macht In crast unnd macht dises brives, Wir sollen und wollen auch den genanten den unsern von franckfurt beholfen sein und mitsambt In vleis ankern ob dy nyderlag so vor alders Aldar geweest ist wider dahin komen und mocht gebracht werden, und sonderlichen, so haben wir Inen bewilligt und zugeben das sie In solichen virzehen Jarn den nechsten in der genanten unnsere Stat uf die Inwoner daselbst gemeynere stat zu nutz und fromen ussatzung thon damit uns ir anzall der hundert tausend guldin zu bezalung unnsere schuld, dester statlicher gescheen moge Alsdann solichs andern unnsere Stetten auch solichermaß auch zugeben ist, doch das solichs dem gemeynen Inwoner auf dem land nicht zu schaden kumm, bewilligen und geben Inen solichs u. s. w. Gescheen und Geben zu Coln an der Sprew am Donersdag nach dem Sontag Judica In der vasten 1480.

S. Wehlbrück Gesch. von Lebus Bd. 2. p. 201.

L. 1480. Landtagsverhandlungen.

Was prelaten, Herrn, Mann und Steten am Herntag nemlichen am Donrstag nach Conversionis Pauli Im 80sten Jar ertzelt ist von meins gnedigen Herrn wegen.

Lieben getrewen, Nach verlaß und abscheide unnsers lieben Hern und vaders, haben wir diesen tag gemacht, So wist ir wie unnsere sachen mit schulden, darein wir komen sein ein gestalt haben, Bitten wir euch, das ir wolt helfen und rathen, damit wir auß solichen schulden komen, und euch und ander bezalen mogen, wie ir dann das zu thon von der zugesagten landbethe rathen werdet, dadurch wir manung verhaben sein und die schulde bezalt werd, wollen wir gerne gesvolgig sein und furder solichs gein euch allen und iglichem besundern, wie geborlich ist, verschulden und gnediglichen erkennen.

Antwort prelaten Hern uff dem gehaltenen Herntag alhir zu Coln an der Sprew am mitwochen nach Judica Im 80sten.

Die Prelaten Hern und her Busse von der von Alvesleben wegen, wollen mein gnedigen Herrn das er mog bester ehr aus seinen schulden komen und das Im die zu gesagten Landbeth erschicklich und nutzlich mogen werden, verschaffen mit den iren dorch gebung von dem Byer, oder andern was sie wollen, das den Armenleuten, nach irem erkentnis am beqwemlichsten sein wert, von den die Landbeth pflegen zu gebenn, das sein gnad als vil In zwelff Jarn zu halber landbeth gegeben solt werden, das solichs In sechs Jaren außgericht werd, doch also, das Sye In zwelff Jarn, als an dem zu geben ist, umb keyn Landbeth oder furder hilff mit gelt zu thon angelangt oder gebetten werdenn und uff Martini ihundes zu kumfftig anhebenn.

Item und sind von prelaten Hern hirbey und uber gewest:

Bischove von Lubus, Havelberg, Brandenburg. Abte von Lehnyn, Czynnen, Corin. Czwen Gens von Potlist, Her Busse von Alvesleben.

Antwort und anbringen der Ritterschafft uff solichem herntag.

Item Sye wollen meinem gnedigen Herrn Ir anfall gelt der Hundert tausent gulden, nach der Landbeth In sechs Jaren lassen volgen und uf martini Im 81sten ansahen.

Item Bitten So sie von seinen gnaden verbott oder verschribenn, das sie alsdann mit futer brot nagel eyssen und auslofung gehalten werdenn, wie es von alders gewest ist,

Item auch bitten Sie Sye irs billichenn und moglichem schadens zu entrichten, wie von alders herkommen und auch gescheen ist.

Item bitten sein gnad, bruder und bruders kinder zu samenn die igt nicht gesambt weren, als In solichs dorch Marggraf fridrichen seliger gedechtnus auch sol zugesagt sein.

Item bitten auch den Landen zu gut die Juden daruß lassen zu ziehenn und nicht zu haltenn, die seinen gnaden und gemeynn Landen schedlich sein.

Item bitten auch Rawberei und plackerei zu stewrn uf das ydermann mag frey handeln und wandeln zu seiner narung darzu sie sich er bieten zu helfen und ob seiner gnaden manschafft in solich strenglich gefunden wurd, das sein gnad die straf selbst uber sie laß gescheen, und nicht solichs den Stetten vergunn, darzu wollen sie helfen und dinenn.

Item auch bitten Sie sein gnad lassen achtung und ussehen zu habenn uf die maß, waß, schffel, ein und gewicht, darmit der gemeyn nutz nicht beswert werd.

Item auch bitten sie von den Landen darzu zu schicken die solich gelt einnehmen und das solichs zu losung der Herrschafft renth und schuld gegeben werd.

Antwort meins gnedigen Herrn der Ritterschafft gegeben.

Item mein gnediger Herr beliebt den ersten artickel wol, Sondern seiner gnaden notdurfft erfordert es anders, der Wachendenn und ander schuld halben, Hirinnen bitt sein gnad noch, sich den prelaten hern und etlichen mannen heut bestymt gemess zu machenn und uff martini nechstkumfftig zu gebenn anzuhenn.

Item den andern Artikel So die manschafft verbott oder verschribenn wirt, beliebt sein gnad und will den gern wie von alders her gescheen ist usrichtigung thon.

Item den dritten artickel, der schedenn halbenn beliebt sein gnad nach seinem Innhalt.

Item der versammlung halbenn bruder und bruders kinder, die igt nicht versammelt sind, will sein gnad an sein Hern und vater gelangen lassenn.

Item der Juden halbenn die sind von meinen gnedigen Hern drey Jar usgenommen und nach alter gewonheit gefreyt, So die fur komenn, wollem sie alsdann prelatenn Ritterschafft und Stett nicht gerne leyden, will es sein gnad haltenn nach irem Rath, mit erbietung wo es von denselbenn mit wucher oder andern unzimlichenn fur genommen wirt, mit In zu verschaffenn das es nach irem Herkomenn nach redlich:it gehalten werd.

Item der Rawberei und plackerey halbenn, die will sein gnad Stewren und wehren und wie das nach irem rath gescheen sol, das ist sein gnad zu thon geneigt, Sein gnad will auch die straf uber die mann nach anzeigung irs artickels beliebenn und also gestatten lassen und ist seiner gnaden sonderlichenn meynung, das solich strasrowber von nyemandes gehauet gehegt oder fur geschobenn werdenn, dann welche des erfunden wurdenn, will sein gnad die straf lassen gescheenn.

Item ussehen zu habenn der maß vass ein gewicht und anders ic. will mein gnediger Here gern nach irem rath wie solichs sol bestellt werdenn haltenn.

Item mit cynnehmung und usgeben des geltz will sein gnad seiner Diner einen in einem igitlichen ort schicken, die einzufordern und zu manen und all Jar rechen schafft seinen gnaden und den die von prelaten Hern und manschafft igundes darzu geordnet und gegeben werdenn zu thon, und verfugen, das es nach irem rath an schuld losung der versazten zins und schaden gegeben werd, wann wenn es die manschafft selbst einnehmen solt, wollem sie den unwillenn gegen den leuten, die sie geben sollenn nicht gern haben, darmit wirt meinem gnedigen Hern die Landtbeth verzogen und uf bestimpte Zeit nicht usgericht noch gegeben und ob denselben die mein gnediger Here also einzumanen die Landtbeth schickenn hilff not sein wurd, wem denn sein gnad darumenn schreibt, solichs helffenn einzumanen, das denn dieselbenn solichs thun;

Uff solichs haben die Ritterschafft gewilligt, mit der landtbeth einzunehmen uf martini nechst anzubehenn, doch welche verbrandt und verdorben sind, und die nicht geben kondtenn, das mann mit denselbenn das Jar ein gedult hab, und es hirnach von In nehm, so lang, das sie den andern nach ir anzall gleich gegeben habenn.

Und haben daruf von der Ritterschafft benennt, die mit ob den dingen wie vorberurt ist, sein solenn nemlichenn:

Herr Nickel pful, Hanns von Bredow, Claws von Arnym, Werner von der Schollemburg, Hans Barfut, Court Slabrendorff.

Antwort und anbringen der Stett, uf den nechsten abschide, die antwort nach bevelh von den sie geschickt sind, und das anbringen als fur sich selbst, nach irem gutenn beduncken, mit einer protestation zu den dingen dinende ic.

Item die Stett haben geantwort, das Eye bey iren Inwonern nicht erlangen konnen, das sie keyn zeyß geben wollen und sagen ganz ab, usß byer nicht zu sehen noch zu nehmen Sondern wollen seinen gnaden, so es zu Tangermunde zugesagt ist volkomenlichen haltenn, doch das uf sie nicht mehr gelegt werd denn In nach anzall der hundert tausent gulden zu gebur, nachdem franckfurt und premtzlaw sonder vertracht habenn und etlich von cleynen Stetten verarmet sein, und ir anzall villicht nicht geben konnen.

Item ir gut beduncken wer, das prelaten Hern Mann und Stett, an unfern alden gnedigen Herrn schicken, Sein gnad zu bitten unferm gnedigen Herrn Marggrave Johannsen, zu losung seiner versazten Rensch 30,000 gulden zu leyhen, gescheener verhandlung nach, und das man die wider zu bezalen sich verpflichte

in funff Jaren, doch also das die prignitzirischen und Altmerckischen Stett, prelaten und manschafft, solichs nach ir anzall an den hundert tausent gulden auch thetten.

Item auch haben sie vorgeben und gebettent, das unnsere gnediger Herr Marggraf Johans nach dem sein gnaden und den Landen mit verrettereit und sunst nachgestellt werd, und dar dorch da got vor sey in mercklichem unverwintlichen schaden fallen und komen mochtent, solichs alsdanne igundes dorch schickung des Allmechtigen gots underkemen und sich an einem so gefangen ist, kuntlichem erfunden hab, die Nacht furder an verlichen enden zu meyden und abzuthon, Sondern die an enden fur zu nehmen und also zu messigen, darmit sein gnad und die Land schadens vertragen bleibenn Angesehem da gott vor sey, wo es sich also begeh, Armut der land und das mann seinen gnaden so statlichem nicht gehelffenn mocht als villsucht die notdurfft erfordern wurd ic.

Item und als mein gnediger Here Bittet, Ime ir anzall gelts der hundert tausent gulden in sechs Jarn uszurichtent ic. haben Sie gebetten Inen deshalben ein rucksprach zu geben, ist also gescheen, und wider ein tag dar ir antwort einzubringen bestymbt, uf montag nach misericordias domini zu Tangermunde zu sein, Actum Coln an der Sprew am Mittwochenn nach Jubica Anno 80.

LI. 1480. Schreiben Churf. Albrechts an seinen Sohn Markgr. Johann wegen der Landbede u. a.

Veterliche lieb und trew altzeit zuvor, Hochgeborner furst lieber Sone als Ir uns igund geschriben hab, haben wir alles vernomen und gefelt uns das die von Brandenburg und Berlin zugesagt haben die landtbede auch In sechs Jarn zu bezaln. Balthasars von Elieben halben wiewol er es mit seiner betrieglichkeit hat erworben und uns verclagt hat und verunglimpft, das wir pillich nit genaigt sind Im vil gunst zu beweysen In der sach Sunderlich nachdem er der richtigung nit volg thut die beteidigt ist durch unnsern Oheim und Swager den Administrator zu Magdeburg So ist doch ursprunglich unnsere meynung gewesen Wo die guter nit besser dann 1500 gulden wert gewest wern, das wir Im den ansall vermeint haben, So ist billich Er sagt man sey Im 1000 gulden schuldig euch geliben, was sich des erfund das man Im die halet, So hetten wir einmal verwilligt unnsern Cantzler und frund von Lubus das wir Im wolten haben geben das Hawß und garten zu Berlin das alles nit vast ab dem wege wer, ob Im fur sein schuld und all ansprach wurden 3000 gulden, So er dann abldset umb 7000 gulden die penß das wern 10,000 gulden als wir versien er beger, wer kein verlust doran dann zwey, das 1000 gulden absterben mit Hern Dietrichen von Freiberg als wir bericht sind, das amder das die von Cottbus und amder In dem Wald villsicht pawholz kauffen musten nach seinen gefallen, wenn es nymer an der Herschafft were wie wolt dann die Stat gepawt und hinsur mit prucken pastey zewnen ic. und amder bevestigung gehalten werden So sie nit pawholz hetten das man Ine allweg von der Herschafft wegen gern volgen leßt, doch mochten wir geleiden uff ewer verbessern So man den unnsern pawholz geb igund den verbrantten und hinsur mit der behaltung hielt, als bey den von Cottbus gegen den Inen gehalten ist worden, das man Im gonnt das zu lösen und die 3000 gulden dorauff slug und das er das zu lehen von der Herschafft hett, doch das er der herschafft losung dorauff geb nachdem es alwegen angeschlagen ist worden uff zwelff oder 14,000 gulden wert mit dem wald und glauben gleichwol das es lang ungelöst bliß oder villsicht nymer gelöst wurd, Got beriet dann die Herschafft vast uberiges geldes das sie sunst nit wößt anzulegen Auch verstet Ir unnsere bruder hat es herzu bracht erblich zu den launden Solten wir es darvon verkauffen on widerlosung, brecht nachrede und abfal und

es solt Balthasar nit begern dann es ist der Herschafft zu nahent Demnach geben wir euch den handel heym das beste dorInn nach rat furgunemen. Sigmundt Rotemburgs halben ist bequemer, Man löse Im das leipgeding die Zweingigt gulden gelt abe nach laut unners verlaß, dann das man Im 1000 gulden nachgeb zu peytz do man mit mog vergnugen Balthasarn. Umb die ablosung raten wir getrewlich das Jr das thut dann es hat warlich 800 gulden nuzung mit allen sachen one die peytz do wurdet euch also nit ein pfennig von und mußt gelt aus der Camern nachgeben als wir an Sigmunds Zetteln vermercken Datum Dnoltz, pach am Sontag Vocem Jocunditatis Anno .ic. 80.

Albrecht von gots gnaden Marggrave zu Brannenburg Cursurste .ic.

LII. 1480. Beschwerdeschrift des von Schlieben, den Landständen übergeben.

Einbracht am montag nach katherine Im 80sten uff den gemeinen Herntag hir zu Coln an der Sprew.

Meinem undertenigen willigen und fruntlichen Dinst zuvor Erwirdigen In got vetir gnedigen wirdigen edeln und wolgebornn Gestrengen und Ern vesten Erbaren und Ersamen lieb in Hern forderer und frund Ich bin geseßen mit Lodewige kuchmeister seliger itzwan Burgsasse zu Berlin In gesampten lehen nach lawte mynes briffes den Ich von mynem gnedigen hern Marggraven albrechte habe Also ist nu die selbte Ladewich kuchmeister vorstorben und von stund nach seinem tode habe Ich volge gethan und gesunnen von mym gnedigen hern Marggraven albrechte und seinen gnaden mit ganzem fleisse demutiglichin gebeten mir und mynen lehnserben sulche seiner furstlichin gnaden gethane lehne zu vernawenne die guter In zu antworten und volgen zu lassen und sulche demutige fliffige bete habe Ich nicht eyns Sundern ofte und vilmals gethan In eigener persone und durch andern vor mich thun lassen Nemlich durch mynen gnedigin hern Marggraven Hanse mynen gnedigin hern von lubbus hern Jurgen von waldensfels hern Nickel pfuel und mher lewten die manicherley handel derhalben zwiffischen seinen gnaden und mir gethan haben und habe das so gutlich und demutiglich gesucht und suchen lassen das ich nicht weiß wie ichs beqwemir und demutiglicher kegin seinen gnaden suchen sulde, das mir und mynen sonen bissher unhillfflich gewest ist Duch haben die Jrelauchtem Houchgebornnen fursten myne gnedige lieb in hern von Sachsen gar fliffig vor mich geschrebin und gebeten an mynen gnedigin hern marggraven Albrechte das mir myne angestorben guter volgen muchten nach lawte mynes briffes den Ich von seinen gnaden darobir habe Also hat myn gnedigir here Marggrave Albrecht mynen gnedigin hern von Sachsen ein antwort widder geschriben das denn mynen ern und gelympfen berurt und zu nhaen ist das muß Ich leiden und bulden und kan is leider nicht gebessern Duch habe Ich ermals prelaten hern mannen und steten ersucht mit flifflicher schrift und bete mynen gnedigin hern vor mich zu bitten das Jr denne uff dasmal gethan habet, was euch vorantwort wurden ist zweisele ich nicht habet Jr noch wol In gedechtnisse Duch gnedigin hern großen forderer und guten frunde alle mynes gnedigen hern man Burgermeister und Rathlewte aller stete igund zu Berlin Bitte Ich euch er wollet noch mynen gnedigin hern Marggraven Hansen getrewlich und fliffiglich vor mich und myne sone bitten, das uns widderfaren muchte von seym vater und von Im also vil billich und recht ist des Ich Sigil und briffe ha Ab nu myn gnediger Herr Marggrave Hans sprechen wurde sein gnade hette mit den gutteren nichtes zu thune also mir sein gnade wol ehir gesaget hat und spricht is belange mynen gnedigin hern seinen vater Nu habe Ich des myns gnedigen Herrn marggraven Hanses Briffe und Segil das seine gnade die selbten guttere vortedinget vor die seinen und hat die auch In gebruchunge also die seinen darumb ließe mich sein gnade billich zu rechte komen der guter halben Duch gnedigin lieb in hern Gestrengen Ernvesten Er-

samen und weisen liebun hern unnd frund Ich bitte euch von Hans von Schlieben mynes sones wegen das Ir mynen gnedigin hern Marggraven Hanse wollet getrewlich vor In bitten das die guter die sein sone von seines erbes halben angestorben sein volgin muchten nach landlewstiger weise nach gewonheit und recht In den gerichtten dar sie Inne vorstorben sein das er darmit nicht lenger vortzogen wurde und wil aldar In den gerichtten von seines Kindes wegin Iderrmanne volgin lassen wor er recht zu hat und wil geben und nemen alles was recht ist und hat sich des erboten vor mynen gnedigen hern und vor den gerichtten dar die guter Inne vorstorben sein und hat Im bissher nicht mogin helffin Duch ob myn gnediger herr Marggrave Hans wurde sprechen, die sachen hingen Im geistlichem gerichtte und seine gnade habe darmit nicht zu thune So seze ichs In keynen zweifel Ir wist is alle wol wie sie mit mir und myn Sone von seines Kindes wegen umb gegangen haben, die Testamentariern sein wollen und andern und noch hevtigen tages umb gehen und ehliche müssen testamentariern sein und weren is doch liebir vortragen, wen isliche haben is meym Sone bereit abegesagt das sie is nicht sein wollen und ist en wol leid das man mit den sachen So grob umb gehet und Bitte euch gnedigin liebun hern Gestrengen und Ern vesten Ersamen und weisen guten frunde Ir wollet die ding allenthalben begin myn gnedigin liebun hern Marggraven Hanse uffs aller getrewelichste vor nemen und vor mich bitten das sulch unrecht von mir und mynen Kindern muchte abgestalt werden angesehen das Ich so lange mynes gutes und myner Kinder entpern habe und ouch der gedult die Ich bissher gehabt habe, das mir forder an ander fursten und hern elagens nicht nod sie und Bitte euch allen Insampt und Iderrmann Insunderheit wollet an dencken sein wie ichs gar ofte und dicke an myne gnedige Herschaft ersucht habe und euch ouch vormals mehr den eyns vor mich zu bitten geschriben habe das ich zu rechte komen muchte, wen myns gnedigin hern man myner noch zu gleiche und rechte myner mechtig sein sullen Ir wollet euch sulcher muhe umb mynet willen nicht vordrissen lan wil ich umb euch vordienenn, Ewer gutige beschrebin antwort Gescrebin zu Baruth under myn Ingesigel an sente katherinen tage der heiligen Junefrawenn Anno 80. — Den 2c. hern frideriche zu Lubbus, Wedigen zu habelberge, Arnolde zu Brandenburg Bischoffen und allen Epten, prelaten, Eraven, hern, Rittern, mannen und Steten der mittel, alten und newen Marken zu Brand. 2c.

LIII. 1481. Antwort der Stände.

Unsern gunstlichenn grus und fruntlich dinst zu vorn liber besunder und guter frunt, Als du uns geschriben hast der guter und testaments Ludwig kuchmeisters seliger gegen den Durchluchten Hochgebornen fursten Herrn Johannsen Marggraven zu Brandenburg unserm gnedigen hern deinen und Hanse deines Sones halben ein furbete zu thun, haben wir vernomen und solchs Inhalt deiner schrift an seine gnad furbetlich langin lassen, darauff uns sein gnad dy rechtliche erbietung von seiner gnaden hern und vater vormals hir vor uns gescheen hat wider horen lassen, auch wy dy sach des Testaments der erbguter halben vor dem Erwürdigen In got vater hern Arnolt Bischoff zu Brandenburg und seinem official Im rechten hangen do by laß es sein gnad bliben, worInn wir dir gunstlich fruntlichen und guten willen und dinst erzeigen mochten theten wir gerne. Datum am montag nach Catherine Anno 81.

Pre laten, hern, Mann und Stete der marck zu Brandenburg so ytzunt uff dem Herntag zu Coln an der Sprew versamelt sein.

Im Jahr 1482, nachdem der Streit beigelegt, verließ Markgr. Johann dem Balzer von Schlieben das Burgsehn in Berlin, welches Ulrich Zeuschel und Ludwig Kuchmeister besaßen. Ungebr. Urk. —

LIV. 1481. Handlung wegen des Aufruhrs zu Prenzlau.

Handlung der Räte zu Premtlow.

Item Zwi Credenz eine an Rath alleyn, die andern an Rath gewercken und gemeynheyt.

Item uf die erst Credenz an Rath mit den alleyn zu handeln, und von In zu vernemen den Handel, In dem briue uf gedruckt, wie der gescheen ist, und darbey zu vermercken gelegenheit des wesen, ir und der gemeyn sich darnach In Handel haben zu richtten.

Item uf die andern Credenz, so der brief gelesen ist, das man In sag, Sie haben unnser's gnedigen Herrn schrift verstanden, und wie wir des gefertigt sein, von In zu versten was daran, oder nicht daran sey, des seyn wir also warten und wollen es von In horn, und darnach In furder unnser's gnedigen Herrn bevelh entdecken, und seiner gnaden meynung zu versteen geben.

Item wa sie der Ding also gestunden, doch darbey erzelten ursach die sie darzu bewegt hetten, und wa sie under andern des Richtters person gedechten, und die anzugen zu solichem widerwillen, sag man In das das oder anders Sye zu solichem nit solt bewegt haben, Sondern wa In daran gelegen gewest wer, mocht sie der billigkeit nach solichs an unfern gnedigen Herrn getragen haben in keynen zweivel, sein gnad het sie, In dem und andern gnediglichen gehört, und in gebornus versehen, damit solichs, das seinen gnaden und der Herrschafft, darnach In allen bei andern und wa es gesagt wirt honlich und schimpflich ist, außserhalb dem unwillen unfruntlichen wesen und schedlichen, In allen unde der Stat prenglow, und darauß vil boß komen mocht, abgethan beygelegt, und zu einem gutlichen stand und wesen bracht werd.

Item So sie denn die person des Richtters alleyn anzugen, und das er In zu widerwillen gesetzt wer, Sag man In, das on zweivel sie all bey In selbst finden, das der richtter von sich selbst, und on sonderlich bevelh unfer's gnedigen Herrn, sich des gerichttes nit hat mogen understeen, Sye sollen auch warlichen glawben, das unfer gnediger Herr den Richtter In zu verdrnes oder zu widerwillen nit gesetzt hat, Sondern es ist am tag, das sein gnad darzu bewegt hat, allenthalben das sein gnad und die seinen zu thon haben, dar Inn der Richter alweg und die Zeit er Burgermeister gewest der Herrschafft dinstlich gewest ist, und furder mehr wenn ein ander dar Inn hat wissen zu handeln, darummen In unfer gnediger Herr mit dem gericht versehen hat, und wa er etwas, des gericht's oder anders halben unbillichs handelt oder furnehm, es wer wider Rath werck oder gemeyn, oder ymands uf den, und solichs an unfern gnedigen Herrn gelangt, sol sich befinden am tag, was sein gnad dar Inn gefallens oder ungevallens haben wurd, darmit nit not gewest wer, In der weys den Handel gein dem Richtter fur zu nehmen, und dye weyl keynerley vonn Im geschicht das unbillich ist, wirt bey euch und einem yglichen funden, das sein gnad ein geringern der seynen, wenn er ist, will gestweggen sein Ambtmann schuzt und hanthabt, und ist seiner gnaden bevelh und beger, solichen unwillen gein dem Richtter abzutthon, In darfur zu halten, als den seinen das wirt sein gnad nach gebur in gnaden erkennen.

Item wa sie uff irem eigen surgenomen willenn bliben nach anzeigung der that und zettel, so hatt man sich unnser's gnedigen Herrn von Lubus rate und verfuge die ding ufß beqwemst, in einem fruntlichen Anhang die ding an unfern gnedigen Herrn zu brengen, und sich denn weytter zu halten nach lauth desselben schreyben meins Herrn von Lubus und dester weniger nit, verfug man ufß getrewlichst wa und bey wem man kan, das in solichem steen kein furder usruur geschee.

Item der probst soll Clawßen von Arnym zur Newenstat mit nehmen In sagen, mit den zwayen boyteln in sonderheit, als von sich selbst on bevelh zu reden, wes sie sich zeyhen, das furnehmens und zwitteracht zu machen.

Item Henning zu sagen, von sich selbst mit den Burgermeistern unnd ettlichen des Rats zu Reden wie oben.

Item Herrn Berndten desgleichen zu sagen von sich selbst, als ein Ambtmann, mit ettlichen auß den gewerckenn, und gemeyn zu reden.

Item uf donrsßdag zu nacht nest zu prentzlow zu sein.

Item den dreyen obgeschriben zu schreyben, uf freitag beyrn probst zu prentzlow zu sein nach seiner underrichtung und fertigung die sachen daselbst nach dem besten helffen zu verhandeln.

S. Sect Gesch. v. Prentzlaw 2. p. 35.

LV. 1481. Bericht der Ráthe über den Aufruhr zu Prentzlaw.

Einbringen der Ráthe von prentzlaw Im 81sten am abent corporis Christi.

Uff die credenz mit dem rathe alleyn zu reden, hat man yn den Handel wie den der briff angeheigt hat, entdecket, und von yn gebeten weiß und wege da mit man solche zweitracht und uneynigkeit beileget, Es ist yn auch gesagt, yr unmacht gegen wercken und gemeyn und wie die aber yr etliche von yn mit orem anhangen handelten alwege nach yrem mutwillen. Si haben uns geantwort nach eynen gespreche under andern Si wolten von uns gerne weiß und wege vorhoren und darzu nach yrem vermogen vorhelffen. Ist yn gesagt von der andern credenz an sie wercke und gemeyn und das wir solchen yrrhum hynzulegen In entphel haben damit sie helffen die ding vorzunehmen das sie unserm gnedigen Herrn nit zu nahen seyn seines gericht und richters halben, und was solche credenz ynhelet, haben sie geantwort, es sey ein gute weiß wie unser gnediger Herr geratslaget hat und das gewerck und gemeyn In seiner gnaden briff selbes vorstehe seiner gnaden meynung, sie horen es gerne und vorhoffen es solle zu guten dynen In der sache, und ist under ander vil rede hyn und wyder das bey blihen.

Des andern morgen hat man rath wercke und gemeyn die ander Credenz obirantwort mit irselung, nach vorlesung der selbigen und Irer antwort unserm gnedigen Herrn entphel weiter zu vorhoren vorstehen und zu vornemen Nach vorlesung der Credenz haben sie sich besprochen und gesagt durch ein us der gemein strom genant, die ding und drei stück In der Credenz usgedruckt sein In keinen widerwillen unserm gnedigen Herrn als iren erbherrn und landsfürsten oder seinen gerichte gescheen, besunder nach dem der richter gegen der stat gebrochen und vorhandelt het uff das forder irthum nicht geschee und das das unserm gnedigen Herrn und der herrschafft zu smehe kome, vormyden blibe, haben sie das mit dem gerichte vorgenommen angesehen das sie nyman zu clagen verbotten haben, oder vor gericht zu komen und haben sich des durch vil und mehr wort welen entschuldigen, des gleichen us dem grunt von wegen des andern artikels, des dritten aber sagen sie, sie haben des uff das selbige mal von dem rathe keyn wissen gehabt. Aber us aller yr rede ist vormerckt, Ir that wie die unser gnediger Herr angeheigt und man sein gnaden bericht hat.

Darauff so sie den richter wie ir rede laut angezogen haben hat man ym anfang geredt, wie unser gnediger Herr der alt nicht us fürstlicher gewalt alleyn so sein gnaden doch zu thun macht gehabt hat, sundern auß schulde und antwort Ir aller und des richters, nach genuglicher rede und widerrede nach laut des rechtspruchs der schoppen zu magdburg funden und Irkant hat, das der richter nichts mißhandelt hat, der richter sich auch als ein fromer wie ym zu recht Irkant ist usgefurt und entledigt hat, als yn allen und In dem mehren teil wissentlich were, und so nu der gemeyn man solcher usführung nit beste, hilden sie villeicht den richter us anhaltung etlicher seiner widerwertigen also davor, So aber das also wer, das sie denn den gemeynen man des auch also underrichten wolten, das worde zu eynigkeit dynen und des gemeynen mannes unwillen messigen wen was sie also In der weiß vornomen solchs geschee dem richter nicht, besundern unserm gnedigen Herrn Wo yn aber etwas zu den richter schelet, hetten sie das an sein gnaden mogen tragen und weiter irzelet nach laut der fertigung und Instrukcion, es ist auch nach laut der selbigen In dieser rede beslossen, und derselbig artikel hebt sich an Item So sie den die person ic.

Item uff das haben sie sich aber besprochen und Ist under sobil volkes lang worden, aber der rath ist bey den rethen bliben und so es sich biß umb zwelffe vorkogen hat und sie noch nicht antwort funden haben Ist der rath zu yn gegangen mit yn geredt und widerkomen, uns gebeten yn frist und zeit zu gebenn biß nach mittage das also gescheen ist mit erbitung uns alsden antwort zu geben.

Nach mittage haben sie den rethen also geantwort durch den rath, Sie wollen alwege thun als die gehorsam, es hab ouch der rath kein sel am richter, so wellen yn werck und gemeyn auch gerne haben, sie besorgen aber unrath, so man uff michaeln oder darumb phenden sol und der richter uff der gassen also mit geht, das yn von vil losen etwas widerfaren mochte da sie nicht vor funden und baten sie des gegen unsern gnedigen Herrn zu entschuldigen, des glichen die uff wercke und gemeyn bey seinen gnaden besaget weren.

Man hat yn geantwort sie vorstehen selber was das vor antwort sey und was sie bey unserm gnedigen Herrn geperen mag, wir wellen sie gerne an seyn gnaden tragen, wir besorgen aber nach gestalter sache und so das, das sein gnaden haben wil nit gescheen sal und sie oren willen behalden, das sein gnaden kein gefallen darzu haben werde, damit wir die that zu guten und gnediglichen ende brengen mogen, So aber sie die ding also vornomen seinen gnaden zu gefallen und der billichkeit nach, so wolten wir unsern vleis auch nit sparen, des haben sie biß uff sonntag nach mittag frist gebeten mit werck und gemein forder zu handeln und ein bestentlicher antwort zu geben.

Uff sonntag nach mittag hat der rath uff wercken und gemeyn zu sich genomen die yn mit eynden verpflicht sein und dem nest gemelten abscheit nach die antwort gegeben Sie alle wollen alwege thun was unserm gnedigen Herrn als Frem landfursten lib ist, sie wollen ouch den richter gerne hanthaben und schutzen und vorhoffen yn solle nymant gewalt thun und wellen yn gerne vor eyn richter von wegen seyner gnaden haben und wer do clagen wil, zu clagen nicht vorhyndern. Aber der ander zweier stuck halben, hat werck und gemeyn dem rath die sache eyn heym gegeben und vorhoffen sie wollen sie wol scheiden unschedlich dem richter.

Ob das alles haben sie die rethe gebeten der gescheen that halben sie gegen unserm gnedigen Herrn zu vorbiten, das sein gnaden wolde von yn seiner gnaden horn abthun und Ir gnediger Herr seyn, sie wellen sich alwege nach seinen gnaden richten.

Der neben Ist doch den dreyen Burgermeistern gesagt Ab ouch disse antwort bei werck und gemein bestendig sey und ab etwas nach widerwillenn hynden sei, haben sie bey yren phlichten gesagt neyn, und gesagt sie dancken got das es dohyn und zu solcher eynikeit komen sey.

Item dem rath unsers gnedigen Herrn von Lubusß nach Im besliß haben wir mit den gemelten Burgermeistern geredt yn besolen und sie gebeten, ab sie noch etwas vorstunden das des richters halben mocht oder worde zu uneynikeit dynen, wu und wen sie das vorstunden das sie das an ewer gnaden wolden gelangen lassen.

Wir haben auch In Ir gegenwertikeit den richter vorbott yn den handel gesagt und besolen sich des gegen eynen ydermann nufsam und geburlich zu halden domit widerwille vormyden bleibe und sein also abgeschyden. Actum p r e m s l o w am freitag sonnabend sonntag und mantag nach dem heiligen phingstag Anno 12. Im 81sten

g e s c h i c k t e R e t h e:

Hennig, Claus von Arnheym, Brobst zu Berlynn. Er Bernert von Dredaw Ist nit eynheimisch gewest.

LVI. 1480. Erklärung der mittelmärkischen Städte wegen der Landbete.

Antwort der mittelmerckischen Stete Nemlich Brandenburg Berlin und Coln und frankfurt actum am Dinstag nach Dionisy Anno 12. 80. durch R. zu Brandenburg, durch Lorentz

Garnnkaufer und Hans Schöndhawßen, von Berlin und Coln wegen, Lorentz Gunther und R. von der von frankfurt wegen.

Das Jr will und meynung ist, das mein gnediger Herr dy altmerckisch Stete, mit recht von der Lantbete wegen mag furnehmen anlangen und rechtvertigen und was sein gnaden rechtlichen zugesprochen wirt des wollen sy Im bystant und hilff thun und by sinen gnaden bleiben und haben furder gebeten von der Stete wegen wenn solch recht gehandelt und gesprochen soll werden, das denn sein gnab sy hum recht sprechen oder recht zu sitzen In solicher sacht, vertragen und verheben mocht, das sy nicht dorfften wider sy recht sprechen dann sein gnab het prelaten Herrn und Mann Richter und lantschepffen In landen, dy am rechten wol sitzen und erkennen wurden was recht wer, das sy des vertrag haben mochten.

doruff antwort mein gnediger herr von Lubus:

Sy weren seinen gnaden also gewant, das sie sich billichen nach seinen gnaden richten, wurd sein gnab Jr dartzu nicht bedurffen und wolt dy sachen an sy aufrichten, stund zu seinen gnaden, das wolt er sin gnaden also furder wol berichten.

LVII. 1480. Markgr. Johanns Schreiben an die altmärkischen Städte wegen der Landbete.

Borgermeistere Ratmann und Stete In der altenmarck unserm Herrn vater und sein erben erblichen kustecken lassen wir Johanns von gots gnaden Marggrave tzu Brandenburg als ein volmechtiger Anwalt und Erbe von seiner lib und unsern wegen wissen, Nachdem Jr uber manigfeldiglich unser gutlich ersuchen, auch fordrung durch unsern frundt von Lubus uns zu bezalung der Schuld auch aufrichtung unser Ruhmen und zu Hilff der kriegslewfft, noch wideressig seydt uns zu entrichten Nach lawt des zugesagens und verwilligung unserm Herrn und vater, und darnach uns an seiner lib stat der billikeit nach durch all ander prelaten Herrn Mann und Stete getan, wy euch unverborgen, und nue die zeit kumbt ursprunglich der bezalung volg zu thun wy das durch uns und sy abgerett besprochen und zugesagt ist, deshalben Jr uns ursach gebt, wy wol wir sein gern entlestigt bliben euch mit recht an billichen Steten darumb furzunehmen und zu handeln und handeln lassen, Als sich nach ordnung des rechtens geburt, dorumb fordern wir euch peremptorie zu recht mit diesem unserm brive, fur prelaten Herrn Mann und Stete, dy zu gericht gesetzt sollen werden nach gebur, und uff das dy ding der Herschafft und euch allen zu mynderm costen fallen als der getrew regierend lanttsfurst, setzen wir euch des Schub funffzehen tag fur den ersten, funffzehen tag fur den andern und funffzehen tag fur den dritten, den man nennet peremptorie, das ist nemlich der montag nest nach katharine zu rechter tagzit zu erscheinen und Jr kumbt erscheint alsdenn oder nicht, mit vollem gewalten zu unsern Spruchern zu antwortten, nichts destmynder wirt uff dem entlichen rechttag gescheen und gehandelt was recht ist, darnach habt euch zu richten, wo Jr euch aber binnen der zeit noch erkennen wolt, als dy gehoriamen gleichschetzig andern Steten nach anfall, sind wir des gemuts und wollen das vil lieber zu gnaden uffnehmen dann euch unser notturfft halben zu rechtvertigen Geben zu Coln an der Sprew am Sunabent Calixti Anno domini 80 mit unserm huruck uffgedruckten Innsigell versigelt. Manu propria scripta in consilio.

LVIII. 1480. Markgr. Johans Ausschreiben zum Gericht wider die altmär-
fischen Städte.

Ausschreiben, an dy Rete hirnachgeschriben, am rechten tzu sitzen.

Lieber getrewer, durch etliche unser trefflichste Rete In mercklicher gail, auß der alten mittellmarck und andern, ist geratflagt und beslossen, gen den Ihnen, dy uns widersessig, und andern Prelaten Hern Mann und Steten In gebunge der lantbete sich bissher nicht gemess gemacht haben, rechts zu gebrauchen, sy rechtlichen darumb furgunehmen, Also haben wir den selbigen von deswegen einen rechtlichen tag gesetzt uff montag nach katherine nechst rechts alhir zu Coln zu wartten und rechtlichen zu antwortten Begern wir von dir mit sunderem fleys du wollest uff Suintag vor solchem montag her gen Coln komen, und gen denselbigen ungehorsam mit andern unsern Prelaten Hern Mann und Steten, dy wir uff solch zeit zusprechen hir gefordert haben, nach zusprach und antwort helfen sprechen und thun was recht sein wirdet, des verlassen wir uns genzlich zu dir, dann uns macht an der sachen gelegen ist, wollen wir In gnaden erkennen, Datum Coln an der Sprew, am freitag nach Dionisy Anno domini x. 80.

Rete am rechten tzu sitzen gefordert:

Bischove Lubus, Brandenburg, Havelberg. Lehnin, Corin, Ezinnen, Ebte. Meister sant Johans ordens. von Brandenburg Havelberg Libenwalde, probste. Comptur von der liffen, Craven von Ruppin, Her Bussse Gans, her otto Schenk von Lantzberg. Rittere: Boffe von Alvensleben, Hans von Luderitz, Jorg von Waldensels, Rickel psull, Berndt von Bredow, Achym von Bredow, Jost von Segezer, Hans von Rochaw, Boffe von Bertensleben, Cristoff von Lepyck. — Peter Borgstorff, Werner von der schulemburg, Balhar Botin, Henningk, Claws und Hans von Arnym, Curt Slaberndorff, Hans von Bredow, Mathias von Bredow, Hennigk Sparr, Hans Crumense, Gebhart von Alvensleve, Bernt von der Schulemburg, Mathias und Ulrich von Jagow, Werner Schenk von flechtingen, Ditrich von Quigow, Ditrich Nor. Stete: Brandenburg hwen Borgermeister, Berlin und Coln hwen burgermeister ober hwen des rats, frankfurt desglichen, Premyslow desglichen, Ein Borgermeister von Bernow, einer von Spandow, einer von Monchberg, einer von der trewenbrigen, ein Neuwennstat, Perleberg einen, Prizwalck einen, Ririz einen, Havelberg einen, Lemtzen einen. S. totalis 66 Rete mit den auß den Steten.

LIX. 1480. Verordnung wegen des Gerichts zu Stendal.

Item des gerichtes halbenn myns gnedigen Herrn zu Stendal wert seinen gnaden ingeholten mit mannigerley und viel stucken dar dorch seiner gnaden gerichte besweret unnd ingeval geschet.

Zum Irstem muß der richter dingenn unnd gerichte halten wen die rad vann Stendal wil.

Zum andern male das sie willenn das die gebaure unnd geberwynnen Hergeweide unnd frouwen gerade nhemen schalen das bynnen Stendal gefelt, das doch seinen gnaden zu nach ist an seiner furstligenn gnaden ubericheit, unnd der Sarenspigel seinen gnaden doch genzligenn zuteilt zu nhemen desglick sperren sie seiner gnaden gerichte unnd willen nicht daruber sprechenn lassen wes seinen gnaden daran zu nhemen geburet.

Zum drutten male Szo vergunnen sie an ore stad wes sinen gnaden ansterbt und angestorben ist edder noch ansterben mag, das sie das an die kirchem schaffen wor sie willen dorch orer sielen salicheyt mit seiner gnaden gude, das denn auch seinen gnaden dorch die vorstendere vor entholben wert unnd die vann Stendal seinen gnaden nach zusprache und antwert die sulben urtel sperren und nit irkennen willen lassenn wes seiner gnaden daran zugehoret edder nit.

Zum vierden male So idwas vor gericht ist, dar auß seinen gnaden van seiner furstlichen uberreichheit gewette vollen schullen unnd ander, das fordern sie aus dem gericht vor dem Rade unnd betegedingem denn die sachen under sich selbst, dardorch seiner gnaden uberreichheit unnd gericht gestweckt unnd gekrenzt wert.

LX. 1480. Schreiben der altmärkischen Stände an Markgr. Johann.

Unnse underdenigen willigen plichtigen dinste und wes wy gudes vermogen tovor Irleuchte Hochgeborner furste gnedige live herr, de Ersam Burgermeister und Radmann Juwer gnaden Söven Stede In der Aldenmargk unse leven Frunde und naber, hebben uns eynen apen zu rugge versegelden brif, under Juwer forstlichen gnaden nahmen und tyttel alset schynet uthgeghan entezet und laten lesen, de foret uth forderung vor Prelaten herrn Mannen und Steden, die Juwe gnade to gerichtte setten werden, der Herschap und en to mynern Costen ic. up einen genanten dach, Nachdem se up manichfaldige Juwer gnaden ersoken of forderung dorch den Erwiridigen In got vater, den Bischof von Lubus, Juwen gnaden to betalinge der schult of uthrichtunge Juwer gnaden Ruhmen, und to Hulpe der kriegesflowst noch weddersetich sin schollen Juwen gnaden to entrichten nach lude des to seggens und verwillinge Juwer gnaden hern vater unserm gnedigen live hern, darna Juwer gnaden In siner gnaden staet, dorch alle ander prelaten hern Manne und Stede gescheen, to erscheinen mit furder Intimacien este verkundigung, se kamen, erscheinen alsdenn edder nicht, nicht destoewiger willen Juwe gnade laten scheen wes recht is ic., up sodans sint wy nu von den genanten Juwer gnaden erlicken Aldenmargkischen Steden forder angelanget und gebeden, ehn unse meynunge wes uns sodans to seggens In gedanken wer to entdecken, ehn ock In den dingen, nachdem de fordrunge, est men dat so nehmen mochte, wer wedder des landes loslike olde wonheit und gerechtigkeit, to raden, und so wy denn ock Juwen forstlichen gnaden hirmede nicht to na gereth, dar In nicht gewillet noch gefulbort hebben uthgenamen eyne halve landbethe also uns verdencet to betalinge der hinderstelligen schulde, so uns des ye Juwe gnade ane allen twivel erstan werde, hebben wy dat den genanten Steden also to antwerde gegeben, Nachdem denn wy nach des Landes gloufften und uth verwanten saken, Juwen furstlichen gnaden mede to eren, Juwer gnaden lande und lude to gude darto des bestens to raden verpflichtet sint, Ruppen und vollen wy Juwen forstlichen gnaden mit demodiglicher bede an, Juwe gnade willen sodane schriften an die genanten Stede alset blifet uthgeghan, so se of Juwen gnaden als wy von se vorstan, nicht hebben togesecht, gnediglichen affstellen und de saken wente Juwe gnade up besser ecke komen laten berasten, mochte Juwe gnade den ye die Stede beßhalven vor uns, alset eyn olt herkoment gewesen is, In der olden margke unbededinget nicht laten, schollen wy erer to glyke und rechtte ganz mechtig sin, Juwen gnaden nach rechttes erkentnisse to schulden und to antwerden to donde so vese billick erlick und recht is, uns twyvelst of nicht Juwe forstliche gnaden von vernunfft und adeler daget geziret und umme gedan, werden de saken to hertten hebben, und latent dar gnediglichen hen ankamen, und dat yb of also lange wente to Juwer gnaden tokunfft mit der landbethe darinen villuchte alrede umme panden scholde, so wy vernehmen, moge bestan, warmebe wy den sulstegen Juwen forstlichen gnaden to willen und dinste gestin mogen dohn wy mit unsern willigen plichtigem dinsten gerne, und bibden des Juwer gnaden gnedigliche antwerde by duffem Tegenwerdigen Schreven under unserm des Capitpittels to Stendall Ingesegel, des wy uns samptlichen to gebruken, am Mandage na Martini Anno domini 80. Prelaten Ritter und Manne der Aldenmargke to Brandenburg ic.

Dem Irleuchten Hochgeborn fursten und hern hern Johansen Marggraffen zu Brandenburg ic. unserm gn. leven herrn.

LXI. 1480. Markgr. Johans Antwort an die altmärkischen Stände.

Johans zc. Unfern gonslichen grus zuborn wirdigen und lieben getrewen Ir nemet euch prelaten Ritter und Mann der Altenmargk zu Brandenburg und bestimbt ewr sunderlich nahmen nicht darInnen, ist an Zweifel das ritter und Mann In der Albenmarck sind uns gesteeude zu sagens unserm lieben Hern vater, mit andern prelaten Hern Mann und Stetten der Mittelmarck gethan unser schuld helfen zu bezalen die uf hundert taußendt guldin bestimbt ist, wolten wir solchs oder anders ungern von euch schreiben an grunt, und soll ob got will anders an uns und unserm schreiben nicht erfunden werdenn dann Warheit als wir das nachbringen mogen, mit denselbigen durch die es gescheen, So sind dieselbigen Stete der Altemargk vormals unserm lieben hern und vater hir zum Berlin zu recht gestanden, offenwar und kuntlich an all leuten, haben auch die altemerckischen Stete nicht plickent angelangt, sunder ein Jar vergangen der lantbete halben gutlich verhandlung und vermahnung mit In gehabt, wissentlichen Alt und Mittelmerckischen Ketten und Stetten, von deswegen uns solch ewr schreiben von uch die sich prelaten Ritter und Mann der Altenmarck uf dismall also nennen, und die warheit vorIm vergessen, nicht unbillich befrembdet, und wollen uns des Zusagens von prelaten Ritter und Mann wegen In der Altenmarck unserm lieben Hern und vater, und der Herschafft gescheen gebrauchen, und unserm Nechten wie recht und angehaben ist volg und nymants unrecht thun, sich ein yberman darnach mag wissen zu richtten, Datum Coln an der Sprew am Montag nach Elisabeth Anno 80.

LXII. 1480. Markgr. Johans Schreiben an das Domstift Stendal.

Lieben getrewen ir habt von ewr und ander wegen schrift an uns lassen gelangen, mit des Capittels sigel versigelt, heischen wir euch hirher gein Coln mit diesem bribe bey vermeydung unser ungnad am Dinsdag nach Barbare zu erscheinen vor uns und unsern Ketten wie geburlich ist uszufurn und nach zu bringen die bestendigheit und Inhabung des schreibens, under ewrm sigel versigelt und usgangen, das wir doch hoffen mit der warheit Ir nymmer nach bringen sollet, und wo ir dem also nicht thun wurdet, als wir In kein Zweifel setzen ir nicht thun mogt, uns solchs nach unser Kete erkenntnis zu verbussen des verlassen wir uns also zu gescheen genglich zu euch, Datum Coln an der Sprew am Montag nach Elisabeth Anno 80.

LXIII. 1480. Klageschrift des Churfürsten wider die altmärkischen Städte, mit dem Urtheil.

Die Citacion hum ersten zu lesen.

Item darnach dy vertracht zu losung unsers gnedigen Hern In dreyen puncten lantbete zu geben.

Item zusagung als unser alter gnediger Her herein In dy land komen ist Im mit leyb und mit gut zu helfen.

Item angururen als sy durch unsern gnedigen Hern gestrafft sind darumb das sy sich vormals der lantbete widerseßig gemacht, das sy solchs nymmermehr thun wollen wider dy Herschafft zugesagt haben.

Item das Prelaten Hern Mann und Stete der mittellmark und Prignitz, und von Prelaten Ritter und Mann der altenmarck, dy lantbete ist zugesagt worden zu geben und sy des mynsten teyl sind, ob sy icht von billikeyt und rechts wegen des und ander stucken obenberurt sich andern Prelaten Herrn Mann und

Steten In gebung der laurbete gemess sollen machen, und also von rechts wegen dy laurbete geben, oder was recht dorumb sey mit vorbehaltung widerrede nachrede und gegenrede wy unserm gnedigen Herrn notturfft sein wirt.

Item zu bewegen ob man dy auch an das recht setzen wil damit man nachbringen mag und bezeugen dy stuch obenberurt, angesehen das einer nicht richter und zeug sein mag.

Item so schuldigt mein gnediger Herr dy Stete gemeinlich In der altenmarkt das sy Statut und geseze In den Steten auß Frem eigen furnehmen, an Ir lawbung der Herrschafft zu schaden und zu mynerung der Herrschafft obrikeit gesezt haben, das dy Borger und Inwoner In Steten Ir sach nicht vor der Herrschafft, wy In not wer suchen mogen, und sich unrechts zu verklagen, Sunder allein vor dem Räte In den Steten und buß darauff gesezt haben, wer das thut, der soll dorumb gebußt werden nach lawt Irer uffsazung, das nicht klein der Herrschafft obrikeyt myndert und zu schaden komet, den schaden gewalt und frevell, den sy also getan haben, wider Ire Hulbigung gehorsam und eyde der Herrschafft bests und fromen zu werben und schaden zu wenden, acht unser gnediger Herr uff hundert tausent gulden, dy sein gnab liber entperen, dann solchs wy vorberurt leiden hat wollen, und ruffen euch Richter Prelaten Herrn und Mann an durch ewrn rechtspruch rechtlich zu erkennen Im solch gelt hundert tausent gulden darumb auß zu richten, pfleg und schuldig zu sein, oder zu erkennen was dorumb recht sey.

Item uff keiserlich gesez und Innhalt der gulden Bullen der pfalburger halben, das kein Stat pfalburger uff soll nehmen, schuldigt mein gnediger Herr dy von Stendall, das sy daruber pfalburger und Burgerin uffnehmen, seiner gnaden und der Herrschafft zu schaden dy hergewett und Gerad, das der Herrschafft von rechts wegen zu nehmen geburt, damit abzubrechen und zu entwenden, alles wider Ir gelubd und eyde der Herrschafft getan, das sezt mein gnediger Herr zu erkenntnis des rechten, und das In keinen zweivell, es sey recht das sy In dy puß und pene ufgesazt und bestimbt In der gulden Bullen der pfalburger halben gefallen sein und Im solche pene von rechts wegen billichen bezalen und außrichten mit alle dem, das unser gnediger Herr und dy herrschafft In der zeit als sy das getan haben schadens an dem hergeweth und gerad entpfangen haben, und nicht gegeben ist, oder was recht darumb sey.

Item dy von Stendall halten nicht gericht zu rechter zeit, Sundern wenn sy wollen muß der Richter gericht halten, und was da bußwürdiger lewt werden, fordern sy dy sachen fur sich In recht, und richten dy partheien zu schaden unserm gnedigen Heren und der Herrschafft.

Item dy von Stendall haben uber den verlaß uff gemein Herrentagen, das man den hamer mit Munzen rwen soll lassen, gemunzt und der Munz abgebrochen den gemeinen landen zu schaden, und In zu nutz, und dy anders gemunzt und munzen lassen, dann In unser gnediger Herre gesezt sy macht zu thun haben.

Rete am rechten geseßen am montag nach katherine Im 80sten Jar dye das hirnach geschriben urteil und recht einhelliglich gesprochen haben:

Bischove zu Lubus und Brandenburg; Johanss Grave tzu Ruppın, Albrecht Grave tzu Barbi, Meister sant Johanss ordens, Her Peter apt tzu Lehnyn, Her kerstian apt tzu forin, Her Mathias apt zu Marienwald, Schriber uff dem Eigenthum tzu Strußberg, Probst uff der Durch tzu Brannenburg er nielaws kok, Her Hanns von Slieben Comptur tzur Lieffen, Her Ludwig Borgstorff probst tzu libenwald; Jorg von Waldensels der Elter, Boff von Alvensleben Hewbtman In der altenmarkt. Achim von Bredow, Jost von Segezer, Boff von Bertensleben, Cristoff von leypht, Sixt von Ehenhenn Rittere; Gebert von Alvensleben, Hennigk von Arnym, Werner von der Schulemburg, Albrecht von Bredow, Curt von Slabernndorff, Hans von Arnym, Hans von Bredow, Berndt von der Schulemburg, Ditrich Kor, Hans Crumense, Ditrich von Quizov der Junger, Balgar Botin, Hennigk Sparr, Docter Stocker. Von Steten: Claws von Gulen, R. Rock Richter in der alten Stat, Ambrosius Storbeck, Brannenburg; Lorenz Sarennkauffer, Claws Schulten, Berlin und Coln; Albrecht Tydem, Hanns Schultan, frantzfurt; Thews Kulow, Pasca Domeraw, Premglow; Jacob Schuler, Monichberg.

Als hevt montag nach katharine Im 80sten Jar der myndern gal, unser gnediger Herr, Marggrave Johans dy altmerckischen Syben Stete Remblichen Stendall, Soltwedell, Gardelege, Tam, germund, osterburg, Schawßen und Werben hat vor prelaten Herrn Mann und Steten der Marcken zu Brandenburg zu recht schuldigen lassen, Nachdem all ander prelaten Herrn Mann und Stete sinen gnaden zu bezalung der schuld hilff zugesagt haben nach laut der freyung den landen durch unsern alten gnedigen Herrn gegeben, In welchen stucken sy der Herschafft hilff thun und lantbete geben sollen, auch uff solch zusagung der Herschafft durch sy und ander getan der Herschafft mit leib und gut zu helfen, und auch das sy vormals dorumb gepußt sind und gebeten In das gnediglich zu zugeben, sy wolten sy furder gern als dy gehorsamen halten, und auch nachdem als dy Marck zu Brandenburg ein Churfurstenthum nach Inhalt der gulden bull uff ein leyb gewidembt ist, und darauff ander prelaten Hern Mann und Steten der Herschafft Ir schuld helfen bezalen, und sy an der gall dy myndsten darunder sind, ob icht billich und von rechts wegen, sy sich andern Prelaten Hern Mann und Steten dem meinsten und mercklichstem teyl mit bezalung der schuld nach Ir anfall gemess machen sollen oder was recht dorumb sey.

Darauff haben dy geschickten von der Stete wegen geantwort, das sy In das recht hir nicht willigten und wolten nicht antworten, und das man sy mocht lassen bleiben bey Iren freyheiten, dy In von unserm alten gnedigen Hern bestettigt wern worden, so aber sein gnad sy ye ansprach und unberecht nicht lassen wolt, wolten sy sinen gnaden vor prelaten Ritter und Mann der altenmarck gern furkomen und gerecht werden, und hetten deß furder kein ander macht.

Dargegen mein gnediger Her reden ließ, nachdem sy peremptorie und mit voller macht zu recht beschiden und geladen sein, und offentlich vor gericht steen und absagten, sy nicht wolten antworten auch deß nicht macht hetten und hogen sich an In gemeinen flechten wortten fryheit, der sy doch weder sehen oder horen ließen und also frevelich In dem ungehorsam und contumacien bliben, hofft mein gnediger Herr, durch Prelaten Hern Mann und Stete zurecht zu erkennen, ob sein gnad icht billich und von rechts wegen In Ir hab und guter dy sy haben und gehalten mogen eingeweißt soll werden biß so lang das sein gnad solicher anfall der schuld dy In geburt zu bezalen, entricht und bezalt werd, oder was recht dorumb sey.

Daruff ist urteil und recht erkannt von prelaten Hern Mann und Steten:

Nach allem ergangen furbringen In rechten wy das von unsers gnedigen Hern Marggrave Johanssen und der Sendboten der Altenmarck Syben Stete wegen, vor prelaten Hern Mann und Steten, dy yhunt zu recht geseßen sind, verlarvt hat und gesehen, ist durch dieselben Prelaten Hern Mann und Stete recht erkant:

Das unser gnediger Herr Marggrave Johans von unsers gnedigen Hern Marggraf Albrecht Churfursten zc. seins Hern vaters und seinthalben billich und von rechts wegen In solch guter und habe der altmerckischen Stete, wo er dy ankamen und gehalten mag eingeweißt soll werden biß so lang das sein gnad, von seins Hern vaters und seinwegen, bezalung solcher schuld, dy sy antriffet nach Ir anfall durch sy außgericht und bezalt ist worden, und sich darIn andern Prelaten Hern Mann und Steten In bezalung der schuld unsers gnedigen Hern gemess gemacht haben.

Deß urteils brive und urkunt zu geben, ist durch die Rete am rechten geseßen, uff begerung meins gnedigen Hern billich zu sein und zu geben erkant.

Furder hat mein gnediger Herr fragen lassen, wenn und wy sein gnad In solch der altmerckischen Stete hab und gut eingeweißt soll werden.

Is recht daruff erkant, das solchs uff begerung siner gnaden, durch deß Richters, als meins gnedigen Hern von Lubus brive und Sigell dy einweisung gesehen soll.

LXIV. 1480. Ausfertigung des Urtheils wider die altmärkischen Städte.

Wir Fridrich von gots gnaden Bischoff tzu Lubus, Bekennen ic. das wir als ein gefahter Richter durch den Iruchtigen Hochgebornen fursten und Hern Hern Johannsen Marggraven tzu Brannburg zu Stettin Pomern ic. Hertzog ic. mit Prelaten Hern Mann und Stete der Marek zu Brannburg zu recht geseffen und dy zusprach dy sein gnad von des durchluchtigen hochgebornen fursten und Hern Hern Albrechts Marggraven tzu Brannburg des hiligen Romischen Reichs Erzkamerer und Churfursten zu Stettin Pomern Hertzoge Burggrave zu Nuremberg und furste zu Rugen, und von seinetwegen zu Irer gnaden Steten und underthanen Nemlichen Stendall, Soltwedell, Zangermund, osterburg, Sehawßen, Gardelegen und Werben gehabt hat, rechtlich furgfordert verhört und nach allem furbringen nach Schuld zusprach und antwort, Nemlich berurende dy hilff zu Bezahlung hundert tausent gulden dy sie nach angall der Herschafft zu gut bezalen solten, durch rechtlich erfinden derselben prelaten Hern Mann und Stete als gefahter Richter derselben sachen recht gesprochen haben also lautende Nach allem ergangen furbringen Im rechten ic. ic. und des zu warer bekentnis und urkunt haben wir diesen brive mit unserm anhangenden Innsigell lassenn versigeln der Geben ist zu Coln an der Sprew nach Christi unsers Hern geburt tausent vierhundert und Im achtzigsten Jare am montag nach sant katherine tag.

Vergl. Gerken Codex Bd. 8. p. 508.

LXV. 1481. Erklärung der altmärkischen Ritterschafft wegen der Landbete.

Der Ritterschafft In der Altenmarck gutlich gesinnet uff Ir zusagung lantbete zu geben:

Zum ersten, soddan lantbete und gelt, als wir ewrn gnaden geben werden, das ewr gnad das anlegge hir In der Altenmarck, an dy uffnehmende rentte und gins, das dy darmit gelost werden.

Item das uns sein gnad futer und kost gebt, wenn uns sein gnade verboddet, als ehr gescheen ist.

Item wenn uns sein gnad verbott uff hofwerck, das uns denn sein gnad gebe futer und brot, hufschach und gelde uns unsern schaden, als man unsern eltern vormals getan hat.

Item das sein gnad den hann mocht wider abkeren und wenden, wann dy geistlichen gerichte so groß gelt frigen auß seiner gnaden lande das hoche tryt des Jars denn hwey groschen schott.

Item weret das sein gnad dy Joden ya halben wollen In seiner gnaden lande, das denn sein gnad wolt setzen ein redlichen wucher, das seiner gnaden Erbar Mann so Jemerlichen nicht verdorben worden.

Item das unser gnediger Herr, oder seiner gnaden gewaltigen nicht wollen verteidigen unser Mann und hvern.

Item so nehmen dy Rete auß den Steten unser Mann an fur burger, und nehmen dar des Jars wir schilling fur und verteydingen sy, das sy kein glich und recht dhun müssen.

Item ewr gnaden lantrichter nymet allewegen ein schilling fur ein fride, do man pflag aldens Sechspfenning furgunehmen.

Item derselbig Richter nymet auch ein schilling dafür wenn ein gut mann schreibt In das gericht wenn he dy sachen soll wider von sich weisen, das auch nye gewest ist.

Item haben dy burger In den Steden Nacht und fangen uff ewr gnaden und unser gerichtten hassenn huner und ander wiltprat, solchs bey In abzuschaffen.

Hewt montag nach miser. dmi Im 81sten Jare der myndern Zall haben dy von der Ritterschafft Nemlich er Wosse von Alvensleben er klaus von Luderitz Berndt von der

Schulemburg Werner von Alvensleben Ludolff von Alvensleben Claws von Borstall
gevert von Alvensleben vike von Alvensleben seines broder sone, Jacob von Bertensleve
Hans von Jagow Arnd und Johan von Jagow gebruder Ulrichs sone Ludeloff von Jagow
von den Mannen Olde friderich von Jetz Hinrich meseberg olde Hennig und Curd Rossow
veddern Peter schencke hans von Luderitz von walsleben Jacob von Runtorpp lange Eune von
Eygkiede Lucas vincelberg Hans von Jetz olde frederichs bruder Busse von gore und Eune
von Lintkede und ander mehr, eintrechtiglich zugesagt, Ir anjal an den hundert tausent gulden zu bezalen
In den nechsten Sechs Jaren nemlich 11,300 gulden und des Jars uff martini mit der ersten bezalung anzu-
heben und furt alle Jar zu bezalen, so vil das sy dy obgenante Summe gelts meinen gnedigen Herrn aufrichten.

Dergleichen dy prelaten durch den Probst tzu Stendal und noch einen Irer mitthumbherrn Herrn
Herman Roizks haben zusagen lassen Ir anjal zugeben was In geburen will.

Item hievor am montag nach Palmarum oder nach Judica, ist durch die Prelaten und Ritterschafft In
der altenmarck hir zu Tangermund zugesagt, dy Stete In der altenmarck geben Ir anjall zu hilff
bezalung der schuld oder nicht, nicht desto weniger wollen sy Ir anjall geben und unserm gnedigen Herrn mit
leib und gut helfen.

LXVI. 1482. Herzog Johann von Sagan Schreiben wegen des Boberbergischen Ländchen.

Eder Wolgeborner Herr Ir habt Jungst In ewern gethanen schriftten unsern getrewen den
von Stetten, Im zugeschickt angezogen wie das Boberbergisch ländche legen Croffen sult gehorn, unnd
wie die mit mehren worten lauten, haben wir vernomen und befremdet nicht klein solich ewr furgeben, sind
offenbar und kundig ist, das wir und nicht ewr Herschafft dasselbig ländche In lehen und gewer halten, uns
haben auch die Inwoner doselbst unns und sunst nymands verpflichtet gethan, haben es auch In Ruß und
gebrauchung und als ewer Herschafft, offentlich vor zweyen Bischoven Herrn und vil andern guten leuten hat
lassen verjeln wie die sachen der kriegsfloufft, Auch der gefangen koniglicher maiestat zu hungern und
Beheim, und nicht Ir wert, haben wir unns bey seiner Maiestat geleyssigt und die sachen allenthalb zu
ewigen frid und gentslich verrichtung mit seiner koniglichen Maiestat auch ewr Herschafft halben verfaßt do Inm,
Als wir wol beweysen mugen, das obgemelt ländchen unns sonderlich zusteet und begriffen ist, habt doruber
unbesorgt uns dor Inm Zugriff gethan, und unser Somerseltisch gebiet Auch beschedit, den unsern So
das Ir genomen, das wir pillich vertragen weren Angesehen das sich die Ding In warheit so haben und Be-
gern an euch Wollet unns gethanen schadens widerkär thun unnd solich unbesorgt furnemen durch euch, auch zu-
schiekung und verbencknus Also denn Ir und eur Herschafft konigl. Maiestat und unser veind furschub thun
hindan stellen, damit wir nicht zu der gegenwer gedringen werden dann wir sein gneigt konigl. Maiestat Ewigen
und Eristenlichen frid allenthalb gehabt zu halten Nocht unns von ewr Herschafft solichs auch erscheinen were
wol pillich Ir schieket euch mit vassen lettern und Bretten getrawen got dem Allmechtigen werdet ewre herschafft
hochlicher ansuren, denn zuvor gescheen ist, welich Wind euch dorauff leitet, wissen wir wol und muget ander
ansleg haben, die werdet Ir wol gelbe geen lassen und wollenn doch euch das anheben gonnen. Geben zu
Croffen glagaw Am freytag Nach des heyligen leychnams tag Anno .x. 82.

An Grave Eytellfritzen Hewbtman zu Croffen.

Von gots gnaden Johannis Hertzog In Slesien vom Sagan zu freyenstat .x.

LXVII. 1482. Markgr. Johannis Schreiben an den Hauptmann zu Crossen.

By dem von Ezoller, uff nickel unwirds zugriffes halb von Somerfelt, geschriben ist.

Johanns ic. Liber vetter, dein schreiben beruren nickel unwirds zugriff und schriften haben wir verstanden, und wollest zu bewarung Sloss und Stat Crossen und zu gegenwer dem handell funffzig oder 60 drabanten bestellen uff unsern soldt doch das du all tag das aussagen habst, oder wy du am bequemsten das bekommen kanst, weß dir an solcher zal zu Crossen felen wurd, magst du dich zu francfurt oder anderstwo wo dies am bequemsten ist mit auffnehmung erholen, So haben wir unserm frundt von Lubus und Peter Borgstorff geschriben 20 Wispell mells außzurichten und gen Crossen zur notturfft zu schicken Wir haben zu gelassen Hertzog Hansen feint Iren enthalt zu Crossen zu haben, mit den du reden sollest, ob sy Iren enthalt da haben wollen, das sy dann uff Ir abentewr, fromen und schaden Ir furnehmen treiben mogen und doch In deinem nahmen als einß amptmanns und nicht auß Ir ursach, und wer auff Hertzog Hansen suchen und sein abentewr besteen wil, dem zu getrawen ist, den wollest enthalt da geben sich desgleichen den andern gebrauchen zu lassen, und dich mit denselben so best du kanst nickell unwirds der feinen und so In von Ampts wegen zu versprechen steen, auch alle der dy In zu solchem seinem unrechtlichen furnemen und gewalt hilff furschub und bystant thun, doch wollest fürsichtiglich handeln und dich vor schaden verwaren, Wir haben unnsere botschafft gefertigt zu unsern ohemen und Swegern von Sachsen mit In zu ratlagen wy wir den dingen furkomen und mogen auch geleiden, das du auß dir selbst mit herr Heinrichen von Militiz wy du uns geschriben hast handelst, dorumb wollest dy von Crossen trosten, dann wir sy nicht verlassen wollen als dy fromen, wir haben auch mit den von francfurt des Eroßnischen Jarmarckts halben verschafft, den uffs ander Jar zu verandern und dy weil sich die ding also begeben, so wollest dy brucken uber dy ader hinden und voran wol versehen, damit wir den weg an das end offen haben, deins gelts halben dir zu schicken wollen wir uns befeißigen dem also zu thun und wollest alle ding In guter acht haben und uns an botschafft nicht lassen, Actum am Montag In pfingst heiligen tagen Anno 82.

LXVIII. 1482. Fehdebrieft wegen des Ländchen Boberberg.

Abklag Grave Eytellfritzen; (ist nicht außgangen Sondern ein andre gemacht wy hirnach volgt.)

Nickel unwird dein schreiben uns getan, das das Boberbergische ländliche Hertzogen Hannsen erb sey und In ein erbhuldigung getan haben, wy das dein brive under anderm vermelt, haben wir gelesen und gesteen Hertzogen Hansen keiner gerechtikeit darin, dann das Boberbergische ländliche ist von koniglicher wird zu Crossen gelihen, hat auch unser gnedigen Herschafft huldigung getan Wir und ander Amptlewt vor uns sind auch des von unser gnedigen Herschafft wegen In Inhabender besitzung gewest und noch, dann das du yzunt vermeinst auß gehorsam deins Herrn uns des unbewart zu entsetzen, den unsern das Ir nicht zu bekeren und uff deinen mutwillen zu beharren, des wollen wir uns gegen dir den deinen und so dir von Ampts wegen zu versprechen steen, auch alle den, dy dir zu deinem unrechtlichen furnemen und gewalt hilff furschub und beystant thun In gegonnet, darzu wir gedrungen weren mit hilff des almechtigen unverlezt koniglichs anspruchs und cristlichs frids auffhalten und was sich darunder begeb, das wollen wir dir hirmit verkundt und uns bewart haben Actum ut s.

Der Reuter Abklage.

Nickel unwird, als der wolgeborn Her Eytellfritz Grave tzu Ezollern und Hembtmann tzu Crossen unser gnediger Her, dir auß notturfft der gegenwer ein bewarung zu geschickt hat, solcher gegen-

wer wir Im auch bystant und hilff thun wollen, deß verkundigen wir dir und wollen uns deß gen dir, den deinen und so dir von ampts wegen zu versprechen steen, auch allen den, dy dir zu deinen unrechtlichen furnemen und gewalt hilff furschub und bystant hir mit dyssem brive bewart haben Actum ut s.

Wir Johans Grave vom Honstein Here zu vrraden, Fridrich von Werthern Fridrich von der Schullemburg lassen euch unvirden wissen, nachdem der Edel Wolgeboren Here Eytelfritz Grave zu Ezoller ic. Heubtmann zu Crossen Euch auß notturst der gegenwer sein meynung geschriben hat, solicher gegenwer wir Im auch Hilff und beystand thun wollen, mit allen den die wir dorzu vermogen und auffbringen kunnen das verkundigen wir euch und etwm anhangt das Ir von unns des ein Wissen habet euch dornach zu richten Datum uts.

Das andre Schreiben Gr. Eytelfritzens ergibt, daß Unwird die Mühle in Bobersberg ruiniert hatte und einen armen Mann aus Jengsdorf gefangen hielt.

LXIX. 1482. Markgr. Johans Schreiben an Georg von Stein wegen des Boberbergischen.

Johans von gots gnaden Marggrave to Brandenborch Edler lieber besunder dein schreyben Inhaltende wie dein gnediger Her Hertzoge Hans zu nothwere auß Crossen gedrunge wert und ob sich die ding anders finden wurden das wir Ingedenck sein, das du solchs gern umgangen hettest mit andern mer deins schreibens berurende haben wir gemerckt und nehmen vor uns dein anzeigung der nature de nothwere eynem ybermann erlaubet, und sagen darzu das In unser gemuet willen oder syn unsern nicht komen ist, In unsern landen oder zu crossen Hertzoge Hansen einiche ursach der nothwere zu geben und wer dich solches untrricht hat, hat die warheit uber offenbarliche und kuntliche tad, uffs hochst erleinet und mehr dann zimlich zu schreyben ist gelogen, Auß dem zu nehmen das nickell unwird und etlich Ander Hertzoge Hansen sich haltende mit eygem mutwillen und homut zum ersten sich understanden haben das Boberbergische lendichen unser lieben Swester abezudringen, die Iren auß demselben lendichen mit droen gen Sumerfelt gezwungen zu Crossen von unser lieben Swester wegen geantwort sein, dornach zu Sumerfelt auß und ein den Armen leuten Ire vehe lassen nemen, mullen zu howen und verderben und ein mull by Crossen lassen abebernen alles unbetwart und unser liebe Swester und die Iren nicht anders gewist haben dann alle bestendigkeit hat der Houtman zu Crossen unvirden geschriben solichs abezustellen, den Armenleuten das Ire wider zu geben hat alles nicht mugen helffen, dar auß verstee wem die notwere zu thun ursach gegeben ist, verwundert uns das soliche leute die dich berichten deins gethan schreybens auß solichem offenberlichen geschen tad Als clar die Summe leucht sich nicht schemen solichs zu reden und zu vermeyden und glouben woll wenn unser lieben Swester underthan sich hinzihen das Ire nehmen und Rente und zimß abbrechen ließen und nichts dorumb thetten das gestel und wer sies etlichen leuten einzustreychen, das unser lieben Swester und den Iren die nature nich anders gib als du selbst zu mercken und zu begreyfen hast, werden sich die ding anders finden got gebe yeden die zu nothwere gedrunge werden zu guth So ist die schult des anfangs der auctor unser lieben Swester und der Iren nicht, Sondern der die Hertzog Hansen zusteen wie vorberurt ist und sollen unser lieben Swester unterdornach auß unserm willen ungerne Imands ursach Zang anzuhoben geben, noch anders thun dann was der konigliche wird zu Hungern lieb ist und zu aller fruntschafft geburt, will sie denn Imands an Ir verschult oder verdrin doruber anfechten oder sich zu unser lieben Swester untertan notigen Ist Im auß deynem eygen schreyben geben die nothwere offen und zu thun wie geborlich ist und dancken dir deins guten willens, versehen uns guth

dir forder zu verschulden Umb die Rauberie und plagkerie wem die am meysten gescheen sein ligt am tage, auß Herzoge Hansen gebieten Ezulich und andern ist unserm frund und Cangler dem Bischoff von Lubus sein Houpmann zu Lubus, abgefangen und wirt noch gefenglich gehalten dergleichen tad vill mehr gescheen ist, zu lang zu schreyben, das wir als In gedultlich ruhe haben lassen gescheen, aufrur damit zu vermeyden Sondern ob etlich In unsern landen ane unser wissen gewest und zu uns herkomen syn uff Ir verclagenn das In zu kurz und unrecht gescheen seyn soll, haben wir sie zu zeiten geliden uff meynung zu unterweyssen Ir furnemen abezu stellen und nymands auß unsern landen zu beschedigen erlobet, wo es aber anders dorch sie gescheen und uns desselben anzeigung geben wurd, wolten wir uns dorIn beweyssen wie geborlichen ist Sondern umb das zu der Britzen gescheen soll sein, haben wir den von der Britzen dorumb geschryben uns des handels zu erlernen und wer solichs dorch sie gethan wie du berurest, kome uns nicht zu dancke und was uns dorauff zu antwort wirt soll dir unverborgen bleyben. Datum am freytag nach Corporis Christi Anno .rc. 82.

An her Jorg vom Steyn.

LXX. 1482. Markgr. Johannis Schreiben an die Abgeordneten der Lausitz.

Johanns von gotts gnaden Marggrave zu Brandenburg .rc. Unserm gunstlichem grus zuvorn Edler lieben besunder unnd getrewer ewer unserm lieben frunt, Hern Fridrichenn Bischoffen zu Lubus gegeben antwort darIn Ir unter andern erstreckung gutlichs anstens unnd frides noch acht tag bittet haben wir vernohmen, solchenn fridstant so ferne die ander partei den annymt unnd wir sein versichert werden In nechsten unsern an euch gethanen schriffteu erstreckt unnd euch mit ferrem Inhalt unsers brives uff Jacobi schirft zu uns gen Coln an die Sprew zu komen ein tag ernent, unns hat aber unser lantvoyt zu Cotbus Rathe unnd lieber getrewer Sigmundt von Rothenburg Indes geschribenn unnd zu erkennenn gebenn wie ir In eingelegter abschripte vernehmen werdet darIn abzunehmen, wie der fride durch unnserer Rathe unnd euch angefalt von der widerpart gehalten ist, unnserer Schwester unnd die Iren sein manchfeldiglich nicht allein mit rawb und andern sundern wir unnd die unnsere Im Cotbischen gebithe unserm erblande Im fridstant bescheidigt worden, unns ein dorff gepucht unnd das vife wie wol die unnsere den meistenn teil wider abgeilt unnd die thetter bis gen Somersfelt In die heune geiagt haben hinweg getriben, des unns nicht wenig berulet, gutlich synnende wollet dem gemachten unnd angenanten fridstant nach euch bei prelaten hern mannen unnd stetten des marggraventhumbs zu Lusitz so euch zu unns gefertigt haben besleiffigen unnd durch den vertwesser verfugere fordere zugriff zu verkomen unnd das den unnsere von thettern gen Summerfelt einkomenn Ir genommen gelt hab unnd gut so noch hinderstellig ussen ist wider gegeben oder noch billickeit unnd redlicher wurde vergolden unnd bezalt, als wir In keinen zweyfell setzen Ir unnd die lantschafft thun werdet, gunstlich zu beschuldenn, wie aber dem so nicht geschege were ganz unleidlich stund nicht zu dulden sundern musten unns der gegen were dartzu wir gedrungen wurden gebrauchenn, des ewer antwort Datum Spandow am Midwoch nach divistonis apostolorum Anno domini .rc. 82.

An herr Cristoff von Dhonenn zum Strawptz unnd Jorgen von polentzk uff lobenow.

LXXI. 1482. Schreiben des Vogts zu Cottbus an den Markgrafen wegen Sommerfeld.

Gnediger Herr, die von somersfelt haben mit 18 pferden hut zu nacht ein dorff alhie In ewer gnaden landin gefocht, den armen leuten alles wes sie an gelde und cleidern und ander gereitschaft gehabt und alle Ire syhe genommen, das syhe hab ich In wider abgedrengett sie eylen lassen das vor Sommerfelt In die zun, was den armenleuten wie vor steet genommen heymen gefurett, mir wirt nichts geschriben oder vorkundigt wes ich mich halten sulle, ich wolt woll nitt wedir nehmen der kegen were gebrauch, weis ich nicht ob is ewer gnaden gefallen sey, uff das ich mich nach ewer gnaden meynung weis zu richten und das mir nicht schult gegeben werde, ich wolt ewrn gnaden In frig furen, die selbige ewer gnaden wolte mir ere meynung zuborsteen gebin wie ich mich halten sulle domit bevelh ich mich ewer gnaden als meinen gnedigen Herrn Datum Cotbus am tag margarete Anno ic. 82.

S. von Notenburg ic.

An meynen gnedigen Herren Marggraff Johansen ic.

LXXII. 1482. Antwort der Botschafter der Lausitz.

Ir lucher hochgeborner furst unsern willigen dinst ewer furstlichen gnaden zuvor Gnediger herr, uff furder ewer gnaden schrift an uns getan gnadigen gutlichen anstand biß uff Jacobi zu haben Solden wir ewer gnaden antwort geben haben So hat uns die botschaft kein Somersfelt getan daran vorzogen und vorhalten biß zu diser Jungsten ewer gnaden schrifte, dor In ewer furstliche gnaden vormelt wy Indes noch Sigmundes von Notenburg anbringen aus Sommerfelt ewer gnaden undertanen In dem Cotbischen twickbellde solbin beschedigt sein worden, ist uns trewlich leynt doch haben sich als wir berichte werden die ding so weit nicht begeben sunder hette Sigmund Notenburg furderlich denn gescheen ist noch folgjn lassen, so were der teler keyner von dannen kamen, uns hat auch der vorwefser der Edle wolgeborne Herr Abraham Burggraff von donen In seyner zukunst zu erkennen geben, wye der hochgeborn furst Hertzog Johans zu solichem gutlichen stande In seyner kegenwertigkeit vortwillet habe, wes sich nu nickell unward understehet zweyfelt uns nicht seyner herschaft kein gefallen erzeigett Sunder wir bitten ewer furstlichen gnaden sich der dinge nicht hoch anzihen Sint wir kurzlich bey ewern gnaden sein werden wollen wir ewer furstlichen gnaden der dinge weyter underrichten In verhoffen zu gutem ende brengen, doch hat ykund unser vorwefser unwarden hertlich geschriben den gutlichen stand vestiglich zu halten, wor mit wir ewer f. gnaden zu dinst sein mogen sein wir alle zeit willig. Dat. Lobben f. 6. post alexii.

Christoff Burggraff von donen und Jorg von Polentzf.

Dem Ir luchen hochgeborn fursten und herren herrn Johansen Marggraven ic. unserm gnedigen herrn.

LXXIII. 1480. Ausschreiben Herzogs Johann von Sagan.

Von gots gnaden wir Johannes Hertzog In der Slesßen vom sagan unnd grosen glawgow, ffrienstadt ic. Entbieten allen unnd iglichen fursten und herrn, rittern, Ambeleuten, Borgermeistern und Rethen, wes wesens unnd stands her sie unße fruntlich dinst, gunstlige gunst, grus unnd alles gude, Ein yderr nach seinem stande wie sich daz gebort, wir werden underricht wie mannichselbich man unns vor ungelimphet

unnd fast mit unbilligkeit besagit, damit man euch allen unnd yden uff unns zu resen gedenc, Nu sein wir ungezwivel, so ein yder merken wirt, unnsere großmercklich naturlich godtliche unnd usrichtige gerechticheit Ir werdet die an sehn unnd zu hohem gemuthe zien, Duch godt unnd die rechticheit vor ougen haben unnd sullich eyne vorgeben unnd vorhettzen nicht staet geben.

Es hatt sich bogeben vor etligen Jaren daz unnsere oroldern unnd anherrn sich mit der lobelichen kronen zu beyden vortragen haben unnd sich zu underthan geben bey ghezeiten ethwan koninck Johannes die zeit koninck zu beyden unnd palen, do sie sich mitt sulbort vor schrebung und zu sagunge des selstigen konigk unnd der kronen vorbehaltten haben unnd bodingen daz dieses unnsere forstenthum zu ewigen zeiten an unnsere geflecht die weile mennicklichen erben sein gefallen solt Als das klerlich meldet des selbigen koninck Johans brieff Als her hertzog hinrich seliger unnsere anherrn die lande vorlegen hatt unnd sulch bodingnisse bostedigen daz zu gesagit unnd vorgunst, der gegeben ist Am Dinstag nach misericordia Domini Anno .x. der minren zal tausent dryhundert und 29 Jar.

Item darnoch derselbige koninck mit tode verfallen, ist aber ein konigk irwelt der Johannes geheisen hatt, der des vorstorwenß hertzog Hinrich unnsere anherrn jon aber die Landt vorlegen unnd sullich vorbehaltung unnd gebingnis als sie sine vofaren gevortwilliget unnd ouch dem vorstorwen hertzogen gegeben unnd bestedigen hatt, der In her gelabit hatt vore sich unnd sine nachkamende konninge zu beyden dem genanten fursten unnd sinen nachkomelinge seihen unnd scherren vor ydermennichlich by koniglichen trwen unnd hatt en ouch zu gemeynen lehen unnd anfal vorlegen der hochgebaren furste unnd hern Herrn konraden zur olfen unnd Hertzog Johannes zur Steine landt unnd furstenthum unnd gelabit vor sich nachkomelinge konninge zu beyden den genanten fursten unnd sinen nachkomen nimmermehr zu dengen das sie ore landt vor konwfin edder gelafen sollen, es sie denne ir guter wille .x. der gegeben ist zu pragow am sunte clemens dagt tusenth dreyhundert und 44 iar.

Item bey desselwegen koninges gezeiten ist gewest der Iruchte furste karolus des genanten koning irstgebaren, der dem gemelten Hertzog Hinrich gelabit hatt so her ummer nach tueth Sins (Vaders) koningk zu beyden wort daz her em unnd sinen nachkamen sullich vorschreibinge brieff unnd privilegia halden wolt unnder obegenanten datum.

Item darnach ist keiser karolus konigk zu beyden gewest, der geschreben und besalen hatt hertzog Hinrich zu grosen glagow und dem sagan der die selbige zeit ym leben gewest ist, ab was an em geschege daz her sich halden solt an sinen eygen bruder Johannes die zeit marggrave zu merhern und ist gegeben zu Dreßlow nach Christi gebordt tusent driehundert und In 59sten Jar Am 11ten tage february.

Item darnach hatt sich der genante marggrave Johannes vorschreiben gegen den selbigen hertzog Hinrich, so her nunmehr anstedt seines bruder konigk karolus des vierden konigk irwelt wart daz her en unnd sinen nachkamen hanthaben wolt by iren briven privilegien und recht Gegeben zu Dreßlow nach Christi gebordt tusent driehundert Im 59sten Jar des selstigen tages.

Item darnach bey konigk wentzlaus koning zu beyden gezeiten hatt sine Maiestat nach todt des genanten hertzog Hinrich Im Slesigen zu grosen glagow Sagan .x. sinen son Hinrich dem oldern unnd Hinrich dem Jungern das furstenthum vorlegen und sie Investiret, en ouch gelobit bey allen iren briven privilegien unnd gaben zu halden Gegeben zu Dreßlaw Im 1369sten Jare Am Mittwoch nach wenzlai.

Item so hatt keiser karolus die zeit konigk zu beyden bostetiget conformiret unnd zu gelafen etligen handel so sich bogeben hatt zwischen hertzog Hinrich dem oldern ouch dem Jungern Hertzogen Im Slesigen zu grosen glagow unnd sagan .x. Der Inholt daz sie sich noch ir nachkamen nummher teilen solen noch mogen daz ir ein edder allin zemglicht Im bruderlichen unnd gemeinen lehn schaden mochte unnd ab sie daz yhetzen, so sal es unkressig sein unnd nichts zu bruderlichen und gemeinen lehen schaden brengen Der ist gegeben zu Budeßsen nach Christi gebordt Im 1371sten Jare Am Sontag nach Lucie.

Item zo sein brieff der obgenanten fursten die die zeit gewesen sein als nemelich hertzog Hinrich des oldern mittlern und Jungern wie sie sich Zegen einander vorschreiben haben, daz sie nummehr yechten der dinge wollen vornehmen daz bruderlich unnd gemeinen lehu schaffen unnd machen wort und ab wes zo vorgenommen wirt, zo wollen sie daz zu obigen zeiten unkrefftich sein sal und haben daruff bostetunge unnd vulbort bekomen van koningk Wenzlao beymschen unnd romeschen konigke, der ist gegeben zu pragow Im 1379sten Jar.

Item zo hatt konigk Jurge die Zeit do her von der kerchen zu gelafen wart und vor einen konigk zu beyden gehalten unns alle unns brive privilegia unnd gerechticheit gelichsam sie van worte zu worthe außgedruckt weren bestetiget.

Item zo hatt unns unnsern bruder der hochgebaren furste Herre Wentzel Hertzog In Slesien unnd Saghan zc. uffgegeben alle und yede gerechticheit, zo an en dez furstendoms edder andern ansal halp komen mächte zu obigen zeiten.

Item es sein ander der gelich brive, die van koningk zu koningk außgegangen sein bis an desse zeit darinnen den selbigen unnsern anherrn und vorfarn sullich furstenthum gelegen bostetiget unnd also conformiret ist die unns die herzogynne entweret hatt und sie auß unnsern furstenthum furen lasen.

Item es hatt der durchluchtigste großmechtigste konigk Mathias unnsern vettern dem hochgebaren fursten und hern Hern Hinrich Hertzog Im Slesien zu grosen glagow ffriestadt zc. Der an Jungesten vorscheiden ist, sullich alle unnd yede upgenanten brieff unnd vorschreibunge bostetiget unnd conformiret gelichsam sie aller von worthe zu worthe In siner gnaden schriefft außgedruckt weren die gegeben seint zu Breslaw Im tage Viti Anno Im 1469sten Jar.

Item nach sullichem obegheschrieben voffallen als sich die landt irlebigen nach tode unnsers lieben vettern seliger, mitt dem wir zweiger bruder sint gewesen sein daz offenbar unnd nicht hemelich ist, wir auch wie zum rechte gebort mitt genuckamen orekunt borweiset haben, habe wir unns zu sullichem lande als ein rechter erbe nach aben geschreiben vorbehaltnisse auch nach ordenung der recht gehalten.

Item darinne hatt unns widder godt glich und recht unnsers upgenanten lieben vettern seliger nachgelassen wittewe irunge gethan mitt eynen irbochten unbestendigen leibgedinge unnd hatt unns darinne vremde hopflewte gefattjt unnd sullich unns erblandt entwenden.

Item es ist wol offenbare unnd nicht hemelich daz sie sulliche leibgedinge als sie sich an zeit, ab sie daz auch zo zu nennen ist von dem oberherrn keine bestetunge gehatt hatt, als daz auch offentlig zeigen unnsers herrn des koninges brieff der lanthschafft zu geschick hir noch volgen worden.

Item zo denne kein leibgedinge vormechtenisse vorschreibunge edder vorpfindige In lehnputern krefftich is an bostetunge unnd vorwillunge Zes aberherrn, als daz wol klerlich geistlich keiserlich unnd lehurecht messen, mag menniglich merken daz sich die genante unnsers vettern seliger wittewe mit unrechte zu den landten und unnsern furstenthum gehalten hatt unnd die geweltlich, gedoch unns als einen rechten und naturlichen erben mit unbillicheit zu entweren.

Item sie hatt sich an sullicher gewalt unns irzeigen nicht begnugen lasen Sunder gedocht auch unnd aberstuck sich der obericheit an eynem andern koninghe, denne Ir gemhal irkant unnd bevalen hatte sich an koningk mathias zu halten, der des genanten koningk mathias die zeit vrient gewesen ist

Item sullichs alles hatt angesehen unnsern gnediger herr der koningk upgenant daz wir naturlich ankunfft gerechticheit vorbehaltnisse unnd bodingenisse unnsern ohholdern unnd voffaren haben Duch daz unnsers vettern zelliger gelafen wittewe unns als einen rechten erben gedocht wider glich unnd recht ober alle rechts geboth zu enterben und den oberherrn auch siner rechten entweren unnd hatt so zu gheschick seiner Majestat machboten unnd reche mit genuckamen unnd vorschreiben mit koniglicher Majestat Anhangenden Ingefigel bostiget gewelten dem wirdigen achtbaren ffabianen hangk geistlicher rechte doctor unnd thumherrn zu Breslaw unnd

Erbaren nhamheftigen malcher van Ebben zeliger uff aur ghesessen mitt unns zu handeln van wegen des selwigen unnsers forstenthumen, damitt wir sine Maiestat berckenthen unnd wes die genanten machtboten zo handtelten beslossen unnd vorliegen gelabit sine Maiestat stete vesse unnd unvorbrochlich zu halten by koniglicher trwen Als daz seiner koniglichen Maiestat brieff klerlich besaget Der gegeben ist zu Ofen Am montage nach der irhabunge des hiligen crucis Anno 1476.

Item es haben upp soliche abengeschrewen gnuglich gewelten die upgenanten machtboten unns uff konigliche Maiestat bobelunge das furstenthum geligen In gewest, unns unnsere brieff unnd privilegia die wir von unnsern anherrn unnd vorfaren haben besiedigen und conformiret als daz ir brieff außweist.

Item es hatt sine konigliche Maiestat geschreiben prelaten Hern manne unnd van steten dieses unnses furstenthums daz sine Maiestat unns irkant hatt vor eynen rechten waren und naturlichen erben unnd en bobalen, daz sie unns uff nhemen unnd huldinge als iren rechten waren unnd naturlichen erbherrn thun sollen by ernstlicher ungegnade zu vormeiden als daz klerlich seiner Maiestat brieff bedecht der gegeben ist zu ofen Am tage conceptionis marie Im 76sten Jare.

Item es hatt sich ouch sine Maiestat gegen unns vorschreiben met Niemand keinen handel vortrack eynunge noch beslusunge machen wider mitt dem koninghe zu palen, Beymen, Marggrave noch sust ymandts daz unns zu schaden sein solde und dar dorch wir dieses unnsers furstenthum nicht beruckelich behalden unnd besitzzen muchten In keinen weck, unns ouch darzu zu helfen gelabt, als das seiner Maiestat brieff unns gegeben meldet Der gegeben ist zu ofen am tage conceptionis marie Im 76sten Jar.

Item Es hatt syne Maiestat unns vorschreiben und dorch syner Majestat briff unde Sigil unns geben alle unnd yede syner Maiestat gerechtikeit die durch sulchem unnsers vettern seliger tod, aber sost In eyniger weyß ahn seine Maiestat Als konigk zu Whemen komen unde gefallen were außgenamen die uberkeid geben, unde ernstlichen entpfelen die ostgenante witwe auß diffem unserm vorstenthumb zu treiben, sind sie keyne gerechtikeit zu diffen landen hat, Orsache halben Als daz seiner Maiestat briff weither entdecket der geben ist zu ofen Am Sonnabent vor deme Sontage Oculi Anno ic. 77.

Item Syne Maiestat hat ouch entpfelen durch ander seiner Maiestat schrift, das wir keynen Anwald der Herzogen Im lande leiden noch lassen sult Als daz besaget seiner Maiestat briff, der geben ist zu ofen Ahm mittwoch vor prisce Anno 77.

Item Es hat sine Maiestat die bestetigung durch seiner Maiestat machtboten unns gethan, mit seiner Maiestat briff unde anhangender Maiestat Ingesigel besetigt, unns die land gelegen, sie an unns gewiset alle und yede briff unde privilegia glichsam sie von worte zu worte außgedruckt vor besetigt unde globt unns darbie hanthaben schutzen und schirmen Als daz seiner Maiestat briff außweist, Der geben ist zu Ofen Am tage Conceptionis marie Anno ic. 77.

Item Seine konigliche Maiestat hat unser gemal besetigt und vorlegen eyn vormechtniß unde lipgedinge, damit wir sie durch unser briff und Sigil versehen haben Als daz seiner Maiestat briff meldet, Der geben ist zu Ofen Am Dornstag vor Margarethe Anno 78.

Item Es hat seine konigliche Maiestat Ahm Jungst zu Olmütz Allen und yeden Slesischen fursten globt sie zu hanthaben und schutzen bie Tren briffen privilegien unde gerechtikeiten Als daz seiner Maiestat briff meldet Der geben ist Am tage Jacobi Anno 79.

Item Uber sulche alle und yede gerechtikeit vorschreibung briffe unde privilegia unde besetigung unns von seiner Maiestat geben als oben borurdt ist, hath der hochwirdige Herre Baltisar von pistia Bepistlicher Orator unde Legat, yetz Bischoff zu Symerny unns Irkandt nach genuglicher erforderung unde vorheyschung des widderteyß vor eynen Rechten waren unde Naturlichen zu gehenden erben dieses unnsers vorstenthums unde den die unns widersessig gewest seyn bie geistlicher besverung des bannes, sich ahn unns zu halten

unde uns also zu erkennen entspfolen, darneben auch prelatten Hern Manschafft unde von Steten von den globden der Herzogen uff solch irbocht lipgedinge gethan van bebißl. hilik. macht entpunden unde sie In crast und macht loß geteilet Also daz siner gnaden briff und sigil meldet unde clerlichen außdrucket.

Item So sich die geschafft differ krigeßlowßt von der genanten gelassen wittwe mit Irem vater und bruder die Marggraffen ersprossen, erlangitten, hat konigl. Maiestat entspfelen Herrn Jorgen vom Stain die zit siner Maiestat anwald In den dinghen zu handeln zo her mocht beylegen, dez her beiden teylen eynen tag bestymmet In pfingest feyertagen gegen Culbin Anno 78. Da wir denne an beiden teylen erscheynen syn durch unsre vulmechtige machtboten, unde hat zo die zache der zwielowßt, zo sich zwuschen unserm widerteyl an eynem, und uns am andern teil uffgehoben unde mit beider teil wissen uff konigl. Maiestat voranlaßt unde do nach lawt des anlaß tage bestymmet uff Bartholomei die vorlust der zache vor konigl. Maiestat zu erscheynen unde yedestheil syne zachen Recht und gerechtikeit vordringen, zo wolt syne Maiestat dor ober sprechen Nhu seyn wir durch unsre Machtboten gehorsam geweest unde haben dem anlaß genug gethan, daz widerteil ist doch nicht do nach solcher vorwillung erscheynen unde darumb haben wir nach ordenung der recht daz besaget, wie wol uns zu der zit die konigl. Maiestat unsers rechten nicht haben mogen irlangen und syn zo zu der selbtigen zit rechtloß gelassen.

Item nach der selb zit hat die Zache aber In vhed angestanden byß auff den nehest gehalten koniglichen und furstentag zu Olmütz do wir aber dorch unser vulmechtige machtboten erscheynen seyn unde wie vor unser erfolget unde erstanden Recht fordern lassen Nhu hat sich under vil handeln bogeben daz konigl. Maiestat abermalß an uns bogered hob, die sache uff sine koniglich Maiestat zustellen, Alz haben eß unsre machtboten gethan unschedlickchen unsern briffen und privilegien Auch unschedlickch unserm ervolgettem recht Nhu hat uns syne Maiestat gelobit unde doselbs zu gesagt, daz sult nimmer geben daz uns syne Maiestat Ir keynen brechen wolt, zunder mehern und nicht mynern Wir sulden uns auch dez halben unde gewiß syn, daz syne Maiestat der herzogin ungerne eynen ghawt In lande lassen aber zcu sprechen wolt, Sonder syne Maiestat wolde uns halben wess her uns vorschreiben heth were her eyn fromer konigk, haben wir uff siner Maiestat vorschreibung unde manchfeldige Zusagung globt und die Zache unschedlickch deme vorigen anlasse der nicht widderruffen ist Duch unschedlickch unsern briff und privilegien uff syne Maiestat abermalß voranlaßt In meinung sine Maiestat wold umb der Eren willen die sachen selbes richten unde soft nymandes vorgonnen Wiewol sie ander ffursten uff deme selbtigen tage wol hetten mogen bielegen Nhu sein abermalß die sachen uff sine Maiestat voranlaßt unschedlickch wie vor dem vorigen anlasse unde daz yedestheil vor koniglich Maiestat uff aller heiligen tag nehest vorgangen erscheinen sult, do denne den selbtigen tag syne koniglich Maiestat noch vorher alle unde yede sachen schelniß und zwelowßt zwuschen unserm widderteil unde uns sprechen solt, Nhu sein aber durch unsre vulmechtige sendboten erscheinen unde den selbtigen tag nach lawd dez anlaß gewartet unde deme gehorsam geweest Aber daz widderteil ist nicht komen, haben unsre macht botten gebeten den dinghen, nach lawdt des anlaß, abß daz widderteil den selbten tag nicht gehorsam were, unde der anlaß Inheldt welch teil den tag nicht queme der solt der zachen vorlustig sin, volg zu thun unde koniglich Maiestat gebeten uns nicht weyter, den sie fordt meher keyne gewalt hetten die zachen zu vorzihen, unde auß solcher vorwillung dez anlaß unsre Irfolgeth zuerkant unde Naturlich Recht und ankunfft lassen Irscheynen, deme hat zo nicht mogen geschehen Also wir dez gute bowysunge haben von Instrumente unde andir kuntschafft, Wie deme allen hat seynte Maiestat die zachen uff gehagen, die unsern zo vor Inne gehalten lenger denne achzehen wochen, daz widder unsre, unsre geschicketen machtboten wille unde sulbort geweest ist Sie haben auch den anlaß nicht macht gehabt zcu erstrecken Nichtes deste mynner hat sich syne Maiestat underfangen unde gesprochen, wir solden unsre landt und Stete deme hochwirdigen ffursten Hern Johan Bischoff zu Warden zu getrawer hant Ingeben dez die unsern nhie vorwilligt haben Duch keyner macht gehabt, Duch außirhalben deme anlaß geschehen ist, der Inne heldet alle und yede sachen zu entsetzen, dornach do daz nicht angenamet ist unde die unsern nach wie vor willpart haben, hat seynte koniglich Maiestat durch seynten kangler an den unsern bogeren lassen, So wir daz nicht thun wolden, zo solden wir seynte Maiestat die

landt entzweyten, unde gänglich In geben, Her wolde unsern tochttern Jeklicher 2 tausentz schock behemesch, schriftlich vormachen, unde so sie manbar worden geben unde uns Eynen enthalt, damit wir uns enthalden muchten, wie aber unde was daz seyn solt, haben wir nicht mocht erlernen Ab yß 6 adder 10 groschen seyn solden, unde dorbie lassen sagen, wurden wir der weghe keynen annehmen so solden wir wissen daz wir eynen ungnedigen Hern haben solden, der uns forder nymmer gnedick syn worde, Dor Nach hat syne Maiestat dorch den Bischoff zu Wardin, der durch seynen kanzler unde kanzelschreiber zu uns hat lassen gelanghen, wir solden die landt seyner Liebe zu getrewer hant entzweyten unde wir doruff geantwerdt haben so vil uns uff iren kredenz briff noth were, haben sie zu glagow thorme thor unde geweren besehen und offentlich gesprochen koniglich Maiestat hette die helffte, so der Herzogfen were zu seyner Maiestat Handen brocht, die wolden sie koniglich In nehmen unde mit den unsern teil zu grossen glagow wol bekommen und so hyn forder uns auß diesem fforstenthumb beruglich brengen, under andirn vil worthen die geschen seyn, Unde darumb Bitten wir uch allen unde yzlichen In Sunderheit weß wesens unde Standes her sie, yr wollet zu hohem gemuthe syhen wie uns syne koniglich Majestat um unser getrawe dinst willen, die wir manchfeldig syner Maiestat gethan haben liep und gut nicht gesparth unde syne Maiestat bie diesem fforstenthumb behalden, daz wol landt kundick ist, zu lohenen gedent und wie uns syne Maiestat uber alle syner Maiestat briff vorschribung und globte uns manchfeldig gethan alz oben berurdt ist, so grosse forge unde gewalt ane alle schult zu thun vor-meynet, daz clagen wir got deme Allmechtigen unde irmelden allen unde yzlichen fursten Herrn Rittern knechten Ambachtluthen unde van Steten weß wesens unde Standes sie syn unde bitte auch Euch allen unde yzlichen In Sunderheit In fleiß gutlich, Ir wollit an sehen got und die gerechtikeit unde uch so ledirlich nicht lassen wid-der uns vor hehen, wollet uch zu gemuthe syhen, wo mit man uns unsern getrawenn dinst zu lohen gedentet daz is auch nicht eynem andern gebor, denne syn wyß hever, wer weyß weme yß zu Jare bogriffet, weß sal sich Eyn yder fromer Here trawen, so em nicht sulche mergliche vorschribung unde zusagunge gehalten wer-den, flisck eynen yedern Bittende unde erlanget Ir wollet uch ober solche briff grosse gerechtikeit zcu uns nicht nothegen, denne so es geschege alz wir nicht hoffen moget ir bemercken was den landen doraus ersprissen mochte.

Alz wir denne undirricht seyn, unde wir vorgehogen werden damit man vormenhet uns Jegen uch zu vorungelimpfen In dessen unsern vornehmen, so wir uns yzdt zu Clagow undirfanghen haben, uff daz yder-mann bemercken magt daz wir dysmal auß nothwere do hyn gedrungen worden syn.

Item Zum Ersten hat sich bogeben Am anefange so wir durch koniglich Maiestat zcu disen landen Saem eyn warer unde rechter erbe Irkantz unde zugelassen worden syn In maßen obenberurdt ist und unsir thadt zu grossen glagow In namen, daz wir uns Jegen der hoggeborn fursynne und frawen frawen Margarethhen vor-lassene witwe Herzog Heinrichs flaytiken Erboten haben, unde sie betlich irlanget, Ir Liebe welde sich Alzo mit uns halden wy yß die vorige herschafft mit eynander gehalten hetten uff daz so die stadt gekweyet were nicht ferlickeit Ir Liebe und Jren theil Duch uns und unsern theil geschege, wir haben addir sulchß In keynen weyck moghen Irlangen, Ir Liebe hat yß gänglich abegeslagen.

Item Da Nach haben wir Ir liebe zu meher malen Irsuchen lassen, durch unsir mergliche botschafft Manschafft unde Stadt, unde Ire Liebe Irlangt den dinghen wie oben berurdt ist, umb Erthumbs wille zu vormiden, vorzukomen und Es also zcu gehalten also bie unsern vorfarn geschen ist, und ab ir Liebe weß miß-gelowe hette, wolden wir sie unsir halben vorwaren, wie yß ir liebe aufsetzen mochte, damit ir Liebe vorwaret were, und daz ist zu vil malen geschen Sunder durch ir Liebe mutwilligß rat anemen hat yß In keynen weck vorgangt mogen haben, doch haben wir alle wege In gutigkeit die dingt vorgenommen.

Item Alz ir Liebe sulches alles abegeslagen unde In der weyße vorgenomet, hat sie die unsern vor-Manschafft Duch borgern vorfolget, daz wir aller In besten uffgenommen, unde gedult haben unde wol kundigk ist.

Item so hat ir Liebe allem obgenanten vornemhen keyn uff horen gehabt, zundir uns zu widder den

hochgebornen fursten Hertzog kasekow In Ire theil In gelassen, der alz wol wissentlich ist keine gerechtikeit zu diesem forstenthumb hath.

Item Alz sie den genannten forsten zo In gelassen, hath her uns unser Mannschafft Auß eygener torst Unvorfordert unde unbesorget widder got gleich und Recht getwungen unde sie In gesenckniß geleet, gestartet unde getormet, alzo wir denne syne Liebe durch die unsern da und uff sulch vor nehemem Irsuchten syne Liebe Bittende sulchß abe zu stellen, hat In keynen weck mogen geschehen Sundern her hat syne Mutwillen nicht wollen abestellen, daz wir die hit haben müssen lieben.

Item In deme haben wir syne Liebe durch unsir Mergliche Rete Irsuchen lassen So denne er ehm daz teil der Hertzogin In vormundeschafft uff nomen, daz sich syne Liebe zo sich zo ergeben hette, tegen unsern theil zo halben wolde, Also wie unserm vorfarn gewest were, daz alles hyndanne gesagt unde abgessagen ist.

Item Dornach alz sie ehn In vormundeschafft uffnomen, haben wir abermals syne Liebe Irsuchen lassen durch unsir Rete den dinghen wie unsir vorfarn gehalten haben nach zu komen, daz alles nicht hat wollen syn, zundir ist Also In synem Mutwillen abestlan.

Item Nach seynem abescheyt hat syne liebe Umbachtluthe hynder Im gelassen die den unsern alles Ires vormogens unde wy sie gemacht haben, hon unde Smahaidt gethan mit unsilikeidit zu gemessen haben, do uns keyn glich both Irbietunge unde alle bilikeidit nicht hullfflic gewest ist.

Item Am Jungesten Am Sontag Decul haben wir abermals unsern Radt und lieben getrewen Jurge von Lobben mit genugsamen Reden an die Hertzoginne unde den Hovpman gefertiget In Meynung noch sulchen vornehmen Also koniglich Maiestat hat Irlawthen lassen, daz sein Maiestat Ir liebe von Hertzoge kasekow zu sich bracht hette, unde daz unser durch sulch vornehmen lederlich zu bekommen gedachte, daz denne koniglich Maiestat kanselschreiber unde des Bischoff von Wardin kansler Duch haben Irmelden In dem daz syne koniglich Maiestat die Stadt von uns bogert hat, unde mit der Marggraffen ungerichteidit, die Im syne Maiestat zu em bracht hat, unsir gerechtikeidit vormeynet undir zu drucken und syn darumb In eygener persone Nicht gar mit 40 pferden tegen grossen Elagow uff unser theil gehogen, und haben zu sulchem vornehmen mit guter weyß unde gelimpfen wolden vorkommen, uns hat nach wie vor mit der Hertzoginne unde Irem Hovpman Nach alder gewanheidt zuvortragen, alzo wir daz Jorje von Lobben obgenant Entpfolen hatten, daz In keyne wegt hat mogen geschehen.

Item daz theil der Hertzoginne die weile wir do zo unvororget geleet syn, haben daz sloss gespenst und Ire gerethe gestoehent.

Item die weile wir do zo laghen, haben sie die thor unde die thorme widder uns besagt, die bespiset und bemanneth unde die Ratelocke uff deme selbigen theil gelawtet, do sie alle In Irem gerethe uff gewest syn unde zusamende kommen, zo syn Borgermeister und Rathmanne unser teyles zu uns uff unser sloss komen unde haben uns solchß In grossen bekummerniß vorkundiget, unde zo haben wir zu den unsern gesprochen, sie ermanneth zo man es y zo haben woldt, zo sult es nhu unsir roß (?) unde grab syn unde haben sie Im sulchem Iren vornehmen bez wir nicht besorget gewest syn Hertzoge kasekow Entsaget, uff daz wir unser ere unde gelimpfen vorwaret haben.

Item Auß diesem vornehmen syn wir alz ein iglicher vor mergken magt zur noethwere die durch alle Recht zeugelassen ist gedrungen und haben yß müssen thun.

Item Ab ymandt sprechen wolt, wir solden uns zuvor irclaget haben, mag Menniglich Irkennen daz uberylunge halben nicht hat moghen gesyn, daz ferlikeidit auß lenger uffzogt hette erspriffen mogen, daz denne offentlich und ganz kuntlich ist.

Item Auß obgescriebenen stucken puncten und Articlen Ist wol offendar, daz wir zu diz were durch Ir vornehmen gedrungen worden syn zo denne noethwere, alz alle recht zu geburet unde gewalt mit gewalt zu stewart gebordt, Ist ussenbar und nicht heimlich, daz wir bilich die dingt In der weyße angefangen haben, des halben

alle und hylliche den disse unsre schrift Irkummt und Irzegt wirdt gutlichen Bittende sich ouch verhalten zu uns nicht zu Notighen noch reynen lassen, wen wir seyn ungezwifelt so man ymandes In sulcher weyße syne veterliche Erbe und gerechtikeidt entfremden wolde Eyn yder gedachte Ane zwifel syn selbst best, alle synes vormogens vorzunehmen, deme wir Duch so zu thun gedungen syn Ungezweifelt Ir werdet uch alle die czo widder uns zu thunde gereyset werden Nach sulcher Underrichtunge sflüssigen abzustellen, unde uber uns nicht helfen, uff daz ouch uch unde den Landen nicht unfrucht darauß Erspriset, wollen wir umme uch alle unde yeden In Sunderheyt gerne vordinen, unde nach Eynes yedern standt vorglichen und vorschulden, zu Orkunt mit unserm zu Ende disse schrift uff gedruckten Insigel vorsigelt, unde geben zu glagow An der Mitwoch Nach palmaren, nach Christi gebordt 1480.

S. v. Lancizolle p. 331. v. Ledebur Archiv Bd. 2. p. 168. und Bd. 8. p. 148. Curci schlesische Annalen u. a.

LXXIV. 1478. Markgr. Johann verkauft der Stadt Brandenburg das Obergericht und einen Zoll.

Wir Johans ic. Bekennen ic. dat wy Recht und redlichen mit wolbedachten mude na Rade willen und volwort unnses liven herren und vaders Marggraffe Albrechte ock med rade unnses Rade, darto med willen herren prelaten manne und steden hy wy up die tyd by uns to frankfurt gehadt verkauft hebben unde Jegewerdich verkopen In crafft dieses brives to einem Rechten wedderkope unnsen Zoll In beyden Steden Brandemborch und den tol up der stratten to plawe priterwe wenthe to Wustermargke und von Brandemborch wenthe to den Werder mit gewonheit und Recht also von older wenthe an unnsen herren und vater ock uns gekomen yß ane geverde, Und verkopen ock unse orbebe In der selvigen Nevenstadt Brandemborch benemblicken vier und viertich schock Terlicher Rente half up Sunte Wolborgen und half up Sunte mertins dage, darto verkopen wy unse overste gerichte met aller to gehorunge, So wy dat In der nyenstadt hebben nictes uthgenohmen, Besundern alleine dat sydeste gerichte mit syner togehörung, dat die Ruke von uns to lehne hebben, den ersamen unnsen liven getruwen Borgermeystern und Rathmannen virwergken und gemeynen Borgern der vorgemelten nyen stad Brandemborch wol to dangk und to genuge an einer Summe betalet hebben vir dusendt und viffhundert Minische gulden gut an wichte und an golde, dor wy em loß seggen In Crafft dieses brives, die sie uns also mit orem grotten schaden upe renten In unnsen notten und frige mit Hertoge Johanne vom Sagan ic. ume unnses liven hern und vaders bevelhunge anligende dat land to Crossen In der Slesie siner dochter liffgebinge Hertogen Hinrigls von Crossen unnses liven frauwen und suster, darto wy sie notturtich behufenden, des wy em grotten dangk seggen das sie uns met oren dinsten so truwelicken vor andern Steden von unnses hern und vaders wegen obgemelt hulpe und bystand thetten und das gelt so uns to nodten uthwunnen unnd willent ock sunderlick Irzehen sie und oren nakomen In gnaden to erkennen, dat gold wy also und furder In unnses herschop landen nut und fromen gebracht hebben, dat uns to der tidt not und behuf was, des suloen tols orbebe und overste gerichte sollen sie sich annehmen upheben und gebrucken vom Jare to Jare also lange desse wedderkop steet ungehindert vor unnsen herren und vater Marggraven Albrecht ock vor unnsen herren und Bruder unnses erben und nakomen Marggraven to Brandemborch und allermeniglich und wes sy denne bynnen der dor vor offte darvonn Innehmen und genytten werden dat soll en an oren bauetsummen to neynen schaden komen obder aßgon und offte dar bynnen wes loß sterbe an liffgudt oder leben gudt, da sol ock an hy oben geschreven Borgermeystern und Rathmannen virwergken und gemeinen Borgern fallen und sich des

gedrucken gelick den andern vorgeschrieben die weyl wy unnsere erben und nakomenn In solch vorgeschrieben gericht
 zol und orbede nicht widder ablosen unde wedder askopen, were ock das sicc Imandt der unnsere oder wy die
 weren sicc to tyhen und seggen wolden dat sie darzuldest tolsrey wesen solden, dat sol uns noch en to neynen
 schaden komen, dat were denne dat se sulven solke ore apenbare und Redliche bewisunge, fur uns und die genan-
 ten Vorgermeyster und Rathmannen brechten, dar Inne man mochte kennen dat em stunde to glouwen Ock sollen
 und wollen wy nymande tolsrey verbedingen dy nicht von olders tolsrey gewest ist, Were ock ymand die sicc
 an solken tinsen und Zerlicken Renten die denne In dem sulvigen unnsere tolle an volle ennden sint verschrieben
 werden, wen sie lichte hebben schollen oder gehat hebben, tho thiem wolten, deme oder den sol man ock nicht
 mehr denne also man von olders gethan hefft geben one geverde unnd des widderkopes sollen wy unnsere erben
 unde nakomen marchggraven to Brandenburg mechtig sin In ein sambt nicht In stuck weyß uthgetogen und
 nicht die von Brandenburg und wy unnsere erben und nakomen Marchgraven to Brandenburg wollen den vor-
 genannten Vorgermeystern Rathmannen virwergken und ganzen gemeynen Burgern unnsere Neuenstadt Bran-
 denborch und oren nakomen des vorgeschrieben tols orbede und overste gerichte und der tinsse ein ganz gewere
 wessenn vor allermeiniglich unde sie und ore nakomen darby beholden und vordegedingen vor einem yderman on
 geverde und wannen wy unnsere erben und nakomen Marchgraven to Brandenburg unnsere tol orbede und
 overste gerichte von den vilgenannten Vorgermeystern Rathmannen virwergken und ganzen gemeynen Borgern
 unnsere Neuenstadt Brandenburg weder askopen und lesen wollen unde to unnsere kamer bringen, des sollen wy
 mechtig wesen In ein sampt aller dreyerley to losende unde ein halff Jar titlich vor unnsere liven framentag
 liechtmessenn verkundigen und up solchen tag an einer sum virdufent und viffhundert guldin Reinish goldes die
 gebe und genge sint gutlich und wol to dangk In unnsere newenstadt Brandenburg geben und to genuge betalen
 on alles geverde unnd wannen wy die betalunge So to genuge gethan hebben denne sollen sie uns unnsere erben
 und nakomenden marchgraven to Brandenburg unnsere toll orbede und overste gerichte In einem besentlichen
 wessenn In mathen wy en die geantwurt und vorlyen und sie sicc gedrucket hebben bynnen der tyd er wy dat
 von em losenden, wider Irmant werden und afredenn on geverde Hierumb und ober disen kop sint gewest die
 Erwürdigen In got unnsere freund Kete unnd lieben getrewen Herr fridrich Bischoppe to Lubus Herr
 Reichart von der Schulemborch Meister Sand Johans ordens, Herr Johans Grave von mullingen und her zu Barby
 Johans Hans here zu putliff, Erasmus Brandenburg Brobst to Berlin, Bos van alvesle-
 ven Ritter, peter Borgstorf unnsere Marschalck Werner von der Schulemborch Hauptman
 zu Gart; Sigmund Rotemborch Jacob von Bartesleben Bernd von der Schulemborch Hanns
 und Ditrich Kor to der Maienborch, Jost van segeser to Duckow und ander mehr loswirdiger fre-
 mer lude, actum frantzfurt am Sonnabend na Sand pauls dage Anno 78.

LXXV. 1481. Markgr. Johann belehnt den Grafen von Hohenstein mit Schwedt.

Wir Johans zc. Bekennen zc. das wir dem Wolgeborn unnd Ebeln, unnsere Rath und lieben ge-
 trewen, Johanssen Graven von Hoenstein zc. und seinen rechten Rentlichen leibs lehenserven zu rechtem
 Manlehene gnediglich gelihen haben das Stettichin Sweeth an der Uder gelegen, mit allen gnaden freiheit-
 ten, gerechtigkeitten, nutzungen, zugehorungen zinsen und Rentten, Als von alters darzu gehort, und Inne maßen
 das unnsere lieber getrewer Hannßs AsscherSchlewen bissher von uns zu lehne gehabt, von dem er das
 Erblichen gekoft und zu sich bracht, und er vor uns mit hant und mit mund verlassen hat, Item In dorff
 zu Flemßdorff solliche lehen gutter Zerlich zins und Renthe, als er von Curdt sunik seliger gekauft, und

zu sich bracht hat, Item Im dorff zu Berckholz soliche lehen gutter als er von Boffe Heintzen gekauft hat, und vormals Bertram Falckemburgs gewest sind, auch mit allen gnaden freyheiten und gerechtigkeiten und zugehörungen, als von alters darzu gehört hat, und wir leyhen Im und seinen rechten menlichen leibs lehens erben Solich Stettichin und lehen guter vorberurt Inn craft und macht dits brifs, Also das er und seine rechte Menliche leibs lehens erben die forder mehr von uns unsern erben und nachfomen, Marggraffen zu Brandenburg zu Rechttem manlehne haben, So oft und dick des noth sein wirt nehmen und entphangen, und auch darvon von dinen sollen als manlehens recht und gewohnheit ist, und wir leyhen In daran alles war Ine von rechts wegen daran verleyhen sollen und mogen, doch uns unsern erben und nachfomen an unsern und sunst yderman an seinen rechtten unshedlich, Actum Coln an der Sprew am Freitag Urbani 1481.

LXXVI. 1481. Markgr. Johann macht Gr. Eitel Fritz von Zollern zum Hauptmann in Croffen.

Wir Johannis 12. Bekennen 12. das wir uns auf heut datums diß Brives von wegen der hoggeboren furstin unser lieben Swester frawenn Barbara vermhelte konigin zu Bchem geboren vonn Brandenburg und Hertzogin In der slesi zu croffen frienstad und grosen glogow 12. mit dem wolgebornn unserm fetteren rath und lieben getrewen Eytelfrittzen graben zu Zollern gecynet und vortragen habenn Im masen hernach volgeth und also, das wir den genannten Eytelfritzen graben zu zoller unser lieben swester zu eynem heuptman zu Croffen ein ganz Jar, Nemlichem von Sontag nach urbani nechst piß uff Sontag nach urbani myner zoll Im zweidrehtigsten Jar uff genommen und Im Slos Stadt und ambt daselbest zu Croffen mit sambt dem Boberbergischen lendecken In amptman weiß Innemen zu halden bevolhen haben, Solichs alles er auch getrewlich nach seiner besten verstantniß und vormogen bewaren und vor sein, auch ir und unser herschafft Im allweg getrew gehorsam und gewertig sein soll, iren schaden warnen und frommen furderenn und alles des verpflicht sein das ein getrewer diener seiner herschafft pfleg ist und getrewlichen dienen mit sambt Slos stad und ambt, forderlich oder sembelich und mit offnung volg und allen sachen getrewlichen gewarten, Er soll auch die underthan die Im Bevolhen sindt, noch auch sunst niemand In der ob gemelten seiner heuptmanschafft und ambt besweren oder Bedrangen Im zu nutz mit keynen sachen on bevelh unser swester oder unser herschafft oder sovil an Sloss stad und ambt zimliche notdurfft ist, auch von den gemelten kein schanckung oder gab nehmenn das unser Swester und unser herschafft oder den iren zu schaden cum Sonderenn was zu nutz auß solichen gefallen magh das unser swester zu zu wenden Auch sol die genant grave Eytelfritz in allen dem das unser swester em zu nhemenn zu stet nichts ein nhemenn noch davon ausgebenn Sonderenn das unser liebenn swester Schaffer daselbest zu Croffen ein nhemenn lasenn, was er auch von bruchenn bus und sellen in seinen ambt erhert daruß unser lieben swester nutz erstenn magh des er dann auch guden fleiß thon und haben sol, dasselb alles sol er mit und In Bey wesenn des schaffers Beteidigen und handeln unser liebenn swester zum Besten und was da von gefelbt das sol der schaffer ein nhemen und unser swester zu gut verrechnenn Er sol ouch zuvor an den schaffer getrewlichenn hant habenn und Im hillfigen und gerathen sein damit solchs und was unser liebenn swester zu Steit und dem schaffer geburt ein zu nhemenn zu einer yeden zeit furderlich einbracht werd und bei solicher heuptmanschafft und ambacht sol der gnant grave eytel Fritz sein selbest Costung und vorlegung habenn und auch in solchen seinen Costen halten zehen gewapent zu roß und darzu zuenczig gute gerusten werlicher trabanten, den allen sol er auch iren lon austrichten und daruff sol Ime von unser liebenn Swester wegenn von solicher heuptmanschafft Ampts und aller sachen wegen das Jar vorgnant gegeben werden Acht Hundert guter reinescher gulden und was Ime dar von der nut,

zung zu Croffen gegeben und Bezalt wirt und er vom schaffer daselbst nymbt das sol er Bezalen ader Im abgeen an denselben acht hundert gulden als es gilt und was ubrick ist das sol unser Swester bleibenn, ob aber nicht sovil gebil sol wier Ime von unser swester wegen sovil daran mangelt diß Jar erstaten, unse liebe swester soll und magh auch zu Croffen sein wen sie will nach iren gefallen und sol ir ouch die gnant grave eytel frig auf ir begern und erforderung, wa er zu usgangl des Jars nicht lenger Bestellet wurd oder wen und zu welcher zeit Im Jar Sie will Sloss Stat und ambt Croffen mit sambt dem Bobeborgischenn lendichenn oder wem sie das an ir Stadt Bevilhet ein zu nhemen wider ein geben, doch was Ime des von unser Swester wegen oder Irer lieb scheffer vor berurt seins ampts gelts nicht bezalet were und noch usen stinde das sol Ime das ganz Jar seiner Bestellung vorberurt unser lieben swester gegeben und Bezalt werden und er ir und unser herschafft solicher heuptmanschafft Slos stad und ampt on alle widerrede abtreten entremen und ein antwerden mit sambt dem das Ime izunders von unferr liebenn Swester wegen an Burgl wehrens hauß gerethe und andernn ubergebenn wirdet, des er eyn usgesnitten zettel und unser swester die ander haben sol Er sol auch wider auß oder in Croffen keyn Newteren gestaten oder reuther halten, noch das auch selbst nicht thon und sonderlichen niemandes der offen vebd hat und eynen yedermann sagen wer da zu Schicken hab, das er sich hude dann wo wir Im lant zu lausitz unser viend ader Boschediger Betreten in zeit des frieden des glichen die selben widerumme, wirdet ein teyl dem andern Rechts gestaten und solchs also wie vorgeschreven steit getreulich zu halten und zu handelnn auch unser lieben Swester und unser herschafft das Best nach seiner hogsten versentnis Rathen und das nicht lasen umb keynerley sach willen und Ir und unser herschafft geheim bis in seinen todt verzwigen, hat er uns unser lieben swester und uns des zu got und den heiligenn mit außgerackten fingern gestworen und des auch seinen revers brive unser swester uns und unser herschafft von unser Swester wegen under seinen Insigel versigelt geben und des zu mher gewogkhus habenn wir unser insigel zu ruck uff disenn Brive lasen drucken der geben Ist zu colnn an der Sprew Am Sunnabent nach urbani 1481.

LXXVII. 1481. Markgr. Johann macht Heinrich Koch zum Münzmeister in Angermünde.

Wir Johans zc. Bekennen zc. das wir unser lieben getruwen henrichen Koch unserm Castner zu Cotbus und Matheus rotzken zu unsen münzmeistern aufgenommen und Inen dieselben unser münz und wechsel bevolhen haben, also das sie In unser stad newen angermunde münzen und slahen sollen groschen und pfenninge, einen groschen uf acht pfenninge und widerumenn acht pfenning fur ein groschen So das das pagement ein gewogne marc sechs lot an vein silber mynder eyn halb quintin, und zwen und neunhiez groschen an der zall und der pfenning acht und vierzig uff ein lot, und nich meher geen sollen, by der pen des fewrs on alle gnade, doch so sol Inen ein halb Quintin also das das pagament ein gewogen marc sechs lot minder eyn quintin holden und an den groschen ein groschen, also ob ir drey und newnzig an ein marc geen und erfunden werden, ane fhar sein, und sie sollen alle weg machen drei werck, und dorch ein ander mischen ob eins zu gering wer das es bye andernn erfullen, damit das das recht gewicht bleibe als es sein soll wie vorberurt, und solcher münz sollen sie nicht außgeen lasen, noch von sich geben, es sei dan das die von unsern gestworen probirern und aufziehern zu vorn probirt und usgezogen sey, das auch also zu gescheen In der wochen einest, oder so oft des not sin werdet uff der gnanten münzmeister kostent, bestellet werden sol, und die gnanten henrich Koch und matheus Rosken unser münzmeister sollen sollich münz halden und slahen, bis uff unser widerrufen, und so lang sie solich unser münz slahen sollen sie uns zu slage

schatz von iglicher veynen marck silbers sovil sie der vormungen raichen und geben sechs groschen, sie sollen auch die münz so izunders in unsern landen der marck zu Brandenburgt ganghastich und geb ist oder hinfur gewinnen nicht saygern noch der in keynen wech abbruch thun und welicher ader welliche das sunst tetzen den sol man auch straffen on gnade mit dem fere, und dar auf nemen wir sie mit iren gesellen und knechten In unser sonderlichen schutz und schirm sollen und wollen sie die weil sie an unser münz sein verteydingen vor aller unrechter gewalt ic., geben zu Colnn an der Sprew am freitag nach sant andres des heiligen zwelfboten tag 1481.

LXXVIII. 1482. Privilegium der Handwerker zu Treuenbrietzen.

Wir Johannis ic. Bekennen ic. als sich mancherlei Irnus zwischen meister und wercken Guldbemeistern guldebrudern und Swestern der Hantwerker In unser stat Treuenbritzen und den Ihnen so In die wercke und gulde komen wollen oder so dar Innen sein und Irs adels und reblikeit angesprochen werden bissher begeben haben und sich teglich begeben, desß sie allenhalben zu grosser verseumnus herung kosten muhe vorderbuns kamen sein und zukunfftlich komen mogen, solchs zuverkamen und noch dem die genant stat am ort unser land und unser herschafft land und leuthen grosse mocht daran gelegen Ist, haben wir uff bete und undertenig ansuchen der gnanten stadt Inwoner unser lieben getrewen Vorgermeister Rathmanne Werckmeister und gewercken guldenmeister guldebruder und swester doselbst, der vorkarn sie auch zu allen tzeiten sich bei der herschafft und Marggraffthums zu Brandenburg trewlich und fromlich erzeigt und gehalten haben, solchs hinfur auch wol thun werden und sollen gefreyt und begnadet, freyen und begnaden sie In craft und macht bisß brives das ein Iglliche frau oder Junckfrau so Imandes usß dem wercken oder gulden zum sacrament der heiligen ee nymt und die In die werck oder gulden bringen oder darInnen sein wollen Iren adel gleich beweisen usß furen und sich In wercken und gulden also woll halten als der Man der sie zu der echte nymet oder In werck und gulde bringen will oder hat, wie das vor alder und usß loblicher gewonheit der genanten unser stat Treuen Britzen herkamen und bissher gehalten worden Ist, Geben zu Coln an der Sprew am freitag nach Lucie 1482.

Die Erwähnung der Treue der Stadt gegen die Landesfürsten ist merkwürdig.

LXXIX. 1483. Bartholomeus Curt u. a. entsagen der Ketzerei.

Ich Bartolomeus Curt versake umnd verthye my allent dat weder den hiligen Cristen gelowen isß wu ick met willen oder met unwillen mit Infall enniges gedanken darInn gekomen oder gefallen were darto alles gewalts des bewfels syner gesellschaft to fallung und navolgen, gebe den selvigen keynen glowen noch bestendigkeit, hyn den weder na allen mynen vermogen und wedderspreke alle und igliche artikel wu die In menschem synne komen oder syn mogen als einem fromen Cristen menschem to geberet umnd verplichet isß umnd glowe In den Almechtigen got, die hylige Cristliche kercken gemeynschap der hiligen afflattung der sunde umnd alle ander artikkel und gebot wu die sulvigen die hilige Romische Cristliche kercke ughesettet und gebo, den hert to holdem, die will ick alle und igliche als eyn frommer Cristen mensche halten und darweder noch daran keinen twifel hebben Sunder solchs allß und igliche und den hiligen Cristentlichen glowen als einem Cristentlichen fromen menschen to gehört, vorsechten verteidigen bisß In myn tode und Ewiglich holden als my got helpe und syn hiligen Actum am Dinstag nach Octavas Epiphantie 1483.

Deßglichen hat er auch ein ursehd getan auch fur sein frund geboren und ungeboren mit oder an rech-
nymmer mehr daruff zu sachen In keinem wegt,

fur solch ursehd die vast und Stette zu halten hat sein herr michel verbelow globt, wo er anders
erfunden wurd In wider ein zu stellen als er yhant In hefft gewest ist.

Hennigk grensingk beruchtigt von ketzeren wegen hat gesworen In solcher maß und solchen
eyd gethan wie Bartolomeus Curt oben berurt und orphede gethan und des burgen gesagt solchs alles
zu halten Nemlich meister Symon Husler kannengieser Wonhafftig zu konigßberg Peter grensingk
zu grossen wobeyser gefessen und Bartolomeus smet auch zu grossen wobeysen Actum am midwoch
nach Judica Im 83sten Jar, die selbe borgen haben gelobt wie obsteht In praesencia domini Lubucens.
et Weymar hufvont.

S. Wohlbrück Gesch. v. Lebus 2. p. 161.

LXXX. 1484. Markgr. Johann verleiht dem Nickel Pful das alte Schloß
zu Berlin.

Wir Johannis u. Bekennen u. das wir angesehen und erkant haben getrewe willige und annehme
dinst die unnsere Rat und lieber getrewe Nickel pful Ritter unserm vettern seliger gebedtius Marggrave
fridrich u. Auch unserm lieben Hern und vater Marggrave Albrechten Churfursten und unns und unser
herrschafft, oft und zu mehreren mal nuzlichen getan und beweist hat teglichen thut auch hinfurder mehr wol
thun kan mag und sol, darumb und auch von besunder gnaden und gunst wegen, haben wir Im und seinen
menlichen leibs lehns erben, unnsere Alt Sloss und freye behawfung In unnsere Stat Berlin bey
dem Graenkloster gelegen mit aller Zugehorung als ferne und weyt es Ihant mit der Hoffstat umbfangen
und begriffen hat, zu einem freyen burcklehen und behawfung zu rechtem mannehen gnediglichen geliehen und
leyhen In das zu rechtem mannehen wie obenberurt In und mit crafft dits brives und also das der gnant
unnsere Räte und alle sein menliche leibs lehns erben, das gnante unnsere Alt Sloss und frey behawfung wie ob-
geschriben stet, das furder mehr von unns unnsere erben und nachkomen der marggraveschafft zu Brandenburg
zu rechtem mannehen haben halten, und sich des als eines freyen burcklehens und behawfung gebrauchen
und so oft des not yß entphaen, auch unns unnsere erben und nachkomen und der herrschafft als solchs freyen
burcklehens und mannehens recht Herrtomen und gewonheit ist gewarnten zu unnsere ydens geschestenn, und
auch sunderlich zu unnsere Sloss Coln an der Sprew das er und sein menlich leibs lehns erben, die
solch freyburcklehen und behawfung ye zu Zeiten Innhaben und besitzen werden mit dinst und Zusehung, so es
die notturfft erfordert bewaren und ob geschee da got vor sey wie das zu kome, das dem gnanten unserm
Sloss zusehung hilff rate oder beystant not thun wurde, das sie dann von stund an, als sie des gewar und
Junen worden, sunder allerley ermanung verziehung oder hilffrede uff solch unnsere Sloss komen, mit dem das
sie vermogen, und das getrewlichen hanthaben schutzen schirmen bewachen und helfen weren, auch sunst In allen
andern Sachen pflichtig sein und thun, als solchs burcklehens pflegen und zu thun schuldig sein, und sollen
auch daruber von nymants solchs burcklehens und freyen mannehens halb kein ander bestwerung oder mitleyding
haben oder tragen, und dar vor von unns und unnsere erben begnadet und befrehet sein und bleyben, wir ver-
leyhen In hiran alles das, was wir In von rechts und begnadung wegen daran verleyhen sollen und mogen,
doch unns unnsere erben an unnsere und sust einem Idermann an seiner gerechtikeit unschendlich on geverde, Auch
haben wir unnsere raten und lieben getrewen Bertram und Werner pful gebrudern seinen vettern und

Frei menschlichen leibs lehens erben von gnaden und gunst wegen an solchem oben geschriben freyen Burek-lehen und behawfung die gesamppte hant geliehen, und leyhen In das zu gesamppter hant In crafft dits brives, In allermaße als sie vor mit andern Frey lehen und gutern mit einander versamelt sein, Actum Coln an der Sprew am montag nach palmarum 1484.

S. Kister alt und neu Berlin Bd. 3. p. 3.

LXXXI. 1484. Markgr. Johann gibt dem Dietrich Jäger das Stadtgericht zu Berlin.

Wir Johannis 1c. Bekennen 1c. das wir unserm Diener und lieben getrewen ditrich Jeger und seinen erben uff unserm Statgericht zum Berlin zwe hundert guldin Rheinisch umb seiner getrewen dinst willen, so er uns oft und dick bisher williglich getan hinfurder mehr thon kan und mag und soll, darumb auch von besunder gonst und gnaden wegen und zu widerstattung aller schuld und dinst gelts so wir Ine biß uff dise zeit schuldig worden sein dafur er unns quittirt hatt und darauff das gemelt unser Statgericht verschreiben haben In masen hirnach volgt und also, das wir dem genannten ditrichen unserm Jeger und seinen erben solch unser Statgericht zwuschen hir und Johannes ante portam latinam freien und uff denselbigen zukomenden sant Johannis tag eyn antworten sollen, der es dann furder Inhaben besitzen gebrauchen gnissen und unser Statrichter sein soll Inmasen wie peter brackow vormals Innen gehabt besessen und gebraucht hat, verschreiben und zusagen Ine unnd seinen erben das also wie oben berurt zu halten In Craft und macht dises brives ongeverlich Doch so behalten wir unns und unsern erben hirmit vor, welche zeit wir wollen sie mit zwe hundert gulden Rheinisch abzulosen und Ine das ein vierteil Jars zuvorn uffzusagen und so wir In dann nach solcher uffsage zwe hundert gulden Rheinisch geben, dann und nicht ehr sollen sie unns solch unser Statgericht ab-tretten und uberantworten sunder alle geverd, Geben zu Coln An der Sprew Am Sonnabend Johannis In wyhnacht heiligen tagen 1484.

LXXXII. 1486. Churf. Johann bestätigt die Freiheiten des Domstifts im Schloß zu Berlin.

Wir Johannis 1c. Bekennen 1c. Das fur unns kommen sein die Wirdigen unser liebenn Andechtigenn Dechant unnd Capittell In der kirchen unnd Stiffte hie uff unnsrem Sloss zu Coln an der Sprew unnd habenn unns furbracht des hochgeborenen Fursten unsers liebenn Herrn und vatters Marggrave Albrechts Eurfurstenn 1c. brives darIn er die kirchen unnd sie begabet, auch mit sunderlichenn gnadenn freyheyten begnadet hat unnd uns mit vleyszigenn bethen angelanget In solichenn brief mit allem seinem Innhald zu Confirmiren, der von wort zu wort In brive verleybet ist 1c. das wir dem Allmechtigenn gott zu lobe und eren, auch umb unsers lieben herenn unnd vatters obgnannt unnd unsers vetterenn seligenn, auch unnsrer unnd unnsrer nachkommen selen seligkheyt willenn solichenn brive vorberurt mit allem seinem Innhald puncten unnd artickeln gantz unnd gar nichts ausgenommen bestetigt unnd Confirmirt unnd den genannten Dechant unnd Capittelherren, auch dem Sanngmeister der ykund ist unnd ye zu zeytten zukomende In der selbenn kirchenn sein wirdet, die sunderlich gnad getan habenn, das sie bernowisch hir

sovil sie des In Iren bewohern auff ir behuff nottufftig sein einffuren mogenn, auch sie mitsampt yrem gebro-
tenn In gesynnd In unnsrer Sunderlich schus Schirm unnd versprechnus genohmen, unnd wir besettigenn In unnd
yren nachkommen alle unnd yglich gnad freyheytt unnd gerechtigkeit nach laut des brives unnd thun In unnd
dem Sannckmeyster die sunderlichenn gnad wie vorberurt In Crafft unnd macht dits brives zc. unnd gebenn
In Jar (1486.)

LXXXIII. 1487. Churf. Johann verleiht dem Peter Brakow das Untergericht zu Berlin.

Wir Johannis zc. Bekennen zc. Das wir unnsrem Hofrichter und Lieben getrewen Peter Brakow
das unnderste gericht In unnsren Stetten Berlin unnd Coln fur vierhundert gulden Reiniſch zu
widerkauff verkaufft haben, der er unns 200 gulden gegen Dittrich Jeger den solich gericht bis her vonn unns zu wider-
kauff Ingehabt und besessen, benohmen unnd vergnugt hat, die annndern zweyhundert gulden haben wir In aus gnaden
vonn seiner erliden scheden, auch getrewen unnd willigen dinst wegen, die er unns bis her getan hat, unnd furder mehr wol
thun kan mag unnd soll, darauff verschriben, die wir In von Jar zu Jar an 10, 20 oder 30 gulden ungeverlich weniger
oder mer bezalen mogen, die er unnd sein Erben ungeweigert also auffnehmen unnd allgeyt dagegen unns ir quittanz dar-
auff geben sollen, verkauffen unnd verschreyben also zu widerkauff fur solich vier hundert gulden dem gnamten Peter Br-
kow unnd seinen Erben das nyderste gericht unnd sagen ine unnd sein erben auch bezalung der obgemelten
zweyhundert gulden Dittrich Jeger vonn unnsren wegen getan quit ledig unnd los In unnd mit crafft dits
brives Also das er solich gericht nue furder mehr besizen getrewlichen vorstien unnd richten soll, dem armen als
dem Reichen, wie dann solichs sein pflicht zu solichen ambt getan Innhelbet unnd was vonn Bruchen unnd
fellen gescheen, die unns vonn der obrigkeit wegen geburn zu rechtfertigen unnd zu nehmen, die er unns nicht
verfweigen sunder allgeyt melden soll, dieselben mit unnsrem willen unnd wissen oder wem wir das vonn unns-
ren wegen zu thun bevelhen werden zu fordern und zu nehmen, wes aber vonn Gerichts gewedden unnd
Bueffen So im vonn seins ampts wegen zusteen unnd geburen, dieselbigen auch zu haben und zu nehmen, als
dann sein vorfarn am gericht geseffen auch getan und vonn Rechtswegen genohmen haben, wir haben auch dem
genamten Peter Brakow die sunder gnad getan, das er vonn unns unnd unnsren erben, sein lebttag lanng
vonn solichem gericht nicht soll emtsetzt werden, Wenn wir aber unnsrer Erben unnd nachkommen, nach seinem
tod das gemelte gericht wider zu unns kauffen wollen, welch zeyt des Jars uns das bequiem ist, das wir
sein Erben ein virteyl Jars zu vorn auffagen sollen, unnd nach auffgang desselbigen virteyl Jars Inen die
zweyhundert gulden widerumb bezalen unnd vergnugen, darauff sy unns solich Gericht abtretten unnd wider ein-
antworten sollen, wes in aber an den zweyhundert gulden die wir In aus gnaden, wie vorstet verschriben
haben noch unbezalt hinderstellig bleybenn, sollen wir unnd unnsrer Erben unns des mit In vereinigen, unnd auff
ymlich frist darnach auch bezalen und dieweyl in solche bezalung nicht geschicht, sollen sy derselbigen hinderstel-
ligen gulden, auff dem gericht wie obstet versorgt sein, alles getrewlich unnd ungeverlich Actum am Dinstag
In Osterheyligen tagen 1487. Relator Marschalch Cristoff vonn Auffsess.

LXXXIV. 1491. Churf. Johann gibt der Chorschule bei S. Nicolai in Berlin Einkünfte aus dem Zoll zu Cöpnick.

Wir Johannis zc. Bekennen zc. das wir den würdigen unnsren lieben Undechtigen den pristern unnd
Chorschulern, die dar singen das lob und gezeit unnsrer lieben frau In der Cappellen bey san-

Niclas pfarKirchen zu Berlin gelegen, drey schock groschen mercklicher werung Zerlicher Zins und Rente In und uff unsern Zoll zu Copenick uff einen rechten widerkaufft als zu einem ewigen testament zu derselben Cappellen auch Baltzar Botin seliger darhin gegeben, darvor die priester und Chorschuler sollen halben alle vir wochenn eine memoria mit vigilien und Selemessen und darIn Baltzar Botins seliger und seines geslechtes zu gedencken, Solch vorgeschriben drey schock groschen Zerlicher Zins sollen und wollen wir oder unser erben den obgnanten priestern und Chorschulern oder iren nachkomen auff vir frist, Nemlichen uff die vir quatertemmer und uff igliche funff und virzig merckliche groschen und mit dem ersten Zins uff Lucie zukomende anzufassen und surder von zeit zu zeit die weil solcher widerkauff stet und nicht abgelost wirt, vor disse vorgeschriben Zerliche zins und Rente haben unns die obgnanten priester der obgnanten Cappellen Sechs und dreissig merckliche schock auff hut zu gnuge bezalt und usgericht der wir sie vor unns und unser erben quit ledig und loß sagen In crafft und macht dits brives, Bevelhen darauff unserm Zolner zu Copenick der igt aldar ist oder zukomende dar wirt sein dieweil und solcher obgeschribener widerkauff stet das ir laut unser verschreibung zu iglicher quatertember den obgnanten priestern Funff und virzig groschen usrichten geben und bezalen wollet. Doch so behalten wir uns den widerkauff vor wenn unns oder unsern erben solchs am beqwemesten ist und So wir solchin widerkauff ton wollen So sollen und wollen wir Inen das ein virteil Jars zu vor außsagen und alsdann uff die nachfolgenden quatertember nach der ussagung Sechs und dreissig schock groschen landswerung alhir In unser Stadt Berlin zu danck widergeben und zu gnuge bezalen mitsamp den verlessen Zinsen wes der hinderstellig were So wir dem also thun und nachkomen wurden, alsdann und nicht ehe sollen sie unns disen unsern brive widergeben und der kauff machtlos und absein sunder alle argelst und geferde. Actum CoIn an der Sprew am Mantag nach Luce Evangeliste 1491.

LXXXV. 1492. Inventarium des Amtes Liebenwalde.

Item am freytag vigilia Mathie apostoli Im 92sten Ist Dittrich helldorff durch Fritz Juncken aus bevelh meins gnedigsten herrn Jns ambt liebenwald gewest und Im geantwort:

- | | |
|---|--|
| 12 Schweinspiess | 57 seyten new speck und kein alter |
| ein halbe thunnen butter | 8 grapen bds und gutt |
| 3 virteil gesampet Honig einer thunn | 8 kessell bds und gutt |
| 4 schaffschern | 1 grossen eingemauerten kessell |
| 4 buchsen darunder drey hakenbuchs und ein hanntbuchs | |
| 1 thunnen pacht honig | |
| 1 thunn eingebratwen hovebir | 1 grossen kessell im vortverkh do man den swein Inne kocht |
| 1 thun bernowisch bir | 1 klein bds kesselin Im furtverck |
| 6 tischtucher | 1 morser Im der kuchen |
| 5 hanttucher ist 1 meins gned. herren | 2 hackmesser |
| 1 Wspl. 22 schf. rogfen | 2 bratspiess |
| 2 Wspl. 17 schf. gersten | 2 brandeyfen |
| 8 Wspl. 2 schf. habern | 2 rost |
| 14 Schf. 2 vierteil mals | 2 koltz |
| 2 Wspl. 14 schf. hoppen | 1 fleischbeyhell |
| 14 alte schmer | 1 klein pfannen |
| 14 new schmer von 28 schwein geleyd | |

Im vorverkh:

2 kesselhaken		3 bette In der meyeren	
1 leshacken		1 thunnen saltz	
1 brewpfann		7 wagenpferde bos und gut	
4 bodem, sagt filian das Im 2 unbezalt sollen sein		4 wagen darunder 1 kleinen	
13 ledige virteill und thunnen		4 pflüge	} Im vorwerck
1 kessell im backhaws ist eingemaurt		12 kw	
12 malzsecke		11 kalb	} Im vorwerck
1 backtrog		8 ochsen	
1 wirtztrog		1 farren	} Im vorwerck
2 Zober		8 Jerige kelber	
1 ar		7 Junge kelber	} Im vorwerck
2 beth	} der becker	8 ochsen auf dem hamer	
1 laken			3 Junge Rhynder Inu der schefferey zu liebentwald
1 par laken	} die schreyber	1 vischgarn zur fuchen	} Im vorwerck auff dem Sloss
2 betth			
2 kiffen			
1 haupt pfoll			
3 beth	} der hauptmann	27 Schwein Jerig	} Im vorwerck auff dem Sloss
4 laken			
1 hauptpfull			
3 kuffen			
1 thun mit pheylen		14 mittelschwein	} Im vorwerck auff dem Sloss
1 messin hanibecken		29 Junge ferckell	
2 beth	} hans braunsparg	139 Schaff zu liebentwald sind all meins gnedigsten	} Im vorwerck auff dem Sloss
1 par laken			
1 hauptpfull		hern dann es ist costknecht	} Im vorwerck auff dem Sloss
4 beth die wagenknecht		1 schog 8 Junge lemmer	
2 beth	} koch und vischer	206 schaf zu liebentall sint der dritteyl des scheffers	} Im vorwerck auff dem Sloss
1 par laken			
2 kuffin			
2 new belzdecken vonn hamellfellen		110 lemmer doselbst	} Im vorwerck auff dem Sloss
		8 Keenez darunder 1 bos	
		8 mancknez die mein gnedigster herr hin hat geschickt	} Im vorwerck auff dem Sloss
		6 zynen kannen	
		6 blechin becher	} Im vorwerck auff dem Sloss

Inn der schünen:

Etlichen gemessen roggem gersten unnd habern soll der
Amptmann verrechnen, so er ausgefroshen wirt.

LXXXVI. 1489. Churf. Johann verspricht den Bernhard Buchholz in Berlin zu keinem Amte erwählen zu lassen.

Wir Johannis ic. Bekennen ic. das wir unnsferm Liebenn getrewenn Bernhardin Buchholtz Bur-
ger Inn unnsfer Stat Berlin umb seiner vleissigenn bete getrewenn unnd willigenn dinst willen, die er unns
unnd unnsfer herrschafft bissher williglichen getan hat unnd hinfurder mehr wol ton soll kan unnd mag, darumb
unnd auch vonn sunderlicher gunst unnd gnaden wegenn haben wir In gestreyet, das er vonn uns unnsfern erben,
Burgermeister unnd Rathmann unnsfer Statt Berlin unnd Inren nachkommen zu keinem ampt geforn

oder genommen soll werden, sondern als annder gemein burger der gnanten unnsrer Statt bey Jne wonen, Freyenn und begnadenn Jne der wie obenberurt Jnn Crafft und macht dits brives 2c. Datum am dinstag na Jacobi apostoli 1489.

LXXXVII. 1490. Verordnung wegen der Bürgersprache in der Stadt Brandenburg.

Wir Johannes 2c. Bekennen 2c. So denne Burgermeister Ratmanne Gewercke unnd gemein unnsrer Newenstat Brandenburg umb unnsrer herrschafft des gemeinen nutz unnd besten willen, eins sind worden, Wannere sy Burger Sprach machenn, das sy alsdann nicht mer verbodenn lassen, dann die vir gewercke unnd die virtzig gekorn mann vonn den gemeinen borgern unnd solichs darauff also gehalten, das wir solich Ir vertracht, die wir als Ir oberherr unnd lanndsfürste fur das gemein beste erkennen auf betlich Ir ansuchen, gnediglich verwilligt unnd bestettigt habenn, verwillen und bestettigenn In solich vertracht nue furder mer zu ewigenn zeyten zu haltenn In Crafft unnd macht dits brives Wollem und gebietenn auch hirmit ernstlich, das die vir gewerckenn der gemeltem unnsrer Newenstat Brandenburg nue furdermer nicht macht habenn sollen, dy andern unnsrer gemeine burger der gemelten unnsrer newenstat etliche oder sie alle uf das Rathawß oder an andre sunderlich emnde, hinder dem Räte, noch die werckmeister unnd gewercke auß unnsrer Altenstat der gleichenn zu sich zu verbottenn und sunderlich hennstell fur zu nemenn, welch aber solich unnsrer gebott ubergrenffenn wurden, sollenn alsdann unns sechzig gulden unnd dem Rath unnsrer Newenstat 40 gulden verfallenn sein, unableslich zu bezalenn, dann wir nicht wollen gestatten das die gewercke uber unnsrer Räte Jnn Stettenn regirenn unnd hanndlen sollen Sunder wollen sy als unnsrer Räte, so wir auch billich thun bey billicher Irer regirung schirmen unnd hanthaben, sich ein ydermann unnsrer ernstliche meynung darnach haben wissenn zu richten. 1490. o. T.

S. Fink in Büschings Magazin Bd. 11. p. 481.

LXXXVIII. 1491. Churf. Johann vereinigt sich mit der Königin Barbara von Böhmen wegen ihres Leibgedinges.

Wir Johannes 2c. Bekennen 2c. Nachdem unnd die hochgeborn Furstynn Frau Barbara gebornne Marggrevin von Brandenburg vermehelte khonighyn zu Beheim Hertzogynn Jnn Slezien 2c. unnsrer liebe Schwester, sich etliche zeyt von yrem leybgeding der Closter unnd Stett Crossen Sulch unnd Sommerfelt Jnn der Slezien gelegen, hir außenn bey unnsrem vatter seliger unnd loblicher gedechtnus, auch unnsrem fruntlichen lieben bruder, enthalten unnd noch, haben wir unns auf hewt mit den genannten unnsrem lieben Brudern anstat unnd von wegen unnsrer lieben Schwester Frau barbara derselbigen Irer leybzucht halben gutlichen vereint unnd vertragen, wie hirnach volgt Also das wir oder unnsrer erben Irer lieb zweyhundert gulden Reimisch alle Jar auf zwu frist nemlichen Sannt Michels unnd den Ostermarckt zu leiptzk Jnn unnsrer herberg, dar ytzt Tile kuchenmaister wonet auß unnsrem amt unnd kasten zu Eustrin, durch unnsrem Castner den wir ygt alda haben oder hinfurder haben werden, den wir solichs hiemit unnd in crafft dits brives bevelhen Irer anwalden so ir lieb auff igliche zeyt dahin schickenn unnd senden wirdett antworten sollen unnd wollen, unnd mit bezalung der Erstenn frist auf sannt Michels Marckht schirskommand anzufahen, so lanng unnd die weyl die ding mit unnsrem lieben hern bruder unnd Swager, dem konig vonn

Behaimen unnd Irer Lieb nit volzogen oder abgetragen werden unnd sie bey irt unnd unfern lieben brudern hie auser ir wesen hat Sunder alles vergihen getrewlich unnd on geberd. Actum Nuremberg am abent Johannis Baptiste 1491.

LXXXIX. 1491. Inventarium des Schlosses Zossen.

Diz nachgeschriben ist durch Jorgenn quasten zur Zossenn gelasenn und furder doctor Johans Staufmel gelasenn und uberantwort, als er das ampt Zossenn eyngentomen, Actum am Donnerstag nach Martini 1491.

Wir tarraß buchsfenn, Sechß und dreyßig hackenn buchffen darunder eyn und zwainzig eysern
 Wir hand buchsfenn und ein cleine kurze eysern buchsfenn auf cleinen redern
 Wir veslin mit pulver, darunder ein groß veslen
 Dritthalb schock ferwepfeil, Item ein veslin mit eysern gloten
 Item ein kumen dar Innen etwewil glot zuu buchffen
 Sechß thunen oder etlich mit pfeil und scheffen
 Acht Armbrust, Ein leire, Zwo brechstangenn
 Zwen Zentner Syben pfund bley, anderhalb schock eysern steb, drey eysere keyl, vir havon, funf
 bissl zur erden
 Zwo thunen swebel, vir pfund Salpeter, Zwen Zewg da man Armbrost anspannet
 Ein alte grose sege, ein newe grose sege
 Funf Wispel funf scheffel roggen auf dem bunen
 drei und dreissig scheffel gersten auf dem bunen
 vir Wispel zwen scheffel habern uff dem bunen
 dreissig scheffel saltz
 achthalben scheffel Erbis
 dreyzehn scheffel ongestossen Hirschun
 Acht seiten specks, Funf schock licht
 anderhalben stein dalk, drey virllichin butter
 Syben scheffel hankorner, dritthalb scheffel leyn
 virzig stein hank, drey stein flachs
 Inu d. r. kuchen:
 drey grose Ere top, Zwen, clein Ern topf
 virzehn kessel gut und boß darunder zwen groß kessel
 Eyn bratwpfannen, eyn morser mit einer fewln
 Wir bottich, Zehn halbe sudrige was
 Dreyßig hamel an durrem fleisch
 Eyn durslag, eyn bratpies, zwey brandeyfen
 eyn pfannen, Sechß ynen schufeln gut
 Ein kuchen beyhl, eyn acks, eyn schab, eyn lenthaken
 Im keler:
 drey viertel birs, zwo ochffen hewt, virzig hamelsel, virzehn pfund pfeffer

Inn kamern:

Eyn groser lediger kast, eyn Spindt, zwo klein kinfalten
 Zwey Spanbeten, zwey federbetten, klein
 Zwey alte Register, von der aufborung der herschaft Zossen
 eyn klein alt federbet, eyn groß vischgarn
 Fünf wiltnegen darunder ein bestes netz
 vier newe manfnegen, Eyn kabbe da man mit vischt

Im Vorwerk:

zweinsig kwe, zwoen klein ochssenn, Siben kelber klein
 Fünf und funfzig swein boß und gut darunder wern zwey wolten sterbenn
 Syben ghens, Acht Zihochssenn gehören uf die dorfer
 vier wagnpferd

Inn der Schefferey auf dem fig:

Hundert drey und achzig schaf, darunder etlich hamel daran hat der Scheffer das funfteil
 Neun Zigen sein des Scheffers

Inn der Schefferey zu Glinick:

Zwey hundert nungzig schaf daran hat der scheffer das dritteteil
 Eyne scheune vol allerley getreid
 Zwoen und funfzig guldin zwelf Merfisch groschenn an gelbe uberantwort
 Sechzehn scheffel hoppenn.

XC. 1492. Inventarium des Schlosses Neu-Angermünde.

Diß ist Matthis von uchtenhagen uberantwort auf dem Sloss zu newn angermundt am
 tage wolbergis 1492.

ein tarris busse
 ein haken busse
 1 hant busse
 1 tunne pulver und 1 vireil
 3 mandell glode
 20 fur pfeile
 3 tunnen pfeile
 3 tunnen hagelschot
 3 beten 1 groß und 2 cleyn
 30 scheffel roggem geseget.

XCI. 1490. Verordnung wegen der Schöppenwahl zu Tangermünde.

Wy Johannis ic. Bekennen ic. dat wy unnsen liden getrewen den Schepen In unnsen Stadt
 Tangermundt up ore vlitig erfukenn na vertellung ores olden herkomens unnd gewonheit und von sonder

gonst unnd gnad wegens Begnadet Befreyet und Beprivilegirt hebben, Also wenn id sich also begiffet dat ettliche von unnsen Schepen unnsere vorgnanten Stadt versterben und die gnante unnsere Schepen eyne andern oder mehr Schepenn hysen willen So Schullen die gnante unnsere Schepen und ore nakomen hysen wo vaken des not unnd behoff is Ingebarenn besetenn Borger hynnen der gnanten unnsere Stadt wonhafftig und wie also von on to eynem Schepenn gekorenn und to der Schepenn Bancke na orm oldenn herkomenn geeyset und verbadt werdt, die schal sich des nicht weigeren noch uthslan Besundern hie schal sich to der Schepenn Bancke holdenn und swerenn In maten die andern unnsere Schepenn vorgedhan hebben und weret dat ymands die also to eynem Schepen gekorenn und to der Schepenn Bancke also wontlicken und fuß lange von en gehalten is verbadet worde und sich des weygerde eyn Schepn to wesende und In gerichte nicht qweme synen eid to der Schepenn Banck to dhonde, die Schal damit die Burschap und der gnanten unnsere Stadt aller gerechtigkeit gentslichen vorfallen sein und sich der damit unwerdich gemaket hebben und schal darto vortich schock Brandenburgischer werung gebrochenn hebben und sodann gelt unns unnsere herschap und den gnanten unnsere Schepenn In unnsere Stadt Tangermunt vorfallenn wesen Also dat unns und unnsere herschap die helffte des gelds und die ander helffte den upgnanten unnsere Schepenn to Tangermunt daran schulle to komen, Wy Begnadenn Befreyen und privilegirenn ock die gnanten unnsere Schepenn der vorbenomedenn unnsere Stadt Tangermunt und ore nakomenlinge mit den vorbenomedenn articulen und puncten alle und ein itlich besundern die ewichlichen zu gebrochen und sie stede und vaste darby to beholdenn In craffe und macht dits brives von allen den unnsere unverbodenn und ungehindert eingerley wyße by verlust unnsere hulde und gnade To Urkund ic. Actum Tangermunt am Sonntag na Johannis Baptiste 1490.

XCII. 1490. Verordnung wegen des Salzhandels zu Salzwedel.

Wir Johannis ic. Bekennen ic. Nachdem und wir verstanden der gemein mann In unnsere Alten und Newn Stadt Soltwedell von dem frombdenn mann der Saltz in die gnanten unnsere alten Stadt Soltwedel fhuret ye zu zeiten nicht wenig beswert werdenn und auß andern ursachenn unns darzu bewegende, das wir solchs angesehen und dem Rate In unnsere alten Stadt Soltwedel die begnadung getan das sie hinfur allein und sunst nymands frombds noch andere Saltz In die gnanten unnsere alten Stadt Soltwedel fhuren, Sunder sie das dar sellen und verkauffen solenn, und sich dermassenn darzu zu halten das der gemein mann wider billichkeit nicht beswert werden und sich Burgermeister und Rathmann In unnsere Newnstatt Soltwedel mitsamt iren mitburgern das zu thun enthalten, doch das sie von iglichem fuder Saltz ein Schefel Saltz auff unnsere Burg doselbst als andern von alters her getan gebenn solenn, und wir begnadenn sy und vergonnen In das hirmit zu thun biß uff unnsere widerruffen In und mit craffe dits brives Begern und Bevelhn daruff allen und iglichen den unnsere ernstlich wollende die umß unnsere willen thun und lassenn wollen gutlich ersuchende, sie daran nicht zu hindern sunder wo das de nottorfft erfordert von unnsere wegen gonst und guten willen erzaigen daran geschichte unnsere wil und guts gefallen In gut zu erkennen und gonstlich widerumb zu beschulden, Geben zu Coln an der Sprew Am freitag nach Trium Regum 1490.

XCIII. 1490. Churf. Johann privilegirt einige Juden zu Stendal.

Wir Johannis ic. Bekennen ic. das wir disse hirnachgeschribenn mit namen Jacob und Jacob In den uff gescheneen Vertrag darumb sie unnsere willen gemacht zu unnsere Juden auffgenommen In

unnter u
halb
geme
und
hette
solch
darauf
pfann
doch
under
mit
oder
ruffen
erford
mann
gang
unnsere
landen
unns
sich m
sprech
irem
Meßge
nicht

Marg
u. f. n
gnaden
und m
Gelobe
macht
waren
gnaden
auffnem
verhinde
ner der
digen h
meiner

unnsrer Stadt Stendal drey Jar zu wonen unnd Sollenn bey sich haben ir Weiber und kinder, ir großmutter unnd einen Slechter also das sie uber ir Brotlich gesinde nicht mehr haltenn sollen dann vier personen außershalb ir großmutter weiber kind und einen onpeibden Slechter unnd habenn In vergunst, das sie sich In der gemelten unnsrer Stadt Stendal mogenn neren kauffen und verkauffen handeln und wandeln In unsern landen und ob geschee das In unwissentlich gebracht wurd gestolenn oder gerawbt gut darauff sie ungeferlich gelihet hetten und darnach ymant quem dem das selbe gut angehoret, dem sollenn sie das wider zu losenn geben umb solch gelt als sie darauff getan haben und nicht mehr, wo aber derselb crist zweivel daran het das er se vil darauff nicht getan das Soll der Jude mit seinem rechtem behaltenn, das er so vil unnd nicht weniger auff die pfandt getan het, Item So ymant den selbigem Judenn pfandt versetzen oder gelt ableyhenn wurd, Sollenn doch dieselbigenn Judenn von eynem schock uber drey pfenning die wochem nicht nemen, wurd aber ymant under eynem schock zehn oder zweinsig groschen nemen mehr oder weniger ungeverlich, mogenn sie sich darumb mit In gutlich vertragenn, wo auch die gemelten Jodenn mit irenn oben angezaigtem personen mit geistlichenn oder werntlichenn rechtem zu Stendal oder anderswo vorgenommen unnd beswert wurdenn, mogn sie sich beruffenn an unns oder unnsrer Rete an unnsrer stat, Item und wo der handel unnd das recht zugenn zu shuren erfodern wurd, soll mann sie Im rechtem uberzewgenn und mit In haltenn wie Im rechtem recht ist, wie mann das vormals mit In gehalten hat, Wo auch die Joden In solchenn dreien Jarenn oder nach der außgang auß unsern landenn ziehn wolten, das sollenn sie macht habenn zu thun Doch das solchs geschee mit unserm wissenn, sollenn sie vor unns und den unnsren ungehindert bleibenn doch das sie nymants In unnsren landenn schuldig bleibenn und das ire nicht entfommben, dorauff Sollenn sie In solchenn dreien Jarenn von unns oder den unnsren In keinerley weiff weiter beswert werdenn und wenn die drey Jar umb sind mogen sie sich mit unns weiter vertragenn oder vor der zeit, Nemen sie auch darauff In crafft dits brives In unnsrer versprechnus und glait schutz und schirm sie als ander unnsrer underthan Joden zu verteidigenn unnd wolenn In zu irenn schuldigern behelffenn sein warzu sie recht habenn, doch habenn wir In In sunderhait verbottem auff Keich Messgewant unnd ander cleynodenn zum gottsdiinst gehorende auch auff unser lieben Frawenn gesellschaft nicht zu leyhenn bey verlust irer freyheit wo das kentlich ist, Ezu urkund ic. 1490 In Coln an der Sprew.

XCIV. 1491. Dienstversprechen des Stadtrichters zu Lenzen.

Ich Johannes Wolff des durchluchtigen hochgeborn fursten und hern hern Johannenn Marggravenn zu Brandenburg Churfursten ic. meins gnedigstenn hern zolner zu lentzen Befenne u. s. w. das der gnant mein gnedigster here mir auff mein btlich ansuchenn Zu Eren unnd zu nutz seiner gnaden gericht In der Stadt lentzen mein lebtag lang mit allem nutzungen und zugehörungen verschriben und mir das zu verweßenn bevolhen hat laut seiner gnaden verschreibung daruber usgangen, Also Berede unnd Gelobe ich obgnanter Johannes Wulff bey meinen Eren und warenn trewenn an eyds stat In crafft und macht dits brives, wann ich das obgnant Stadtgericht zu verweßenn annehme, das ich dasselb getrewlich verwaren wil und wes nuzung darvon gefelt und komen mag, das alle Jar meinem gnedigstenn hern oder seiner gnadenn Retenn verrechenen uberantworten und getrewlich verreichenn und Sol die obgnanten verschreibung In auffnemunge nuzung des gerichtß zu lentzen mein gnediger her seiner gnaden erbenn und der herschafft kein ver hinderung ober abgang geberenn oder bringen, mir auch nit hilfflich sein allein mit der freihait wes ein zolner der alda In der Stadt wanet von der stat hat und Sag mich damit abe der obenangezaigtem meins gnedigen hern begnadung das es iren gnadenn onshedlich sein sol, des zu warenn Urkund hab ich dissen Brive mit meiner hant geschriben und den Gestrengen und Erenvestenn peter Borgstorff sein Insigel vor mich und an

dissen meinen briue zu drucken gebeten doch dem gnanten peter Borgstorff und einem ydermann unschedlich Datum zu Coln an der Spren Am Dinstag nach Estomibi 1491.

XCv. 1497. Vertrag mit Sachsen wegen des Damms zu Fürstenwalde.

Zu wissenn als sich zwischenn den hewsern Sachssen unnd Brandenburg der Brucken unnd Thams halbenn zu Fürstenwald Zerung und gebrechen begeben, das wir hirnach geschribenn Hanns Hundt Ritter lantvoyt zu Sachssen, Gotz vonn Wolfesdorff Ambtmann zu Eliben unnd Stoltz Doctor vonn wegen der durchleuchten hochgebornnen fursten und Herren Herrn Fridrichen Churfursten unnd Herrn Johansen gebrudern Hertzogen zu Sachssen lantgraven In Dhoringen unnd Marggraven zu Meyssen, Symon Mathis Brobst zum Berlin Sigmundt vonn Rottemburg Ritter Voit zu Sommerfeldt unnd Sigmundt Ezerer Doctor unnd Cantzler vonn wegen des durchleuchtigen hochgebornnen Fursten unnd Herrn Herrn Johansen Marggraven zu Brandenburg Churfursten, Hanns Burk vonn der dhwb Herr zu Wolberg, Cristoffl vonn Maltiz der Elter unnd Johann Seberg Doctor vonn wegen des durleuchten unnd hochgebornnen fursten unnd Herrn Herrn Gorgenn Hertzogen zu Sachssen lantgraven In dhoringen und Marggraffen zu Meissen verordente unnd geschickt Reth abgereth unnd verlassen haben, das der Erwirldig Inn gott vatter Herr Dittrich Bischove zu Lubus seine nachcomen Bischoffe daselbst unnd Ir undertanen Wy vonn aller herfomen sich des thams zu Fürstenwald hinfur halten unnd gebrauchen sollen, den bessern unnd machen so oft das nott sein wirt von der Herschafft Bestow unnd den Irn unverbindert, doch unschedlich den Grenigen so der kirichen Lubbus unnd der Herschafft Bestow kunst zusteem unnd sollen darauff dy Ir thum gedachter Brucken unnd thams halben zwischen baiden hewsern Sachssen unnd Brandenburg uffgehaben sein, Gesehen und Geben zu Fürstenwald am Dinstag nach dem Sontag vocem Joconditatis 1497.

XCvI. 1495. Inventarium des Schlosses Zossen.

Am hwt dinstag nach dem Sontag Jubilate Im 95sten Jaren hat Jörg Flans by zeit Ambtmann zur Zossen seinem Bruder Dittrich Flansen uberantwort In gegenwertikeit Hansen Rybeths, Hans voits und Hansen prunners uf bevelh unsers gnedigsten Hern dise hirnachgeschriben Durckwehr Haus forn und anders:

Wir hantbuchsen, neungehen eyserein Buchsen
 Wirgehen hakenbuchsen, vier tarraß Buchsen,
 ein eysere tharrasbuchsen
 ein thunn ein virteil pulver, dritthalb schock fiewerpfeil
 ein fesklein das drittenteil mit Schrotten und gloten
 ein kumme mit etlichen gloten zun Buchsen
 Sechs thunn ungeberlich pfeil und schefft
 acht armbrost, ein leyer, ein behemischen fugk (?)
 hruw brechslangen, hruwen centner 7 Pfd. bley
 acht eyserein siebe, hruw thunn swebel ungeberlich

wehrt

der S

II. 2

drey eyferein keyl, Ein Bickell und sind zwen im newenhatz gang verterbet
zwen frigh do man dy armbrost anspannet, ist an dem einem das leder wegkomen
Zwu Segen ein alte und ein Netze

Item Im Brawhatz:

ein Breyfpannen, vir boddem
ein wispell gersten, zehen ledige halbe fudrige vafz
zwey ledige virteil, ein wispell mel, ein wispel malz
f e l e r:

ein halb fuder ein virteil honisch bir,
Item von vir Schweinen kopff und fuß
ein achteil einer thunn buttern
ein kasten

Syben seiten Speckfleisch hat er von Doctor Staufmel nicht annehmen wollen sunder widergeschickt
Achthalb seiten speckfleisch angenohmen
neun droge Schops, ein schock acht bratwurst
anderhalben scheffel leyn nicht uberantwort aber vir scheffel geseet.
ein halben scheffel mahen
Syben und zweingig malter kurbess
dritthalben scheffel Salz

In der kuchen:

Sechzehen seiten Speckfleisch, dry groß ere topff
zwen klein ere topff beide zurbrochen
ein morser, ein kowlen, ein durchslack, ein bratspiß
zwei branteysen, dry pfannen

Sechs zine Schuffeln darunder einer der rant zur smolzen
gehen kessell gut und boß mit sambt zweien grosen kesseln Im vorwerck, der 11 kessell der wenig
wehrt gewest ist zurbrochen und verloren
ein kuchenbeihell, ein achs, ein schabe
ein lenckhaken, zwen rost, ein kynpsamen
acht Pfd. pfeffer

In den Scheffereien zu Glinike:

Virthalbhundert sechs und drissig schaf In Winter geslagen darunder 42 hamel, an disem allen hat
der Scheser das drittenteil

Hundert acht und Sechzig lemmer

Schefferei auf dem kytz:

Hundert funf und Sibenzig schaf In Winter geslagen, sitzt außs funfte
funf und achzig lemmer

Auf dem Meyerhofe:

Sechs kelber
dry und zweingig Schwein darunder 13 anderhalb Zerig, dy andern zu halben Zaren
neun halb Zerige Schwein
neun fertellein hat er nicht uberantwort
acht leyn ochsen
dryzehen kwe

ein ochslein, acht genß
 fünf Sugkelber nicht uberantwort
 gzu entten,
 Wir wiltnezen darunder gwey mancknezen
 Wir hasen Nezen

Item an Getreid:

Neunzeben Wispell ein scheffel roggen
 zwey Wispell roggen mehr geseet dann vor einem Jar
 Wir Wispell fünf scheffel gersten auf dem Bone
 gehen Wispell 20 scheffel gersten mehr dann vor einem Jar beset befunden
 Sechzeben Wispell habern uf dem Bone
 gwey Wispell zwey scheffel habern beset
 funff scheffel weits geseet
 dry scheffel arbeis und dry geseet
 virzeben scheffel ungestampften hirß
 funff scheffel hanfkorner. Item

dy 21 scheffel roggen In der schein hernachmals erfunden auch nicht uberantwort
 ein thun herings nicht uberantwort, ein klein betlein im Vorwerck
 vir Spanbetten

Sechzig schock schindeln, sind auf dem Tach und der Bone daby vorhanden, aber durch Doctor
 Staufmel nicht bezalt

Newntausent Sechshundert Mawerstein In der Ezigellschevn sind am netwenhawß vermauert
 funffzeben tausent und ungeberlich 300 ungebrant Mawerstein In der zigellschevn vorhanden
 Item auf dem Sloß ein armes vaterloß und muterloß kindichen, ein meyndichen by dritthalb Jaren.

XCVII. Um 1492. Vorschlag der pommerischen Herzöge wegen des Anfalls ihrer Lande und Gegenvorschläge Churf. Johannis.

Item tom Ersten willen wy Burlaff vonn gots gnaden to Stettin pomern ic. hertog vor
 unns und unns mannlike lives erven, de van unns linien und stammen herkomende werden, unns vorschriben,
 Wenner dat wy unnd de sulven unse mannlike erven, de van unns also herkamen bodes halven affgan, dat
 gott van hemelle lange wende, dat denne unns land alle Remliken Stettin, pomern, Wolgast, Barth
 unnd Rugen, mit allen eren herlicheyden und vesten Sloten Steden und dorpern, nichts uthgenommen, wo
 ein yflic an seine steden unnd grenizen belegem is An den hochgebornen Fursten, unnsen liben hern Swa-
 ger und ohm Marggrave Johannsen Churfursten ic. an siner liben Erben und nakamende herrn, des
 Corforstendomes und Marke to Brandemburg ic. ane alle middell und weigerung, der rechticheit na de
 unns allergnedigste herr de Romisch keyser eren leben gegeben hefft, kamen unnd fallen schollen unnd scholen
 ere leben denn, wenn van unns linien und stammen van mannes namen nymant mer is van stund an, vor
 eren naturlikem erffherrn upnemen emtsanngen und halden, of horsam zin unnd lenß plicht don.

Item dit schollen alle prelatten, herrn, mann, und Stede unns land vor sik ere erven of vor ere
 nakommelinge, also stede und vast to holdende mit unns laben verbriven unnd versegeln.

Item esse wy of unns erven, de van unns herkamende werden froichenn na letten unnd neyne man-

nes erben, also dat die vorgeschreven land an de herrschaph to Brandemborch vallende und kamende wurden, so schall de Marggrave to Brandemburch em islick der freichen beraden unnd to furstlickenn stande bringen, of utrichten mit teyn dusentt gulden bruttschatt unnd allem annnderm gesmuck, clenobien unnd Ingedanke, also eines Marggraven Tochter to Brandemborch wol themet und to horet.

Item worden of wederen denne to dem land zinde, de verliffigedinget weren by erem lifgebing rowelik bliven to lattende, de of nicht verliffigedinget wern, uth torichtende na antale ores bruttschattes, also In der Marcke to Brandenburg und Ine land to Stettin und pamern wis und wonheit is.

Item de upgnante unnsere live herr ohm und Swager Marggrave Johannis Cursurst 2c. und ziner leben erben van erben to erben of nakamende Marggraven to Brandemborch unnd Chorforsten schollen unnd willen die wile dat mannlife erben Stettinsche und pamerische hern van unns effte unnsere bortt Stammen und linien sind nenerley gebede edder Regimente In den gemelten unnsen landen noch aver unnsere unndersfatten und Inwonere hebben effte brufen.

Item will unnsere live herr Ohm und Swager desse vorgeschreven artickell also annemen, so schall zine live, vor zif sine erben von erben to erben unnd nakomende Marggraven to Brandemborch und Chorforsten, unns und unnsen mannlifen erben van erben to erben, de wile dat vonn unnsere bortt stammen und linien Welfe Stettinische und pamerische herrn und Forsten to Rugen sind wedder vortihen, affseggenn und vordragen, dat sine live, siner leben Erben, unnd nakomende Marggraven to Brandemborch und Chorforsten unns edder unnsere Erben nummer mer In neren to kamenden tiden umme de entfanginge unnsere land anlangen, fordern effte beschulden schall edder will, Sunder dat wy und unnsere mannelife erben van erben to erben de van unnsere bortt stamen und linien herkamen, alle des schollen gefrigett sin unnd des fry Rowelik unnd fredesam brufen, also dat zine live siner leben erben unnd nakomende herrschaph to Brandemborch neynerleyge gebott, gebede effte Regiment, aver unns unnsere Erben unnsere land lude unnd unndersfatten beholdenn edder hebben schall wen allene des angefals waren, wo vorsteitt unnd darto schall zine live siner leben erben und nakommende herrn unns nortlos holdenn und vorwaren Jegen de keyserlich maiestat dat wy des ane ansprake bliven, mit unnsen Erben, de wile van unnsere bortt Manne sind.

Item hirup bidden wy unnsen leben hern Oheim und Swager, unns wille wedder geben unnd affredenn, wes unns de hochgeborme Forst unnsere live herr Oheim und Swager Marggrave albrecht, seliger gedechtnissen und zine leve affgewunnen hebben, Remlikenn Bernstein, Torgelow, klempenow, Stoltemburg, Fridrick unnd Hinrick de van Ramyn, Bartolomeus Steinwer unnd de Steinbeckenn to Uchtorp, uns In diesen dingen willen to bewisen, wollen wy mit unnsere personen landen unnd luden umme zine live wedder vordinen.

Item wy sint of overbodich mit unnsere leben hern ohme und Swagere ene erffennunge to makende, wo men idt tuschen unns holden schall umme de hulpe unnd volge, efft unnsere en des annndern In sinen noden unnd frigen behuff unnd nort wurd hebbende, of breve und Sigell darup to gevende und to nemende.

Brandenb. Vorschlag:

Wyr Buggslaff vonn gotts gnaden zu Stettin pommern 2c. hertzog Bekennen 2c. das wir alle unnsere lannd unnd lutt nichts aufgenommen, vonn dem Hochgebornnen Fursten Herrn Johanssen Marggraven zu Brandenburg Churfursten 2c. unnsere lieben hern Oheimen unnd Swager nach laut keyserlicher begnadung unnd verleyhung, so sein lieb vonn der keyserlich maiestat hat, zu lebenn empfangen haben unnd hirmit zu lehn empfaben In Crafft und macht dits brives In aller massen, wie wir die vonn unnsere hern und Swager Marggrave Albrecht seliger gedechtnus, empfangen haben, und nun an den gnamten Marggrave Johanssen, als kurfursten unnd seine Erben kommen sind, unnd so wir mennliche leybs lebenns Erben unnsere Stammes gewunnen, so sollen alsdenn dieselben vonn Erben zu Erben von den

gnannten Marggraven zu Brandenburg Iren Erben und nachkommen, der ein Churfurst ist, so oft das zu sellen kombt, unnsre land und lewt auch schriftlich, wie wir getan haben zu lehn empfangen getrewlich unnd on alles geverd Unnsre land und lewt sollen sich des auch gegen unnsern herrn Ohemen Swager, seinen Erben und nachkommen Marggraven zu Brandenburg, neben und mit unns verschreyben, so es zu sellen quem, das wir on memliche leybs lehens Erben abgeen wurden das gott verhutt, das alsdann unnsre land und lutt on mittell an sein lieb seiner lieben Erben unnd nachkommen Marggraven zu Brandenburg der ein kurfurst ist, fallen unnd kommen sollen, nach laut unnd Inhalt der brive So wir seiner lieb daruber gegeben haben So wir aber memlich leybs lehens Erben verliessen sollen unnsere land unnd lewt gegen unnsern oheimen und Swagern den Marggraven In solicher verpflicht Iren Erben unnd nachkommen bleyben In aller der mas puncten unnd artickeln, wie obenberurt unnd so solicher fall vonn unnsern Erben zu Erben, oder wie das kommen mocht geschach, das gott verhutt, sollen denn wie vorsteet die land und lutt auch ane mittell an die Marggraveschafft zu Brandenburg kommen unnd sich halten laut Irer verschreybung.

Darauff Hertzog Byrlaffs antwort.

Wy hebben de Zedele gehört de unnsre liebe Swager, up unnsre begrip, unns hefft vorreken latten, umme de verdracht unnd fruntlike eynunge, de wy In allen billichen dingen gerne wolden hebben angenommen, Nue zine live de depen unnd scharpen weghe also vor nymet, mothen wy by ding wedder bespreckenn, mit den de des mede to donnde hebben unnd unns furder In den dingen na aller geburnus halden, of dat vornemen, dat to fruntlikem wesen dinet.

Dagegen Marggraff Johannsen antwort.

Wir haben die Zettel gehort, die unns unnsre lieber Swager, auff jungst unnsern begreyff hat lassen verantwortten, haben die also verstanden, das sein lieb die In allen billichen dingen gern hett angenommen, wie solichs seiner lieb zettell weyter Inhalt, der Inhalt wir vermarckht habenn unnd bedunckt unns der billickeyt nach nichts ungeburlichs furgenomen, das unns anders oder unnsere herrschafft auffzunemen sey, doch so nymt sein lieb einen schub unnd bedacht, mit den daromme zu sprechen, die der ding auch zuthun haben, des sind wir gar wol zufriden, Wollen auch In der zeyt mit unnsern Brudern unnd andern, die der ding auch zuthun haben, darvon Neben, beduncket unns darauff noth, das man einer tagzeyt eins werde, wenn wir wider vonn beyden teyln zu einander kommen unnd die erlangten werb der gesprech enntdecken sollen, denn wir mit sambe unnsern brudern und andern so darzu horen, alles das furnemen wollen, das zu lieb frunttschaft unnd einigkait unnsere personen unnd beyder land dinet, so ferren wir das ymmer erleiden mugen oder unns anzunemen steet.

S. Lancizolle p. 594.

XCVIII. 1492. Verhandlung zu Königsberg mit Pommern.

Hanbell zwischen den Marggravischen und Stettinischen Neten auffm Tag zu Königsberg am Montag nach Scolastice 1492.

In ersten haben wir Marggravischen Nete unns von unnsers gen. hern wegen gegen den Stettinischen Neten, als die geschickten mit Inen, auff aller fruntlichst der gebrechen, so sich empfangung halben der lehn hilden zu handeln, Wie sich dann das In besten, dem fruntlichen wesen nach zwischen

beyden herrschafften zymen wolt, Desgleichen sich die Stettinischen Rete zu thun erbotten haben, unnd also forder zum handell gegriffen.

Darnach haben wir Marggrewischen Rete den handell angefangen, wie der auff vorgehalttem tag Im dorff Selchow zwischen konigsperg unnd Gartz verlassen, also mann hett den Stettinischen Reten zugeschickt abschrift ettlicher ergangen bericht zwischen den herrschafften Brandenburg unnd Stettin, die an Iren herren zu bringen, unnd zu unnterweisen die lehen, wie sein vatter vetter und er vormals vom Marggraven Fridrichen unnd Marggraven Albrechten x. seligen getan zu empfaen, Darauff wer kein antwort bissher einkommen, was Ir herr thun wolt, unnd batten des nochmals von Iren antwort darauff zu geben, was sie des erlanngt hetten u. s. w.

Darauff sagten die Stettinischen Rete nach gehaltenem gesprech und bekantnen zuschickung ettlicher abschrift, die hetten sie an Iren herrn gebracht unnd allen vleyss an gekart, dem handell volg zu thun, Ehr aber sie vom irem herrn emtliche meynung bekommen, hett die Romisch koniglich Maiestat dem selben Iren herrn Als einem Fursten des heyligen Reichs geschriben unnd In wider die konig zu Franckreich unnd Beheim, des Reichs widerwertige zu dinst gefordert, seinen gnaden ettliche anhall zu Rosß unnd fus, dem anslag nach auffm tag zu Nurnberg gemacht zu schickenn, daneben hett sich auch konigl. Maiestat Inn einem andern brive entschuldigt, das Ir herr nicht auffm tag gen Nuremberg gefordert, wer uß der eyle unnd fern der lannd nachgebliben, solt des nicht anders versteeen unnd lieffen soliche brive lesenn; Nach solichen einkommen briven, hett Ir herr allenhalben die privilegia und brive der herrschafft und Furstenthumb Stettin, Pomern x. wo sie die hetten bekommen mogen suchen und unter andern gefunden brive Weylannd kayser ludwigs unnd Marggraven ludwigs des Romers seines Sones, darInn sich Marggrave ludwig der Stettinischen lehenschafft gantz verzigen unnd enteuffert, unnd kayser Ludwig sein vatter die an mittell hinsur zu dem heyligen Reich genommen zu verleyhen, hett auch die den Stettinischen und pomerischen herrn do zur zeyt gelihen, desgleichen wern brive vorhanden kayser karls des virden, darInn soliche getane belehung bestittigt unnd soliche lehen den herzogenn zu Stettin furder gelihen Auch brachten sie fur abschrift kayser Sigimunds brive wie sein kayserlich maiestat hertzog otten, hertzogenn kazimir und Barnym von Stettin Ire lehen zu Costnitz Im Concilio gelihen, unnd alle ire privilegia bestittigt hett Bittende wir wolten die horen, daraus sich clerlich wurd befinden das die herzogenn zu Stettin pommern x. an mittell des heyligen Reichs frey fursten und underthan wern unnd nicht verpfflicht vom den Marggraven zw Brandenburg Ire lehen zu empfaen, des hilt sich Ir herr und gedecht der nicht anders zu empfaen unnd lieffen soliche lesen, dann wir konden uns dieselben zu horen nicht wol weigern, angesehen das sie vormals abschriften der herrschafft zu Brandenburg brive entpfangen hetten, So bald die gelesen wurden namen wir Marggrewischen ein gesprech unnd besluffenn eintrechtiglich, solt mann auff soliche brive, unnsers gnedigsten herrn gerechtigkeit nicht widerumb horen lassen, mochtenn die Stettinischen Rete, so vormals der nicht gehortt, gedemcken Ir herr hett Recht unnd unnsere gnedigste herr unrecht, unnd brachten dagegen widerumb auff kayser ludwigs brive darInn er die Stettinischen unnd pomerischen herrn, Irer lehen an Marggraven Ludwig den Romer geweist hat zu empfaen, Doneben kayser Sigimunds brive darInn er die belehung, hertzogenn Otten und kazimir von Stettin zu Costnitz getan unnd alles anders wider das haws zu Brandenburg vormals gegeben, widerrufft unnd durch erclerung mitsambt dem das zu kunfftiglich gegeben oder gescheen mocht, uncrestig gesprochen, Haben auch fur gebracht ein Urteyls unnd gebotts brive kayser Fridrichs zu Regenspurg auffm tag außgangen, darInn sein kayserlich Maiestat dem haws zu Brandenburg, die Stettinischen lehen mit Urteyl unnd Recht zugesprochen hat unnd den Stettinischen herrn gebotten, der sich zu enteuffern, mit anzyhung aunder lehenbrive der herrschafft Brandenburg daruber gegeben unnd lieffen die alle lesenn und zum letzten sagen, aus solichen briven wurde des hawses zu Brandenburg lauttere unnd clare gerechtigkeit verstanden, die sie zu den herzogthumen zu

Stettin hetten, lieffen auch darnach die drey bericht, mit Marggraven Fridrichen und Marggraven Albrechtenn seligen zum Soldin und prempzlow durch die herrn von Stettin gescheen unnd gemacht, lesen, daraus sich clerlich befunde, das hertzog Buxleffen geburen wolt die lehen von unnsern gnedigen herrn zu empfaben, Sagten auch das die brive von Romischer koniglicher Maiestat an hertzog Buxlaffen, der dinst unnd entschuldigung halb, nicht furderns auff den tag zu Nurenberg an wissen kayserl. unnd koniglicher Maiestat außgangen wern, Ire gnaden gestunden auch des bevelhs nicht, dann die dinst wern den Marggraven zu Brandenburg, als herzogenn zu Stettin und pommern, vormals zu Nurnberg auffgelegt, als sich clerlich aus koniglichem brive befunden wurd, den wir auch lieffen lesen, damit die Rete das gemutte kayserl. unnd konigl. Maiestat mochten horen Iren herrn desterbas wissen zu unnderrichten Auch wern vill mer kayserl. unnd konigl. briff vorhanden, der abschriff wie nicht hetten, dann wir hetten unns solichs weytlewfftigenn handbels nicht versehenn, Es wer auch dermas der handbels nicht vertagt, Wie auch die brive an hertzogen Buxlaff außgangen von konigl. Maiestat erlanngt unnd geschriben wern, mocht mann abnemen, das solichs vil leicht durch gifft und gab gescheen wer und also an wissenschaft des konigs außgangen unnd hatten darauff die Rete Iren herrn nochmals zu unterweisen wider willen forder gegenngt unnd verderb der land zu verkommen, die lehen von Marggrave Johannsen unnsrem gnedigsten herrn zu empfaben, die offenbaren brive Sigell getane eyde lehnspflicht gehort unnd gescheen hirInne angesehen, dann unnsrem gnedigsten herrn Inn keinen weg leyblich sein wolt solichs nachzulassen, sunder geburte seinen gnaden den kayserlichen und koniglichen begnadungen und freyheiten, auch der Erbgerechtigkeyt des huses zu Brandenburg nachzukomen zc.

Darauff namen die Stettinischen Rete ein bedacht unnd sagten nach gehaltenem gesprech, wir hetten Ires herrn unnd des huses zu Stettin gerechtigkeit gehort und hielten kayser Ludwigs und kayser Sigwigs brive Ires herrschafft gegeben wern Junger wenn die unnsern, die andern gelesen berichtß brive lieffen sie in Iren werden, wern die gehalten dorfft mann der taglaistung nicht, Sondern sie hetten einen bevelh von Irem herrn zu antwortenn unnd zu sagen, Wie das Ir herr nimmermer gedecht oder wolt die lehen seiner hertzogthumb unnd land Stettin pomern zc. von den Marggraven zu Brandenburg zu lehen nemen, noch persomlich oder schriftlich empfaben dieweyl er ein Statt oder Sloss hett, Wurde er aber ye als er nicht verhofft darzu gedrungen so wolt er doch nicht halden unnd der herrschafft zu Brandenburg nimmer getrew oder hold werden, Es solten auch die land gegen einander nicht geruglich sitzen Es wolt auch Ir herr vom Reich nicht gedrungen sein, sunder must sich solichs allenhalben Im Reich gegen kayserl. Mai. unnd den Churfursten beclagen und batten noch darein zu sehen unnd fleysß anzukeren, mittell zu finden, dadurch zwischen den herrn Freundschaft und den landden gutter frid zu Ewigenn zeiten mocht bleyben, dann hertzog Buxlaff ir herr wer ein einige person, so wern die landleut und sein gnad geneigt nymandes die land, nach abgang der herrn von Stettin zc. lieber zu gummen oder auff zu nehmen wenn die herrschafft zu Brandenburg Darumb wer besser vorwiffung der land Im fall zu bekommen, wenn das hofflich gebrenng die lehen zu leyhem zu behalten.

Als soliche harte grobe wortt geredt unnd gehort worden, namen wir marggrevischen ein gesprech unnd sagtem darauff, wir hettem unns solicher scharffenn und harten antwort nicht versehen, dann sie wer dem handbels, gescheen berichten und pflichten nicht gemess, versehen unns auch nicht, das solichs hertzogen Buxleffs meynung wer, sunder er wurd sich bas bedennen und die lehen empfaben, wie sich geburte, das sie auch sagtem Ires herrn brive wern Junger wenn unnsers herrn unnd lieffen die bericht Inn Iren werden zc. Darauff sagten wir, wer die Jungsten brive hett, wer aus der verlesung gehort und landkundig Es wer auch vill besser, die bericht mit pflichten an eydes statt, bey furstlichen Eren und werden briefen und Sigeln bevestigt wern gehalten, wenn nicht, wer aber die gebrochen unnd nicht gehalten het wer landkundig Wir konnten oder mochten doch kein annder antwort empfabung der lehen halben erlanngen, dann die Rete blicenn auff gesagter meynung, die hett In Ir herr ernstlich zu sagen bevolhen, des hetten sie zusagen nicht thuren unterlassen Darauff

antworten wir, solich antwort were swere an unnsen gnedigen hern zu bringen und unseyblich, denn es mocht sich der handel dadurch ganz zusossen und sagten daneben als von unns selbst, das man beyderseit die sachen bas betrachtet, und auff mittell gedeckt, dadurch sich der gutte will zwischen beyden herrschafftenn nicht zurtrente, dadurch verderben der lannd und lute, krieg und unwillen mochten erwachsen. Do sagten die Stettinischen Rete wir solten mittell furslahen, des wolten wir nicht thun und blibenn auff der meynung das der hertog billich die lehenn empfang, wo man darInn messigung dulde, wolten wir gern davan von unns selbst reden, Dogegen zeigten sie fur ein mittell an, die zettel und meynung, die herr zum Berlin uberantwort hett, wie er mit unnsrem gnedigen hern bericht wolt sein, dann sie hetten kein andre macht. Darauff namen wir ein gesprech, unnd sagten solich erbieten Hertzog Buxleffs hett unnsrer gnediger here vormals nicht annehmen wollen, wer seinen gnaden auch nicht zu raten, deshalben konnten wir unns des an zu bringen nicht mechtigen. Darauff sagten die Stettinischen Rete, wir solten widerumb was furslahen, dann sie hetten anders anzunehmen oder furzulahen nicht macht, Also slugen wir Marggravischen von unns selbst fur, ob wir es konnten bey unnsrem gnedigen hern erlangen, das hertzog Buxleff ir herr die lannd durch einen Eraven seinen lehentrager mocht empfangen unnd das die prelatten, herrn, mann und Stette darauf ein Erbhuldigung thetten und neben Jrem hern sich verschribenn, solichs auch so oft der fall kome zu gescheen das auch hertzog Buxleff unnd sein Erben ein schriftliche bekennntnis daneben gebe, das er die lehenn durch einen lehentrager empfangen hett, das man sich auch furder einer eynung vertrag, und zimlichen auftrag des Rechtenns Inhalt des Artickels daruber beratragt, Solichs mittels wolten sie nicht beratragen, sunder sagten alsbald wie vor, Ir herr wolt die land Inn keinen weg vann der herrschafft zu Brandenburg empfangen, weder personlich schriftlich oder durch lehentrager, dann er wer ein freyer furst des Reichs, wolten wir aber die meynung zum Berlin furgeslagen annemen, dem wolt ir herr also nachkommen, unnd so das geschee leyb unnd gut und land und lute vomm dem haws zu Brandenburg nicht segen, anders hetten sie kein macht, sie wolten auch soliche angezeigte meynung nicht messigen, Dowider sagten wir solicher furslag wer unnsrem gnedigsten hern ganz unseidlich, dann solt sich die herrschafft zu Brandenburg die lehenn zu thun verzeihen unnd ganz umb nicht auf ein ungewissen anfall ubergeben, wer swer, die land mochten villicht Inn hundert oder zweyhundert Jarn oder nymermer an das haws zu Brandenburg kommen, wie wol hertzog Buxleff hnd allein were, dann es stund zu gott, ob er erben gewunne oder nicht, zum andern wer unseidlich solt der hertzog die Stette die verschreybung neben Inn allein und die lannd und lute kein Erbhuldigung thun lassen; zum dritten wo man die lehenschafft ubergeben solt und gleichwoll hertzog Buxleff und sein Erben, gegen der kayserl. Majestat unnd dem Reich, der land halben vertreten, wer noch swerer, dann es wurden der hertzog und sein Erben also gantz frey und freyer wenn die kurfursten und annder Fursten des hilligen Reichs, und unnsrer gnedigster herr selbst, wenn er dorfft weder konigen noch keysern auch dem huse und herrschafft zu Brandenburg nichts thun oder dinen, darumb konnten wir unns solichen handell anzubringen Inn keinen weg understeen, Westen auch soliche meynung bey unnsrer gnedigen herrschafft nicht zu erlangen; Darauff lissen sich die Stettinischen Rete vernemen, Ir herr wer In erfahrung gekomen, Marggrave Albrecht seliger hett sich mit den herrn von Meckelnburg vertragen, so an In ein fall geschee, das die herrschafft zu Brandenburg das land zu Stettin pommern zc. und die herrn vonn Meckelnburg part, Wolgast und annder hinder lannd behalten umb so aus solicher vertracht der herrschafft nicht mer wenn das halb lannd wurd, so wolt ir herr der herrschafft die gantzen lannd gunnen und sein prelatten, herrn mann und Stette des anfalls neben In verschreyben lassen, darumb wurden die lehenn zu thun nicht umb sunst ubergeben sundern umb lannd und lute, Es wer auch besser man neme gewisse versicherung der land Inn leben der herrschafft vomm Stettin, wenn das man sich die selbigen nach abgannng mit dem swert must understeen zu erobern, das bey In unmuglich, dann die Stette wern grof unnd veste zum merern taill und die pfortten der lannd darein zu kommen so enng, das man die an ettlichen orttern mit pasteyen mocht bewaren, sich uberfalls

zu weren Auch weren vill beflössenn Innsell, darein mann an grossen schaden nicht mocht kommen, Darumb solt die herrschafft zu Brandemburg die ferlickeyt grosser zerung kost muhe und arbeyt, Verderben der laund zu verkomen ansehen und nicht so hart wider Iren herrn sein der lehen halben, unnd so fern unnsere gnedigste herr die angezeygtenn Zedell Inn andern articeln annemen wolt, Ir herr wurd sich der dinst und anders gegen kayserl. Maiestat woll wissen zu halben, dann sovill gnad Irem herru die kayserl. Maiestat getan hett oder thett wern leicht zu verbinen.

Dagegen sagten wir Marggravischen, wir wessen vonn der vertracht zwischen Brandenburg und Meckelmburg nichts, wir hettenn auch keinen bevelh von unnsere gnedigen herrn einicherley anzunemen des vor uberantworten zedels, konnten unns des an sunndern bevelh nicht mechtigen, Auch vermerkten wir, das die Stettinischen nichts nachzugeben hettenn, dadurch mocht der gehalten tag gaantz unverfenglich werden und der handell sich entslahen, des wir ungerne ursach geben oder sein wolten Sondern wo es den Stettinischen retten geliben wolt, disen handell ein igliche part an Iren herrn zu bringen unnd sich eins andern tags zu vereinen ob sich der handell alsdenn bas finden wolt, wenn ihund Solichs gefiele den Stettinischen retten, unnd wurden eines tags ein, doch also das igliche party bey Irem herrn vleyss wolt ankeren, das auff den Sontag Jubilate schirft unnsere gnediger herr Marggrave Johans gein prempzlow unnd hertzog Buxleff gein postwalkh mochten kommen, unnd dozwischen oder wie mann sich des vereinte, die Rete zu einander zu schiffen, woran es sich dann stossen wurde Im handell sich des an den herrn zu erholen, damit entslahung des handells wo die sachen nicht guettlich abgetragen oder gericht mochten werden, nicht durch die Rete sunder durch die herrn geschetze ungnade und nachrede zu verkomen, das haben beyderseit Rete also zu thun bewilligt anzubringen, doch das iglicher herr dem andern solichs vor miterfasten was er thun wolt zu schreyb zc.

XCIX. 1491. König Maximilians Befehl an Herzog Bogislaw von Pommern.

Wir Maximilian vonn gotts gnaden Romischer konig zu allen zeyten merer des Reichs, zu Hungern Dalmacien Croacien zc. konig Ertzhertzog zu Osterreich Hertzog zu Burgundi zu Britani zu Brabant zu Geldern zc. Grave zu Flandern zu Tirol Entbieten dem hochgebornen Buxlaffen Hertzogen zu Stettin unnsere lieben Oheim unnd Fursten, unnsere gnad unnd alles gutt, hochgeborner lieber Oheim unnd Furst, Alsdann unns Auch dem Erwidigen Wilhelm Bisschoven zu Eistett unnsere Fursten, Rete unnd lieben Andechtigenn, Als vollmechtigen Anwald unnsere lieben herrn und vatters, des Romischen kayfers zc. durch unnsere unnd des heyligen Reichs Churfursten unnd derselbenn Botschafften, so auff dem nechst gehalten tag zu Nurnberg bey unns erschnen sein, zu widerstand der konig zu Frannkreich und Beheim unbillich furnemen, Ein Hulff unnd anslag allenthalben durch das heylig Reich zu thun zugesagt unnd beslossen, Darauff auch durch das Reich Ein anslag gemacht, dar Inn neben andern, der hochgeborner Johans Marggrave zu Brandemburg, des heyligen Romischen Reichs Erzkamerer u. s. w. unnsere lieber Oheim unnd Churfurst, Als lehnher der Hertzogthumb Stettin, pommern, Cassuben und Wenden unnd des Furstenthumbs zu Rugen welch Herzog unnd Furstenthumb Im unnd dem Churfurstenthumb der Marke zu Brandemburg hievor vonn unnsere vorfarn am Reich Romischen kaysern und kunigen, loblicher gebedchnus, Auch unnsere lieben herrn und vatter dem Romischen keyser zc. seinen vor vordern Marggraven zu Brandemburg und Ime einverleybt unnd mitsambt vermeltten Churfurstenthumb und andern seinen Furstenthumben, lannden unnd lewten, vonn dem Romischen Reich zu lehen rurendt, vorliehen worden sind, vonn derselben Herzogthumen Stettin pomern Cassuben unnd wenden Auch des Furstenthumbs zu Rugen wegen, sein lieb angeflagenn worden ist AUFF Sechs und virtzig Mann

zu Ross und Hundert zwey und zweyentzig zu fuff, die er uns ein halb Jar Remblich Sechs und zweyentzig Wochen lang auch zu dienst schicken soll und dann da die vermelten Herzogthumb und Furstenthumb in deiner besitzung und regirung die hertzog Erik dein vatter und Wartslauff sein Bruder von Fridrichen und Albrechten, etwo Marggraven zu Brandenburg Churfursten seligen, du auch Eemaln von dem gnannten Albrechten Marggraven zu Brandenburg ic. zu lehen empfangen hast, Als dir auch geburt, die nue mer nach abgange seiner lieb, von dem obgnannten Marggrave Johannsen zu Brandenburg Churfursten ic. seinen Son und Erben des gnannten Churfurstenthumbs zu lehn zu empfangen, Darumme so empfelhen wir deiner lieb, und auf sonnder bevelh und gewalt, uns des halb durch den obgemelten unfern lieben herrn und vatter dem Romischen kayser ic. gegeben, Gebieten wir dir ernstlich, das du dem mergnannten Marggraf Johannsen, mit der obvermelten anfall zu Ross und zu fuff, auff obbestimten anslag seiner lieb, als deinem lehen herrn, von der benannten Herzogthumb und Furstenthumb wegen aufgelegt, zu unfers lieben herrn und vatters des Romischen kayfers ic. und des heyligen Reichs dienst gewartest Im die furderlich zu seinem ersuchen zuschickhest, oder dich sunst guttlich nach seinem gefallen darumb mit Im vertragest und veraynest, daran thut dein lieb unser ernstlich meynung, des wir uns auch zu bilsichheit genzlich zu dir verlassen und in gnaden und frundschaft gegen dir erkennen und beschulden wollen dann so du ungehorsam erscheynen wurdest, des wir uns In keinen weg zu dir versehen, wurd uns geburen den benannten unfern Oheimen und Churfursten Marggrave Johannsen, und das vermelt sein Churfurstenthumb mit hilff und hanthabung gnediglich zu bedencken, und wir aus vorgemelten unferm gewalt darumb mit schweren penen und straffen, gegen dir und der offgemelten Herzogthumb und Furstenthumb unndertan und Inwonern, handeln und procediren, wie sich In solichem geburt, der zuversicht du laffest es dem Ungehorsam nit darzukommen, beswerd und unrat so dir und den deinen davon erwachsen wurd zu vermeiden, Mit Urkund dig brives, Geben zu Nurnberg Am freitag nach Sant Jacobstag 1491.

C. 1492. Instruction für die brandenburgischen Ráthe in der pommerischen Lehnsache.

Fertigung der Rette auffn tag gein konigsparg am Montag nach dem Sontag Cantate gegen den Stettinischen Neten Anno 1492.

So man empfangung der lehen nicht erlangen mag, vleyss anzukeren zu erlangen das hertzog Buxleff Eyn bekenntnis gebe, das er von Marggraven Albrechten seligen und seinen Erben die lehen empfangen hab, und allweg von dem hawse zu Brandenburg hinfur die Hertzogthumb zu Stettin Pommeren ic. zu lehen rurn, und empfangen sollen werden So das geschicht wollen wir Marggrave Johanns und unser Erben, Hertzoge Buxlassen seiner person halben die lehen zu empfangen, auff disemall vertragen unshedlich solicher bekenntnis.

Item das darauff prelatten, herrn, man und Stette, uns Marggrave Johannsen ic. und unfern erben ein Erbhuldigung thun und sich neben Hertzog Buxlessen verschreyben, so der fall an Im geschege und seinen leybs lehenns Erben, ab er die gewunne, das sie sich nymandes halten, noch zu einem Erbherrn und lannds Fursten auffnemen wollen, wenn uns Marggraven Johannsen, und zur Zeit unser Erben und nachkommen Marggraven zu Brandenburg furfursten ic. und soliche Erbhuldigung, so oft das zu fall come widerumb schriftlichen mit brieffen und Insigeln vernemen.

Item wo Hertzog Buxleff die bekenntnis nicht geben wolt, das er die lehen empfangen hett von Marggraven Albrechten seligen und seinen Erben, vleyss anzukeren und daruber zu halten, das er einen brive gebe darIm er bekennt fur sich und sein Erben, das die Herzogthumb zu Stettin pommeren ic.

von dem Marggravethumb unnd Herrschafft zu Brandenburg zur Zeyt Churfursten ic. aus Erblicher unnd kayserlicher gegebner gerechtigkeit zu lehen rurn unnd geen, des doch wir Marggrave Johanns seine lieb fur sein person, aus sonderlicher lieb unnd Frundschaft vertragen hetten, personlich von unns oder unnsern Erben, die weyl er Inn leben were zu empfaben, So aber Hertzog Buxleff sturbe das alsdann sein leybs lehenns Erben, ob er die lassen wurde, die lehenn durch brive unnd Innsigell hinfur empfaben sollen unnd prelatten, herrn, mann unnd Stette wie angezeigt, auch Erbhuldigung thun lassen.

Item das Hertzog Buxleff unnd sein mennlich leybs lehenns Erben, so mann keyserlicher unnd koniglicher Maiestat und dem heyligenn Reich dinen unnd hulff thun soll, den dinst sovill der grannten Herzogthumb unnd land halben auffgelegt werden mit Frem eigen kosten unnd schaden thun, und das volk neben unnsern und unser Erben und nachkommen volk heubtmann und Ritterschafft schickenn oder sovill geldes so dasur ye zur Zeyt aufgelegt wirt aufgeben und bezalen nuemals und hinfur.

Item vor allen dingenn, das Hertzog Buxleff sein Erben Prelatten, herrn, Mann und Stette unnd underthan unns Marggraven Johannsen unnsern Brüdern Erben und nachkommen Marggraven zu Brandenburg, den Tittel der laund zu Stettin, Pommern ic. zu allenzeyten geben, solichs widerumb auch gescheen soll.

Item sich dobey unnd daneben einer freuntlicher verstennnus und furder eynung zu vertragen, wie wir unns allenhalben unnd unnsere Erben und nachkommen gegen einander mit hulff und andern und desgleichen unnsere unnterthan halden sollen.

Item so solichs alles nicht möcht erlangt werden, allen vleyss anzukeren den handell auff das nechst zu einander zu bringen unnd abzureden, doch auff ein anbringen an beyde herrn, unnd das ein gerewmer tag hinaus umb Michaelis gemacht werde, was die hern nach Frem bedenncken annemen oder erleyden mochten zu beslieffen, damit der tag an ennd nicht zur gee, sunder der handell forder angehangen werd, auff das lenngst man kan.

Cl. 1492. Verhandlung zu Königsberg.

Handlung auf dem Tag zu Königsberg am Dinstag nach Cantate 1492.

Im ersten haben sich beyderseyt Fursten Rete zu dem tag bekannt, wie der durch den Maister Sannst Johansordens Im besten furgeslagenn ist, und allenhalben sich anzeigt allen vleyss anzukeren, den handell neher zusamen zu bringen, dadurch grosser unwillen gezennet krige unnd verderben der laund mochten nachbleyben, sich doch umb das anheben des heubt handels gedrunge, Doch haben die Stettinischen den handell angehaben unnd gesagt, wie woll mann am Jungst gehalten tag Fres hern maynung und bevelh gehört, ydoch so wusten sie, das seiner gnaden gemütte unnd wille wer seiner gnaden land nymands lieber zu gunnen, so er an leybs lehenns erben verschide, wenn seinem lieben Oheim und Swager Marggraven Johannsen ic. so fern sein gnad das zu danckh und vergutt nemen wolt, Darauff wolt er seinen gnaden, durch sein selbst verschreybung, auch Prelatten herrn, Mann und Stette neben Im versicherung thun, das sie nach seinem tod nymands zu herrn auffnemen solten, wenn sein gnad unnd seiner gnaden Erben ic. Solichs haben wir Marggravischen Rete mit formlichen wortten allein nicht annemen und gesagt, So unnsere gnedigste herr empfabung der lehen, die geweigert were nachlassen solt, wer swer nichts anders oder bessere versorgnus darumb zu haben unnd slugen darauff unnsers gnedigsten hern bevelh der zweyer artickell fur, die bekenntnus der empfangen lehen vom Marggraven Albrechten gescheen unnd das die land Stettin, pomern ic. von der Marck zu Brandenburg zu lehen rurten ic. und das darauff die land huld-

gung thetten, so das geschee, mocht man sich der andern articell des eher vertragen; Davon die Stettini-
 schen Räte nicht handtelt leyden oder rede horen wolten und sagten sie mercken woll, sie wern die lewt
 nicht, die die sachen richten mochten, es muften annder lewt darzu kommen, solt sie gericht werden, unnd ant-
 worteten nach gehalten gesprech wie auff jungstem tag, Ir herr wolt die lehn personlich briefflich, oder durch
 einen lehntrager nicht empfangen, oder was anders thun, das dem gleich unnd gemess wer, auch kein
 Erbhuldigung, die weyll er und sein Erben Im leben wern ob er die uberkomme, die seinen thun lassen,
 dann er wolt allein herr Im den landen sein unnd darnach sagt Werner, man solt kauffen, dieweyl man
 sayll fund, dann es stund darauff, wo sich diser tag an ende zurfluge so mocht annder handtelt darein gefal-
 len, das Ir Rath furder nicht statt haben mocht, sunder wurd an frembden und höhern personen ligen, die
 teglich darnach unnd vleyssig arbayten, so ein fall geschee, die landt an sich zu bringen, So sich auch Ir herr
 Hertzog Buxleff ubersalls unnd gwalts besorgen must, gedecht er solichs zuverkommen, an billichen stet-
 ten sich des zu beclagen, unnd schutz zu suchen, wo Im das geweigert wurd, must er gedemcken an annder
 sein herrn unnd frund sich zu halten, dabey er trost unnd hulff mocht finden, Darumb wer noch Ir aller Rath,
 man neme ane swertlege das vergutte und an, des man sich zu thun erbotten hett, Es mocht die zeyt
 komen, man thett es gerne so wer zu lanng gehart, unnd protestirten darauff Werner von der Schulem-
 burg und der Cumpturn zum Wildenbruch Iren pflichten nach, das man Im bekenntlich sein wolt solicher
 warnung, ob der handtelt anders geen wurd, wenn sie gern sehn, das sie des kein schuld haben wolten, Des-
 gleichen sagten die andern Räte, sie sehn die sachen gern gutt, unnd die landt wolten nymand lieber zu hern
 wissen oder haben nach abgannng Hertzoge Buxleffs ired hern unnd seiner Erben, ab er die gewunne, wenn
 Marggraven Johannsen unnd sein Erben Marggraven zu Brandenburg; Darauff namen wir Marggra-
 vischen Räte ein gesprech unnd bewugen den handtelt nicht klein unnd wenig unnd damit sich der tag an
 fordere verfassung nicht zurfluge unnd lissen sagenn, Es wer swer unnsrem gnedigen hern die empfangung der
 lehn unnd erbhuldigung nachzulassen, mochten auch das bey seinen gnaden hart erlangen, hetten auch solichs
 nachzugeben nicht macht, wo aber die Erbhuldigung durch Prelatten, herrn, Mann und Stette geschege unnd
 so oft es an den herrn von Stettin zu fall kome, das die schriftlich vernewet wurd, mocht der handtelt em-
 pfangung der lehenn des ehr Inn gedult gestalt werden, denn nach dem unnsrer gnedigster herr hertzog
 Buxleff sein leben lanng der lehn vertragen wolt, die von seinen gnaden und seiner gnaden Erben zu em-
 pfangen, Es mochten die nachkomenden hern von Stettin sich auch gegen der Herrschafft zu Brandenburg also
 halten unnd freuntlich erzeigen, man stellet die empfangung auch Inn gedult wy ykund; Davon wolten die
 Stettinischen abermals keinen handtelt leyden unnd sagten wie vor Es wer solichs Inn keinen weg bey
 Irem herrn zu erlangen, wolt man aber die verschreybung des Erbfalls uber die landt von Im unnd seinen
 Unndertanen neben Im nehmen, darein hett er bewilligt unnd so das geschee, so wolt er leyb gut landt unnd
 lewt, mit unnsrem gnedigsten herrn, seiner gnaden Erbenn und bey dem haws zu Brandenburg zusehen unnd
 vill lieber zu dinst und willen sein, wenn andern, die vast ser darnach stelten, Als wir Marggravischen den
 handtelt auff angezeygte wege nicht weyter oder ferrer bringen noch erlangen mochten, Sagten wir zu den
 Stettinischen Räten, sie solten doch auff andre mittell gedemcken, dadurch die empfangung der lehenn vergleicht
 mocht werden; Darauff antworteten sie, sie wusten kein andre wege, wenn so die verschreybung wie die erbot-
 ten zu kurz angezeygt were, das man die mocht erweytern, doch das der substancien nicht abgebrochen wurd;
 Darauff namen wir uber nacht ein bedacht, angesehen beswerung des handtels, dann wir merckten allenhalben
 das Hertzog Buxleff unnd die seinen die helffe gestreckt unnd von der hane nicht zu bringen warn. Des
 andern tags als beyderseit Räte der Fursten zusammen kamen sagten wir Marggravischen, lieben herrn
 unnd freund Es ist die zeyt here vast mit scharffen worten unnd unfreuntlich an ewern Stettinischen part ge-
 handtelt, des wir unns nicht hetten versehen, solten wir auch also handteln, machte wenige fruntschafft sunder
 mehr widerwillens daraus verderb land und lewte entsteen unnd kommen mochten, Wir haben auch vonn unns-

sern gnedigsten hern Marggraven Johannsen schriftlichen unnd andern bevelh, der unns durch sein gnad gegeben, der vast hart ist, auch daruber nichts zu begeben, hetten wir darnach sollen handeln und nochmals thun, so emdet sich der tag bald, was das zwischen unnsern gnedigsten und gnedigen hern frundschaftt unnd guts willens brecht, mogt Ir abnemen, deshalb wer noch unnsere guttduncken, wir betrachtenn allenthalben die sachen bas unnd handelten mit zimlickait der sachen zu gutt unnd nicht zu wider, damit unnsere herrschafft mocht entscheyden werden; Dagegen entschuldigtem sich die Stettinischen Rete unnd sagten, Es wer Ir gemutt nicht anders, wenn In besten der sachen zu gutt zu handeln, was sie aber getan unnd thetten, hetten sie und nicht anders In bevelh, wo sie auch Frem bevelh zu wider handelten, mochten wir abnemen, was In daraus entstund, so sie zu Frem herrn kommen, Also nach vil hin und wider reden, Sagtenn die Stettinischen Rete, wir solten auff andere wenn vormals surgeslagene mittell gedemcken, desgleichen wolten sie auch thun, Darauff slugen wir Marggravischen fur die nachfolgenden mittell, So fern die unnsere gnedigster wolt annemen und der gesettigt sein, dann wir hetten des zu thun keinen bevelh, Dagegen slugen die Stettinischen auch ettliche nachgeschribne mittell und artickell, von wort zu worth Innhaltende wie hernoch volget fur, wiewol sie besorgten Ir herr wurde sie hart annemen oder den volg thun, doch wolten sie allen vleiss, nach Frem hochsten vermogen thun unnd das beste ratten zu frid und der sune dynende:

(Brand. Vorschlag.) Zum ersten soll Hertzog Buxleff fur sich unnd seine mennliche leybs lehens erben vonn seinem stammen herkomen sich verschreybenn bey seinen furstlichen wirden und trewen, wenn er vonn diser werlt an mennliche leybs lehens erben verscheydet unnd ab er leybs lehens Erben gewunne, die auch todeshalben an leybs lehens Erben abgingen, das alsdann alle seine landd und Furstenthumb Nemlich Stettin, pommern, Cassuben, Wenden, Wolgast, Barth und Rugen mit allen Ireu herlichkeyten landden und lewtten, Slossen, Westen, Stetten und dorffern, nichts aufgenomen, wo ein ittlichs an seinen Stetten ortten und grenigen beleggen ist, an den gnannten Marggrave Johannsen von Brandenburg Churfursten ic. unnd an seiner gnaden Erben und nachfomen des kurfurstenthumbs der Marck zu Brandenburg, an alle mittell und weygerung der Erblichen und kayserlichen gerechtigkeit nach so sein vofarn lanng czeyt gehabt unnd Inen aus kayserlichen unnd koniglichen gnaden gegeben sein komen unnd gefallen unnd sollen alsdem alle prelatten, herrn, Mann und Stette und Inwonere der gnannten land In was staudes und wesen die sein, sie fur Ire naturliche Erbherren uffnemen empfangen und halden, gehorsam sein huldigen unnd lehenspflicht thun.

Zum andern sollen sich prelatten, herrn, Mann unnd Stette unnd alle unterthan der gnannten Hertzogthumb Stettin, pommern, Cassuben, Wenden, Wolgast, partt, des Furstenthumbs zu Rugen und ander zugehorender landd mit dem obgnanten herrn Buxleffen Hertzogenn zu Stettin Frem Erbherren fur sich Ir erben und nachkommen, bey Ireu trewen und Eren verschreyben, wenn der gnannt Ir gnediger herr an leybs mennliche lehens Erben, oder so er leybs lehens Erben gewunne unnd die auch an leybs lehens Erben abgeen unnd versterben da gott lanng vor sey, alsdann nymands anders zu einem Erbherren unnd landdsfursten aufzunemen, wenn den hochgebornnen Fursten herrn Johannsen Marggraven zu Brandenburg Churfursten und nach seinem tode sein lehens Erben Marggraven zu Brandenburg die Churfursten sein unnd das In uberantwortung solicher verschreybung die gedachten prelatten, herrn, Mann unnd Stette und unndertthan Frem gnedigen Herr Hertzogenn Buxlassen bey Ireu pflichten unnd eyden die sie seinen gnaden getan haben In beytweisen ettlicher Marggraven Johannsen oder seiner Erben Rete solichs zu thun geloben unnd zu sagen unnd das soliche verschreybung unnd glubde, so offe und dicke ein fall an den Regirenden Marggraven zu Brandenburg Churfursten ic. und Herzogen zu Stettin pommern ic. geschicht wie angezeigt vernewet werden.

Der hulff halbenn, so mann keyserlicher und koniglicher Maiestat unnd dem heyligen Reich igund und hinsur thun unnd aufgelegt werden, das alsdann Hertzog Buxleff unnd sein mennlich leybs lehens Erben, mit irem eigen kofsten unnd schaden Ire gnaden unnd dem heyligen Reich dinen sollen, nach der anzahl,

wie die land der Herzogthumb zu Stettin, Pommern etc. angeflagen werden und das das volk unnd hewbt-
 lewt neben Marggraven Johannsen Churfürsten unnd seiner gnaden lehens Erben ye zur zeyt Churfürsten
 volk unnd hewbtlewt schicken oder sovill geldes so mann hzund darauff gelegt unnd hinfur legen wirt bezalt
 unnd außrichten.

Item das Hertzog Buxleff sein leybs lehens Erben unnd underthan Marggraven Johann-
 sen Churfürsten seiner gnaden brüder unnd Zren lehens erben den tittel der land unnd Hertzogthumb
 zu Stettin pommern etc. geben, das soll widerumb also gehalten werden, damit zwischen iren gnaden allens-
 halben lieb unnd fruntschafft gemert gehaldenn unnd zu grosser einigkeit komen mogen unnd das darauff zwischen
 iren gnaden allenshalben ein fruntliche eynung und vertracht gemacht werde wie sie sich gegeneinander mit Rath
 hulff unnd beystande halten sollen, Ob auch Zerung zwischen iren gnaden oder iren unndertanen erwachsen
 unnd entstanden, wie die gehandelt und abgetragen sollen werden.

(Pomm. Antwort.) Den Ersten artickell von wegen der verschriynge de unnsse gnedigste herr hertog
 Buxlaff unnd de zinen des ansals halven ziner gnaden land und lude unnssem gnedigen herrn Marggraven Jo-
 hannsen und dem forforstendome to Brandenburg don scholde, willen wy an unnsen gnedigen herrn bringen,
 In toversicht so ferne men der andern stucken eins wirdet, zine gnade wert zif In dem glimplik vinden latten
 unnd zif des nicht weygerende.

Den andern artickell der hulpe unnd volge halven der keyserlichen und koniglichen Maiestat
 unnd des heyligenn Rikes, dat unnsse gnedige herr zin anpart der hulpe und volge na antale so ziner gnaden
 lande angeflagen worden, nevens unnses gnedigen hern Marggrave Johannsen unnd der nakomenden
 Chorforsten to Brandenburg hulpe unnd volge don unnd schicken scholde, wyllen wy gerne an unnsen gnedigen
 hern bringen, Overs wy besorgen und dem na, wo zine gnade den Rede bewagen und unns mit gedan hefft,
 dat zine gnade dem In solicker gestalt nicht wert Jugande, zif Zenigerley wis to verpflichtende noch to vorschri-
 vende zine hulpe unnd volge der keyserlich und koniglich maiestat unnd des hilgen Romischen Rikes by unnses
 gnedigen hern Marggrave Johannses to donde und to schickennde, Orsakenn halven de zine gnade darto
 menigfalt bewegen, Of So idt vor de gemeinen ziner gnaden prelatten, herrn, Manne und Stede gweme wor-
 den ze zif dar dorch bestwart beduncken latten unnd dat de anslach der hulpe unnd volge so vaken mochte
 kamen dat zine gnade unnd de lant de nicht dragen konnden, Of dat ze dardorch tributuray worden, darume
 hefft unns zine gnade to dem Stuke, so idt unns beZegenen wurd to antwerdende befallen, unns van ziner
 gnaden wegen nynerley wis darIn to gevende Sunder wert zine gnade van unnssem allergnedigsten herrn dem
 Romischen keyser edder konig, efft van dem hilligen Rike wortto gefordert, dar will zif sine gnade mit eren key-
 serlichen und koniglichen Maiestaten umme vordragen unnd zif gelik den andern umme setteden Forsten des Rikes
 geborlik holden, Zodoch willen wy den artickell gerne an zine gnade bringen, wert unns ander antwerde van
 zinen gnaden darup beZegenen, dat willen wy Ziv up den negestkamenden dach vernemen latten.

Tom drudden umme den tittel, dat unnsse gnedige herr ziner gnaden lives lens erben unnd un-
 dersfatten unnssem gnedigsten herrn Marggraven Johannsen ziner gnaden bröddern und levs erben den geben und
 schriwen mochten hebben wy warlik In vorstandt und wetten van ziner gnade, dat zine gnade sulkent mit
 nichte deyt unnd unns befallen sulkent nicht van ziner gnaden wegen antonemende Sunder dat unnsse gnedigste
 und gnedige herrn Marggrave Johanns unnd siner gnaden broder In eren breven unnd schrifften zif des tit-
 tels brufen dat leech sine gnade scheen, Overs zine gnade will eren gnaden den tittel nicht schriwen of den zinen
 to tonde nicht hetten.

Hirup is dorch beyder herrn geschickede Rede ein annder dach genommet Remlik am dage
 Jacobi negestkamende uppen advent to konigßberge to synde, unnd am negeften dage darna, watt islick part
 van zinem herrn to antwerde gekregen und entsanngen hefft, verluden to lattendende unnd furder to handelen up
 de andern artickele unnd stucken de durch unnsen gnedigen hern Hertoge Buxlaffe am negeften tom Ber-

Ein schriftlich geboden und vorantwortet zint, Worde of unser hern en redelike orsakenn Infallende dat ere gnaden den dach up Jacobi nicht werden konden, dat he solt dem andern hern tidlik vor sunte Jacoben vorschreibe und enen andern dach fort na Sunte Jacoben vorschreibe und bestimme, werth overs de dach nicht affgeschreiben, So schall he up Jacobi to konigßberg gewißlik gehalten werden.

Der Tag wurde auf Walpurgentag erstreckt.

CII. 1493. König Wladislaus von Böhmen begibt sich des Wiederkaufs an Crossen.

Wir Wladislaus von gotts gnaden zu hungern Behem Dalmatien Croacien ic. Kunig Marggrave zu Meherern Hertzoge zu Lucemburg und zu Slesien und Marggrave zu Lausitz ic. Bekennen u. s. w. Nachdem der durchleuchtige Furste Herr Mathias konig zu Hungern und Behem ic. unser vorsehen seliger, der hochgebornen Furstin und fursten frawen Barbaren geborne Marggravin zu Brandenburg, In Slesien und von grossen Slogaw ic. nachgelassen Herzogynne, Heren Albrechten weylant Eurfursten ic. herrn Johansen herrn Fridrichen allen Marggraven zu Brandenburg ic. und iren erben Crossen Slos und Statt Sommerfelt Slos und Statt Ezulch Slos und Statt mit allen iren Zugehorungen Manschaften Lehenschafften und geistlich und werntlich nichts außgenommen füre funffzig tausent hungerische gulden im namen eins widerkauffs verkauft und vorschreyben hat, Nach Inhalt seyner lybe bryve daruber usgangen, der von wort zu wort also lawtett: Wir Mathias von gotts gnaden zu hungern u. s. w. Also haben die vorgeannten unser lyben Bruder Oheim und Sweger herr Johans des heyligen Romischen Reichs Ertzkamerer und Eurfurst, here friderich und here Sigmundt gebruder alle Marggraven zu Brandenburg, zu Stettyn n. s. w. von iren und obermelter icer Swester wegen uns ersucht und gebeten solche verschreybung als eyn kunig zu Behem zu Confirmiren und zu bestettigen, haben wir darinne die billikeyt angesehen und betracht darzu lybe und fruntschafft die wir allewege den vorgeannten unsern lyben Brudern, Oheimen und Swegern zu erzeugen geneygt syndt und von koniglicher macht wegen mit wolbedachtem mute rechter wyssenn und gutem Rathe unser Behemischen Cron solche Vorschreybung wie igt gemelt ist, wie die von wort zu wort lawtett bestettiget und confirmiret, Bestettigen und Confirmiren die vor uns unser erben und nachkommen konigen zu Behem hiemit und in Crafft und macht diß bryffs und wollen das die In allen iren puncten und artickeln Macht und Crafft haben und gehalten werden sollen und wie wol In solcher konig Mathias Verschreybung uns und unsern nachkommen konigen zu Behem oder wem wire das zu thun gestatten wurden, den Widerkauff vor die funffzig tausent gulden hungerisch an den obgenannten Slossen, Stetten, Landen und Lewten vorbehalten ist So haben wir doch denn genanten hiemit vorschreyben, bewilligen und vorschreyben aber von koniglicher Macht wegen, das wir unser Erben und nachkommen konig zu Behem auch sunst nymants anders gestatten wollen und sollen, Solchs Slos, Stette, Land und Lewte mit aller Irer Zugehorunge dieweil der vorgeannte unser lyber bruder Marggraff Johans Churfurst, Marggraff Joachim, Marggraff Albrecht und ander nachkommen seyner Liebe Leipliche und Celiche Son am leben seyn nicht abzukauffen, wenne aber die, das gott lange wende im Leben nymmer seyn werden, dann und nicht eher mogen wir unser erben und nachkommen konig zu Behem von des vorgeannten Marggraff Johansen Churfursten Seyner Lieben Sönen nachgelassen Lebens Erben Marggraven zu Brandenburg vor die vorgeannte Summen funffzig tausent hungerisch gulden, wes sie auch vorsehnter Rent und zins die vormals von uns unsern vorsehen konigen zu Behem zu Sumerfelt oder durch die vorigen Hertzogen zu Crossen und Ezulch vorsehnt weren losen oder abkeuffen wurde, Sollen und wollen wir unsere Erben und nachkommen konig zu Behem solche Summe nach Inhalt der bryve daruber usgangen, auch

dorzu
Sum
men
Lehen
kundi
ten
und
Joh
Solch
Wege
bey u
len o
unser
1493

C
Bran
Frid
zu der
horun
Weyß
det,
Unser
nisch
sollen
graf
erben
Cros
dieweil
ser S
alle S
aber
ausge
unnd
schny
Sunt.

dorzu drey tausent gulden die Ire Lieben an solchen Slossen vorparwen moge mitsampt der vorangezeigten
 Summen der funffzig tausent gulden hungarisch entrichten und bezalen und wenne wir unser erben und nachfo-
 men konigen zu Behem das zu thun gemeint, solchen widerkauff thun wollen Sollen und wollen wir Iren
 Lebens Erben Marggraven zu Brandenburg unter unserm koniglichen Insigell ein Jar vor cathedra Petri vor-
 kundigen, wenne denne wire sie solcher funffzig tausent gulden ungerisch mitsampt der Summen der erlosten Ren-
 ten und Zinsen auch drey tausent gulden parwegelt der betweylich were und sie genugsam anzeigen, genugsam
 und zu danck pezalet haben, denne und nicht eher sollen des vorgeantanten unsers lyben bruders Marggraff
 Johansen Churfursten seyner Lieb Sonen nachgelassen Lebens Erben uns und unsern nachkommen konigen zu Behem
 Solch Sloss, Statt, Lant und Lewtt wider abetretten. Dem allen und iglichen also gestrack uffrichtiglich und on alle
 Wegerung volg und volshung zu thun versprechen wir vor uns unser erben und nachkommen konig zu Behem
 bey unserm koniglichen worte mit und in Crafft dieß bryeffs, Auch das wir darwider nicht seyn noch thun sol-
 len oder wollen durch uns selbst noch ymands anders in feyn Weys noch weg. Des zu urkund haben wir
 unser koniglich Insigell hieran lassen hengen. Geben zu Ofenn am Montag nach Nativitat. Marie virginis
 1493 unser Reiche des Hungarischen ic. Im 4ten und des Behemischen im 23ten Jaren.

Der eingerückte Brief König Mathias von 1482 steht in v. Ledebur Archiv Bd. 2. p. 185.

III. 1494. Churf. Johann vergleicht sich mit seinen Brüdern wegen Crossen.

Zu wissen das Wir von gots gnaden Johans kurfurste ic. und Fridrich marggraven zu
 Brandenburg zu Stettin u. s. w. Uns auff hevt dato der anforderung halben, So wir Marggraff
 Fridrich und unser bruder Marggrave Sigemund vom wegen unserer Swester Frauen Barbaren,
 zu dem genanten unserm Bruder Marggraven Johanssen, des Furstenthumb und Landes Crossen zube-
 horung und Sommerfeldt halben gehabt, gutlich verehnt und bruderlichen vertragen, Inn nachfolgender
 Weyse und also, Wenn die genant unser aller Swester Frau Barbara verheyrat und einem Mann gegeben wir-
 det, das alsdann Wir Marggrave Johans oder Unser erben den genanten unsern brudern, zu Mittgiff
 Unserer Swester Sechstausent und darzu Tausent gulden Reinish zu außstewer zusambt Dvetausent gulden Re-
 nisch die unser bruder unser Swester zu mitgiff das sie Zehentausent gulden Mitgiff erlangen und habe, geben
 sollen und wollen. Darauff so sagen Wir genanter Marggraff Fridrich fur uns, unsern bruder Marg-
 graf Sigemund und unser erbenn den genanten unsern bruder Marggraffen Johanssen Churfursten und sein
 erben aller ansprach, so wir vom genanter unser Swester wegen zu dem genanten Land und Furstenthumb
 Crossen Czulch und Sommerfeldt gehabt haben ganz quit ledig und loß, Inn Crafft dies brieves, doch
 dieweyl und Wir Marggrave Johans kurfurst unsern brudern das gelt zu Mittgiff nicht außgeben, auch un-
 ser Swester nicht beraten wurd So sollen und wollen wir nichts bestemynder unser Swester Frauen Barbaren
 alle Jar zweyhundert gulden, die Wir Ir zu Nurenberg verschribenn mittler zeyt geben und bezalen. Wenn
 aber unser Swester verheyrat wirdt und wir Marggraff Johans die oben angezeigten Siben tausent gulden
 außgeben, so sollem uns unser lieb bruder von wegenn unser Swestere genntzlichen aller ansprachen quittiren
 unnd vorsicherung thun. Unnd des zu warem Urkund haben Wir unser Sigell unnd Sekret auf bis außge-
 schnyten zedell gedruckt der zwei gemacht ygelichen teyl eine geantwortt, Gescheen und geben zu Ratonow am
 Suintag nach Corporis Cristi 1494.

CIV. 1493. König Wladislaus von Böhmen gestattet, daß Churf. Johann Zossen an sich bringe.

Wir Wladislaus vonn gotts gnaden zu hungern Beheym Dalmacien Croacien ꝛ. koning Marggrave zu Merren hertzog zu Lucemburg und in Slesien und Marggrave zu Law. sitz ꝛ. Befennen u. s. w. nachdem der hochgeborne furste unser lieber Bruder, oheym und Swager, her Johans Marggrave zu Brandenburg des heiligen Romischen Reichs Ertzkamerer und Cursurf zu Stettyn u. s. w. von Georgen vom Steyn die herrschafft Zossen Slos und Stettleyn mit seiner ein und Zugehorung erkawft und Innen hat, gebraucht und besitz, das wir in solichen kawff verwilliget haben, Willigen auch hiemit in craft dies bryffs in solichen kawff vor uns unsre erben und nachkomen konig zu Beheim doch unshedlich Ihenen mit namen Jaroslawn von Sterenbergs seligen Sunen Beneschs Colobrades, heinrich von Eynsydels, Jobsts Szori umd derer vonn Eylburgs von Sprewssen die denne vormeynen anforderung und gerechtigkeit zu der genanten herschaft und Slos zu haben an iren rechten und wo dieselbigen den genanten unnsern brudern oheym und Swegern Marggraffen Johansen anforderung unnd spruch der Zossen halben nicht vermeineten zu vorlassen, Szo hat sich der genante unser bruder oheym und Swager vor uns als lehenherr an billichen stetten, do es sich zu verreechten gebort recht zu pflegen erbotten wie recht ist, das wir darum auf derer obgenanten anruffen forderlich tag setzen wollen und ergeen lassen was recht ist, wollen auch unns unser gerechtigkeit die wir vermeynen an der Zossen und herschaft zu haben oder in eynige wege daran haben unrechte wider den genannten unnsern brudern und Dheim und Swager wider gutlichen noch rechtlichen gebruchen in feyn wyse on geser. Wir behalten auch vor an der genanten herschaft, Slos und Stettleyn Zossen unns unsern erben und nachkomen kunig zu Beheim den widerkauff umb Zwey und zwenzick thusent gulden Meynisch und nicht heber zu thun Szo wir die des genanten unsers bruders und Swagers Marggraven Johans Sone menslichen erben entricht und bezalen, das uns unsern erben und nachkomenden kunig zu Beheim gestat werden soll one verhinderung des genanten unsers bruders und Swagers Sone erben, doch sollen und wollen wir unser erben und nachkomen kunig zu Beheim solichen widerkawff nicht macht noch gewalt haben zu thun noch zu thun gestatten des gemelten unsers bruders und Swagers und seyner leyblichen Szone, die er itzundt hat, nemlich Marggraven Joachim und Marggraven Albrecht oder hinfur gewonnen were alle vor und ydes lebenslangt us und wanner also die genante Marggrave Johans und seine Szone die er itzundt hat oder hinfur uberqueme mit tode verscheyden, das gott lang wende, Alzdann haben wir unser erben und nachkomende konige zu Beheim macht und gewalt und nicht eher die herschaft und Slos Zossen von iren erben, vor die vorderurte Summa Zwey und zwenzick thusent gulden rinisch abezukawffen und die Bezalung zu thun zu Corbus oder Crossen an der ende eynen zu iren sichern henden unnd wenn wir unser erben und nachkomeden konig zu Beheim solichen widerkauff thun wollen, sollen wir des genanten unsers Bruders und Swagers Sone nechsten menslichen erben ein iar vor Petri Cathedra genant mit unserm koniglichen bryff verkunden und zuschrieben und wen also solicher widerkauff gescheen und das gelt darfur bezalt ist, alsdann und nicht eher sollen unns des genanten unnsers bruders und Swagers Sone nechsten erben soliche herschaft Slos und Stat abetreten, und die bryff wider geben alls on geberde. Auch ob was durch die herrn von Torgow oder ire voffaren vorsatz und vorpfindet worden were und das unser bruder und Swager oder seine Sone loseten und zu iren handen brechten und solichs genuglichen anzeigen, das alsdann solich gelt mitsampt den zwey und zwenzick thusent gulden rinisch von uns unsern erben und nachkomenden konig des genanten unsers bruders und Swagers Sone menslichen erben entricht und bezalt werden solle one argelift, des zu urkund u. s. w. geben zu Ofen am Freytag quatnor temper nach pfingsten 1493 unser Reiche des hungerschen im 3ten des behmischen im 22 Jaren.